



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

W. M. Smith
T I T I L I V I I
P A T A V I N I
H I S T O R I A R U M
A B U R B E C O N D I T A
L I B R I Q U I S U P E R S U N T,
C U M
O M N I U M E P I T O M I S,
A C
D E P E R D I T O R U M F R A G M E N T I S:

Ad optimas editiones castigati,

Accurante THO. RUDDIMANNO, A. M.

T O M U S II.

EDINBURGI,
In ædibus T. & W. RUDDIMANNI,
Veniunt autem apud G. HAMILTON, A. KINCAID,
ac socios, & J. BROWN.

M. DCC. LI.

KPC 1150(2)
~~22.16.165~~

1861, Feb. 4.
Gift of
Prof. Conners. Francis
of Cambridge
(Class of 1815.)

2

T. LIVII PATAVINI HISTORIARUM LIBER NONUS.

E P I T O M E.

II, III, &c. **T** Veturius & Sp. Postumius apud Caudinas Furcas, deducto in locum arctum exercitu, quum nulla spes evadendi esset, fœdere eum Samnitibus facto, & sexcentis equitibus Romanis obsidibus datis, ita exercitum abduxerunt, ut omnes sub jugum mitterentur. VIII, IX, &c. Idemque, auctore Sp. Postumio consule, (qui in senatu suaserat, ut eorum deditiōne, quorum culpā tam deforme fœdus ictum erat, publica fides liberaretur) cum duobus tribunis plebis & omnibus, qui fœdus sponponderant, dediti Samnitibus, non sunt recepti. XIV, &c. nec multo post, fusis à Papirio Cursore Samnitibus & sub jugum missis, receptisque sexcentis equitibus Romanis, qui obsides dati erant, pudor prioris flagitii abolitus est. XX. Tribus due adjecta sunt, Ufentina & Falerina. XXVIII. Sueffa & Pontia colonia deducta sunt. XXIX. Ap. Claudius censor aquam perduxit: viam stravit, quæ Appia vocata est: libertinorum filios in senatum legit. XXX. Ideoque, quoniam is ordo videbatur inquinatus indignis, sequentis anni consules in senatu legendo observaverunt, quemadmodum antè per proximos censores observatum fuerat. XXXV, &c. Res præterea contra Apulos; Etruscos, Umbros, Marsos, Pelignos, Æquos & Samnites, quibus fœdus erat restitutum, prospere gestas continet. XLVI, Flavius scriba, libertino patre natus, edilis curulis fuit perforensem factionem creatus: quæ quum comitia & campum

TOM. II.

A

turbaret,

turbaret, & in iis propter nimias vires dominaretur, à Q. Fabio censore in quatuor tribus redacta est, quas urbanas appellavit. Eaque res Fabio Maximo nomen dedit. XVII, &c. In hoc libro mentio Alexandri Magni, qui temporibus his fuit; &, aestimatis populi Romani viribus, quae tunc erant, colligitur, si Alexander in Italiam trajecisset, non tam facilem ei victoriam de populo Romano fore, quàm de iis gentibus, quas ad Orientem imperio suo subjecerat.

I. **S** EQUITUR hunc annum nobilis clade Romanâ Caudina pax, T. Veturio Calvino, Sp. Postumio consulibus. Samnites eo anno imperatorem C. Pontium, Herennii filium, habuerunt, patre longè prudentissimo natum, primum ipsum bellatorem ducemque. Is, ubi legati, qui ad dedendas res missi erant, pace infectâ redierunt, *Ne nihil actum, inquit, hac legatione censeatis, expiatum est, quicquid ex fœdere rupto irarum in nos cœlestium fuit. Satis scio, quibuscunque Diis cordi fuit, subigi nos ad necessitatem dedendi res, quae à nobis ex fœdere repetita fuerant, iis non fuisse cordi tam superbè ab Romanis fœderis expiationem spectatam. Quid enim ultra fieri ad placandos Deos mitigandosque homines potuit, quàm quod nos fecimus? Res hostium in prædâ captas, quae belli jure nostra videbantur, remisimus: auctores belli, quia vivos non potuimus, perfunctos jam fato dedidimus: bona eorum, ne quid ex contagione noxae remaneret penes nos, Romam portavimus. Quid ultra tibi, Romane, quid fœderi, quid Diis arbitris fœderis debeo? quem tibi tuarum irarum, quem meorum suppliciorum judicem feram, neminem, neque populum, neque privatum, fugio. Quòd si nihil cum potentiore juris humani relinquitur inopi, at ego ad Deos vindices intoleranda superbia confugiam; & precabor, ut iras suas vertant in eos, quibus non suae redditae res, non alienae accumulate satis sint; quorum sevitiam non mors noxiorum, non deditio exanimatorum corporum, non bona sequentia domini deditionem exsatiarent. Placari nequeunt, nisi haerendū*

dam sanguinem laniandaque viscera nostra præbuerimus. Justum est bellum, Samnites, quibus necessariam; & pia arma; quibus nulla nisi in armis relinquitur spes. Proinde, quam rerum humanarum maximum momentum sit, quam propitiis rem, quam adversis agant Diis, pro certo habete, priora bella adversus Deos magis, quam homines, gessisse; hoc, quod instat, ducibus ipsis Diis gesturos.

II. Hæc, non læta magis, quam vera, vaticinatus; exercitu educto, circa Caudium castra, quam potest occultissimè, locat: inde ad Calatiam, ubi jam consules Romanos castraque esse audiebat, milites decem pastorum habitu mittit: pecoraque diversos, alium alibi, haud procul Romanis pascere jubet præsidiis: ubi inciderint in prædatores, ut idem omnibus sermo constet, *legiones Samnitium in Apulia esse, Luceriam omnibus copiis circumfedere: nec procul abesse, quin vi capiant.* Jam is etiam rumor antè, de industria vulgatus, venerat ad Romanos; sed fidem auxere captivi, eo maximè, quòd sermo inter omnes congruebat. Haud erat dubium, quin Lucerinis opem Romanus ferret, bonis ac fidelibus fociis; simul ne Apulia omnis ad præsentem terrorem deficeret. ea modò, quæ irent, consultatio fuit. Duæ ad Luceriam ferebant viæ; altera præter oram superi maris patens apertaue, sed, quanto tutior, tanto ferè longior; altera per Furculas Caudinas brevior. Sed ita natus locus est. saltus duo alti angusti silvosi-que sunt, montibus circà perpetuis inter se juncti. jacet inter eos satis patens clausus in medio campus, herbidus aquosusque, per quem medium iter est. Sed antè, quam venias ad eum, intrandæ primæ angustię sunt: & aut eadem, quæ te insinuaveris, retro via repetenda; aut, si ire porrò pergas, per alium saltum arctiorem impeditioremque evadendum. In eum campum viâ aliâ per cavam rupem; Romani, demisso agmine, quum ad alias angustias protinus pergerent, septas dejectu arborum, saxorumque ingentium obsta-

centem molem invenere. quum fraus hostilis apparuisset, præsidium etiam in summo saltu conspicitur. Citati inde retro, quâ venerant, pergunt repetere viam. eam quoque clausam suâ obice armisque inveniunt. sistunt inde gradum sine ullius imperio: stuporque omnium animos, ac velut torpor quidam insolitus membra tenet: intuentesque alii alios (quum alterum quisque compotem magis mentis ac consilii ducerent) diu immobiles silent. Deinde ubi prætoriam consulum erigi videre, & expedire quosdam utilia operi, quanquam ludibrio fore munientes, perditis rebus ac spe omni ademptâ, cernebant; tamen, ne culpam malis adderent, pro se quisque, nec hortante ullo nec imperante, ad muniendum versi, castra propter aquam vallo circumdant; sua ipsi opera laboremque irritum (præterquam quod hostes superbè increpabant) cum miserabili confessione eludentes. Ad consules mœstos, ne advocantes quidem in consilium, (quando nec consilio nec auxilio locus esset) suâ sponte legati ac tribuni conveniunt: militesque ad prætorium versi, opem, quam vix Dii immortales ferre poterant, ab ducibus exposcunt.

III. Querentes magis, quàm consultantes, nox oppressit. quum pro ingenio quisque fremerent: alius, *per obices viarum*; alius, *per adversa montium, per silvas, quâ ferri arma poterunt, eamus*. Modò ad hostem pervenire liceat, quem per annos jam prope triginta vincimus; omnia aqua & plana erunt Romano, in perfidum Samnitum pugnanti. alius, *Quò, aut quâ eamus?* Num montes moliri sede suâ paramus? Dum hac imminébunt juga, quâ tu ad hostem venies? *Armati, inermes, fortes, ignavi, pariter omnes capti atque victi sumus. Ne ferrum quidem ad bene moriendum oblaturus est hostis: sedens bellum conficiet.* His in vicem sermonibus, quâ cibi, quâ quietis immemor, nox traducta est. Ne Samnitibus quidem consilium in tam lætis suppetebat rebus. itaque universi Herennium Pontium, patrem imperatoris, per literas consulendum

lendum censent. Jam is gravis annis non militaribus solum, sed civilibus quoque, abscesserat muneribus: in corpore tamen affecto vigeat vis animi consilii. Is, ubi accepit, ad Furculas Caudinas inter duos saltus clausos esse exercitus Romanos, consultus ab nuncio filii, censuit, omnes inde quam primum inviolatos dimittendos. quæ ubi sprete sententia est, iterumque, eodem remeante nuncio, consulebatur, censuit, ad unum omnes interficiendos. Quæ ubi tam discordia inter se, velut ex ancipiti oraculo, responsa data sunt; quamquam filius ipse in primis jam animum quoque patri consensuisse in affecto corpore rebatur; tamen consensu omnium victus est, ut ipsum in concilium acciret. Nec gravatus senex plastro in castra dicitur advectus, vocatusque in concilium ita ferme locutus esse, ut nihil sententiæ suæ mutaret; causas tantum adjiceret: *Priore se consilio, quod optimum duceret, cum potentissimo populo per ingens beneficium perpetuam firmare pacem amicitiamque: altero consilio in multas atates, quibus, amissis duobus exercitibus, haud facile receptura vires Romana res esset, bellum differre: tertium nullum consilium esse. Quum filius aliique principes percunctando exsequerentur, Quid si media via consilii caperetur; ut & dimitterentur incolumes, & leges iis jure belli victis imponerentur? ista quidem sententia, inquit, ea est, quæ neque amicos parat, neque inimicos tollit. Servate modò, quos ignominia irritaveritis. ea est Romana gens, quæ victa quiescere nesciat. Vivet semper in pectoribus illorum, quicquid istuc præsens necessitas inusserit; neque eos ante multiplices pœnas expetitas à vobis quiescere sinet.*

IV. Neutra sententia accepta. Herennius domum è castris est avectus. Et in castris Romanis quum frustra multi conatus ad erumpendum capti essent, & jam omnium rerum inopia esset; victi necessitate legatos mittunt, qui primum pacem æquam peterent: si pacem non impetrarent, uti provocarent ad pugnam.

Tum Pontius, *debellatum esse*, respondit: & quoniam ne victi quidem ac capti fortunam fateri scirent, inermes cum singulis vestimentis sub jugum missarum: alias conditiones pacis aquas victis ac victoribus fore; si agro Samnitium decederetur, colonia abducerentur, suis deinde legibus Romanam ac Samnitem a quo fœdere victurum. His conditionibus paratum se esse fœdus cum consulibus ferire: si quid eorum displiceat, legatos redire ad se vetuit. Hæc quum legatio renunciaretur, tantus gemitus omnium subito exortus est, tantaque mœstitia incessit, ut non gravius accepturi viderentur, si nunciaretur, omnibus eo loco mortem oppetendam esse. Quum diu silentium fuisset, nec consules aut pro fœdere tam turpi, aut contra fœdus tam necessarium hiscere possent; tum L. Lentulus, qui tum princeps legatorum virtute atque honoribus erat, Patrem meum, inquit, consules, sæpe audiui memorantem, se in Capitolio unum non fuisse auctorem senatui redimendæ auro à Gallis civitatis, quando nec fossâ valloque ab ignavissimo ad opera ac muniendum hoste clausi essent; & erumpere si non sine periculo magno, tamen sine certa perniciæ possent. Quod si, ut illis decurrere ex Capitolio armatis in hostem licuit, (quo sæpe modo obsessi in obsidentes eruperunt) ita nobis a quo aut iniquo loco dimicandi tantummodo cum hoste copia esset, non mihi paterni animi indoles in consilio dando deesset. Equidem mortem pro patria præclaram esse fateor: & me vel devovere pro populo Romano legionibusque, vel in medios me immittere hostes paratus sum. Sed hîc patriam video, hîc quicquid Romanarum legionum est. quæ, nisi pro se ipsis ad mortem ruere volunt, quid habent, quod morte suâ servant? Tecta urbis, dicat aliquis, & mœnia, & eam turbam, à qua urbs incolitur. immo, hercule, prodantur ea omnia, deleta hoc exercitu, non servantur. Quis enim ea tuebitur? imbellis videlicet atque inermis multitudo? tam, hercule, quàm à Gallorum impetu defendit. An à Vejis exercitum Camillumque ducem implorabunt? Hæc omnes spes opeque sunt, quas servando patriam servamus; dedendo ad necem patriam deserimus.

mus ac prodimus. At fœda atque ignominiosa deditio est. Sed ea caritas patriæ est, ut tam ignominiam eam, quam morte nostrâ, si opus sit, servemus. Subeatur ergo ista, quancunque est, indignitas; & parentur necessitati, quam ne Dii quidem superant. Ite, consules, redimite armis civitatem, quam auro majores vestri redemerunt.

V. Consules profecti ad Pontium in colloquium, quum de fœdere victor agitaret, negârunt, injussu populi fœdus fieri posse: nec sine fecialibus ceremoniaque alia solenni. Itaque non, ut vulgò credunt, Claudiusque etiam scribit, fœdere pax Caudina, sed per sponsonem, facta est. Quid enim aut sponsoribus in fœdere opus esset aut obsidibus, ubi pœcatione res transigitur? *per quem populum fiat, quo minùs legibus dictis stetur, ut cum ita Jupiter feriat, quemadmodum à fecialibus porcus feriatur.* Sponponderunt consules, legati, quæstores, tribuni militum; nominaque omnium, qui sponponderunt, exstant: ubi, si ex fœdere acta res esset, præterquam duorum fecialium, non exstarent; & propter necessariam fœderis dilationem obsides etiam sexcenti equites imperati, qui capite luerent, si pacto non staretur. Tempus inde statutum tradendis obsidibus exercituque inermi mittendo. Redintegravit luctum in castris consulum adventus, ut vix ab iis abstinerent manus, quorum temeritate in eum locum deducti essent; quorum ignavia fœdiùs inde, quam venissent, abituri. illis non ducem locorum, non exploratorem fuisse: bel-luarum modo cæcos in foveam missos. Alii alios intueri, contemplari arma mox tradenda, & inermes futuras dextras, obnoxiaque corpora hosti. proponete sibi met ipsi ante oculos jugum hostile, & ludibria victoris, & vultus superbos, & per armatos inermium iter: inde fœdi agminis miserabilem viam, per fociorum urbes reditum in patriam ad parentes, quò sæpe ipsi majoresque eorum triumphantes venissent. Se solos sine vulnere, sine ferro, sine acie victos: sibi non

stringere licuisse gladios, non manum cum hoste conferre: sibi nequicquam arma, nequicquam vires, nequicquam animos datos. Hæc frementibus hora fatalis ignominiae advenit, omnia tristiora experiundo factura, quam quæ præceperant animis. Jam primum cum singulis vestimentis inermes extra vallum exire jussi, & primi traditi obsides, atque in custodiam abducti. Tum à consulibus abire lictores jussi, paludamentaue detracta; tantam inter ipsos qui, paulo antè eos execrantes, dedendos lacerandosque censuerant, miserationem fecit, ut, suæ quisque conditionis oblitus, ab illa deformatione tantæ majestatis, velut ab nefando spectaculo, averteret oculos.

VI. Primi consules propè seminudi sub jugum missi: tum, ut quisque gradu proximus erat, ita ignominiae objectus: tum deinceps singulæ legiones. circumstabant armati hostes, exprobrantes eludentesque: gladii etiam plerisque intentati: & vulnerati quidam necatique, si vultus eorum indignitate rerum acrior victorem offendisset. ita traducti sub jugum, &, quod penè gravius erat, per hostium oculos, quum è saltu evasisent, etsi, velut ab inferis extracti, tum primum lucem adspicere visi sunt, tamen ipsa lux ita deforme intuentibus agmen omni morte tristior fuit. Itaque, quum ante noctem Capuam pervenire possent, incerti de fide sociorum, & quòd pudor præpediebat, circa viam haud procul Capuam omnium egeni corpora humi prostraverunt. Quod ubi est Capuam nunciatum, evicit misratio justa sociorum superbiam ingentem Campanis. confestim insignia sua consulibus, fasces, lictores, arma, equos, vestimenta, commeatus militibus benignè mittunt: & venientibus Capuam cunctus senatus populusque, obviam egressi, justis omnibus hospitalibus, privatisque & publicis funguntur officiis: neque illis sociorum comitas, vultusque benigni, & alloquia non modò sermonem elicere, sed ne, ut oculos

Ios quidem attollerent, aut consolantes amicos contra intuerentur, efficere poterant. Adeo super mœrorem pudor quidam fugere colloquia & cœtus hominum co-gebat. Postero die quum juvenes nobiles, missi à Capua, ut proficiscentes ad finem Campanum prosequerentur, revertissent; vocatique in curiam percunctantibus majoribus natu, *multo sibi mœstiores & abjectioris animi visos, referrent; adeo silens, ac propè mutum agmen incessisse: tacere indolem illam Romanam, ablatoque cum armis animos. non reddere salutem, non salutantibus dare responsum, non hiscere quenquam prae metu potuisse, tanquam ferentibus adhuc cervicibus jugum, sub quo emissi essent. Habere Samnites victoriam, non præclaram solum, sed etiam perpetuam. cepisse enim eos non Romam, sicut antè Gallos; sed, quod multo bellicosius fuerit, Romanam virtutem ferociamque.*

VII. Quum hæc dicerentur audirenturque, & deploratum penè Romanum nomen in concilio sociorum fidelium esset; dicitur Ofilius Calavius, Ovii filius, clarus genere factisque, tum etiam ætate verendus, longè aliter se habere rem dixisse: *Silentium illud obstinatum, fixosque in terram oculos, & surdas ad omnia solatia aures, & pudorem intuende lucis, ingentem molem irarum ex alto animo cientis indicia esse: aut Romana se ignorare ingenia, aut silentium illud Samnitibus flebiles brevi clamores gemitusque excitaturum; Caudineque pacis aliquanto Samnitibus, quàm Romanis, tristioremem memoriam fore. Quippe suos quemque eorum animos habiturum, ubicunque congressuri sint: saltus Caudinos non ubique Samnitibus fore. Jam Romæ etiam sua infamis clades erat. Obsessos primùm audierunt: tristior deinde ignominiosæ pacis magis, quàm periculi, nuncius fuit. Ad famam obsidionis delectus haberi cœptus erat: dimissus deinde auxiliorum apparatus, postquam deditionem tam fœdè factam acceperunt: extemploque sine ulla publica auctoritate consensum in omnem formam luctus est. Tabernæ circa*
A 5 forum

forum clausæ, iustitiumque in foro suâ sponte cœptum prius, quàm indictum: lati clavi, annuli aurei positi; penè mœstior exercitu ipso civitas esse: nec ducibus solùm atque auctoribus sponsoribusque pacis irasci, sed innoxios etiam milites odisse, & negare urbe testisve accipiendos. Quam concitationem animorum fregit adventus exercitus, etiam iratis miserabilis. non enim tanquam in patriam revertentes ex insperato incolumes, sed, captorum habitu vultuque ingressi serò in urbem, ita se in suis quisque testis abdiderunt, ut postero atque insequentibus diebus nemo eorum forum aut publicum adspicere vellet. Consules, in privato abdit, nihil pro magistratu agere, nisi quod expressum senatusconsulto est, ut dictatorem dicerent comitiorum causâ. Q. Fabium Ambustum dixerunt, & P. Ælium Pætum magistrum equitum. quibus vitio creatis, suffecti M. Æmilius Papus dictator, L. Valerius Flaccus magister equitum. Nec per eos comitia habitata: &, quia tædebat populum omnium magistratum ejus anni, res ad interregnum rediit. Interreges Q. Fabius Maximus, M. Valerius Corvus. is consules creavit Q. Publilium Philonem & L. Papirium Cursorem iterum, haud dubio consensu civitatis, quòd nulli eâ tempestate duces clariores essent.

VIII. Quo creati sunt die, eo (sic enim placuerat Patribus) magistratum inierunt, solennibusque senatusconsultis perfectis, de pace Caudina retulerunt. & Publilius, penes quem fasces erant, *Dic Sp. Postumè,* inquit. Qui ubi surrexit, eodem illo vultu, quo sub jugum missus erat, *Haud sum ignarus,* inquit, *consules, ignominia, non honoris causâ me primum excitatum jussumque dicere, non tanquam senatorem, sed tanquam reum quâ infelicis belli, quâ ignominiosa pacis. Ego tamen, quando neque de noxa nostra neque de pœna retulistis, omisâ defensione, quæ non difficillima esset apud haud ignaros fortunarum humanarum necessitatumque, sententiam de eo, de quo retulistis, pau-*
cis

eis peragant. quæ sententia testis erit, mibi, an legionibus vestris pepercerim, quam me seu turpi seu necessariâ sponfione obstrinxi. Quâ tamen, quando injussu populi facta est, non tenetur populus Romanus; nec quicquam ex ea, præterquam corpora nostra debentur Samnitibus. Dedamur per feciales nudi vinctique: exsolvamus religionem populum, si quâ obligavimus; ne quid divini humanive obstet, quo minus justum primumque de integro ineatur bellum. Interea consules exercitum scribere, armare, educere placet; nec prius ingredi hostium fines, quàm omnia justa in deditionem nostram perfecta erunt. Vos, Dii immortales, precor quasque, si vobis non fuit cordi, Sp. Postumium, T. Veturium consules cum Samnitibus prospere bellum gerere; at vos satis habeatis, vidisse nos sub jugum missos, vidisse sponfione infami obligatos, videre nudos vinctosque hostibus deditos, omnem iram hostium nostris capitibus excipientes. Novos consules legionesque Romanas ita cum Samnite gerere bellum velitis, ut omnia ante nos consules bella gesta sunt. Quæ ubi dixit, tanta simul admiratio miseratioque viri incessit omnes, ut modò vix crederent, illum eundem esse Sp. Postumium, qui auctor tam foedæ pacis fuisset: modò miserarentur, quòd vir talis etiam præcipuum apud hostes supplicium passurus esset ob iram diremptæ pacis. Quum omnes, laudibus modò prosequentes virum, in sententiam ejus pedibus irent; tentata paulisper intercessio est ab L. Livio & Q. Mælio, tribunis plebis: qui, neque exsolvi religionem populum, aiebant, deditionem suâ, nisi omnia Samnitibus, qualia apud Caudium fuissent, restituerentur: neque se pro eo, quòd, spondendo pacem, servassent exercitum populi Romani, pœnam ullam meritos esse; neque ad extremum, quum sacrosancti essent, dedi hostibus violari posse.

IX. Tum Postumius, Interea dedite, inquit, profanos nos, quos salvâ religionem potestis: dedetis deinde et istos sacrosanctos, quum primum magistratu abierint; sed, si me audiat, prius, quàm dedantur, hic in comitio virgis caesos, hanc jam ut intercalate pœnæ usuram habeant. Nam quòd

*deditione nostrâ negant exsolvi religione populum, id istos magis, ne dedantur, quàm quia ita se res habeat, dicere, quis adeo juris fecialium expertus est, qui ignoret? Neque ego inficias eo, Patres conscripti, tam sponsiones quàm fœdera sancta esse apud eos homines, apud quos juxta divinas religiones fides humana colitur: sed injussu populi nego quicquam sanciri posse, quod populum teneat. An, si eâdem superbiâ, quâ sponsionem istam exprefferunt nobis Samnites, coëgissent nos verba legitima dedentium urbes nuncupare, deditum populum Romanam vos tribuni diceretis, & hanc urbem, templâ, delubra, fines, aquas, Samnitium esse? Omitto deditionem, quoniam de sponsione agitur. quid tandem, st spoponderemus, urbem hanc relicturum populum Romanum? si incensurum? si magistratus, si senatum, si leges non habiturum? si sub regibus futurum? Dii meliora, inquis! atqui non indignitas rerum sponsionis vinculum levat. Si quid est, in quo obligari populus possit, in omnia potest. & ne illud quidem, quod quosdam forsitan moveat, refert, consul, an dictator, an prætor spoponderis. Et hoc ipsi etiam Samnites judicaverunt, quibus non fuit satis consules spondere, sed legatos, questores, tribunos militum spondere coëgerant. Nec à me nunc quisquam quaesiverit, quid ita spoponderim? quum id nec consulis jus esset; nec illis spondere pacem, quæ mei non erat arbitrii, nec pro vobis, qui nihil mandaveratis, possem. Nihil ad Caudium, Patres conscripti, humanis consiliis gestum est. Dii immortales & vestris & hostium imperatoribus mentem ademerunt. nec nos in bello satis cavimus; & illi malè partam victoriam malè perdidērunt, dum vix locis, quibus vicerant, credunt, dum quacunque conditione arma viris in arma natis auferre festinant. An, si sana mens fuisset, difficile illis fuit, dum senes ab domo ad consultandum arcessunt, mittere Romam legatos? cum senatu, cum populo, de pace ac fœdere agere? tridui iter expeditis erat. interea in induciis res fuisset, donec ab Roma legati aut victoriam illis certam, aut pacem afferrent. ea demum sponsio esset, quam populi jussu spoponderemus. Sed neque vos tulissetis, nec nos spoponderemus: nec fas fuit
alium*

aliud rerum exitum esse, quàm ut illi, velut somniò letiorem, quàm quod mentes eorum capere possent, nequicquam eluderentur: & nostrum exercitum eadem, quæ impedierat, fortuna expediret: vanam victoriam vanior irritam faceret pax: sponsio interponeretur, quæ neminem, præter sponsores, obligaret. Quid enim vobiscum, Patres conscripti, quid cum populo Romano actum est? quis vos appellare potest? quis se à vobis dicere deceptum? hostis? an civis? Hosti nihil spondidistis: civem neminem spondere pro vobis iussistis. Nihil ergo vobis nec nobiscum est, quibus nihil mandastis; nec cum Samnitibus, cum quibus nihil egistis. Samnitibus sponsores nos sumus, rei satis locupletes. in id, quod nostrum est; in id, quod præstare possumus, corpora nostra & animos; in hac sevant, in hac ferrum, in hac iras acuunt. Quod ad tribunos attinet, consulite, utrùm præsens deditio eorum fieri possit, an in diem differatur. nos interim, T. Veturi, vosque ceteri, vilia hæc capita luenda sponsionis feramus, & nostro supplicio liberemus Romana arma.

X. Movit Patres conscriptos tum causa, tum auctor; nec ceteros solum, sed tribunos etiam plebei, ut se in senatûs dicerent fore potestate. Magistratu inde se extemplo abdicaverunt, traditique fecialibus cum ceteris Caudium ducendi. Hoc facto senatusconsulto, lux quædam affulisse civitati visa est. Postumius in ore erat; cum laudibus ad cælum ferebant: devotioni P. Decii consulis, aliis claris facinoribus æquabant. Emergisse civitatem ex obnoxia pace illius consilio & operâ: ipsum se cruciatibus & hostium ira offerre, piaculæque pro populo Romano dare. Arma cuncti spectant & bellum. En unquam futurum, ut congredi armatis cum Samnite liceat? In civitate, irâ odloque ardente, delectus propè omnium voluntariorum fuit. rescriptæ ex eodem milite novæ legiones, ductusque ad Caudium exercitus. Prægressi feciales, ubi ad portam venere, vestem detrahi pacis sponsores jubent, manus post tergum vinciri. Quum apparitor verecundiâ majestatis Postumium

mium laxè vinciret, *Quin tu, inquit, adducis eorum, ut iusta fiat deditio?* Tum, ubi in coetum Samnitium & ad tribunal ventum Pontii est, A. Cornelius Arvina fecialis ita verba fecit: *Quandoque hinc homines injussu populi Romani Quiritium fœdus istum iri spondenderunt, atque ob eam rem noxam nocuerunt; ob eam rem, quo populus Romanus scelere impio sit solutus, hosce homines vobis dedo. Hæc dicenti feciali Postumius genu femur, quantà maximè poterat vi, perculit, & clarà voce ait, se Samnitum civem esse, illum legatum; fecialem à se contra jus gentium violatum; eo justius bellum gesturos.*

XI. Tum Pontius, *Nec ego istam deditionem accipiam, inquit, nec Samnites ratum habebunt. Quin tu, Sp. Postumi, si Deos esse censes, aut omnia irrita facis, aut pacto stas?* Samniti populo omnes, quos in potestate habuit, aut pro eis pax debetur. *Sed quid ego te appello, qui te captum victori, cum qua potes fide, restituis?* Populum Romanum appello; quem si sponsionis ad Furculas Caudinas facta pœnitet, restituat legiones intra saltum, quo septa fuerunt. *Nemo quenuquam deceperit: omnia pro infecto sint: recipiant arma, quæ per pactionem tradiderunt: redeant in castra sua: quicquid pridie habuerunt, quàm in colloquium est ventum, habeant. tum bellum & fortia consilia placeant, tunc sponsio & pax repudietur. Eâ fortunâ, iis locis, quæ ante pacis mentionem habuimus, geramus bellum: nec populus Romanus consulum sponsionem, nec nos fidem populi Romani accusemus. Nunquamne causa defiet, cur victi pacto non stetis?* *Obsides Porseae dedistis; furto eos subduxistis: auro civitatem à Galis redemistis; inter accipiendum aurum cæsi sunt: pacem nondiscum pepigistis, ut legiones vobis captas restitueremus; eam pacem irritam facitis, & semper aliquam fraudi speciem juris imponitis. Non probat populus Romanus ignominiosâ pace legiones servatas? pacem sibi habeat, legiones captas victori restituat; hoc fide, hoc fœderibus, hoc fecialibus ceremoniis dignum erat. Ut tu quidem, quod petisti, per pactionem habeas, tot cives incolumes; ego pacem, quam hosti tibi remittendo*

mittendo pactus sum, non habeam: hoc tu, A. Corneli, hoc vos, feciales, juris gentibus dicitis? Ego verò istos, quos dedi simulatis, nec accipio, nec dedi arbitror; nec moror, quo minus in civitatem obligatam sponsione commissâ, iratis omnibus Diis, quorum eluditur numen, redeant. Gerite bellum, quando Sp. Postumius modò legatum fecialem genu perculit. Ita Dii credent, Samnitum civem Postumium, non civem Romanum, esse, & à Samnite legatum Romanum violatum. eo vobis justum in nos factum esse bellum. Hac ludibria religionum non pudere in lucem proferre? & vix pueris dignas ambages senes ac consulares fallendæ fidei exquirere? I, licitor, deme vincula Romanis: moratus sit nemo, quo minus, ubi visum fuerit, abeant. Et illi quidem, forsitan & publicâ, suâ certè liberatâ fide, ab Caudio in castra Romana inviolati redierunt.

XII. Samnitibus, pro superba pace infestissimum cernentibus renatum bellum, omnia, quæ deinde venerunt, non in animis solum, sed propè in oculis esse: & serò ac nequicquam laudare senis Pontii utraque consilia; inter quæ se media lapsos victoriæ possessionem pace incertâ mutasse, & beneficii & maleficiæ occasione amissâ, pugnatuos cum eis, quos potuerint in perpetuum vel inimicos tollere, vel amicos facere. adeoque, nullo dum certamine inclinatis viribus, post Caudinam pacem animi mutaverant, ut clariorem inter Romanos deditio Postumium, quàm Pontium in-eruenta victoria inter Samnites, faceret: & geri posse bellum Romani pro victoria certa haberent, Samnites simul rebellasse & vicisse crederent Romanum. Inter hæc Satricani ad Samnites defecerunt, & Fregellæ colonia necopinato adventu Samnitium (fuisse & Satrianos cum iis satis constat) nocte occupata est. timor inde mutuus utrosque usque ad lucem quietos tenuit: lux pugnæ initium fuit; quam aliquandiu æquam, & quia pro aris ac focis dimicabatur, & quia ex testis adjuvabat imbellis multitudo, tamen Fregellani sustinuerunt.

runt. Fraus deinde rem inclinavit, quod vocem audiri præconis passi sunt; *incolumem abiturum, qui arma posuisset*. ea spes remisit à certamine animos, & passim arma jactari coepta. Pertinacior pars armata per aversam portam erupit; tutiorque eis audacia fuit, quam incautus ad credendum ceteris pavor: quos circumdatos igni, nequicquam Deos fidemque invocantes, Samnites concremaverunt. Consules, inter se partiti provincias, Papirius in Apuliam ad Luceriam pergit, ubi equites Romani obsides ad Caudium dati custodiebantur: Publilius in Samnio subsistit adversus Caudinas legiones. Distendit ea res Samnitium animos; quod nec ad Luceriam ire, ne ab tergo instaret hostis, nec manere, ne Luceria interim amitteretur, satis audebant. Optimum visum est committere rem fortunæ, & transigere cum Publilio certamen. Itaque in aciem copias educunt.

XIII. Adversus quos Publilius consul quum dimicaturus esset, prius alloquendos milites ratus, concionem advocari iussit. ceterum sicut ingenti alacritate ad prætorium concursum est, ita præ clamore poscentium pugnam nulla adhortatio imperatoris audita est. Suus cuique animus memor ignominie adhortator aderat. Vadunt igitur in prælium urgentes signiferos: &, ne mora in concursu pilis emittendis stringendisque inde gladiis esset, pila, velut dato ad id signo, abjiciunt, strictisque gladiis cursu in hostem feruntur. Nihil illic imperatorie artis ordinibus aut subsidiis locandis fuit: omnia ira militaris propè vesano impetu egit. Itaque non fusi modò hostes sunt; sed, ne castris quidem suis fugam impedire ausi, Apuliam dissipati petiere: Luceriam tamen, coacto rursus in unum agmine, est perventum. Romanos ira eadem, quæ per mediam aciem hostium tulerat, & in castra pertulit. ibi plus, quàm in acie, sanguinis ac cadis factum, prædæque pars major irâ corrupta. Ex-

ercitus

exercitus alter cum Papirio consule locis maritimis pervenerat Arpos per omnia pacata, Samnitium magis injuriis & odio, quàm beneficio ullo populi Romani. Nam Samnites, eâ tempestate in montibus vicatim habitantes, campestria & maritima loca, contempto cultorum molliore atque, ut evenit ferè, locis simili genere, ipsi montani atque agrestes depopulabantur. quæ regio si fida Samnitibus fuisset, aut pervenire Arpos exercitus Romanus nequisset, aut interjecta inter Romanam & Arpos, penuriâ rerum omnium, exclusos à comitatibus absumpsisset. Tum quoque profectos inde ad Luceriam, juxtâ obsidentes obsessosque, inopia vexavit. omnia ab Arpis Romanis suppeditabantur; ceterum adeo exiguè, ut militi, occupato stationibus vigiliisque & opere, eques folliculis in castra ab Arpis frumentum veheret; interdum occursum hostium cogeretur, abjecto ex equo frumento, pugnare. obsessis prius, quàm alter consul victore exercitu advenit, & comitatus ex montibus Samnitium inVecti erant, & auxilia intromissa. Arctiora omnia adventus Publilii fecit; qui, obsidione delegatâ in curam collegæ, vacuus per agros cuncta infesta comitatibus hostium fecerat. Itaque quum spes nulla esset, diutius obsessos inopiam laturos, coacti Samnites, qui ad Luceriam castra habebant, undique contractis viribus, signa cum Papirio conferre.

XIV. Per id tempus, parantibus utrisque se ad prælium, legati Tarentini interveniunt, denunciantes Samnitibus Romanisque, ut bellum omitterent. per utros stetit, quo minùs discederetur ab armis, adversus eos se pro alteris pugnatos. Eâ legatione Papirius auditâ, perinde ac motus dictis eorum, cum collega se communicaturum respondit: accitoque eo, quum tempus omne in apparatu consumpsisset, collocutus de re haud dubia, signum pugnae proposuit. Agentibus divinâ humanaque, quæ assolent, quum acie dimicandum

dum est, consulibus, Tarentini legati occurrere, responsum expectantes, quibus Papirius ait : *Auspicia secunda esse, Tarentini, pullarius nunciat. litatum præterea est egregiè. auctoribus Diis, ut videtis, ad rem gerendam proficiscimur.* Signa inde ferri iussit, & copias eduxit, vanissimam increpans gentem, quæ, suarum impotens rerum præ domesticis seditionibus discordiisque, aliis modum pacis ac belli facere æquum censeret. Samnites ex parte altera, quum omnem curam belli remisissent, quia aut pacem verè cupiebant, aut expediebat simulare, ut Tarentinos sibi conciliarent, quum instructos repenti ad pugnam Romanos conspexissent, vociferari, *se in auctoritate Tarentinorum manere, nec descendere in aciem, nec extra vallum arma ferre. Deceptos potius, quodcunque casus ferat, passuros, quàm ut sprevisse pacis auctores Tarentinos videantur.* Accipere se omen, consules aiunt, & eam precari mentem hostibus, ut ne vallum quidem defendant. Ipsi, inter se partitis copiis, succedunt hostium munimentis, & simul undique adorti, quum pars fossas explerent, pars vellerent vallum, atque in fossas proruerent, nec virtus modò insita, sed ira etiam, exulceratos ignominia stimulare animos, castra invadere : & pro se quisque, *non hæc Furculas, nec Caudium, nec saltus invios esse, ubi errorem fraus superbè vicisset ; sed Romanam virtutem, quam nec vallum, nec fossæ arcerent,* memorantes, cædunt pariter resistentes fusosque, inermes atque armatos, servos, liberos, puberes, impuberes, homines, jumenta que. nec ullum superfuisset animal, nisi consules receptui signum dedissent, avidosque cædis milites è castris hostium imperio ac minis expulissent. Itaque apud insensos ob interpellatam dulcedinem iræ confestim oratio habita est, ut doceretur miles, *minimè cuiquam militum consules odio in hostes cessisse, aut cessuros : quin duces, sicut belli, ita insatiabilis supplicii, futuros fuisse, nisi respectus equitum sexcentorum, qui Luceria obsides tenerentur, præpedisset animos : ne desperata venia hostes cecos in supplicia*

plicia eorum ageret, perdere prius, quam perire, optantes. Laudare ea milites, lætarique obviàm itum iræ suæ esse, ac fateri, omnia patiendâ potiùs, quam proderetur salus tot principum Romanæ juventutis.

XV. Dimissâ concione, consilium habitum, omnibusne copiis Luceriam premerent, an altero exercitu & duce Apuli circâ, gens dubiæ ad id voluntatis, tentarentur. Publilius consul, ad peragrandam profectus Apuliam, aliquot expeditione unâ populos aut vi subegit, aut conditionibus in societatem accepit. Papirio quoque, qui obsessor Luceriæ restiterat, brevi ad spem eventus respondit. nam, inseciss omnibus viis, per quas commeatus ex Samnio subvehebantur, fame domiti Samnites, qui Luceriæ in præsidio erant, legatos misere ad consulem Romanum, ut, receptis equitibus, qui causa belli essent, abisteret obsidione. His Papirius ita respondit: *Debuisse eos Pontium, Herennii filium, quo auctore Romanos sub jugum misissent, consulere, quid victis patiendam censeret. ceterum, quoniam ab hostibus in se aqua statui, quàm in se ipsi ferre, maluerint, nunciare Luceriam jussit, arma, sarcinas, jumenta, multitudinem omnem imbellem intra mœnia relinquerent: militem se cum singulis vestimentis sub jugum missurum, ulciscensem illatam, non novam inferentem ignominiam.* Nihil recusatum. septem millia militum sub jugum missa, prædaque ingens Luceriæ capta, receptis omnibus signis armisque, quæ ad Caudium amiserant; & quod omnia superabat gaudia, equitibus recuperatis, quos pignora pacis custodiendos Luceriam Samnites dederant. Haud ferme alia mutatione subitâ rerum clarior victoria populi Romani est: siquidem etiam (quod quibusdam in annalibus invenio) Pontius, Herennii filius, Samnitium imperator, ut expiaret consulum ignominiam, sub jugum cum ceteris est missus. Ceterum id minùs miror, obscurum esse de hostium duce dedito missoque sub jugum: id magis mirabile est, ambigi, Luciusne Cornelius dictator cum

L. Pa-

L. Papirio Cursore, magistro equitum, eas res ad Caudium, atque inde Luceriam gesserit, ultorque unicus Romanæ ignominiz, haud sciam an iustissimo triumpho ad eam ætatem secundum Furium Camillum, triumphaverit, an consulum Papirique præcipuum id decus sit. Sequitur hunc errorem alius error, Cursorne Papirius proximis comitiis cum Q. Aulio Cereetano iterum, ob rem bene gestam Luceriæ continuato magistratu, consul tertium creatus sit; an L. Papirius Mugillanus, & in cognomine erratum sit.

XVI. Convenit, jam inde per consules reliqua belli perfecta. Aulius cum Ferentanis uno secundo proelio debellavit; urbemque ipsam, quò se fusa contulerat acies, obsidibus imperatis, in deditionem accepit. Pari fortunâ consulum alter cum Satricanis, qui cives Romani post Caudinam cladem ad Samnites defecerant, præsidiumque eorum in urbem acceperant, rem gessit. nam quum ad mœnia Satrici admotus esset exercitus, legatisque, missis ad pacem cum precibus petendam, triste responsum ab consule redditum esset, *nisi præsidio Samnitium interfecto aut tradito, ne ad se remearent*; plus eâ voce, quàm armis illatis, terroris colonis injectum. Itaque subinde exsequentes querendo à consule legati, quonam se pacto paucos & infirmos crederet præsidio tam valido & armato vim allaturos, ab iisdem consilium petere iussi, quibus auctoribus præsidium in urbem accepissent, discedunt: ægreque impetrato, ut de ea re consuli senatum, responsaque ad se referri sineret, ad suos redeunt. Duæ factiones senatum distinebant; una, cujus principes erant defectionis à populo Romano auctores; altera, fidelium civium. certatum ab utrisque tamen est, ut ad reconciliandam pacem consuli opera navaretur. Pars altera (quum præsidium Samnitium, quia nihil satis præparati erat ad obsidionem tolerandam, excessurum proximâ nocte esset) enunciare consuli satis habuit, quâ noctis horâ, quâque portâ,

tà, & quam in viam egressurus hostis foret. altera, quibus invitis descitum ad Samnites erat, eadem nocte portam etiam consuli aperuerunt, armatosque clam hostes in urbem acceperunt. Ita duplici proditione & præsidium Samnitium, infestis circa viam silvestribus locis, necopinatò oppressum est, & ab urbe plena hostium clamor sublatus, momentoque unius horæ cæsus Samnis, Satricanus captus, & omnia in potestate consulis erant. Qui, quæstione habità, quorum operà defectio esset facta, quos fontes comperit, virgis cæsos securi percussit: præsidioque valido imposito, arma Satricanis ademit. Inde ad triumphum decessisse Romam Papirium Cursorem scribunt, qui eo duce Luceriam receptam, Samnitesque sub jugum missos auctores sunt. Et fuit vir haud dubiè dignus omni bellicà laude, non animi solum vigore, sed etiam corporis viribus excellens. Præcipua pedum pernicitas inerat, quæ cognomen etiam dedit: victoremque cursu omnium ætatis suæ fuisse ferunt: & seu virium vi, seu exercitatione multà, cibi vinique eundem capacissimum: nec cum ullo asperiores (quia ipse invicti ad laborem corporis esset) fuisse militiam pediti pariter equitique. Equites etiam aliquando ausos ab eo petere, ut sibi pro re bene gesta laxaret aliquid laboris: quibus ille, *Ne nihil remissum dicatis, remitto, inquit, ne utique dorsum demulceatis, quum ex equis descendetis.* & vis erat in eo viro imperii ingens pariter in socios civisque. Prænestinus prætor^{us} per timorem segniùs ex subsidiis suos duxerat in primam aciem. quem quum inambulans ante tabernaculum vocari jussisset, lictorem expedire securim jussit. ad quam vocem exanimi stante Prænestino, *Agedum, lictor, excide radicem banc,* inquit, *incommodam ambulantis:* perfusumque ultimi supplicii metu, multà distà, dimisit. Haud dubiè illà ætate, quà nulla virtutum feracior fuit, nemo unus erat vir, quo magis innisa res Romana staret. quin cum pa-

rem

rem destinant animis Magno Alexandro ducem, si arma, Asiâ perdomitâ, in Europam vertisset.

XVII. Nihil minùs quæsitum à principio hujus operis videri potest, quàm ut plus justo ab rerum ordine declinarem; varietatibusque distinguendo opere, & legentibus velut deverticula amœna, & requiem animo meo quærerem: tamen tanti regis ac ducis mentio, quibus sæpe tacitis cogitationibus volutavit animum, eas evocat in medium: ut quærere libeat, quinam eventus Romanis rebus, si cum Alexandro foret bellatum, futurus fuerit. Plurimum in bello pollere videntur militum copia & virtus, ingenia imperatorum, fortuna per omnia humana, maximè in res bellicas, potens. Ea, & singula intuenti & universa, sicut ab aliis regibus gentibusque, ita ab hoc quoque, facile præstant invictum Romanum imperium. Jam primùm, ut ordiar ab ducibus comparandis, haud equidem abnuo, egregium ducem fuisse Alexandrum; sed clariorem tamen cum facit, quòd unus fuit, quòd adolescens in incremento rerum, nondum alteram fortunam expertus, decessit. Ut alios reges claros ducesque omittam, magna exempla casuum humanorum; Cyrum, quem maximè Græci laudibus celebrant, quid, nisi longa vita, sicut Magnum modò Pompeium, vertenti præbuit fortunæ? Recenseam duces Romanos, nec omnes omnium ætatum, sed ipsos eos, cum quibus consulibus aut dictatoribus Alexandro fuit bellandum; M. Valerium Corvum, C. Marcium Rutilum, C. Sulpicium, T. Manlium Torquatum, Q. Publilium Philonem, L. Papirium Cursorem, Q. Fabium Maximum, duos Decios, L. Volumnium, M. Curium. Deinceps ingentes sequuntur viri, si Punicum Romano prævertisset bellum, seniorque in Italiam trajecisset. Horum in quolibet tum indoles eadem, quæ in Alexandro erat, animi ingenique; tum disciplina militaris, jam inde ab initiis urbis tradita per manus, in artis perpetuis præ-

præceptis ordinatæ modum venerat. Ita reges gesserant bella; ita deinde exactores regum Junii Valerii-que; ita deinceps Fabii, Quinctii, Cornelii; ita Furius Camillus, quem juvenes ii, quibus cum Alexandro dimicandum erat, senem viderant. Militaria opera pugnando obeunti Alexandro (nam ea quoque haud minus clarum cum faciunt) cessisset videlicet in acie oblatas par Manlius Torquatus, aut Valerius Corvus, insignes antè milites, quàm duces? cessissent Decii, devotis corporibus in hostem ruentes? cessisset Papirius Cursor, illo corporis robore, illo animi? victus esset consiliis juvenis unius, ne singulos nominem, senatus ille, quem qui *ex regibus constare* dixit, unus veram speciem Romani senatus cepit? Id verò erat periculum, ne solertiùs, quàm quilibet unus ex eis, quos nominavi, castris locum caperet, commeatus expediret, ab insidiis præcaveret, tempus pugnae deligeret, aciem instrueret, subsidiis firmaret. Non cum Dario rem esse dixisset: quem, mulierum ac spadonum agmen trahentem, inter purpuram atque aurum, oneratum fortunæ apparatus suæ, prædam veriùs, quàm hostem, nihil aliud quàm bene ausus vana contemnere, incruentus devicit. Longè alius Italiæ, quàm Indiæ, per quam temulento agmine comissabundus incessit, visus illi habitus esset, saltus Apuliæ ac montes Lucanos cernenti & vestigia recentia domesticæ cladis, ubi avunculus ejus nuper Epiri rex Alexander absumptus erat.

XVIII. Et loquimur de Alexandro nondummerso secundis rebus, quarum nemo intolerantior fuit. qui, si ex habitu novæ fortunæ novique, ut ita dicam, ingenii, quod sibi victor induerat, spectetur, Dario magis similis, quàm Alexandro, in Italiam venisset, & exercitum Macedoniæ oblitum degenerantemque jam in Persarum mores adduxisset. Referre in tanto rege piget superbam mutationem vestis, & desideratas humi jacentium adulationes, etiam victis Macedonibus graves,

ves, nedum victoribus; & foeda supplicia, & inter vinum & epulas czdes amicorum, & vanitatem ementiendæ stirpis. Quid, si vini amor in dies fieret acrior? quid, si trux ac præservida ira? (nec quicquam dubium inter scriptores refero) nullane hæc damna imperatoriis virtutibus ducimus? Id verò periculum erat, quod levissimi ex Græcis, qui Parthorum quoque contra nomen Romanum gloriæ favent, dictitare solent, ne majestatem nominis Alexandri (quem ne famâ quidem illis notum arbitror fuisse) sustinere non poterit populus Romanus; &, adversus quem Athenis, in civitate fracta Macedonum armis, cernente tum maxime propè fumantes Thebarum ruinas, concionari libere ausi sint homines, (id quod ex monumentis orationum patet) adversus eum nemo ex tot proceribus Romanis vocem liberam missurus fuerit. Quantalibet magnitudo hominis concipiatur animo, unius tamen ea magnitudo hominis erit, collecta paulo plus decem annorum felicitate: quam qui eo extollunt, quod populus Romanus, etsi nullo bello, multis tamen præliis victus sit, Alexandro nullius pugnæ non secunda fortuna fuerit; non intelligunt, se hominis res gestas, & ejus juvenis, cum populi jam octingentesimum bellantis annum rebus conferre. Miremur, si, quum ex hac parte secula plura numerentur, quàm ex illa anni, plus in tam longo spatio, quàm in ætate tredecim annorum, fortuna variaverit? Quin tu hominis cum homine, & ducis cum duce, fortunam cum fortuna confers? Quot Romanos duces nominem, quibus nunquam adversa fortuna pugnæ fuit? Paginas in annalibus magistratum fastisque percurrere licet, consulum, dictatorumque, quorum nec virtutis, nec fortunæ ullo die populum Romanum poenituit. Et, quo sint mirabiliores, quàm Alexander aut quisquam rex, denos vicenosque dies quidam dictaturam, nemo plus quàm annum consulatum gessit: ab tribunis plebis delectus impediti

pediti sunt: post tempus ad bella ierunt: ante tempus comitiorum causâ revocati sunt: in ipso conatu rerum circumegit se annus: collegæ nunc temeritas, nunc pravitas, impedimento aut damno fuit: malè gestis rebus alterius successum est: tironem aut malâ disciplinâ institutum exercitum acceperunt. At, Hercule, reges non liberi solùm impedimentis omnibus, sed domini rerum temporumque, trahunt consiliis cuncta, non sequuntur. Inviſtus ergo Alexander cum inviſtis ducibus bella gessiſſet, & eadem fortunæ pignora in discrimen detuliſſet. imò etiam eo plus periculi subiſſet, quòd Macedones unum Alexandrum habuiſſent, multis caſibus non solùm obnoxium, sed etiam offerentem se: Romanis multi fuiſſent, Alexandro, vel gloriâ, vel rerum magnitudîne, pares; quorum suo quisque fato, sine publico discrimine, viveret morereturque.

XIX. Reſtat, ut copiæ copiis comparentur vel numero, vel militum genere, vel multitudine auxiliorum. Censebantur ejus ætatis lustris ducena quinquagena millia capitum. Itaque, in omni defeſtione sociorum Latini nominis, urbano propè delectu decem ſcribebantur legiones. quaterni quinique exercitus sæpe per eos annos in Etruria, in Umbria, Gallis hoſtibus adjunctis, in Samnio, in Lucanis gerebant bellum. Latium deinde omne cum Sabinis, & Volſcis, & Æquis, & omni Campania, & parte Umbriæ Etruriæque, & Picentibus, & Marſis, Peligniſque, ac Veſtinis, atque Apulis, adjunctâque omni orâ Græcorum inferi maris à Thuriis Neapolim & Cumas, & inde Antio atque Oſtiis tenus Samnites, aut ſocios validos Romanis, aut fractos bello inveniſſet hoſtes. Ipſe trajeiſſet mare cum veteranis Macedonibus, non plus triginta millibus hominum & quatuor millibus equitum, maximè Theſſalorum. hoc enim roboris erat. Perſas, Indos, aliasque ſi adjunxiſſet gentes, impedimentum

majus, quàm auxilium, traheret. Adde, quòd Romanis ad manum domi supplementum esset: Alexandro, (quod postea Hannibali accidit) alieno in agro bellanti, exercitus confenuisset. Arma, clypeus sarissæque illis; Romano scutum, majus corpori tegumentum, & pilum, haud paulo, quàm hasta, vehementius ictu missuque telum. Statarius uterque miles, ordines servans: sed illa phalanx immobilis, & unius generis: Romana acies distinctior, ex pluribus partibus constans: facilis partienti, quacunque opus esset, facilis jungenti. Jam in opere quis par Romano miles? quis ad tolerandum laborem melior? Uno prælio victus Alexander, bello victus esset. Romanum, quem Caudium, quem Cannæ non fregerunt, quæ fregisset acies? Næ ille sæpe, etiamsi prima prospere evenissent, Persas & Indos & imbellem Asiam quæsisset, & cum feminis sibi bellum fuisse dixisset: quod Epiri regem Alexandrum, mortifero vulnere ictum, dixisse ferunt, sortem bellorum in Asia gestorum ab hoc ipso juvene cum suo conferentem. Equidem, quum per annos quatuor & viginti primo Punico bello classibus certatum cum Pœnis recordor, vix ætatem Alexandri suffecturam fuisse reor ad unum bellum. & forsitan, quum & fœderibus vetustis juncta Punica res Romanæ esset, & timor par adversus communem hostem duas potentissimas armis virisque urbes armaret, simul Punico Romanoque obrutus bello esset. Non quidem Alexandro duce, nec integris Macedonum rebus, sed experti tamen sunt Romani Macedonem hostem adversus Antiochum, Philippum, Persen, non modò cum clade ulla, sed ne cum periculo quidem suo. Absit invidia verbo, & civilia bella sileant, nunquam ab equite hoste, nunquam à pedite, nunquam apertâ acie, nunquam æquis, utique nunquam nostris locis laboravimus. Equitem, sagittas, saltus impeditos, avia convocatibus loca gravis armis miles timere potest. Mille
acies

acies, graviores quàm Macedonum atque Alexandri, avertit, avertetque; modò sit perpetuus hujus, quà vivimus, pacis amor & civilis cura concordia.

XX. M. Fossius Flaccinator inde & L. Plautius Venno consules facti. Eo anno ab frequentibus Samnitium populis de fœdere renovando legati, quum senatum humi strati movissent, rejeſti ad populum haudquaquam tam efficaces habebant preces. Itaque, fœdere negato, induciæ biennii, quum per aliquot dies fatigàſſent ſingulos precibus, impetratæ. Et ex Apulia Teanenſes Canuſinique populationibus feſſi, obſidibus L. Plautio conſuli datis, in deditiõnem venerunt. Eodem anno primùm præfeſti Capuam creari cœpti, legibus ab L. Furio prætore datis: quum utrumque ipſi pro remedio ægris rebus diſcordiã inteſtinã petiſſent. Et duæ Romæ additæ tribus, Uſentina ac Falerina. Inclinaſis ſemel in Apulia rebus, Teates quoque Apuli ad novos conſules, C. Junium Bubulcum, Q. Æmilium Barbulam, fœdus petitum venerunt, pacis per omnem Apuliam præſtandæ populo Romano auctores. id audacter ſpondendo impetravere, ut fœdus daretur: neque ut æquo tamen fœdere, ſed ut in ditione populi Romani eſſent. Apuliã perdomitã, (nam Forento quoque valido oppido Junius potitus erat) in Lucanos perreſtum. inde repentino adventu Æmilii conſulis Nerulum vi captum. Et poſtquam res Capuæ ſtabilitas Romanã diſciplinã fama per ſocios vulgavit; Antiatiſibus quoque, qui ſe ſine legibus certis, ſine magiſtratibus agere querebantur, dati ab ſenatu ad jura ſtatuenda ipſius coloniæ patroni: nec arma modò, ſed jura etiam Romana latè pollebant.

XXI. C. Junius Bubulcus & Q. Æmilius Barbula conſules exitu anni non conſulibus ab ſe creatis, Sp. Nautio & M. Popillio, ceterùm dictatori L. Æmilio legiones tradiderunt. Is, cum L. Fulvio magiſtro equitum Saticulam oppugnare adortus, rebellandi cau-

sam Samnitibus dedit. Duplex inde terror illatus Romanis. hinc Samnis, magno exercitu coacto ad eximendos obsidione socios, haud procul castris Romanorum castra posuit: hinc Saticulani magno cum tumultu, patefactis repente portis, in stationes hostium incurrerunt. Inde pars utraque, spe alieni magis auxilii, quam viribus freta suis, justo mox praelio inito Romanos urgent. & quanquam anceps dimicatio erat, tamen utrinque tutam aciem dictator habuit; quia & locum haud facilem ad circumveniendum cepit, & diversa statuit signa. Infestior tamen in erumpentes incessit: nec magno certamine intra mœnia compulit. Tum totam aciem in Samnites obvertit. ibi plus certaminis fuit. Victoria sicut sera, ita nec dubia, nec varia fuit. Fusi in castra Samnites, extinctis nocte ignibus, tacito agmine abeunt: & spe abjectâ Saticulæ tuendæ, Plisiam ipsi, socios Romanorum, ut parem dolorem hosti redderent, circumfidunt.

XXII. Anno circumacto, bellum deinceps ab dictatore Q. Fabio gestum est. Consules novi, sicut superiores, Romæ manserunt: Fabius, ad accipiendum ab Æmilio exercitum, ad Saticulam cum supplemento venit. neque enim Samnites ad Plisiam manserant: sed, accitis ab domo novis militibus, multitudine freti, castra eodem, quo antea, loco posuerunt: lacessentesque praelio Romanos avertere ab obsidione conabantur. Eo intentius dictator in mœnia hostium versus, id bellum tantum ducere, quod urbem oppugnabat; securior ab Samnitibus agere, stationibus modo oppositis, ne qua in castra vis fieret. Eo ferocius ad equitare Samnites vallo, neque otium pati. et quum jam propè in portis castrorum esset hostis, nihil consulto dictatore, magister equitum Q. Aulius Cerretanus, magno tumultu cum omnibus turmis equitum e-
 vectus, summovit hostem. tum in minimè pertinaci genere pugnæ sic fortuna exercuit opes, ut insignes
 utrinque

utrinque clades & clara ipsorum ducum ederet funera. Prior Samnitium imperator, ægre patiens, quò tam ferociter adequitasset, inde se fundi fugatique, orando hortandoque equites prælium integravit. in quem, insignem inter suos cientem pugnam, magister equitum Romanus infestà cuspide ita permisit equum, ut uno ictu exanimem equo præcipitaret: nec, ut fit, ad ducis casum perculsa magis, quàm irritata, est multitudo. Omnes, qui circà erant, in Aulium, temere inVectum per hostium turmas, tela conjecerunt. Fratri præcipuum decus ulti Samnitium imperatoris dederunt. is victorem detractum ex equo magistrum equitum, plenus mœroris atque iræ, trucidavit: nec multum afuit, quin corpore etiam, quia inter hostiles ceciderat turmas, Samnites potirentur. Sed extemplo ad pedes descensum ab Romanis est, coactique idem Samnites facere. & repentina acies circa corpora ducum pedestre prælium iniit, quo haud dubiè superat Romanus: recuperatumque Aulii corpus, mixtâ cum dolore lætitiâ, victores in castra referunt. Samnites, duce amisso, & per equestre certamen tentatis viribus, omisâ Saticulâ, quam nequicquam defendi rebantur, ad Plistiæ obsidionem redeunt; intraque paucos dies Saticulâ Romanus per deditiorem, Plistiâ per vim Samnis potitur.

XXIII. Mutata inde belli sedes est. ad Soram ex Samnio Apuliaque traductæ legiones. Sora ad Samnites defecerat, interfectis colonis Romanorum. quò quum prior Romanus exercitus, ad ulciscendam civium necem recuperandamque coloniam, magnis itineribus prævenisset, & sparsi per vias speculatores, sequi legiones Samnitium, nec jam procul abesse, alii super alios, nunciarent; obviam itum hosti, atque ad Lautulas ancipiti prælio dimicatum est. non cædes, non fuga alterius partis, sed nox incertos, victi victoresne essent, diremit. Invenio apud quosdam, adver-

sam eam pugnam Romanis fuisse, atque in ea cecidisse Q. Aulium, magistrum equitum. Suffectus in locum Aulii C. Fabius magister equitum cum exercitu novo ab Roma advenit; & per præmissos nuncios consulto dictatore, ubi subsisteret, quove tempore, & qua ex parte hostem aggrediretur, substitit occultus, ad omnia satis exploratis consiliis. Dictator, quum per aliquot dies post pugnam continuisset suos intra vallum, obsessi magis quàm obsidentis modo, signum repentè pugnæ proposuit; & efficacius ratus ad accendendos virorum fortium animos, nullam alibi, quàm in semet ipso, cuiquam relictam spem, de magistro equitum novoque exercitu militem celavit. & tanquam nulla, nisi in eruptione, spes esset, *Locis, inquit, angustis, milites, deprehenfi, nisi quam victoriâ patefecerimus, viam nullam habemus. Stativa nostra munimento satis tuta sunt; sed inopiâ eadem infesta. nam & circâ omnia defecerunt, unde subvehi commeatus poterant; & si homines juvare velint, iniqua loca sunt. Itaque non frustrabor ego vos, castra hîc relinquendo, in quæ, infectâ victoriâ, sicut pristino die, vos recipiatis. armis munimenta, non munimentis armata esse debent. Castra habeant repetantque, quibus opera est trahere bellum: nos omnium rerum respectum, præterquam victoriæ, nobis abscindamus. Ferte signa in hostem: ubi extra vallum agmen excesserit, castra, quibus imperatum est, incendant: damna vestra, milites, omnium circâ, qui defecerunt, populorum prædâ sarcientur.* Et oratione dictatoris, quæ necessitatis ultimæ index erat, milites accensi vadunt in hostem, & respectus ipse ardentium castrorum, quanquam proximis tantum (ita enim jusserrat dictator) ignis est subditus, haud parvum fuit irritamentum. Itaque, velut vecordes illati, signa primo impetu hostium turbant; & in tempore, postquam ardentia procul vidit castra magister equitum, (id convenerat signum) hostium terga invadit. ita circumventi Samnites, quâ potest quisque, fugam per diversa petunt.

petunt. Ingens multitudo, in unum metu conglobata, ac semet ipsam turbâ impediens, in medio cæsa. Capta hostium castra direptaque; quorum prædâ onustum militem in Romana castra dictator reducit, haudquaquam tam victoriâ lætum, quàm quòd, præter exiguam deformatam incendio partem, cetera contra spem salva invenit.

XXIV. Ad Soram inde reditum; novique consules M. Poetelius, C. Sulpicius exercitum ab dictatore Fabio accipiunt, magnâ parte veterum militum dimissâ, novisque cohortibus in supplementum adductis. Ceterum, quum propter difficilem urbis situm nec oppugnandi satis certa ratio iniretur, & aut tempore longinqua, aut præceps periculo victoria esset; Soranus transfuga, clam ex oppido profectus, quum ad vigiles Romanos penetrâisset, duci se extemplo ad consules jubet, deductusque traditurum urbem promittit. Visus inde (quum, quonam modo id præstaturus esset, percunctantes doceret) haud vana afferre, perpulit, propè adjuncta mœnibus Romana castra ut sex millia ab oppido removerentur: fore, ut minùs intentæ in custodiam urbis diurnæ stationes ac nocturnæ vigiliæ essent. ipse insequenti nocte, sub oppido silvestribus locis cohortibus insidere jussis, decem milites delectos secum per ardua ac propè invia in arcem ducit; pluribus, quàm pro numero virorum, missilibus telis eò collatis. Ad hæc saxa erant, & temere jacentia (ut fit) in aspretis, & de industria etiam, quo locus tutior esset, ab oppidanis congesta. Ubi quum constituisset Romanos, semitamque angustam & arduam, erectam ex oppido in arcem, ostendisset; *Hoc quidem adscensu, inquit, vel tres armati quamlibet multitudinem arcuerint: vos & decem numero, &, quod plus est, Romani, Romanorumque fortissimi viri estis, & locus pro vobis, & nox erit, quæ omnia ex incerto majora territis ostentat. Ego jam terrore omnia implebo: vos arcem intenti tenete. Decurrit*

inde quanto maximè poterat, cum tumultu, *ad arma, & pro vestram fidem, cives!* clamitans, *Arx ab hostibus capta est; ite, defendite.* Hæc incidens principum foribus, hæc obviis, hæc excurrentibus in publicum pavidis increpat. Acceptum ab uno pavorem plures per urbem ferunt. Trepidi magistratus, missis ad arcem exploratoribus, quum tela & armatos tenere arcem multiplicato numero audirent, avertunt animos à spe recuperandæ arcis. Fugâ cuncta complentur, portæque ab semisomnis ac maximâ parte inermibus refringuntur: quarum per unam præsidium Romanum clamore excitatum irrumpit, & concursantes per vias pavidos cædit. Jam Sora capta erat, quum consules primâ luce advenere; &, quos reliquos fortuna ex nocturna cæde ac fuga fecerat, in deditionem accipiunt. Ex his ducentos viginti quinque, qui omnium consensu destinabantur & infandæ colonorum cædis & defectionis auctores, victos Romam deducunt. ceteram multitudinem incolumem, præsidio imposito, Soræ relinquunt. Omnes, qui Romam deducti erant, virgis in foro cæsi, ac securi percussi summo gaudio plebis; cuius maximè intererat, tutam ubique, quæ passim in colonias mitteretur, multitudinem esse.

XXV. Consules, ab Sora profecti, in agros atque urbes Ausonum bellum intulerunt. mota namque omnia adventu Samnitium, quum apud Lautulas dimicatum est, fuerant, conjurationesque circa Campaniam passim factæ. nec Capua ipsa crimine caruit. quin Romam quoque & ad principum quosdam inquirendos ventum est. Ceterum Ausonum gens proditione urbium, sicut Sora, in potestatem venit. Ausona, & Minturnæ, & Vesciâ, urbes erant: ex quibus principes juventutis duodecim numero, in proditionem urbium suarum conjurati, ad consules veniunt: docent, *suos, jampridem exoptantes Samnitium adventum, simul ad Lautulas pugnatum audierunt, pro victis Romanos habuisse,*

habuisse, juventute, armis Samnites iuvisse. fugatis inde Samnitibus, incertâ pace agere, nec claudentes portas Romanis ne arcessant bellum; & obstinatos claudere, si exercitus admoveatur. In ea fluctuatione animorum opprimi incautos posse. His auctoribus mota propius castra: missique eodem tempore circa tria oppida milites, partim armati, qui occulti propinqua mœnibus insiderent loca; partim togati, testis veste gladiis, qui sub lucem apertis portis urbes ingrederentur. Ab his simul custodes trucidari cœpti, simul datum signum armatis, ut ex insidiis concurrerent. ita portæ occupatæ, triaque oppida eâdem horâ eodemque consilio capta. Sed, quia absentibus ducibus impetus est factus, nullus modus cœdibus fuit; deletaque Aufonum gens, vix certo defectionis crimine, perinde ac si internecivo bello certasset.

XXVI. Eodem anno, prodito hostibus Romano præsidio, Luceria Samnitium facta. nec diu proditoribus impunita res fuit. Haud procul inde exercitus Romanus erat: cujus primo impetu urbs, sita in plano, capitur. Lucerini ac Samnites ad internecionem cæsi. eoque ira processit, ut Romæ quoque, quum de colonis mittendis Luceriam consuleretur senatus, multi delendam urbem censerent. Præter odium, quod execrabile in bis captos erat, longinquitas quoque abhorrere à relegandis tam procul ab domo civibus inter tam infestas gentes cogebat. Vicit tamen sententia, ut mitterentur coloni. duo millia & quingenti missi. Eodem anno, quum omnia infida Romanis essent, Capuæ quoque occultæ principum conjurationes factæ. De quibus quum ad senatum relatum esset, haudquaquam neglecta res est. quæstiones decretæ, dictatoremque quæstionibus exercendis dici placuit. C. Mænius dictus. is M. Fossium magistrum equitum dixit. Ingens erat magistratûs ejus terror. itaque si ve timore ejus, seu conscientia, Calavios, Ovium

Noviumque, (ea capita conjurationis fuerant) priusquam nominarentur apud dictatorem, mors haud dubie ab ipsis conscita iudicio subtraxit. Deinde, ut quaestioni Campanæ materia decessit, versa Romam interpretando res: non nominatim, qui Capuæ, sed in universum, qui usquam cõssent conjurassentve adversus rempublicam, quæri senatum jussisse: & coitiones honorum adipiscendorum causâ factas, adversus rempublicam esse: latiorque & re & personis quaestio fieri; haud abnuente dictatore, sine fine ulla quaestionis suæ jus esse. Postulabantur ergo nobiles homines. appellantibusque tribunos nemo erat auxilio, quin nomina reciperentur. Inde nobilitas, nec hi modò, in quos crimen intendebatur, sed universi simul, negare, nobilium id crimen esse; quibus, si nullâ obstetur fraude, pateat via ad honorem, sed hominum novorum. ipsos adeo dictatorem magistrumque equitum reos magis, quàm quaestitores idoneos ejus criminis esse: intellecturosque ita id esse, simul magistratu abissent. Tum enimvero Mænius, jam famæ magis, quàm imperii, memor, progressus in concionem ita verba fecit: *Et omnes anteaclæ vitæ vos conscios habeo, Quirites, & hic ipse honos, delatus ad me, testis est innocentia meæ. neque enim, quod saepe aliàs, quia ita tempora postulabant reipublicæ, qui bello clarissimus esset, sed qui maximè procul ab his coitionibus vitam egisset, dictator deligendus exercendis quaestionibus fuit. Sed quoniam quidam nobiles homines (quæ de causa, vos existimare, quàm me pro magistratu quicquam incòmpertum dicere, melius est) primùm ipsas expugnare quaestiones omni ope annisi sunt: dein, postquam ad id parum potentes erant, ne causam dicerent, in præsidia adversariorum, appellationem & tribunicium auxilium, patricii confugerunt. postremò repulsi inde (adco omnia tutiora, quàm ut innocentiam suam purgarent, visa) in nos irruerunt, & privatis dictatorem postulare reum verecundia non fuit: ut omnes Dii hominesque sciant, ab illis, etiam quæ non possint, tentari,*

ne rationem vite reddant; me obviam ire crimini, & offerre me inimicis reum, dictaturam me abdicco. Vos quaeso, consules, si vobis datum ab senatu negotium fuerit, in me primum & hunc M. Fostium quaestiones exerceatis; ut appareat, innocentiam nostram nos, non maiestate honoris, tutos à criminationibus istis esse. Abdicat inde se dictaturam, & post eum confestim Fostius magisterio equitum: primique apud consules (iis enim ab senatu mandata res est) rei facti, adversus nobilium testimonia egregie absolvuntur. Publilius etiam Philo, multiplicatis summis honoribus, post res tot domi belloque gestas, ceterum invictus nobilitati, causam dixit, absolutusque est. Nec diutius, ut fit, quam dum recens erat, quaestio per clara nomina reorum viguit. inde labi coepit ad viliora capita, donec coitionibus factionibusque, adversus quas comparata erat, oppressa est.

XXVII. Earum fama rerum, magis tamen spes Campanae defectionis, in quam conjuratum erat, Samnites, in Apuliam versos, rursus ad Caudium revocavit: ut inde ex propinquo, si qui motus occasionem aperiret, Capuam Romanis eriperent. Eo consules cum valido exercitu venerunt. & primo circa saltus, quum utrinque ad hostem iniqua via esset, cunctati sunt: deinde Samnites per aperta loca brevi circuitu in loca plana, Campanos campos, agmen demittunt, ibique primum castra in conspectu hostibus data: deinde levibus proeliis, equitum saepius, quam peditum, utrinque periculum factum: nec aut eventus eorum Romanum, aut morae, quam trahebant bellum, poenitebat. Samnitium contra ducibus, & carpi parvis quotidie damnis, & senescere dilatione belli vires suae videbantur. itaque in aciem procedunt, equitibus in cornua divisus: quibus praecipuum erat, intentiores ad respectum castrorum, ne qua eo vis fieret, quam ad proelium, starent: aciem pediti tutam fore. Consul Sulpicius in dextro, Poetelius in laevo cornu

consistunt. Dextra pars, quâ & Samnites raris ordinibus, aut ad circumeundos hostes, aut ne ipsi circumirentur, constiterant, latius patefacta stetit. Sinistris, præterquam quòd confertiores steterant, repentino consilio Pœtelii consulis additæ vires: qui subsidiarias cohortes, quæ integræ ad longioris pugnæ casus reservabantur, in primam aciem extemplo emisit; universisque hostem primo impetu viribus impulit. Commotâ pedestri acie Samnitium, eques in pugnam succedit. in hunc, transverso agmine inter duas acies se inferentem, Romanus equitatus concitat equos; signaque & ordines peditum atque equitum confundit, donec universam ab ea parte avertit aciem. In eo cornu non Pœtelius solus, sed Sulpicius etiam, hortator adfuerat, auctus ab suis nondum conferentibus manus ad clamorem, ab sinistra parte prius exortum. unde, haud dubiam victoriam cernens, quum ad suum cornu tenderet cum mille ducentis viris, dissimilem ibi fortunam invenit: Romanos loco pulsos, victorem hostem signa in perculsos inferentem. Ceterum omnia mutavit repenti consulis adventus. nam & conspectu ducis reffectus militum est animus: &, majus quam pro numero auxilium, advenerant fortes viri: & partis alterius victoria audita, mox visa etiam, prælium restituit. Totâ deinde jam vincere acie Romanus, &, omisso certamine, cædi capique Samnites; nisi qui Maleventum, cui nunc urbi Beneventum nomen est, per fugerunt. Ad triginta millia cæsa aut capta Samnitium, proditum memoriæ est.

XXVIII. Consules, egregiâ victoriâ partâ, protinus inde ad Bovianum oppugnandum legiones ducunt: ibique hiberna egerunt, donec ab novis consulibus L. Papirio Cursore quintum, C. Junio Bubulco iterum, nominatus dictator C. Pœtelius cum M. Fossio magistro equitum exercitum accepit. Is, quum audisset arcem Fregellanam ab Samnitibus captam, omisso Boviano

ad

ad Fregellas pergit. unde, nocturnâ Samnitium fugâ sine certamine receptis Fregellis, præsidioque valido imposito, in Campaniam reditum maximè ad Nolam armis repetendam. eò se intra mœnia, sub adventum dictatoris, & Samnitium omnis multitudo & Nolani agrestes contulerant. Dictator, urbis situ circumspetto, quo apertior aditus ad mœnia esset, omnia ædificia (& frequenter ibi habitabatur) circumjecta muris incendit. nec ita multo post, sive à Pœtelio dictatore, sive ab C. Junio consule, (nam utrumque traditur) Nola est capta. Qui captæ decus Nolæ ad consulem trahunt, adjiciunt, Atinam & Calatiam ab eodem captas; Pœtelium autem, pestilentia ortâ, clavi figendi causâ dictatorem dictum. Sueffa & Pontia eodem anno coloniz deductæ sunt. Sueffa Auruncorum fuerat: Volsci Pontias, insulam sitam in conspectu litoris sui, incoluerant. &, Interamna & Casinum ut deducerentur coloniz, senatusconsultum factum est. sed triumviros creavere, ac misere colonorum quatuor millia insequentes consules M. Valerius, P. Decius.

XXIX. Profligato ferè Samnitium bello, priusquam ea cura decederet Patribus Romanis, Etrusci belli fama exorta est. nec erat eâ tempestate gens alia, cujus secundum Gallicos tumultus arma terribiliora essent, quum propinquitate agri, tum multitudine hominum. Itaque, altero consulum in Samnio reliquias belli persequente, P. Decius, qui graviter æger Romæ restiterat, auctore senatu dictatorem C. Junium Bubulcum dixit. is, prout rei magnitudo postulabat, omnes juniores sacramento adigit: arma, quæque alia res poscit, summâ industriâ parat: nec tantis apparatibus elatus de inferendo bello agitat, quieturus haud dubiè, nisi ultro arma Etrusci inferrent. Eadem in comparando cohibendoque bello consilia & apud Etruscos fuere. neutri finibus egressi. & censura clara eo anno Ap. Claudii & C. Plautii fuit; memoriæ tamen felicioris

licioris ad posteros nomen Appii, quòd viam munivit, & aquam in urbem duxit, eaque unus perfecit ; quia, ob infamem atque invidiosam senatùs lectionem verecundià victus, collega magistratu se abdicaverat. Appius, jam inde antiquitus insitam pertinaciam familiæ gerendo, solus censuram obtinuit. Eodem Appio auctore, Potitii, gens, cujus ad aram Maximam Herculis familiare sacerdotium fuerat, servos publicos, ministerii delegandi causâ, solennia ejus sacri docuerat. Traditur inde dictu mirabile, & quod dinovendis statu suo sacris religionem facere posset, quum duodecim familiæ eâ tempestate Potitiorum essent, puberes ad triginta, omnes intra annum cum stirpe extinctos : nec nomen tantum Potitiorum interisse, sed censorem etiam Appium, memori Deum irâ, post aliquot annos luminibus captum.

XXX. Itaque consules, qui cum annum secuti sunt, C. Junius Bubulcus tertium & Q. Æmilius Barbula iterum, initio anni questi apud populum, deformatum ordinem pravâ lectione senatùs, quâ potiores aliquot lectis præteriti essent ; negaverunt, eam lectionem se, quæ sine recti pravique discrimine ad gratiam ac libidinem facta esset, observaturos : & senatum extemplo citaverunt eo ordine, qui ante censores Ap. Claudium & C. Plautium fuerat. Et duo imperia eo anno dari cœpta per populum, utraque pertinentia ad rem militarem : unum, ut tribuni militum seni deni in quatuor legiones à populo crearentur ; quæ antea, perquam paucis suffragio populi relictis locis, dictatorum & consulum ferme fuerant beneficia. tulere eam rogationem tribuni plebei L. Atilius, C. Marcius. Alterum, ut duumviros navales classis ornandæ reficiendæque causâ idem populus juberet. lator hujus plebisciti fuit M. Decius tribunus plebis. Ejusdem anni rem dictu parvam præterire, ni ad religionem visâ esset pertinere. Tibicines, quia prohibiti à proximis censoribus

foribus erant in æde Jovis vesci, quod traditum antiquitus erat, ægre passi, Tibur uno agmine abierunt: adeo ut nemo in urbe esset qui sacrificiis præcineret. Ejus rei religio tenuit senatum; legatosque Tibur miserunt, ut darent operam, ut hi homines Romanis restituerentur. Tiburtini, benignè polliciti, primum accitos eos in curiam hortati sunt, uti reverterentur Romam: postquam percelli nequibant, consilio, haud abhorrente ab ingeniis hominum, eos aggrediuntur. Die festo alii alios per speciem celebrandarum, cantu epularum causâ invitant, & vino, cujus avidum ferme genus est, oneratos sopiunt: atque ita in plaustra somno victos conjiciunt, ac Romam deportant. nec prius sensere, quàm, plaustris in foro relictis, plenos crapulæ eos lux oppressit. Tunc concursus populi factus, impetratoque, ut manerent, datum, ut triduum quotannis ornati, cum cantu atque hac, quæ nunc solennis est, licentia per urbem vagarentur: restitutumque in æde vescendi jus iis, qui sacris præcinerent. Hæc inter duorum ingentium bellorum curam gerebantur.

XXXI. Consules inter se provincias partiti; Junio Samnites, Æmilio novum bellum Etruria sorte obvenit. In Samnio Cluviam, præsidium Romanum, quia nequiverat vi capi, obsessum fame in deditionem acceperant Samnites, verberibusque foedum in modum laceratos occiderant deditos. Huic infensus crudelitati Junius, nihil antiquius oppugnatione Cluvianâ ratus, quo die aggressus est mœnia, vi cepit, atque omnes puberes interfecit. Inde victor exercitus Bovianum ductus. caput hoc erat Pentrorum Samnitium, longè ditissimum atque opulentissimum armis virisque. Ibi quia haud tantum irarum erat, spe prædæ milites accensi, oppido potiuntur. minùs itaque sævitum in hostes est: prædæ plus penè, quàm ex omni Samnio unquam, egestum, benignæque omnis militi concessa.

Et

Et postquam præpotentem armis Romanum nec acies subsistere ullæ, nec castra, nec urbes poterant; omnium principum in Samnio eò curæ sunt intentæ, ut insidiis quæreretur locus, si quâ licentiâ populando effusus exercitus excipi ac circumveniri posset. Transfugæ agrestes & captivi quidam, pars forte, pars consilio oblatis, congruentia ad consulem afferentes, quæ & vera erant, pecoris vim ingentem in saltum avium compulsam esse, perpulerunt, ut prædatum eò expeditæ ducerentur legiones. Ibi ingens hostium exercitus itinera occultus infederat, &, postquam intrasse Romanos vidit saltum, repente exortus cum clamore ac tumultu incautos invadit. Et primò nova res trepidationem fecit, dum arma capiunt, sarcinas congerunt in medium: dein, postquam, ut quisque liberaverat se onere, aptaveratque armis, ad signa undique coibant, &, notis ordinibus in veteri disciplina militiæ, jam sine præcepto ullius suâ sponte struebatur acies, consul, ad ancipitem maximè pugnam advectus, desilit ex equo, & Jovem, Martemque atque alios testatur Deos, *se nullam suam gloriam inde, sed prædam militi quærentem, in eum locum devenisse. neque in se aliud, quàm nimiam ditandi ex hoste militis curam, reprehendi posse: ab eo se dedecore nullam rem aliam, quàm virtutem militum, vindicaturam. conniterentur modò uno animo omnes invadere hostem, victum acie, castris exutum, nudatum urbibus, ultimam spem furto insidiarum tentantem, & loco, non armis, fretum. Sed quem esse jam virtuti Romana inexpugnabilem locum?* Fregellana arx, Soranaque, & ubicunque iniquo successum erat loco, memorabantur. His accensus miles, omnium immemor difficultatum, vadit adversus imminentem hostium aciem. ibi paulum laboris fuit, dum in adversum clivum erigitur agmen: ceterum, postquam prima signa planiciem summam ceperunt, sensitque acies æquo se jam institisse loco, versus extemplo est terror in insidiatores, easdemque latebras,

latebras, quibus se paulo antè texerant, palati atque inermes fugâ repetebant: sed loca difficilia, hosti quæsitâ, ipsos tum suâ fraude impediabant. Itaque ergo perpaucis effugium patuit: cæsa ad viginti millia hominum, victorque Romanus ad oblatam ultro ab hoste prædam pecorum discurrit.

XXXII. Dum hæc geruntur in Samnio, jam omnes Etruriæ populi præter Arretinos ad arma ierant, ab oppugnando Sutrio, quæ urbs, focia Romanis, velut claustra Etruriæ erat, ingens orsi bellum. Eò alter consulum Æmilius cum exercitu ad liberandos obsidione socios venit. Advenientibus Romanis, Sutrini commeatus benignè in castra ante urbem posita advenxere. Etrusci diem primum consultando, maturarent, traherentne bellum, traduxerunt. Postero die, ubi celeriora, quàm tutiora, consilia magis placuere ducibus, sole orto signum pugnæ propositum est, armatique in aciem procedunt. Quod postquam consuli nunciatum est, extemplo tesseram dari jubet, ut prandeat miles, firmatisque cibo viribus arma capiat. dicto paretur. Consul, ubi armatos paratosque vidit, signa extra vallum proferri jussit, & haud procul hoste instruxit aciem. Aliquandiu intenti utrinque steterunt, exspectantes ut ab adversariis clamor & pugna inciperet. & priùs sol meridie se inclinavit, quàm telum hinc aut illinc emissum est. inde, ne infectâ re abiretur, clamor ab Etruscis oritur, concinuntque tubæ, & signa inferuntur. Nec segniùs ab Romanis pugna initur. concurrunt insensis animis. numero hostis, virtute Romanus superat. Anceps prælium multos utrinque, & fortissimum quemque, absumit: nec priùs inclinata res est, quàm secunda acies Romana ad prima signa, integri fessis, successerunt. Etrusci, quia nullis recentibus subsidiis fulta prima acies fuit, ante signa circaque omnes ceciderunt. Nullo unquam prælio fugæ minus, nec plus cædis fuisset, ni obstinatos mori

mori Tuscos nox texisset; ita ut victores prius, quam victi, pugnandi finem facerent. Post occasum solis signum receptui datum est: nocte ab utroque in castra reditum. Nec deinde quicquam eo anno rei memoriâ dignæ apud Sutrium gestum est; quia & ex hostium exercitu prima tota acies deleta uno prælio fuerat, subsidiariis modò relictis, vix quod satis esset ad castrorum præsidium: & apud Romanos tantum vulnerrum fuit, ut plures post prælium faucii decesserint, quàm ceciderant in acie.

XXXIII. Q. Fabius, insequentis anni consul, bellum ad Sutrium excepit. collega Fabio C. Marcius Rutilus datus est. Ceterum & Fabius supplementum ab Roma adduxit, & novus exercitus domo accitus Etruscis venit. Permulti anni jam erant, quum inter patricios magistratus tribunosque nulla certamina fuerant: quum ex ea familia, quæ velut fatalis tum tribunis ac plebi erat, certamen oritur. Ap. Claudius censor, circumactis decem & octo mensibus, quod Æmiliâ lege finitum censuræ spatium temporis erat, quum C. Plautius collega ejus magistratu se abdicasset, nullâ vi compelli, ut abdicaret, potuit. P. Sempronius erat tribunus plebis; qui finiendæ censuræ intra legitimum tempus actionem susceperat, non popularem magis, quàm justam; nec in vulgus, quàm optimo cuique, gratiorem. Is, quum identidem legem Æmiliam recitaret, auctoremque ejus Mam. Æmilium dictatorem laudibus ferret; qui quinquennalem antè censuram, & longinquitate potestatem dominantem, intra sex mensium & anni coëgisset spatium: *Dic, agetum, inquit, Ap. Claudi, quidnam facturus fueris, si eo tempore, quo C. Furius & M. Geganius censores fuerunt, censor fuisses?* Negare Appius, interrogationem tribuni magno opere ad causam pertinere suam nam, etsi tenuerit lex Æmilia eos censores, quorum in magistratu lata esset, quia post illos censores creatos eam legem populus jussisset, quodque postre-

mum

num jussisset, id jus ratumque esset; non tamen aut se, aut eorum quemquam, qui post eam legem latam creati censores essent, teneri eâ lege potuisse.

XXXIV. Hæc sine ullius assensu cavillante Appio, *En, inquit, Quirites, illius Appii progenies, qui, decemvir in annum creatus, altero anno se ipse creavit: tertio, nec ab se, nec ab ullo creatus, privatus fasces & imperium obtinuit. nec ante continuando abstinit magistratu, quàm obruerent eum male parta, male gesta, male retenta imperia. Hæc est eadem familia, Quirites, cujus vi atque injuriis compulsi, extorres patriâ, Sacrum montem cepistis: hæc, adversus quam tribuniciû auxilium vobis comparâstis: hæc, propter quam duo exercitus Aventinum insedistis: hæc, quæ sænebres leges; hæc, quæ agrarias semper impugnavit: hæc connubia Patrum & plebis interrupit: hæc plebi ad curules magistratus iter obsepsit: hoc est nomen multo, quàm Tarquiniorum, infestius vestræ libertati. Itane tandem, Ap. Claudî, quum centesimus jam annus sit ab Mam. Æmilio dictatore, tot censores fuerint, nobilissimi fortissimique viri, nemo eorum duodecim tabulas legit? nemo id jus esse, quod postremò populus jussisset, scivit? Immo verò omnes sciverunt; & ideo Æmilia potius legi paruerunt, quàm illi antiquæ, quâ primùm censores creati erant, quia hanc postremam jusserrat populus: & quia, ubi duæ contrariæ leges sunt, semper antiquæ obrogat nova. An hoc dicis, Appi, non teneri Æmiliâ lege populum? an populum teneri, te unum ex legem esse? Tenuit Æmilia lex violentos illos censores, C. Furium & M. Geganium; qui, quid iste magistratus in republica malî facere posset, indicârunt: quum, irâ finitæ potestatis, Mam. Æmilium, principem ætatis suæ belli domique, ærarium fecerunt: tenuit deinceps omnes censores intra centum annorum spatium: tenet C. Plautium collegam tuum, iisdem auspiciis, eodem jure creatum. An hunc non, ut qui optimo jure censor creatus esset, populus creavit? tu unus eximius es, in quo hoc præcipuum ac singulare valeat? Quem tu regem sacrificiorum crees, amplexus regni nomen, ut qui optimo jure rex Romæ creatus sit, creatum se dicet?*

dicet? quem semestri dictaturâ, quem interregno quinque dierum contentum fore putes? quem clavi figendi, aut ludorum causâ dictatorem audacter crees? Quàm isti stolidos ac sordides videri creditis eos, qui intra vicesimum diem, ingentibus rebus gestis, dictaturâ se abdicaverunt, aut qui vitio creati abierunt magistratu? Quid ego antiqua repetam? Nuper intra decem annos C. Manius dictator, quia, quum quæstiones severius, quàm quibusdam potentibus tutum erat, exerceret, contagio ejus, quod quærebat ipse, criminis objectata ab inimicis est, ut privatus obviâ iret crimini, dictaturâ se abdicavit. Nolo ego istam in te modestiam, ne degeneraveris à familia imperiosissima & superbissima: non die, non horâ citius, quàm necesse est, magistratu abieris; modò ne excedas finitum tempus. Satis est, aut diem, aut mensem censura adjicere? Triennium, inquit, & sex menses ultra, quàm licet Æmiliâ lege, censuram geram, & solus geram. hoc quidem jam regno simile est. An collegam subrogabis, quem ne in demortui quidem locum subrogari fas est? Pœnitet enim, quòd antiquissimum solenne, & solum ab ipso, cui fit, institutum Deo, ab nobilissimis antistitibus ejus sacri ad servorum ministerium religiosus censor deduxisti. gens antiquior originibus urbis hujus, hospitio Deorum immortalium sancta, propter te ac tuam censuram intra annum ab stirpe extincta est: nisi universam rempublicam eo nefario obstrinxeris, quod ominari etiam reformidat animus. Urbs eo lustro capta est, quo, demortuo collegâ C. Julio censore, L. Papirius Cursor, ne abiret magistratu, M. Cornelium Maluginensem collegam subrogavit. Et quanto modestior illius cupiditas fuit, quàm tua, Appi? Nec solus, nec ultra finitum lege tempus L. Papirius censuram gessit, tamen neminem invenit, qui se postea auctorem sequeretur. omnes deinceps censes post mortem collegæ se magistratu abdicârunt. Te, nec quòd dies exit censuræ, nec quòd collega magistratu abiit, nec lex, nec pudor coërcet: virtutem in superbia, in audacia, in contemptu Deorum hominumque ponis. Ego te, Ap. Claudii, pro istius magistratûs majestate ac verecundia, quem gessisti, non mo-

dò

ab manu violatum, sed ne verbo quidem inclementiori à me appellatum vellem : sed & hac, quæ adhuc egi, pervicacia tua & superbia coëgit me loqui ; &, nisi Æmia legi parueris, in vincula duci jubebo : nec, quum ita comparatum à majoribus sit, ut, comitiis censoriis nisi duo confecerint legitima suffragia, non renunciato altero comitia differantur, ego te, qui solas censor creari non possis, solum censuram gerere patiar. Hæc taliaque quum dixisset, prendi censorem, & in vincula duci jussit. Approbantibus sex tribunis actionem collegæ, tres appellanti Appio auxilio fuerunt; summæque invidiâ omnium ordinum solus censuram gessit.

XXXV. Dum ea Romæ geruntur, jam Sutrium ab Etruscis obsidebatur : consulque Fabio, imis montibus ducenti ad ferendam opem sociis tentandasque munitiones, si quâ posset, acies hostium instructa occurrat ; quorum ingentem multitudinem quum ostenderet subjecta latè planicies ; consul, ut loco paucitatem suorum adjuvaret, flectit paululum in clivos agmen, (asperta erant strata faxis) inde signa in hostem obvertit. Etrusci, omnium, præterquam multitudinis suæ, quâ solâ freti erant, immemores, prælium ineunt adeo raptim & avidè, ut, abjectis missilibus, quo celerius manus confererent, stringerent gladios, videntes in hostem. Romanus contrà nunc tela, nunc saxa, quibus eos affatim locus ipse armabat, ingerere. Igitur scuta galeæque istæ, quum etiam, quos non vulneraverant, turbarent, (neque subire erat facile ad propiorem pugnam, neque missilia habebant, quibus eminus rem gererent) stantes & expositos ad ictus quum jam satis nihil tegeret, quosdam etiam pedem referentes, fluctuantemque & instabilem aciem, redintegrato clamore, strictis gladiis hastati & principes invadunt. cum impetum non tulerunt Etrusci, versisque signis, fugâ effusâ castra repetunt. Sed equites Romani, prævecti per obliqua campi, quum se fugientibus obtulissent,

ferent, omisso ad castra itinere, montes petunt. Inde inermi penè agmine ac vexato vulneribus in silvam Ciminiam penetratum. Romanus, multis millibus Etruscorum cæsis, duodequadraginta signis militaribus captis, castris etiam hostium cum præda ingenti potitur. Tum de persequendo hoste agitari cœptum.

XXXVI. Silva erat Ciminia magis tum invia atque horrenda, quàm nuper fuere Germanici saltus, nulli ad eam diem ne mercatorum quidem adita. eam intrare haud ferè quisquam, præter ducem ipsum, audebat. aliis omnibus cladis Caudinæ nondum memoria aboleverat. Tum ex iis, qui aderant, (consulis fratrem M. Fabium, Kæsonem alii, C. Claudium quidam matre eadem, quâ consulem, genitum tradunt) speculatum se iturum professus, brevique omnia certa allaturum. Cære educatus apud hospites, Etruscis inde literis eruditus erat, linguamque Etruscam probè noverat. Habeo auctores, vulgò tum Romanos pueros, sicut nunc Græcis, ita Etruscis literis erudiri solitos. Sed propius est vero, præcipuum aliquid fuisse in eo, qui se tam audaci simulatione hostibus immiscuerit. servus ei dicitur comes unus fuisse, nutritus unà, eoque haud ignarus linguæ ejusdem : nec quicquam aliud proficiscentes, quàm summatim regionis, quæ intranda erat, naturam ac nomina principum in populis accipere ; ne quâ inter colloquia insigni notâ hæsitantes deprehendi possent. Iere pastoralis habitu, agrestibus telis, falcibus gæsisque binis armati. Sed neque commercium linguæ, nec vestis armorumve habitus sic eos texit, quàm quòd abhorrebat à fide, quemquam externum Ciminios saltus intraturum. Usque ad Camertes Umbros penetrâsse dicuntur. ibi, qui essent, fateri Romanum ausum : introductumque in senatum consulis verbis egisse de societate amicitiaque : atque inde comi hospitio acceptum, nunciare Romanis jussum, commeatum exercitui dierum triginta præsto fore,

re, si ea loca intrasset; juventutemque Camertium Umbro-
 rorum in armis paratam imperio futuram. Hæc
 quum relata consuli essent, impedimentis primâ vigi-
 liâ præmissis, legionibus post impedimenta ire jussis,
 ipse substitit cum equitatu: & luce ortâ, postero die
 obequitavit stationibus hostium, quæ extra saltum dis-
 positæ erant: & quum satis diu tenuisset hostem, in
 castra sese recepit; portâque alterâ egressus, ante no-
 ctæ agmen assequitur. Postero die, luce primâ, juga
 Ciminii montis tenebat. inde, contemplatus opulenta
 Etruriæ arva, milites emittit. Ingenti jam abactâ præ-
 dâ, tumultuariæ agrestium Etruscorum cohortes, re-
 pentè à principibus regionis ejus concitatæ, Romanis
 occurrunt, adeo incompositæ, ut vindices prædarum
 propè ipsi prædæ fuerint. Cæsis fugatisque iis, latè
 depopulato agro, victor Romanus, opulentusque re-
 rum omnium copiâ, in castra rediit. Eò fortè quin-
 que legati cum duobus tribunis plebis venerant, de-
 nunciatum Fabio senatûs verbis, ne saltum Ciminium
 transiret. lætati seriùs se, quàm ut impedire bellum
 possent, venisse, nuncii victoriæ Romam revertuntur.

XXXVII. Hac expeditione consulis motum latius
 erat, quàm profligatum, bellum. vastationem namque
 sub Ciminii montis radicibus jacens ora senserat, con-
 civeratque indignatione non Etruriæ modò populos,
 sed Umbriæ finitima. Itaque, quantus non unquam
 antea, exercitus ad Sutrium venit: neque è silvis tan-
 tummodo promota castra, sed etiam aviditate dimi-
 candi quàm primùm in campos delata acies: deinde
 instructa primò suo stare lóco, relicto hostibus ad in-
 struendum contrâ spatium: dein, postquam detrectare
 hostem sensere pugnam, ad vallum subeunt. Ubi post-
 quam stationes quoque receptas intra munimenta sen-
 sere, clamor repentè circa duces ortus, ut eò sibi è ca-
 stris cibaria ejus diei deferri juberent; *mansuros se sub ar-*
mis, & aut nocte, aut certè luce primâ castra hostium inva-
suros.

furos. Nihilo quietior Romanus exercitus imperio ducis continetur. decima erat fere diei hora, quum cibum capere consul milites jubet; præcipit, ut in armis sint, quacunque diei noctisve horâ signum dederit. Paucis milites alloquitur, Samnitium bella extollit, elevat Etruscos: *nec hostem hosti, nec multitudinem multitudini comparandam ait esse. Præterea telum aliud occultum scituros in tempore: interea taceri opus esse.* His ambagibus prodi simulabat hostes, quo animus militum multitudine territus restitueretur: & quòd sine munimento confederant, verisimilius erat, quod simulabatur. Curati cibo corpora quieti dant, & quartâ ferè vigiliâ sine tumultu excitati arma capiunt. Dolabræ caloniibus dividuntur ad vallum proruendum fossasque implendas. intra munimenta instruitur acies: delectæ cohortes ad portarum exitus collocantur. dato deinde signo paulo ante lucem, quod æstivis noctibus sopitæ maximè quietis tempus est, proruto vallo erupit acies: stratos passim invadit hostes: alios immobiles, alios semisomnos in cubilibus suis, maximam partem ad arma trepidantes, cædes oppressit. paucis armandi sedatum spatium est. Eos ipsos, non signum certum, non ducem sequentes, fundit Romanus, fugatos eques persequitur. ad castra, ad silvas diversi tendebant. Silvæ tutius dedere refugium. nam castra in campis sita eodem die capiuntur. aurum argentumque iussu referri ad consulem: cetera præda militis fuit. Cæsa aut capta eo die hostium millia ad sexaginta. Eam tam claram pugnam trans Ciminiam silvam ad Perusiam pugnatam, quidam auctores sunt; metuque in magno civitatem fuisse, ne interclusus exercitus tam infesto saltu, coortis undique Tuscis Umbrisque, opprimeretur. Sed, ubicunque pugnatum est, res Romana superior fuit: itaque à Perusia, & Cortona, & Arretio, quæ ferme capita Etruriæ populorum eâ tempestate erant,

rant, legati, pacem fœdusque ab Romanis petentes, inducias in triginta annos impetraverunt.

XXXVIII. Dum hæc in Etruria geruntur, consul alter C. Marcius Rutilus Allifas de Samnitibus vi cepit. multa alia castella vicique, aut deleta hostiliter, aut integra in potestatem venere. Per idem tempus & classis Romana à P. Cornelio, quem senatus maritimæ oræ præfecerat, in Campaniam acta, quum appulsa Pompejos esset; focii inde navales ad depopulandum agrum Nucerinum profecti, proximis raptim vastatis, unde reditus tutus ad naves esset, dulcedine (ut fit) prædæ longius progressi, excivere hostes. Palatis per agros nemo obvius fuit, quum occidione occidi possent: redeuntes agmine incauto haud procul navibus affecuti agrestes exuerunt prædâ, partem etiam occideruat: quæ superfuit cædi, trepida multitudo ad naves compulsæ est. Profectio Q. Fabii trans Ciminiam silvam quantum Romæ terrorem fecerat, tam lætam famam in Samnium ad hostes tulerat: *interclusum Romanum exercitum obsideri, cladisque imaginem Furculas Caudinas memorabant. eâdem temeritate avidam ulteriorum semper gentem in saltus invios deductam, septam non hostium magis armis, quàm locorum iniquitatibus, esse.* Jam gaudium invidiâ quâdam miscebatur, quòd belli Romani decus ab Samnitibus fortuna ad Etruscos avertisset. itaque armis virisque ad obterendum C. Marcium consulem concurrunt; protinus inde Etruriam per Marfos ac Sabinos petituri, si Marcius dimicandi potestatem non faciat. Obvius iis consul fuit. dimicatum prælio utrinque atroci, atque incerto eventu est. & quum anceps cædes fuisset, adversæ tamen rei fama in Romanos vertit, ob amissos quosdam equestris ordinis, tribunosque militum, atque unum legatum, & (quod insigne maximè fuit) consulis ipsius vulnus. Ob hæc etiam aucta famâ (ut solet) ingens terror Patres invasit, dictatoremque dici placebat: nec,

quin Cursor Papirius diceretur, in quo tum summa rei bellicæ ponebatur, dubium cuiquam erat: sed ne in Samnium nuncium perferri, omnibus infestis, tutò posse; nec vivere Marcium consulem satis fidebant. Alter consul Fabius infestus privatim Papirio erat: quæ ne ira obstaret bono publico, legatos ex consularium numero mittendos ad eum senatus censuit: qui suâ quoque eum, non publicâ solùm, auctoritate moverent, ut memoriam simultatum patriæ remitteret. Profecti legati ad Fabium quum senatusconsultum tradidissent, adjecissentque orationem convenientem mandatis, consul, demissis in terram oculis, tacitus ab incertis, quidnam acturus esset, legatis recessit. nocte deinde silentio (ut mos est) L. Papirium dictatorem dixit, cui quum ob animum egregiè victum legati gratias agerent, obstinatum silentium obtinuit, ac sine responso ac mentione facti sui legatos dimisit, ut appareret, insignem dolorem ingenti comprimi animo. Papirius C. Junium Bubulcum magistrum equitum dixit: atque ei, legem curiatam de imperio ferenti, triste omen diem diffudit, quòd Fautia curia fuit principium, duabus insignis cladibus, captæ urbis, & Caudinæ pacis: quòd utroque anno eadem curia fuerat principium. Macer Licinius tertiâ etiam clade, quæ ad Cremeram accepta est, abominandam eam curiam facit.

XXXIX. Dictator postero die, auspiciis repetitis, pertulit legem; &, profectus cum legionibus, ad terrorem traducti silvam Ciminiam exercitûs nuper scriptis, ad Longulam pervenit: acceptisque à Marcio consule veteribus militibus, in aciem copias eduxit. nec hostes detrectare visi pugnam. instructos deinde armatosque (quum ab neutris proelium inciperet) nox oppressit. Quietis aliquandiu, nec suis diffidentes viribus, nec hostem spernentes, stativa in propinquo habuere. Interea res in Etruria gestæ. nam & cum Umbroꝝ exercitu acie depugnatum est; (fusi tamen
magis,

magis, quàm cæsi, hostes, quia cœptam acriter non tolerârunt pugnam) & ad Vadimonis lacum Etrusci, lege sacratâ coacto exercitu, quum vir virum legisset, quantis nunquam aliàs antea simul copiis, simul animis, dimicârunt: tantoque irarum certamine gesta res est, ut ab neutra parte emissa sint tela. gladiis pugna cœpit, &, acerrimè commissa, ipso certamine, quod aliquandiu anceps fuit, accensa est: ut non cum Etruscis toties victis, sed cum aliqua nova gente, videretur dimicatio esse. Nihil ab ulla parte movetur fugæ: cadunt antesignani: &, ne audentur propugnatoribus signa, sit ex secunda prima acies. Ab ultimis deinde subsidiis cietur miles: adeoque ad ultimum laboris ac periculi ventum est, ut equites Romani, ommissis equis, ad primos ordines peditum per arma, per corpora evaserint: ea velut nova inter fessos exorta acies turbavit signa Etruscorum. Secuta deinde impetum eorum, utcunque affecta erat, cetera multitudo tandem perrumpit ordines hostium. Tunc vinci pertinacia cœpta, & averti manipuli quidam: &, ut semel dedere terga, etiam certiores capeffere fugam. Ille primam dies fortunâ veteri abundantes Etruscorum fregit opes. cæsum in acie, quod roboris fuit; castra eo impetu capta direptaque.

XL. Pari subinde periculo gloriæque eventu bellum in Samnitibus erat; qui, præter ceteros belli apparatus, ut acies sua fulgeret novis armorum insignibus, fecerunt. Duo exercitus erant: scuta alterius auro, alterius argento cælaverunt. Forma erat scuti: summum latius, quàm pectus atque humeri teguntur, fastigio æquali; ad imum cuneatior, mobilitatis causâ. Spongia pectori tegumentum: & finistrum crus ocreâ tectum. galeæ cristatæ, quæ speciem magnitudini corporum adderent. tunicæ auratis militibus versicolores, argentatis linteæ candidæ. his dextrum cornu datum: illi in sinistro consistunt. Notus jam Romanis apparatus

ratus insignium armorum fuerat; doctique à ducibus erant, *horridum militem esse debere; non calatum auro & argento, sed ferro & animis fretum. quippe illa prædam verius, quàm arma, esse; nitentia ante rem, deformia inter sanguinem & vulnera. Virtutem esse militis decus, & omnia illa victoriam sequi; & ditem hostem quamvis pauperis victoris præmium esse.* His Cursor vocibus instinctos milites in prælium ducit, dextro ipse cornu consistit; sinistro præfecit magistrum equitum. Simul est concursus, ingens fuit cum hoste certamen; non segnius inter dictatorem & magistrum equitum, ab utraque parte victoria inciperet. Prior fortè Junius commovit hostem, lævo dextrum cornu, sacros more Samnitium milites, eoque candidâ veste & paribus candore armis insignes. *eos se Orco mactare* Junius dictitans, quum intulisset signa, turbavit ordines, & haud dubiè impulit aciem. Quod ubi sensit dictator, *Ab lævone cornu victoria incipiet?* inquit, *& dextrum cornu, dictatoris acies, alienam pugnam sequetur, non partem maximam victoria trahet?* Concitat milites. nec peditum virtuti equites, aut legatorum studia ducibus cedunt. M. Valerius à dextro, P. Decius ab lævo cornu, ambo consules, ad equites in cornibus positos evadunt: adhortatique eos, ut partem secum capefferent decoris, in transversa latera hostium incurrunt. Is novus additus terror quum ex parte utraque circumvasisset aciem, & ad terrorem hostium legiones Romanæ, redintegrato clamore, intulissent gradum, tum fuga ab Samnitibus cœpta. Jam strage hominum armorumque insignium campi repleri; ac primò pavidos Samnites castra sua accepere: deinde ne ea quidem retenta. captis direptisque ante noctem injectus ignis. Dictator ex senatusconsulto triumphavit. cujus triumpho longè maximam speciem captiva arma præbuere. tantum magnificentie visum in iis, ut aurata scuta dominis argentariarum ad forum ornandum dividerentur. inde natum

tum initium dicitur fori ornandi ab ædilibus, quum tensæ ducerentur. Et Romani quidem ad honorem Deum insignibus armis hostium usi sunt: Campani, ab superbia & odio Samnitium, gladiatores (quod spectaculum inter epulas erat) eo ornatu armarunt, Samnitiumque nomine compellarunt. Eodem anno cum reliquis Etruscorum ad Perusiam, quæ & ipsa induciarum fidem ruperat, Fabius consul nec dubiâ nec difficili victoriâ dimicat. ipsum oppidum (nam ad mœnia victor accessit) cepisset, ni legati dedentes urbem exissent. Præsidio Perusiæ imposito, legationibus Etruriæ amicitiam petentibus præ se Romam ad senatum missis, consul, præstantiore etiam, quàm dictator, victoriâ triumphans, urbem est invectus. Quin etiam devictorum Samnitium decus magna ex parte ad legatos, P. Decium & M. Valerium, est versum: quos populus proximis comitiis ingenti consensu consulem alterum, alterum prætorem declaravit.

XLI. Fabio ob egregiè perdomitam Etruriam continuatur consulatus; Decius collega datur. Valerius prætor quartum creatus. Consules partiti provincias. Etruria Decio, Samnium Fabio evenit. Is profectus ad Nuceriam Alfaternam, tum pacem petentes, quod uti eâ, quum daretur, noluisissent, aspernatus, oppugnando ad deditionem subegit. Cum Samnitibus acie dimicatum. haud magno certamine hostes victi: neque ejus pugnae memoria tradita foret, ni Marfi eo primum prælio cum Romanis bellassent. Secuti Marforum defectionem Peligni, eandem fortunam habuerunt. Decio quoque alteri consuli secunda belli fortuna erat. Tarquiniensem metu subegerat frumentum exercitui præbere, atque inducias in quadraginta annos petere. Volsiniensium castella aliquot vi cepit: quædam ex iis diruit, ne receptaculo hostibus essent: circumferendoque passim bello, tantum terrorem sui fecit, ut nomen omne Etruscum fœdus ab consule peteret.

teret. Ac de eo quidem nihil impetratum. induciæ annuæ datæ. stipendium exercitui Romano ab hoste in eum annum pensum, & binæ tunicæ in militem exactæ. ea merces induciarum fuit. Tranquillas res jam Etruscis turbavit repentina defectio Umbrorum, gentis integræ à cladibus belli, nisi quòd transitum exercitus ager senserat. Ii, concitatâ omni juventute suâ, & magnâ parte Etruscorum ad rebellionem compulsâ, tantum exercitum fecerant, ut, relicto post se in Etruria Decio, ad oppugnandam inde Romam ituros, magnificè de se, ac contemptim de Romanis loquentes, jactarent. Quod inceptum eorum ubi ad Decium consulem perlatum est, ad urbem ex Etruria magnis itineribus pergit, & in agro Pupiniensi ad famam intentus hostium confedit. Nec Romæ spernebatur Umbrorum bellum: & ipsæ minæ metum fecerant expertis à Gallica clade, quàm intutam urbem incoherent. Itaque legati ad Fabium consulem missi sunt, ut, si quid laxamenti à bello Samnitium esset, in Umbriam propere exercitum duceret. Dicto paruit consul, magnisque itineribus ad Mevaniam, ubi tum copię Umbrorum erant, perrexit. Repens adventus consulis, quem procul Umbria in Samnio bello alio occupatum crediderant, ita exterruit Umbros, ut alii recedendum ad urbes munitas, quidam omittendum bellum censerent. Plaga una (Materinam ipsi appellant) non continuit modò ceteros in armis, sed confestim ad certamen egit. castra vallantem Fabium adorti sunt. Quos ubi effusos ruere in munimenta consul vidit, revocatos milites ab opere, prout loci natura tempusque patiebatur, ita instruxit: cohortatusque prædicatione verâ quâ in Tuscis, quâ in Samnio partorum decorum, exiguam appendicem Etrusci belli conficere jubet: & vocis impiæ poenas expetere, quâ se urbem Romanam oppugnaturus minati sunt. Hæc tantâ sunt alacritate militum audita, ut clamor, suâ sponte ortus,

loquen-

loquentem interpellaverit ducem. ante imperium deinde concentu tubarum ac cornuum cursu effuso in hostem feruntur. Non tanquam in viros aut armatos incurrunt : (mirabilia dictu !) signa primò eripi cœpta signiferis ; deinde ipsi signiferi trahi ad consulem, armatique milites ex acie in aciem transferri. & sicubi est certamen, scutis magis, quàm gladiis, geritur res. umbonibus incussâque alâ sternuntur hostes. plus capitur hominum, quàm cœditur : atque una vox ponere arma jubentium per totam fertur aciem. Itaque inter ipsum certamen facta deditio est à primis auctoribus belli. postero insequentibusque diebus & ceteri Umbrorum populi deduntur. Oriculahi sponcione in amicitiam accepti.

XLII. Fabius, alienæ fortis victor belli, in suam provinciam exercitum reduxit. itaque ei, ob res tam feliciter gestas, sicut priore anno populus continuaverat consulatum, ita senatus in insequentem annum, quo Ap. Claudius, L. Volumnius consules fuerunt, prorogavit, maximè Appio adversante, imperium. Appium censorem petisse consulatum, comitiaque ejus ab L. Furio tribuno plebis interpellata, donec, se censurâ abdicavit, in quibusdam annalibus invenio. Creatus consul, quum collegæ novum bellum, Salentini hostes decernerentur, Romæ mansit, ut urbanis artibus opes augeret, quando belli decus penes alios esset. Volumnium provinciæ haud pœnituit. multa secunda præliâ fecit : aliquot urbes hostium vi cepit. prædæ erat largitor, & benignitatem per se gratam comitate adjuvabat ; militemque iis artibus fecerat & periculi & laboris avidum. Q. Fabius proconsul ad urbem Allifas cum Samnitium exercitu signis collatis configit. minimè ambigua res fuit. Fusi hostes, atque in castra compulsi. nec castra forent retenta, ni exiguum superfuisset diei : ante noctem tamen sunt circumfessa, & nocte custodita, ne quis elabi posset. Postero die, vix-

dum luce certâ, deditio fieri cœpta : & pacti, qui Samnitium forent, ut cum singulis vestimentis emitterentur. Hi omnes sub jugum missi. sociis Samnitium nihil cautum. ad septem millia sub corona venire. qui se civem Hernicum dixerat, seorsum in custodia habitus. Eos omnes Fabius Romam ad senatum misit : & quum quæsitum esset, delectu, an voluntarii pro Samnitibus adversus Romanos bellâssent, per Latinos populos custodiendi dantur. jussique eam integram rem novi consules, P. Cornelius Arvina, Q. Marcius Tremulus, (ii enim jam creati erant) ad senatum referre. id ægre passi Hernici, concilium populorum omnium habentibus Anagninis in circo, quem Maritimum vocant, præter Alatrinatem, Ferentinatēque, & Verulanum, omnes Hernici nominis populo Romano bellum indixerunt.

XLIII. In Samnio quoque, quia decesserat inde Fabius, novi motus exorti. Calatia & Sora, præsidiaque, quæ in iis Romana erant, expugnata : & in captivorum corpora militum fœdè sævitum. itaque eò P. Cornelius cum exercitu missus. Marcio novi hostes (jam enim Anagninis Hernicisque aliis bellum jussum erat) decernuntur. Primò ita omnia opportuna loca hostes inter consulum castra interceperunt, ut pervadere expeditus nuncius non posset, & per aliquot dies incerti rerum omnium, suspensique de statu alterius, uterque consul ageret, Romamque is metus manaret ; adeo ut omnes juniores sacramento adigerentur, atque ad subita rerum duo jussi scriberentur exercitus. Ceterum Hernicum bellum nequaquam pro præsentī terrore ac vetustate gentis gloriæ fuit. nihil usquam dictu dignum ausi, trinis castris intra paucos dies exuti, triginta dierum inducias, ita ut ad senatum Romam legatos mitterent, pacti sunt bimestri stipendio frumentoque, & singulis in militem tunicis. Ab senatu ad Marcium rejecti, cui senatusconsulto permissum

missum de Hernicis erat : isque eam gentem in dediti-
onem accepit. Et in Samnio alter consul superior vi-
ribus, locis impeditior erat. Omnia itinera obseps-
erant hostes, saltusque pervios ceperant, ne quâ sub-
vehi commeatus possent : neque eos, quum quotidie
signa in aciem consul proferret, elicere ad certamen
poterat : satisque apparebat, neque Samnitum certa-
men præsens, nec Romanum dilationem belli laturum.
Adventus Marcii, qui, Hernicis subactis, maturavit
collegæ venire auxilio, moram certaminis hosti exe-
mit. nam, ut qui ne alteri quidem exercitui se ad cer-
tamen credidissent pares, conjungi utique passi duos
consulares exercitus nihil crederent superesse spei, ad-
venientem incompósito agmine Marcium aggrediun-
tur. Raptim collatæ sarcinæ in medium ; &, prout
tempus patiebatur, instructa acies. Clamor primum
in stativa perlatus, dein conspectus procul pulvis, tu-
multum apud alterum consulem in castris fecit. isque,
confestim arma capere jussis, raptimque eductis in a-
ciem militibus, transversam hostium aciem, atque alio
certamine occupatam, invadit ; clamitans, *summum fla-
gitium fore, si alterum exercitum utriusque victoria compo-
tem sinerent fieri, nec ad se sui belli vindicarent decus*. Quâ
impetum dederat, perrumpit ; aciemque per mediam
in castra hostium tendit, & vacua defensoribus capit
atque incendit. Quæ ubi flagrantia Marcianus miles
conspexit, & hostes respexere, tum passim fuga cœpta
Samnitium fieri. sed omnia obtinet cædes, nec in ul-
lam partem tutum perfugium est. Jam, triginta mil-
libus hostium cæsis, signum receptui consules dede-
rant, colligebantque in unum copias, in vicem inter
se gratantes : quum repente visæ procul hostium novæ
cohortes, quæ in supplementum scriptæ fuerant, inte-
gravere cædem. in quas, nec jussu consulum, nec si-
gno accepto, victores vadunt ; *malo tirocinio imbuendum
Samnitum, clamitantes*. Indulgent consules legionum

ardori, ut qui probè scireat, novum militem hostium inter perculos fugà veteranos ne tentando quidem satis certamini fore. Nec eos opinio fefellit. omnes Samnitium copie, veteres novæque, montes proximos fugà capiunt, eò & Romana erigitur acies; nec quicquam satis tuti loci victis est. & de jugis, quæ ceperant, funduntur; jamque unâ voce omnes pacem petebant. Tum, trium mensium frumento imperato, & annuo stipendio, ac singulis in militem tunicis, ad senatum pacis oratores missi. Cornesius in Samnio relictus. Marcius de Hernicis triumphans in urbem rediit; statuaque equestris in foro decreta est, quæ ante templum Castoris posita est. Hernicorum tribus populis, Alatrinati, Verulano, Ferentinati, quia maluerunt, quàm civitatem, suæ leges redditz: connubiumque inter ipsos, quod aliquandiu soli Hernicorum habuerunt, permissum. Anagninis, quique arma Romanis intulerant, civitas sine suffragii latione data: concilia connubiaque adempta: & magistratibus, præterquam sacrorum curatione, interdictum. Eodem anno ædes Salutis à C. Junio Bubulco censore locata est, quam consul bello Samnitium voverat. ab eodem collegaque ejus M. Valerio Maximo viæ per agros publicâ impensâ factæ. Et cum Karthaginensibus eodem anno foedus tertio renovatum: legatisque eorum, qui ad id venerant, comiter munera missa.

XLIV. Dictatorem idem annus habuit P. Cornelium Scipionem, cum magistro equitum P. Decio Mure. ab iis, propter quæ creati erant, comitia consularia habita, quia neuter consulum potuerat bello abesse. Creati consules L. Postumius, Ti. Minucius. Hos consules Piso Q. Fabio & P. Decio suggerit, biennio exempto, quo Claudium Volumniumque, & Cornelium cum Marcio consules factos tradidimus. memoriane fugerit in annalibus digerendis, an consultò binos consules, falsos ratus, transcenderit, incertum est. Eodem

dem anno in campum Stellatæ agri Campani Samnitium incursiones factæ. Itaque ambo consules, in Samnium missi, quum diversas regiones, Tifernum Postumius, Bovianum Minucius, petissent; Postumii prius ductu ad Tifernum pugnatum. Alii haud dubie Samnites victos, ac viginti millia hominum capta tradunt: alii Marte æquo discessum, & Postumium, metum simulantem nocturno itinere, clam in montes copias abduxisse: hostes secutos duo millia inde locis munitis & ipsos consedissee. Consul, ut stativa tuta copiosaque (& ita erant) petisse videretur, postquam & munimentis castra firmavit, & omni apparatu rerum utilium instruxit; relicto firmo præsidio, de vigilia tertia, quâ duci proximè potest, expeditas legiones ad collegam, & ipsum adversus alios sedentem, ducit. ibi, auctore Postumio, Minucius cum hostibus signa confert; &, quum anceps prælium in multum dici processisset, tum Postumius integris legionibus defessam jam aciem hostium improvisò invadit. Itaque, quum lassitudo ac vulnera fugam quoque præpedissent, occisione occisi hostes, signa unum & viginti capta: atque inde ad castra Postumii-perrectum. Ibi duo victores exercitus perculsum jam famâ hostem adorti fundunt fugantque: signa militaria sex & viginti capta, & imperator Samnitium Statius Gellius, multique alii mortales, & castra utraque capta: & Bovianum, ubi postero die coeptum oppugnari, brevi capitur. magnâque gloriâ rerum gestarum consules triumpharunt. Minucium consulem, cum vulnere gravi relatum in castra, mortuum, quidam auctores sunt, & M. Fulvium in locum ejus consulem suffectum: & ab eo, quum ad exercitum Minucii missus esset, Bovianum captum. Eodem anno Sora, Arpinum, Censennia, recepta ab Samnitibus. Herculis magnum simulacrum in Capitolio positum dedicatumque.

XLV, P. Sulpicio Saverione, P. Sempronio Sopho

consulibus, Samnites, seu finem, seu dilationem belli quærentes, legatos de pace Romam misere. quibus suppliciter agentibus responsum est, *nisi sæpe bellum parantes pacem petissent Samnites, oratione ultro citroque habitâ, de pace transigi potuisse. nunc, quando verba vana ad id locorum fuerint, rebus standum esse.* P. Sempronium consulem cum exercitu brevi in Samnio fore : eum, ad bellum pacemne inclinent animi, falli non posse : comperta omnia senatui relaturum : decedentem ex Samnio consulem legati sequerentur. Eo anno quum pacatum Samnium exercitus Romanus, benignè præbito commeatu, peragrasset, fœdus antiquum Samnitibus redditum. Ad Æquos inde veteres hostes, ceterum per multos annos sub specie infidæ pacis quietos, versa arma Romana : quòd, incolumi Hernico nomine, missitaverant simul cum iis Samniti auxilia ; & post Hernicos subactos, universa propè gens, sine dissimulatione consilii publici, ad hostes desciverat : & postquam, isto Romæ cum Samnitibus fœdere, feciales venerant res repetitum, *tentationem aiebant esse, ut, terrore incusso belli, Romanos se fieri paterentur : quod quantopere optandum foret, Hernicos docuisse : quum, quibus licuerit, suas leges Romana civitati præoptaverint : quibus legendi, quid mallent, copia non fuerit, pro pœna necessariam civitatem fore.* Ob hæc vulgò in conciliis jactata, populus Romanus bellum fieri Æquis jussit : consulesque ambo, ad novum profecti bellum, quatuor millibus à castris hostium confederunt. Æquorum exercitus, (ut qui suo nomine per multos annos imbelles egissent) tumultuario similis, sine ducibus certis, sine imperio, trepidare. alii exeundum in aciem, alii castra tuenda censent : movet plerosque vastatio futura agrorum, ac deinceps cum levibus præsidii urbium relictarum excidia. Itaque, postquam inter multas sententias una, quæ, omisâ curâ communium, ad respectum suarum quemque rerum vertisset, audita ; ut primâ vigiliâ diversi è castris ad deportanda omnia

omnia tuendaque mœnibus in urbes abirent; cuncti eam sententiam ingenti assensu acceperunt. Palatis hostibus per agros, primâ luce Romani, signis prolatis, in acie consistunt; &, ubi nemo obuius ibat, pleno gradu ad castra hostium tendunt. Ceterum, postquam ibi neque stationes pro portis, nec quemquam in vallo, nec fremitum consuetum castrorum animadvertunt; insolito silentio moti, metu insidiarum subsistunt. transgressi deinde vallum, quum deserta omnia invenissent, pergunt hostem vestigiis sequi: sed vestigia, in omnes æquè ferentia partes, ut in dilapsis passim, primò errorem faciebant; post, per exploratores compertis hostium consiliis, ad singulas urbes circumferendo bello, unum & quadraginta oppida intra dies quinquaginta omnia oppugnando ceperunt; quorum pleraque diruta atque incensa, nomenque Æquorum prope ad internecionem deletum. De Æquīs triumphatum: exemploque eorum clades fuit, ut Marrucini, Marfi, Peligni, Frentani mitterent Romam oratores pacis petendæ amicitizque. iis populis fœdus petentibus datum.

XLVI. Eodem anno Cn. Flavius Cn. filius scriba, patre libertino, humili fortunâ ortus, ceterum callidus vir & facundus, ædilis curulis fuit. Invenio in quibusdam annalibus, quum appareret ædilibus, fierique se pro tribu ædilem videret, neque accipi nomen, quia scriptum faceret; tabulam posuisse, & jurasse, se scriptum non facturum. quem aliquanto antea desisse scriptum facere, arguit Macer Licinius, tribunatu antè gesto triumviratibusque, nocturno altero, altero coloniz deducendæ. Ceterum (id quod haud discrepat) contumaciâ adversus contemnentes humilitatem suam nobiles certavit: civile jus, repositum in penetralibus pontificum, evulgavit, fastosque circa forum in albo proposuit, ut, quando lege agi posset, sciretur: ædem Concordiæ in arca Vulcani summâ invidiâ nobili-

um dedicavit; coactusque consensu populi Cornelius Barbatus pontifex maximus verba præire, quum more majorum negaret, nisi consulem aut imperatorem, posse templum dedicare. Itaque ex auctoritate senatus latum ad populum est, ne quis templum aramve injussu senatus aut tribunorum plebei partis majoris dedicaret. Haud memorabilem rem per se, nisi documentum sit adversus superbiam nobilium plebeique libertatis, referam. Ad collegam ægrum visendi causâ Flavius quum venisset, consensuque nobilium adolescentium, qui ibi assidebant, assurrectum ei non esset, cutulem asserri sellam eò jussit, ac sede honoris sui anxios invidiâ inimicos spectavit. Ceterum Flavium dixerat ædilem forensis factio, Ap. Claudii censurâ vires nata, qui senatum primus libertinorum filiis lectis inquinaverat. & postquam eam lectionem nemo ratam habuit, nec in curia adeptus erat, quas petierat, opes urbanas; humilibus per omnes tribus divisas, forum & campum corripit. tantumque Flavii comitia indignitatis habuerunt, ut plerique nobilium annulos aureos & phaleras deponerent. Ex eo tempore in duas partes discessit civitas. aliud integer populus, fautor & cultor bonorum, aliud forensis factio tenebat; donec Q. Fabius & P. Decius censores facti: & Fabius, simul concordie causâ, simul ne humillimorum in manu comitia essent, omnem forenses turbam excretam in quatuor tribus conjecit, urbanasque eas appellavit, adeoque eam rem acceptam gratis animis ferunt, ut Maximi cognomen, quod tot victoriis non pepererat, hac ordinum temperatione pareret. Ab eodem institutum dicitur, ut equites Idibus Quinctilibus transveherentur.

LIBER X.

E P I T O M E.

I. **C**olonia deducta sunt Sora, & Alba, III. & Carseoli. Marsi in deditionem accepti sunt. VI, VII, VIII. Collegium augurum ampliatum est, ut essent novem, quum antea quaterni fuissent. IX. Lex de provocatione ad populum à Valerio consule tunc tertium lata est. Duae tribus adjectae sunt, Aniensis & Terentina. XII, &c. Samnitibus bellum indictum, & adversus eos saepe prospere pugnatum est. XVIII, &c. Quum adversus Etruscos, Umbros, Samnites, Gallos, P. Decio & Q. Fabio ducibus, pugnaretur, XXVII, &c. Romanusque exercitus in maximo esset discrimine, P. Decius, secutus exemplum patris, devovit se pro exercitu, & morte sua victoriam ejus pugnae populo Romano dedit. XXXVIII, XXXIX. Papirius Cursor Samnitium exercitum, qui jurejurando obstrictus, quo majore constantia virtutis pugnaret, in aciem descenderat, fudit. XLVII. Census actus est. lustrum conditum. censa sunt civium capita ducenta sexaginta duo millia, & trescenta viginti duo.

I. **L** Genucio, Ser. Cornelio consulibus, ab externis ferme bellis otium fuit. Soram atque Albam coloniarum deductarum. Albam in Aequos sex millia colonorum scripta. Sora agri Volsci fuerat; sed possederant Samnites. eò quatuor millia hominum missa. Eodem anno Arpinatibus Trebulanisque civitas data. Frusinates tertia parte agri damnati, quòd Hernicos ab eis sollicitatos compertum: capitaque conjurationis ejus, quaestione ab consulibus ex senatusconsulto habità, virgis caesi ac securi percussi. Tamen, ne prorsus imbellem agerent annum, par-

va expeditio in Umbria facta est; quòd nunciabatur, ex spelunca quadam excursiones armatorum in agros fieri. In eam speluncam penetratum cum signis est: & ex eo loco obscuro multa vulnera accepta, maximèque lapidum ictu; donec, altero specùs ejus ore (nam pervius erat) invento, utræque fauces congestis lignis accensæ: ita intus fumo ac vapore ad duo millia armatorum, ruentia novissimè in ipsas flammæ, dum evadere tendunt, absumpta. Marcis Livio Dentre & Æmilio consulibus, redintegratum Æquicum bellum. Colopiam, ægre patientes velut arcem suis finibus impositam, summâ vi expugnare adorti, ab ipsis colonis pelluntur. Ceterum tantum Romæ terrorem fecere, quia vix credibile erat, tam affectis rebus solos per se Æquos ad bellum coortos, ut tumultus ejus causâ dictator diceretur C. Junius Bubulcus. is, cum M. Titinio magistro equitum profectus, primo congressu Æquos subegit, ac, die octavo triumphans in urbem quum redisset, ædem Salutis, quam consul voverat, censor locaverat, dictator dedicavit.

II. Eodem anno classis Græcorum, Cleonymo duce Lacedæmonio, ad Italiæ littora appulsa, Thurias urbem in Salentinis cepit. Adversus hunc hostem consul Æmilius missus proelio uno fugatum compulit in naves. Thuriæ redditæ veteri cultori: Salentinoque agro pax parta. Junium Bubulcum dictatorem missum in Salentinos, in quibusdam annalibus invenio: & Cleonymum prius, quàm conflagrandum esset cum Romanis, Italiâ excessisse. circumvectus inde Brundisii promontorium, medioque sinu Hadriatico ventis latus, quum lævâ importuosa Italiæ littora, dextrâ Illyrii Liburnique & Istri, gentes feræ, & magna ex parte latrociniis maritimis infames, terrent, pénitus ad littora Venetorum pervenit: ibi expositis paucis, qui loca explorarent, quum audisset, tenue prætentum litus esse; quod transgressis stagna ab tergo sint, irrigua

irrigua æstibus maritimis; agros haud procul proximos campestres cerni; ulteriora colles; inde esse ostium fluminis præalti, quò circumagi naves in stationem tutam vidisse: (Meduacus amnis erat) eò invectam classem subire flumine adverso iussit. Gravissimas navium non pertulit alveus fluminis. in leviora navigia transgressa multitudo armatorum ad frequentes agros, tribus maritimis Patavinorum vicis colentibus eam oram, pervenit. Ibi egressi, levi præsidio navibus relicto, vicos expugnant, inflammant tecta, hominum pecudumque prædas agunt, & dulcedine prædandi longius usque à navibus procedunt. Hæc ubi Patavium sunt nunciata, (semper autem eos in armis accolæ Galli habebant) in duas partes juventutem dividunt. altera in regionem, quâ effusa populatio nunciabatur; altera, ne cui prædonum obvia fieret, altero itinere ad stationem navium (millia autem quatuordecim ab oppido aberat) ducta. In naves parvas, custodibus interemptis, impetus factus; territique nautæ coguntur naves in alteram ripam amnis transjicere. & in terra prosperum æquè in palatos prædatores proelium fuerat: refugientibusque ad stationem Græcis Vēneti obfistunt. Ita in medio circumventi hostes cæsiq; pars capti classem indicant regemque Cleonymum tria milia abesse. Inde, captivis proximo vico in custodiam datis, pars fluviatiles naves, ad superanda vada stagnorum aptè planis alveis fabricatas, pars captiva navigia armatis complent. profectique ad classem, immobiles naves, & loca ignota plus, quàm hostem, timentes, circumvadunt: fugientesque in altum acrius, quàm repugnantes, usque ad ostium amnis persecuti, captis quibusdam incensisque navibus hostium, quas trepidatio in vada intulerat, victores revertuntur. Cleonymus, vix quintâ parte navium incolumi, nullâ regione maris Hadriatici prospere aditâ, discessit. Rostra navium spoliaque Laconum, in æde Junonis veteri fixa,

xa, multi superſunt, qui viderunt. Patavii monumētum navalis pugnae eo die, quo pugnatum eſt, quotannis ſolenni certamine navium in flumine oppidi medio exercetur.

III. Eodem anno Romae cum Veſtinis, petentibus amicitiam, iſtum eſt foedus. Multiplex deinde exortus terror. Etruriam rebellare, ab Aretinorum ſeditio- nibus motu orto, nunciabatur: ubi Cilnium genus praepotens, divitiarum invidia pelli armis coeptum: ſimul Marſos agrum vi tueri, in quem colonia Carſcoli deducta erat, quatuor millibus hominum ſcriptis. Itaque propter eos tumultus dictus M. Valerius Maximus dictator, magiſtrum equitum ſibi legit M. Aemilium Paulum. id magis credo, quam Q. Fabium ea aetate atque cis honoribus Valerio ſubjectum. ceterum ex Maximi cognomine ortum errorem haud abnuerim. Profeſtus dictator cum exercitu praelio uno Marſos fundit. compulſis deinde in urbes munitas, Miloniam, Pleſtinam, Froliam intra dies paucos cepit: & parte agri mulctatis Marſis foedus reſtituit. Tum in Etrufcos verſum bellum. & quum dictator auſpicio- rum repetendorum cauſa profeſtus Romam eſſet, magiſter equitum, pabulatum egreſſus, ex inſidiis circumvenitur; ſignisque aliquot amiſſis, foeda militum caede ac fuga in caſtra eſt compulſus. qui terror non eo tantum a Fabio abhorret, quod ſi qua alia arte cognomen ſuum aequavit, tum maxime bellicis laudibus: ſed etiam, quod, memor Papirianae ſaevitiae, nunquam, ut dictatoris injuſſu dimicaret, adduci potuiſſet.

IV. Nunciata ea clades Romam majorem, quam res erat, terrorem excivit. nam, ut exercitu deleto, ita juſtitium indictum; cuſtodiae in portis, vigiliae vicatim exactae; arma, tela in muros congeſta. Omnibus junioribus ſacramento adactis, dictator, ad exercitum miſſus, omnia ſpe tranquilliora & compoſita magiſtri equitum cura, caſtra in tutiorem locum redacta,

Et, cohortes, quæ signa amiserant, extra vallum sine tentoriis destitutas invenit; exercitum avidum pugnae, quo maturius ignominia aboleretur. Itaque confestim castra inde in agrum Rufellanum promovit. Eò & hostes secuti. & quanquam ex bene gesta re summam & in aperto certamine virium spem habebant; tamen insidiis quoque, quas feliciter experti erant, hostem tentant. Tecta semirutata vici, per vastationem agrorum deusti, haud procul castris Romanorum aberant. ibi abditis armatis, pecus in conspectu præsidii Romani, cui præerat Cn. Fulvius legatus, propulsum. ad quam illecebram quum moveretur nemo ab Romana statione, pastorum unus, progressus sub ipsas munitiones, inclamat alios, cunctanter ab ruinis vici pecus propellentes, *quid cessarent, quum per media castra Romana tutò egere possent?* Hæc quum legato Cærites quidam interpretarentur, & per omnes manipulos militum indignatio ingens esset, nec tamen injussu movere audent; jubet peritos linguæ attendere animum, pastorum sermo agresti, an urbano, propior esset. Quum referrent, sonum linguæ, & corporum habitum, & nitorem, cultiora, quàm pastoralia, esse; *ite igitur, dicite, inquit, detegant nequicquam conditas insidias: omnia scire Romanum: nec magis jam dolo capi, quàm armis vinci, posse.* Hæc ubi audita sunt, & ad eos, qui considerant in insidiis, perlata, consurrectum repente ex latebris est, & in patentem ad conspectum undique campum prolata signa. Visa legato major acies, quàm quæ ab suo præsidio sustineri posset. itaque propere ad dictatorem auxilia accitum mittit; interea ipse impetus hostium sustinet.

V. Nuncio allato, dictator signa ferri, ac sequi armatos jubet. sed celeriora propè omnia imperio erant. Rapta extemplo signa armaque; & vix ab impetu & cursu tenebantur. quum ira ab accepta nuper clade stimulabat, tum concitator accidens clamor ab incrementa

sciente certamine. Urgent itaque alii alios, hortanturque signiferos, ut ociùs eant. quo magis festinantes videt dictator, eo impensius retentat agmen, ac sensim incedere jubet. Etrusci contrà, principio exciti pugnae, omnibus copiis aderant. Et super alios alii nunciant dictatori, omnes legiones Etruscorum capeffisse pugnam; nec jam ab suis resisti posse: & ipse cernit ex superiore loco, in quanto discrimine praesidium esset. Ceterum, satis fretus esse etiam nunc tolerando certamini legatum, nec se procul abesse periculi vindicem, quam maximè vult fatigari hostem, ut integris adoriatur viribus fessos. Quanquam lentè procedunt, jam tamen ad impetum capiendum, equiti utique, modicum erat spatium. prima incedebant signa legionum, ne quid occultum aut repentinum hostis timeret: sed reliquerat intervalla inter ordines peditum, quâ satis laxo spatio equi permitti possent. Pariter sustulit clamorem acies; & emissus eques libero cursu in hostem invehitur, incompositisque adversus equestrem procellam subitum pavorem offundit. Itaque, ut propè ferum auxilium jam penè circumventis, ita universa requies data est. integri accepere pugnam: nec ea ipsa longa, aut anceps fuit. Fusi hostes castra repetunt, inferentibusque jam signa Romanis cedunt, & in ultimam castrorum partem conglobantur. Hærent fugientes in angustiis portarum: pars magna aggerem vallumque conscendunt, si aut ex superiore loco tueri se, aut superare aliquâ & evadere possent. Fortè quodam loco malè densatus agger pondere superstantium in fossam procubuit: atque eâ quum Deos pandere viam fugæ conclamassent, plures inermes, quam armati, evadunt. Hoc prælio fractæ iterum Etruscorum vires: &, pacto annuo stipendio, & duum mensium frumento, permissum ab dictatore, ut de pace legatos mitterent Romam. Pax negata: induciæ biennii datæ. dictator triumphans in urbem rediit. Habeo auctores,
sine

sine ullo memorabili prælio, pacatam ab dictatore Etruriam esse, seditionibus tantum Aretinorum compositis, & Cilnio genere cum plebe in gratiam reducto. Consul ex dictatura factus M. Valerius. non petentem, atque adeo etiam absentem, creatum credidere quidam; & per interregem ea comitia facta. id unum non ambigitur, consulatum cum Appuleio Pansa gessisse.

VI. M. Valerio & Q. Appuleio consulibus, satis pacatæ foris res fuere. Etruscum adversa belli res & induciæ quietum tenebant: Samnitem, multorum annorum cladibus domitum, haud dum fœderis novi pœnitebat. Romæ quoque plebem quietam & exoneratam deducta in colonias multitudo præstabat. tamen, ne undique tranquillæ res essent, certamen injectum inter primores civitatis, patricios plebeiosque, ab tribunis plebis Q. & Cn. Ogulniis. qui, undique criminandorum Patrum apud plebem occasionibus quæsitis, postquam alia frustra tentata erant, eam actionem susceperunt, quâ non infimam plebem accenderent, sed ipsa capita plebis, consulares triumphalesque plebeios: quorum honoribus nihil, præter sacerdotia, quæ nondum promiscua erant, decisset. Rogationem ergo promulgârunt, ut, quum quatuor augures, quatuor pontifices eâ tempestate essent, placeretque augeri sacerdotum numerum, quatuor pontifices, quinque augures, de plebe omnes, adlegerentur. Quemadmodum ad quatuor augurum numerum, nisi morte duorum, id redigi collegium potuerit, non invenio; quum inter augures constet, imparem numerum debere esse, ut tres antiquæ tribus, Ramnes, Titientes, Luceres, suum quæque augurem habeant; aut, si pluribus sit opus, pari inter se numero sacerdotes multiplicent: sicut multiplicati sunt, quum ad quatuor quinque adjecti novem numerum, ut terni in singulas essent, expleverunt. Ceterum, quia de plebe adlegebantur, juxta eam rem ægre

gre passi Patres, quàm quum consulatum vulgari viderent. Simulabant ad Deos id magis, quàm ad sc, pertinere: ipsos visuros, ne sacra sua polluantur. id sc optare tantum, ne qua in rempublicam clades veniat. Minus autem tetendere, assueti jam tali genere certaminum vinci. & cernebant, adversarios non id, quod olim vix speraverint, affectantes magnos honores, sed omnia jam, in quorum spem dubiam erat certatum, tamen adeptos, multiplices consulatus, censurasque & triumphos.

VII. Certatum tamen suadendâ dissuadendâque lege inter Ap. Claudium maximè ferunt, & inter P. Decium Murem. qui quum eadem ferme de jure Patrum ac plebis, quæ pro lege Licinia quondam contraque eam dicta erant, quum plebeiis consulatus rogabatur, disseruissent; retulisse dicitur Decius parentis sui speciem, qualem cum multi, qui in concione erant, viderant, incinctum Gabino cultu, super telum stantem, quo se habitu pro populo ac legionibus Romanis devovisset. tum P. Decium consulem purum piunique Diis immortalibus visum, aequè ac si T. Manlius collega ejus devoveretur. eundem P. Decium, qui sacra publica populi Romani faceret, legi rite non potuisse? id esse periculum, ne suas preces minùs audirent Dii, quàm Ap. Claudii? castius etiam sacra privata facere, & religiosius Deos colere, quàm se? quem pænitere votorum, quæ pro republica nuncupaverint tot consules plebei, tot dictatores, aut ad exercitus euntes, aut inter ipsa bella? Numerarentur duces eorum annorum, quibus plebeiorum ductu & auspicio res geri cæptæ sunt: numerarentur triumphi. jam ne nobilitatis quidem suæ plebeios pænitere. pro certo habere, si quod repens bellum oriatur, non plus spei fore senatui populoque Romano in patriciis, quàm in plebeiis ducibus. Quod quum ita se habeat, cui Deorum hominumve indignum videri potest, inquit, eos viros, quos vos sellis curulibus, togâ prætextâ, tunicâ palmatâ, & togâ pictâ, & coronâ triumphali laureâque honorâritis, quorum

rum domos spoliis hostium affixis insignes inter alias feceritis, pontificalia atque auguralia insignia adjicere? qui, Jovis Optimi Maximi ornatu decoratus, curru aurato per urbem velut in Capitolium ascenderit, si conspiciatur cum capide ac lituo, capite velato victimam cadat, auguriumve ex arce capiat? Cujus imaginis titulo consulatus, censuraque, & triumphus, equo animo legetur; si auguratum aut pontificatum adjeceritis, non sustinebunt legentium oculi? Equidem (pace dixerim Deum) eos nos jam populi Romani beneficio esse spero, qui sacerdotiis non minus reddamus dignatione nostrâ honoris, quàm acceperimus; & Deorum magis, quàm nostrâ causâ expetamus, ut, quos privatim colimus, publicè colamus.

VIII. Quid autem ego sic adhuc egi, tanquam integra sit causa patriciorum de sacerdotiis, & non jam in possessione unius amplissimi simus sacerdotii? Decemviros sacris faciundis, carminum Sibyllæ ac fatorum populi bujus interpretes, antistites eosdem Apollinaris sacri ceremoniarumque aliarum, plebeios videmus. Nec tum patriciis ulla injuria facta est, quum duumviris sacris faciundis adjectus est propter plebeios numerus: & nunc tribunus, vir fortis ac strenuus, quinque augurum loca, quatuor pontificum adjecit, in quæ plebei nominentur; non ut vos, Appi, vestro loco pellant, sed ut adjuvent vos homines plebei divinis quoque rebus procurandis, sicut in ceteris humanis pro parte virili adjuvant. Noli erubescere, Appi, collegam in sacerdotio habere, quem in censura, quem in consulatu collegam habere potuisti: cujus tam dictatoris magister equitum, quàm magistri equitum dictator esse potes. Sabinum advenam, principem nobilitatis vestræ, seu Attum Clausum seu Ap. Claudium mavultis, illi antiqui patricii in suum numerum acceperunt. Ne fastidieris nos in sacerdotum numerum accipere. multa nobiscum decora afferimus: immo omnia eadem, quæ vos superbos fecerunt. L. Sextius primus de plebe consul est factus. C. Licinius Stolo primus magister equitum, C. Marcius Rutilus primus & dictator & censor, Q. Publicus Philo primus prætor. Semper ista audita sunt eadem, penes vos auspicia esse, vos solos gentem

gentem habere, vos solos justum imperium & auspiciū domi militiae. Æquè adhuc prosperum plebeium ac patricium fuit, porroque erit. En unquam fando audistis, patricos primò esse factos, non de cælo demissos, sed qui patrem ciere possent, id est, nihil ultrà quàm ingenuos? Consulem jam patrem ciere possum, avumque jam poterit filius meus. Nihil est aliud in re, Quirites, nisi ut omnia negata adipiscamur. Certamen tantum patricii petunt, nec curant, quem eventum certaminum habeant. Ego hanc legem, quod bonum, faustum, felixque sit vobis ac reipublicæ, uti rogas, jubendam censeo.

IX. Vocare tribus extemplo populus jubebat, apparetque accipi legem: ille tamen dies est intercessione sublati. postero die, deterritis tribunis, ingenti consensu accepta est. Pontifices creantur suaves legis P. Decius Mus, P. Sempronius Sophus, C. Marcius Rutilus, M. Livius Denter. Quinque augures item de plebe, C. Genucius, P. Ælius Pætus, M. Minucius Fessius, C. Marcius, T. Publilius. Ita octo pontificum, novem augurum numerus factus. Eodem anno M. Valerius consul de provocatione legem tulit, diligentius sanctam. tertio ea tum post reges exactos lata est, semper à familia eadem. Causam renovandæ sapius haud aliam fuisse reor, quàm quòd plus paucorum opes, quàm libertas plebis, poterant. Porcia tamen lex sola pro tergo civium lata videtur: quòd gravi poenà, si quis verberasset necassetve civem Romanum, sanxit. Valeria lex, quum eum, qui provocasset, virgis cædi, securique necari vetuisset, si quis adversus ea fecisset, nihil ultrà, quàm improbè factum, adjecit. Id (qui tum pudor hominum erat) visum, credo, vinculum satis validum legis. nunc vix serio ita minetur quisquam. Bellum ab eodem consule haudquaquam memorabile adversus rebellantes Æquos, quum præter animos feroces nihil ex antiqua fortuna haberent, gestum est. Alter consul Appuleius in Umbria Nequinum oppidum circumfedit. locus erat arduus, atque in
parte

parte una præceps, ubi nunc Narnia sita est. nec vi, nec munimento capi poterat. Itaque eam infectam rem M. Fulvius Pætinus, T. Manlius Torquatus, novi consules, acceperunt. In eum annum quum Q. Fabium consulem non petentem omnes dicerent centuriæ, ipsum auctorem fuisse Macer Licinius ac Tubero tradunt differendi sibi consulatûs in bellicosiorum annum: eo anno majori se usui reipublicæ fore, urbano gestio magistratu: ita nec dissimulantem, quid mallet, nec petentem tamen, ædilem curulem cum L. Papirio Curfore factum. Id ne pro certo ponerem, vetustior annalium auctor Piso effecit; qui eo anno ædiles curules fuisse tradit C. Domitium Cn. F. Calvinum & Sp. Carvilius Q. F. Maximum. Id credo cognomen errorem in ædilibus fecisse: secutamque fabulam mixtam ex ædilitiis & consularibus comitiis, convenientem errori. Et lustrum eo anno conditum à P. Sempronio Sopho & P. Sulpicio Saverione censoribus: tribusque additæ duæ, Anienfis ac Terentina. Hæc Romæ gesta.

X. Ceterum ad Nequinum oppidum quum segni obfidione tempus tereretur, duo ex oppidanis, quorum erant ædificia iuncta muro, specur facto ad stationes Romanas itinere occulto perveniunt: inde ad consulem deducti, præsidium armatum se intra mœnia & muros accepturos confirmant. Nec aspernanda res visa, neque incaute credenda. cum alter eorum (nam alter obses retentus) duo exploratores per cuniculum missi: per quos satis compertâ re, trecenti armati, transfugâ duce in urbem ingressi, nocte portam, quæ proxima erat, cepere. quâ refractâ, consul exercitusque Romanus sine certamine urbem invasere. Ita Nequinum in ditionem populi Romani venit. Colonia eò adversus Umbros missa, à flumine Narnia appellata: exercitus cum magna præda Romam reductus. Eodem anno ab Etruscis adversus inducias paratum bellum.

sed eos alia molientes Gallorum ingens exercitus, fines ingressus, paulisper à proposito avertit. Pecunià deinde, quā multum poterant, freti, socios ex hostibus facere Gallos conantur, ut eo adjuncto exercitu cum Romanis bellarent. De societate haud abnuunt barbari: de mercede agitur. quā pactā acceptāque, quum parata cetera ad bellum essent, sequique Etruscus juberet, inficias eunt, *mercedem se belli Romanis inferendi pactos. quicquid acceperint, accepisse, ne agrum Etruscum vastarent, armisque lacefferent cultores. Militaturos tamen se, si utique Etrusci velint; sed nullā aliā mercede, quā ut in partem agri accipiantur, tandemque aliquā sede certā consistant.* Multa de eo concilia populorum Etruriæ habitata. nec perfici quicquam potuit; non tam quia immuni agrum, quā quia accolae sibi quisque adjungere tam efferatæ gentis homines horrebat. ita dimissi Galli pecuniam ingentem sine labore ac periculo partam retulerunt. Romæ terrorem præbuit fama Gallici tumultus ad bellum Etruscum adjecti: eo minùs cunctanter foedus iustum cum Picenti populo est.

XI. T. Manlio consuli Etruria provincia forte evenit; qui, vixdum ingressus hostium fines, quum excerceretur inter equites, ab rapido cursu circumagendo equo effusus, extemplo propè expiravit. tertius ab eo casu dies finis vitæ consuli fuit. Quo velut omine belli accepto, Deos pro se commisisse bellum memorantes Etrusci sustulere animos. Romæ, tum desiderio viri, tum incommoditate temporis, tristis nuncius fuit: ut Patres ab jubendo dictatore consulis subrogandi comitia, ex sententia principum habitā, deterruerint. M. Valerium consulem omnes sententiæ centuriæque dixere, quem senatus dictatorem dici jussurus fuerat. tum extemplo in Etruriam ad legiones proficisci jussit. Adventus ejus compressit Etruscos, adeo ut nemo extra munimenta egredi auderet, timorque ipsorum obsidioni similis esset. neque illos novus consul

vastandis agris urendisque testis, quum passim non vilis solum, sed frequentes quoque vici, incendiis fumerent, elicere ad certamen potuit. Quum hoc segnius bellum opinione esset, alterius belli, quod multis in vicem cladibus haud immerito terribile erat, fama Picentium, novorum sociorum, indicio exorta est: *Samnites arma & rebellionem spectare, seque ab iis sollicitatos esse.* Picentibus gratiz actz, & magna pars curæ Patribus ab Etruria in Samnites versa est. Caritas etiam annonæ sollicitam civitatem habuit: ventumque ad inopiæ ultimum foret, ut scripsere, quibus ædilem fuisse eo anno Fabium Maximum placet, ni ejus viri cura, qualis in bellicis rebus multis tempestatibus fuerat, talis domi tum in annonæ dispensatione, præparando ac convehendo frumento, fuisset. Eo anno (nec traditur causa) interregnum initum. interreges fuere Ap. Claudius, dein P. Sulpicius. Is comitia consularia habuit. creavit L. Cornelium Scipionem, Cn. Fulvium consules. Principio hujus anni oratores Lucanorum ad novos consules venerunt, questum, quia conditionibus pellicere se nequiverint ad societatem armorum, Samnites infesto exercitu ingressos fines suos vastare, belloque ad bellum cogere. *Lucano populo satis superque erratum quondam: nunc ita obstinatos animos esse, ut omnia ferre ac pati tolerabilius ducant, quàm ut unquam postea nomen Romanum violent.* Orare Patres, ut & Lucanos in fidem accipiant, & vim atque injuriam ab se Samnitium arceant. *Se, quamquam, bello cum Samnitibus suscepto, necessaria jam facta adversus Romanos fides sit, tamen obsides dare paratos esse.*

XII. Brevis consultatio senatûs fuit. ad unum omnes jungendum foedus cum Lucanis, resque repetendas ab Samnitibus, censent. Benignè responsum Lucanis, istumque foedus. Feciales missi, qui Samnitern decedere agro sociorum, ac deducere exercitum finibus Lucanis juberent. quibus obviam missi ab Samnitibus, qui denuntiarent, *Si quod adissent in Samnio concilium,*

haud inviolatos abituros. Hæc postquam audita sunt Romæ, bellum Samnitibus & Patres censuerunt, & populus iussit. Consules inter se provincias partiti sunt. Scipioni Etruria, Fulvio Samnites obvenērunt; diverſique, ad ſuum quiſque bellum, proficiſcuntur. Scipioni, ſegne bellum & ſimile prioris anni militiæ exſpectanti, hoſtes ad Volaterras inſtructo agmine occurrerunt. Pugnatum maiore parte diei, magnâ utrinque cæde. nox incertis, quâ data victoria eſſet, intervenit. lux inſequens victorem victumque oſtendit. Nam Etruſci ſilentio noctis caſtra reliquerunt. Romanus, egreſſus in aciem, ubi profectione hoſtium conceſſam victoriam videt, progreſſus ad caſtra, vacuis cum plurima præda (nam & ſtativa trepidè deſerta fuerant) potitur. inde in Falifcum agrum copiis reductis, quum impedimenta Faleriis cum modico præſidio reliquiſſet, expedito agmine ad depopulandos hoſtium fines incedit. Omnia ferro ignique vaſtantur; prædæ undique actæ: nec ſolum modò vaſtum hoſti relictum, ſed caſtellis etiam vicifque illatus ignis: urbibus oppugnandis temperatum, in quas timor Etruſcos compulerat. Cn. Fulvii conſulis clara pugna in Samnio ad Bovianum haudquaquam ambiguae victoriæ fuit. Bovianum inde aggreſſus, nec ita multo poſt Aufidenam vi cepit.

XIII. Eodem anno Carſeolos colonia in agrum Æquicorum deducta. Fulvius conſul de Samnitibus triumphavit. Quum comitia conſularia inſtarent, fama exorta, Etruſcos Samnitesque ingentes conſcribere exercitus; palam omnibus conciliis vexari principes Etruſcorum, quòd non Gallos quacunque conditione traxerint ad bellum: increpari magiſtratus Samnitium, quòd exercitum, adverſus Lucanum hoſtem comparatum, objecerint Romanis: itaque ſuis ſociorumque viribus conſurgere hoſtes ad bellum, & haudquaquam pari deſungendum eſſe certamine. Hic terror, quum
illuſtros

Illustres viri consulatum peterent, omnes in Q. Fabium Maximum, primò non petentem, deinde, ut inclinata studia vidit, etiam recusantem convertit. *Quid se jam senem, ac perfunctum laboribus laborumque premiis, sollicitarent? Nec corporis, nec animi vigorem remanere eundem: & fortunam ipsam vereri, ne cui Deorum nimia jam in se, & constantior, quàm velint humana res, videatur. Et se gloriæ seniorum succrevisse, & ad suam gloriam consurgentes alios latum aspicere. nec honores magnos fortissimis viris Romæ, nec honoribus deesse fortes viros.* Acuebat hac moderatione tam iusta studia; quæ verecundiâ legum restringenda ratus, legem recitari iussit, quâ intra decem annos eundem consulem refici non liceret. Vix præ strepitu audita lex est: tribunique plebis, nihil id impediementi futurum, aiebant: *se ad populum laturos, uti legibus solveretur.* Et ille quidem in recusando perstabat, *quid ergo attineret leges ferri, rogitans, quibus per eosdem, qui tulissent, fraus fieret? Jam regi leges, non regere.* Populus nihilominus suffragia inibat: & ut quæque intro vocata erat centuria, consulem haud dubiè Fabium dicebat. Tum demum consensu civitatis victus, *Dii approbent, inquit, quod agitis, acturique estis, Quirites. Ceterum, quoniam in me, quod vos vultis, facturi estis, in collega sit mea apud vos gratia locus.* P. Decium, expertum mihi concordi collegio virum, dignum vobis, dignum parente suo, *quæso, mecum consulem faciatis.* Iusta suffragatio visa. omnes, quæ supererant, centuriæ Q. Fabium, P. Decium consules dixerunt. Eo anno plerisque dies dicta ab ædilibus, quia plus, quàm quod lege finitum erat, agri possiderent. nec quisquam ferme est purgatus: vinculumque ingens immodicæ cupiditatis injectum est.

XIV. Consules novi, Q. Fabius Maximus quartum & P. Decius Mus tertium, quum inter se agitent, uti alter Samnites hostes, alter Etruscos deligeret; quantæque in hanc aut in illam provinciam copiæ fa-

zis, & uter ad utrum bellum dux idoneus magis esset; ab Sutrio & Nepete & Faleriis legati, auctores, concilia Etruriæ populorum de petenda pace haberi, totam belli molem in Samnium averterunt. Profecti consules, quo expeditiores commeatus essent, & incertior hostis quâ venturum bellum foret, Fabius per Soranum, Decius per Sidicinum agrum, in Samnium legiones ducunt. Ubi in hostium fines ventum est, uterque populabundus effuso agmine incedit. explorant tamen latius, quàm populantur. Igitur non fecellere ad Tifernum hostes in occulta valle instructi, quam ingressos Romanos superiore ex loco adoriri parabant. Fabius, impedimentis in locum tutum remotis, præsidioque modico imposito, præmonitis militibus adesse certamen, quadrato agmine ad prædictas hostium latebras succedit. Samnites, desperato improvise tumultu, quando in apertum semel discrimen evasura esset res, & ipsi acie justâ maluerunt concurrere. itaque & in æquum descendunt, ac fortunæ se, majore animo, quàm spe, committunt. Ceterum, sive quia ex omnium Samnitium populis, quodcunque roboris fuerat, contraxerant, seu quia discrimen summæ rerum augebat animos, aliquantum apertâ quoque pugnam præbuerunt terroris. Fabius, ubi nulla ex parte hostem loco moveri vidit, M. Fulvium & M. Valerium, tribunos militum, cum quibus ad primam aciem procurrerat, ire ad equites jubet, & adhortari, *ut, si quando unquam equestri ope adjunctam rempublicam meminerint, illo die annitentur, ut ordinis ejus gloriam invictam præsent.* Peditum certamine immobilem hostem restare; omnem reliquam spem in impetu esse equitum. & ipsos nominatim juvenes, pari comitate utrumque, nunc laudibus, nunc promissis onerat. Ceterum, quando ne ea quoque tentata via proficeret, consilio grassandum, si nihil vires juvarent, ratus, Scipionem legatum hastatos primæ legionis subtrahere ex acie, & ad montes proximos, quàm posset occul-

occultissimè, circumducere jubet: inde ascensu abdito à conspectu erigere in montes agmen, averſoque hoſti ab tergo repentè ſe oſtendere. Equites, duobus tribunis, haud multo plus hoſtibus, quàm ſuis, ex improviſo ante ſigna evecti, præbuerunt tumultus. Adverſus incitatas turmas ſtetit immota Samnitium acies, nec parte ullà pelli aut perrumpi potuit. Et, poſtquam irritum inceptum erat, recepti poſt ſigna prælio exceſſerunt. Crevit ex eo hoſtium animus; nec ſuſtinere frons prima tam longum certamen increſcentemque fiducia ſui vim potuiſſet, ni ſecunda acies juſſa conſulis in primam ſucceſſiſſet. Ibi integræ vires ſiſtunt invēhentem ſe jam Samnitē: & tempore improviſa ex montibus ſigna clamorque ſublatus non vero tantum metu terrere Samnitium animos. nam & Fabius Decium collegam appropinquare exclamavit, & pro ſe quiſque miles, *adeſſe alterum conſulem, adeſſe legiones*, gaudio alacres fremunt; errorque utilis Romanis oblatæ fugæ formidiniſque Samnites implevit, maximè terriſtos, ne ab altero exercitu integro intactoque ſeſſi opprimerentur: &, quia paſſim in fugam diſſipati ſunt, minor cædes, quàm præ tanta victoria, fuit. tria milia & quadringenti caſi: capti trecenti ſerme & triginta: ſigna militaria capta tria & viginti.

XV. Samnitibus Apuli ſe ante prælium conjunxiſſent, ni P. Decius conſul iis ad Maleventum caſtra objeciſſet, extractos deinde ad certamen fudiſſet. Ibi quoque plus fugæ fuit, quàm cædis. duo milia Apulorum caſa: ſpretoque eo hoſte, Decius in Samnium legiones duxit. Ibi duo conſulares exercitus, diverſis vagati partibus, omnia ſpatio quinque menſium evaſerunt. Quadraginta & quinque loca in Samnio fuerunt, in quibus Decii caſtra fuerunt: alterius conſulis ſex & octoginta. nec valli tantum ac foſſarum veſtigia reliſta, ſed multo illis inſigniora monumenta vaſtitaſis circa regionumque depopularum. Fabius etiam

urbem Cimetram cepit. ibi capta armatorum duo milia quadringenti: cæsi ferme pugnantes ad quadringentos triginta. Inde, comitiorum causâ Romam profectus, maturavit eam rem agere. quum primò vocatæ Q. Fabium consulem dicerent omnes centuriæ, Ap. Claudius consularis candidatus, vir acer & ambitiosus, non sui magis honoris causâ, quàm ut patricii recuperarent duo consularia loca, quum suis, tum totius nobilitatis viribus, incubuit, ut se cum Q. Fabio consulem dicerent. Fabius primò, de se eadem fere, quæ priore anno, dicendo, abnuere. circumstare sellam omnis nobilitas; orare, ut ex cœno plebeio consulatum extraheret, majestatemque pristinam tum honori, tum patriciis gentibus redderet. Fabius, silentio facto, mediâ oratione studia hominum sedavit. *facturum enim se fuisse* dixit, *ut duorum patriciorum nomina reciperet, si aliam, quàm se, consulem fieri videret: nunc se sui rationem comitiis, quum contra leges futurum sit, pessimo exemplo non habiturum.* Ita L. Volumnius de plebè cum Ap. Claudio consul est factus, priore item consulatu inter se comparati. Nobilitas objectare Fabio, fugisse cum Ap. Claudium collegam, eloquentiâ civilibusque artibus haud dubiè præstantem.

XVI. Comitiiis perfectis, veteres consules jussi bellum in Samnio gerere, prorogato in sex menses imperio. Itaque insequentî quoque anno, L. Volumnio; Ap. Claudio consulibus, P. Decius, qui consul in Samnio relictus à collega fuerat, proconsul idem populari non destitit agros, donec Samnitium exercitum, nusquam se prælio committentem, postremò expulit finibus. Etruriam pulsi petierunt: &, quod legationibus nequicquam sæpe tentaverant, id se tanto agmine armatorum, mixtis terrore precibus, acturos efficacius rati, postulaverunt principum Etruriæ concilium. Quo coacto, per quot annos pro libertate dimicent cum Romanis, exponunt. *omnia expertos esse, si suismet ipsorum viribus*

viribus tolerare tantam molem belli possent: tentasse etiam baud magni momenti finitimarum gentium auxilia: petisse pacem à populo Romano, quum bellum tolerare non possent: rebellasse, quòd pax servientibus gravior, quàm liberis bellum, esset. Unam sibi spem reliquam in Etruscis restare. Scire, gentem Italiae opulentissimam armis, viris, pecuniâ, esse: habere accolas Gallos, inter ferrum & arma natos, feroces quum suopte ingenio, tum adversus Romanum populum: quem captum à se auroque redemptum, baud vana jactantes, memorent. Nihil abesse, si sit animus Etruscis, qui Porse-næ quondam majoribusque eorum fuerit, quin Romanos, omni agro cis Tiberim pulsos, dimicare pro salute sua, non de intolerando Italiae regno, cogant. Samnitum illis exercitum paratum, instructum armis, stipendio, venisse: confestim secuturos, vel si ad ipsam Romanam urbem oppugnandam ducant.

XVII. Hæc eos in Etruria jactantes molientesque bellum domi Romanum urebat. nam P. Decius, ubi comperit per exploratores profectum Samnitium exercitum, advocato concilio, *Quid per agros, inquit, vagamur, viciatim circumferentes bellum? quin urbes & mœnia aggredimur? nullus jam exercitus Samnio praesidet. cessare finibus, ac sibi met ipsi exsilium conscivere. Approbantibus cunctis, ad Murgantiam, validam urbem, oppugnandam ducit: tantusque ardor militum fuit, & caritate ducis, & spe majoris, quàm ex agrestibus populationibus, prædæ, ut uno die vi atque armis urbem eaperent. ibi duo millia Samnitium & centum pugnantes circumventi captique: & alia præda ingens capta est. quæ ne impedimentis gravibus agmen oneraret, convocari milites Decius jubet. Haccine, inquit, victoria solâ, aut hac prædâ contenti estis futuri? Vultis vos pro virtute spes gerere? omnes Samnitium urbes, fortunaque in urbibus relictæ, vestrae sunt; quando legiones eorum, tot præliis fusas, postremò finibus expulistis. Vendite ista, & illicite lucro mercatorem, ut sequatur agmen. ego subinde suggeram, quæ vendatis. Ad Romuleam urbem hinc eamus, u-*

bi vos labor haud major, præda major manet. Divenditâ prædâ, ultro adhortantes imperatorem ad Romuleam pergunt. Ibi quoque sine opere, sine tormentis, simul admota sunt signa, nullâ vi deterri à maris, quâ cuique proximum fuit, scâlis raptim admotis, in mœnia evasere. captum oppidum ac direptum est, ad duo millia & trecenti occisi; & sex millia hominum capta; & miles ingenti prædâ potitus: quam vendere, sicut priorem, coactus, Ferentinum inde, quanquam nihil quietis dabatur, tamen summâ alacritate ductus. Ceterum ibi plus laboris ac periculi fuit. & defensa summâ vi mœnia sunt, & locus erat munimento naturâque tutus: sed evicit omnia assuetus prædæ miles. ad tria millia hostium circa muros cæsa: præda militis fuit. Hujus oppugnatarum urbium decoris pars major in quibusdam annalibus ad Maximum trahitur. Murgantiam ab Decio, à Fabio Ferentinum Romuleamque oppugnatas tradunt: sunt, qui novorum consulum hanc gloriam faciant. Quidam non amborum, sed alterius, L. Volumnii: eâ Samniam provinciam e-
venisse.

XVIII. Dum ea in Samnio, cujuscunque ductu auspicioque, gererentur; Romanis in Etruria iterum bellum ingens multis ex gentibus concitur; cujus auctor Gellius Egnatius ex Samnitibus erat. Tusci fere omnes, consciverant bellum: traxerat contagio proximos Umbriæ populos: & Gallica auxilia mercede sollicitabantur. omnis ea multitudo ad castra Samnitium conveniebat. Qui tumultus repens postquam Romam perlatus est, quum jam L. Volumnius consul cum legionibus secunda ac tertia, sociorumque millibus quindecim profectus in Samnium esset, Ap. Claudium primo, quoque tempore in Etruriam ire placuit. duæ Romanæ legiones secutæ, prima & quarta, & sociorum duodecim millia. castra haud procul ab hoste posita. Ceterum magis eo profectum est, quod maturè ventum erat,

rat, ut quosdam spectantes jam arma Etruriæ populos metus Romani nominis comprimeret, quàm quòd ductu consulis quicquam ibi satis scitè aut fortunatè gestum sit. Multa prœlia locis & temporibus iniquis commissa: spesque in dies graviores hostem faciebat. & jam propè erat, ut nec duci milites, nec militibus dux satis fideret. Literas ad collegam arcessendum ex Samnio missas, in trinis annalibus invenio. piget tamen incertum ponere, quum ea ipsa inter consules populi Romani, jam iterum eodem honore fungentes, discrepatio fuerit: Appio abnuente missas; Volumnio affirmante, Appii se literis accitum. Jam Volumnius in Samnio tria castella ceperat, in quibus ad tria millia hostium caesa erant, dimidium fere ejus captum: & Lucanorum seditiones, à plebeiis & egentibus ducibus ortas, summâ optimatum voluntate per Q. Fabium proconsulem, missum eò cum veteri exercitu, compresserat. Decio depopulandos hostium agros relinquit: ipse cum suis copiis in Etruriam ad collegam pergit: quem advenientem læti omnes acceperunt. Appium ex conscientia sua credo animum habuisse haud immeritò iratum, si nihil scripserat: illiberali & ingrato animo, si eguerat ope, dissimulantem. Vix enim salute mutuâ reddita, quum obviam egressus esset, *Salva salve, inquit, L. Volumni? ut sese in Samnio res habent? Que te causa, ut provinciâ tuâ excederes, induxit?* Volumnius in Samnio res prosperas esse ait, literis ejus accitum venisse. *que si falsa fuerint, nec usus sui sit in Etruria, ex templo conversis signis abiturum.* Tu verò abeas, inquit, neque te quisquam moratur: etenim minimè consentaneum est, quum bello tuo forsitan vix sufficias, hîc te ad opem ferendam aliis gloriari venisse. Bene, Hercules verteret, dicere Volumnius: malle frustra operam insumptam, quàm quicquam incidisse; cur non satis esset Etruria unus consularis exercitus.

XIX. Digredientes jam consules legati tribunique ex Appiano exercitu circumstant: pars imperatorem

suum orare, ne collega auxilium, quod acciendum ultro fuerit, suâ sponte oblatum sperneretur: plures abeunti Volumnio obfistere atque obtestari, ne pravo cum collega certamine rempublicam prodat. Si qua clades incidisset, desertori magis, quàm deserto, noxiæ fore. Eò rem adductam, ut omne rei bene aut secus gesta in Etruria decus dedecusque ad L. Volumnium sit delegatum. neminem quasitum, quæ verba Appii, sed quæ fortuna exercitûs fuerit. Dimitti ab Appio cum, sed à republica & ab exercitu retineri; experiretur modò voluntatem militum. Hæc monendo obtestandoque, propè restitantes consules in concionem pertraxerunt. ibi orationes longiores habitæ in eandem ferme sententiam, in quam inter paucos certatum verbis fuerat. Et quum Volumnius, causâ superior, ne infacundus quidem adversus eximiam eloquentiam collegæ visus esset; cavillansque Appius, sibi acceptum referre, diceret, debere, quòd ex muto atque elingui facundum etiam consulem haberent: priore consulatu, primis utique mensibus, hîscere eum nequîsse, nunc jam populares orationes ferere. Quàm mallem, inquit Volumnius, tu à me strenuè facere, quàm ego abs te scitè loqui didicissem. Postremò conditionem ferre, quæ decretura sit, non orator, (neque enim id desiderare rempublicam) sed imperator uter sit melior. Etruriam & Samnium provincias esse: utram mallet, eligeret. suo exercitu se vel in Etruria, vel in Samnio rem gesturum. Tum militum clamor ortus, ut simul ambo bellum Etruscum susciperent. quo animadverso consensu, Volumnius, Quoniam in collega voluntate interpretanda, inquit, erravi; non committam, ut, quid vos velitis, obscurum sit. manere, an abire me velitis, clamore significate. Tum verò tantus est clamor exortus, ut hostes è castris exciret. armis arreptis in aciem descendunt. & Volumnius signa canere, ac vexilla efferri è castris iussit. Appium addubitasse ferunt, cernentem, seu pugnante, seu quieto se, fore collegæ victoriam: deinde veritum, ne suæ quoque legiones Volumnium sequerentur,

sentur, & ipsum flagitantibus suis signum dedisse. Ab neutra parte satis commodè instructi fuerunt. nam & Samnitium dux Gellius Egnatius pabulatam cum cohortibus paucis ierat; suoque impetu magis milites, quàm cuiusquam ductu aut imperio, pugnam capecebant. & Romani exercitus nec pariter ambo ducti, nec satis temporis ad instruendum fuit. Priùs concurrit Volumnius, quàm Appius ad hostem perveniret. itaque fronte inæquali concursus est: &, velut forte quadam mutante assuetos inter se hostes, Etrusci Volumnio, Samnites, parumper cunctati, quia dux aberat, Appio occurrere. Dicitur Appius in medio pugne discrimine, ita ut inter prima signa manibus ad cælum sublatis conspiceretur, ita precatus esse, *Bellona, si hodie nobis victoriam davis, ast ego templum tibi voveo.* Hæc precatus, velut instigante Deâ, & ipse collegæ & exercitus virtutem æquavit. Duces imperatoria opera exsequuntur; & milites, ne ab altera parte priùs victoria incipiat, annituntur. Ergo fundunt fugantque hostes, majorem molem haud facillè sustinentes, quàm cum qua manus conferere assueti fuerant. urgendo cedentes, insequendoque effusos compulere ad castra. Ibi, interventu Gellii cohortiumque Sabellorum, paulisper recrudit pugna. iis quoque mox fuffis, jam à victoribus castra oppugnabantur: &, quum Volumnius ipse portæ signa inferret; Appius, Bellonam victricem identidem celebrans, accenderet militum animos, per vallum, per fossas irruperunt. Castra capta direptaque: præda ingens parta & militi concessa est. septem millia ac trecenti hostium occisi, duo millia & centum viginti capti.

XX. Dum ambo consules omnisque Romana vis in Etruscum bellum magis inclinât, in Samnio novi exercitus, exorti ad depopulandos imperii Romani fines, per Vescinos in Campaniam Falernumque agrum transcendunt, ingentesque prædas faciunt. Volumnium,
magnis

magnis itineribus in Samnium redeuntem, (jam enim Fabio Decioque prorogati imperii finis aderat) fama de Samnitium exercitu populationibusque Campani agri ad tuendos socios convertit. Ut in Calenum agrum venit, & ipse cernit recentia cladis vestigia, & Caleni narrant, tantum jam prædæ hostes trahere, ut vix explicare agmen possint: itaque jam propalam duces loqui, extemplo eundem in Samnium esse; ut, relicta ibi prædâ, in expeditionem redeant, nec tam oneratum agmen dimicationi committant. Ea, quamquam similia veris erant, certiùs tamen exploranda ratus, dimittit equites, qui vagos prædatores in agros palantes excipiant: ex quibus inquirendo cognoscit, ad Vulturum flumen sedere hostem; inde tertiam vigiliam moturum: iter in Samnium esse. His satis exploratis profectus, tanto intervallo ab hostibus confedit, ut nec adventus suus propinquitate nimiam nosci posset, & egredientem e castris hostem opprimeret. Aliquanto ante lucem ad castra accessit; gnarosque Oscæ linguae, exploratum quid agatur, mittit. Intermixti hostibus (quod facile erat in nocturna trepidatione) cognoscunt, infrequentia armatis signa egressa, prædam prædæque custodes exire, ignobile agmen, & sua quemque molientem, nullo inter alios consensu, nec satis certo imperio. Tempus aggrediendi aptissimum visum est: & jam lux appetebat. itaque signa canere jussit; agmenque hostium aggreditur. Samnites, prædâ impediti, infrequentes armati, pars addere gradum, ac præ se agere prædam, pars stare, incerti utrum progredi, an regredi in castra tutius foret, inter cunctationem opprimuntur. & Romani jam transcenderant vallum, caedesque ac tumultus erat in castris. Samnitium agmen, præterquam hostili tumultu, captivorum etiam repentinâ defectione turbatum erat: qui partim ipsi soluti vinctos solvebant: partim arma in sarcinis deligata rapiebant, tumultumque, prælio ipso terribiliorem, intermixti

termixti agmini præbebant. Memorandum deinde edidit facinus: nam Stajum Minacium ducem, aduentem ordines hortantemque, invadunt. dissipatis inde equitibus, qui cum eo aderant, ipsum circumfistunt, insidentemque equo captum ad consulem Romanum rapiunt. Revocata eo tumultu prima signa Samnitium: proeliumque jam profligatum integratum est, nec diutius sustineri potuit. Cæsa ad sex millia hominum: duo millia & quingenti capti: in eis tribuni militum, quatuor: signa militaria triginta: &, quod lætissimum victoribus fuit, captivorum recepta septem millia & quadringenti; præda ingens sociorum: accitque edito domini ad res suas noscendas recipiendasque. Præstituta die; quarum rerum non existit dominus, militi concessæ: coactique vendere prædam, ne alibi, quam in armis, animum haberent.

XXI. Magnum ea populatio Campani agri tumultum Romæ præbuerat: & per eos fortè dies ex Etruria allatum erat, post deductum inde Volumnianum exercitum Etruriam concitam in arma, & Gellium Egnatium, Samnitium ducem, & Umbros ad defectionem vocari, & Gallos pretio ingenti sollicitari. His nunciis senatus conterritus iustitium indici, delectum omnis generis hominum haberi iussit, nec ingenui modo aut juniores sacramento adacti, sed seniorum etiam cohortes factæ, libertinique centuriati, & defendendæ urbis consilia agitabantur; summæque rerum prætor P. Sempronius præerat. Ceterum parte curæ exonerant senatum L. Volumnii consulis literæ, quibus æsos, fusosque populatores Campaniæ cognitum est. Itaque & supplicationes ob rem bene gestam consulis nomine decernunt, iustitium remittitur, quod fuerat dies decem & octo, supplicatioque perlata fuit. Tum de præsidio regionis, depopulatæ ab Samnitibus, agitari, cœptum. Itaque placuit, ut dæ colonis circa Vescinum & Falernum agrum deducerentur: una ad ostium

ostium Liris fluvii, quæ Minturnæ appellata; altera in saltu Vescino, Falernum contingente agrum, ubi Sinope dicitur Græca urbs fuisse, Sinuessæ deinde ab colonis Romanis appellata. Tribunis plebis negotium datum est, ut plebeiscito juberetur P. Sempronius prætor triumviros in ea loca colonis deducendis creare: nec, qui nomina darent, facile inveniebantur, quia in stationem se propè perpetuam infestæ regionis, non in agros, mitti rebantur. Avertit ab eis curis senatum Etruriæ ingravescens bellum, & crebræ literæ Appii, monentis, ne regionis ejus motum neglegerent: *quatuor gentes conferre arma, Etruscos, Samnites, Umbros, Gallos. jam castra bifariam facta esse, quia unus locus capere tantam multitudinem non possit.* Ob hæc & (jam appetebat tempus) comitiorum causâ L. Volumnius consul Romanam revocatus: qui prius, quàm ad suffragium centurias vocaret, in concionem advocato populo, multa de magnitudine belli Etrusci differuit. *jam tum, quum ipse ibi cum collega rem pariter gesserit, fuisse tantum bellum, ut nec duce uno, nec exercitu geri potuerit: accessisse postea dici Umbros, & ingentem exercitum Gallorum. Adversus quatuor populos duces consules illo die deligi meminissent. se, nisi confideret, eum consensu populi Romani consulem declaratum iri, qui haud dubiè tum primus omnium ductor haberetur, dictatorem fuisse extemplo dicturum.*

XXII. Nemini dubium erat, quin Q. Fabius omnium consensu destinaretur; eumque & prærogativæ, & primò vocatæ omnes centuriæ consulem cum L. Volumnio dicebant. Fabii oratio fuit, qualis biennio antè: deinde, ut vincebatur consensu, versa postremò ad collegam P. Decium poscendum. *id senectuti suæ adminiculum fore: censurâ duobusque consulatibus simul gestis expertum se, nil concordî collegio firmitus ad rempublicam tuendam esse. novo imperii socio vix jam assuescere senilem animum posse: cum moribus notis facilius se communicaturum consilia.* Subscripsit orationi ejus consul, quum meritis

P. Decii

P. Decii laudibus, tum, *quæ ex concordia consulum bona, quæque ex discordia mala in administratione rerum militarium evenirent*, memorando, *quàm prope ultimum discrimen suis & collega certaminibus nuper ventum foret*: admonendo Decium Fabiumque, *ut uno animo, unâ mente viverent. esse præterea viros natos militia, factis magnos, ad verborum lingueque certamina rudes: ea ingenia consularia esse. Calidos solertesque, juris atque eloquentia consultos, qualis Ap. Claudius esset, urbi ac foro præsides habendos, prætoresque ad reddenda jura creandos esse*. His agendis dies est consumptus. postridie ad præscriptum consulis & consularia & prætoria comitia habita. Consules creati Q. Fabius & P. Decius: Ap. Claudius prætor; omnes absentes. & L. Volumnio ex senatusconsulto & scito plebis prorogatum in annum imperium est.

XXIII. Eo anno prodigia multa fuerunt: quorum averruncandorum causâ supplicationes in biduum senatus decrevit. Publicè vinum ac tus præbitum, supplicatum iere frequentes viri feminæque. Insignem supplicationem fecit certamen in sacello Pudicitæ patriciæ, quæ in foro boario est ad ædem rotundam Herculis, inter matronas ortum. Virginiam, Auli filiam, patriciam plebeio nuptam L. Volumnio consuli, matronæ, quod è Patribus enupsisset, sacris arcuerant. Brevis altercatio inde ex iracundia muliebri in contentionem animorum exarsit. quum se Virginia & patriciam & pudicam in patriciæ Pudicitæ templum ingressam, & uni nuptam, ad quem virgo deducta sit; nec se viri honorumve ejus ac rerum gestarum pœnitere, vero gloriarentur. Facto deinde egregio magnifica verba adauxit. in vico Longo, ubi habitabat, ex parte ædium, quod satis esset loci modico sacello, exclusit; aramque ibi posuit. &, convocatis plebeiis matronis, conquesta injuriam patriciarum, *Hanc ego aram, inquit, Pudicitæ plebeie dedico: vosque hortor, ut, quod certamen virtutis viros in hac civitate tenet, hoc pudicitæ in-*
ter

ter matronas sit: detisque operam, ut hæc ara, quàm illa, si quid potest, sanctius & à castioribus coli dicatur. Eodem ferme ritu & hæc ara, quo illa antiquior, culta est; ut nulla, nisi spectatæ pudicitie matrona, & quæ uni viro nupta fuisset, jus sacrificandi haberet. Vulgaris de- in religio à pollutis, nec matronis solum, sed omnis ordinis feminis, postremò in oblivionem venit. Eodem anno Cn. & Q. Ogulni ædiles curules aliquot fœneratoribus diem dixerunt: quorum bonis multatis, ex eo, quod in publicum redactum est, ænea in Capitolio limina, & trium mensarum argentea vasa in cella Jovis, Jovemque in culmine cum quadrigis, & ad Ficum Ruminalem simulacra infantium: conditorum Urbis sub uberibus lupæ posuerunt; semitamque saxo quadrato à Capena porta ad Martis straverunt. & ab ædilibus plebeiis L. Ælio Pato & C. Fulvio Curvo, ex multatitia item pecunia, quam exegerunt pecuariis damnatis, ludi facti; pateræque aureæ ad Cereris positæ.

XXIV. Q. inde Fabius quintum & P. Decius quartum consulatum ineunt, tribus consulatibus censuræque collegæ; nec gloriâ magis rerum, quæ ingens erat, quàm concordia, inter se clari. quæ ne perpetua esset, ordinum magis, quàm ipsorum, inter se certamen intervenisse reor: patriciis tendentibus, ut Fabius Etruriam extra ordinem provinciam haberet; plebeiis auctoribus Decio, ut ad sortem revocaret. Fuit certè contentio in senatu; &, postquam ibi Fabius plus poterat, revocata res ad populum est. in concione, ut inter militares viros, & factis potius, quàm dictis, frotos, pauca verba habita: Fabius, *quam arborem construisset, sub ea legere alium fructum, indignum esse, dicere; se aperuisse Ciminiam silvam, viamque per devios saltus Romano bello fecisse.* Quid se id ætatis sollicitasset, si alio duce bellum gesturi essent? Nimirum, adversarium se, non socium imperii, legisse, sensum exprobrat: & invidisse Decium.

eam concordibus collegiis tribus. Postremò, se tendere nibi ultra, quàm ut, si se dignum provinciâ ducerent, in eam mitterent : in senatûs arbitrio se fuisse, & in potestate populi futurum. P. Decius senatûs injuriam querebatur : quoad potuerint, Patres annisos, ne plebeiis aditus ad magnos honores esset : postquam ipsa virtus pervicerit, ne in ullo genere hominum inbonorata esset, quari, quemadmodum irrita sint non suffragia modò populi, sed arbitria etiam fortuna, & in paucorum potestatem vertantur. Omnes ante se consules sortitos provincias esse ; nunc extra sortem Fabio senatum provinciam dare. Si honoris ejus causâ : ita eum de se, deque republica meritum esse, ut saveat Q. Fabii gloria, qua modò non sua contumeliâ splendeat. Cui autem dubium esse, ubi unum bellum sit asperum ac difficile, quum id alteri extra sortem mandetur, quin alter consul pro supervacaneo atque inutili habeatur ? Gloriari Fabium rebus in Etruria gestis. velle & P. Decium gloriari : & forsitan, quem ille obrutum ignem reliquerit, ita ut toties novum ex improvise incendium daret, eum se exstincturum. Postremò se collega honores præmiaque concessurum verecundiâ atatis ejus majestatisque ; quum periculum, quum dimicatio proposita sit, neque cedere sua sponte, neque cessurum. &, si nihil aliud ex eo certamine tulerit, illud certè laturum, ut, quod populi sit, populus jubeat potius, quàm Patres gratificentur. Jovem optimum maximum Deosque immortales se precari, ut ita sortem equam sibi cum collega dent, si eandem virtutem felicitatemque in bello administrando daturi sint. certè id & naturâ equum, & exemplo utile esse, & ad famam populi Romani pertinere, eos consules esse, quorum utrolibet duce bellum Etruscum geri rectè possit. Fabius, nihil aliud precatus populum, quàm ut prius, quàm intro vocarentur ad suffragium tribus, Ap. Claudii prætoris allatas ex Etruria literas audirent, comitio abit. nec minore populi consensu, quàm senatûs, provincia Etruria extra sortem Fabio decreta est.

XXV. Concursum inde ad consulem factus omnium ferme juniorum : & pro se quisque nomina dabant.
 tanta

tanta cupido, erat sub eo duce stipendia faciendi. Quā circumfusus turbā, *Quatuor millia, inquit, peditum & sexcentos equites duntaxat scribere in animo est: hodierno & crastino die qui nomina dederitis, mecum ducam. majori mihi cura est, ut omnes locupletes reducam, quā ut multis rem geram militibus.* Profectus apto exercitu, & eo plus fiducia ac spei gerente, quod non desiderata multitudo erat, ad oppidum Aharnam, unde haud procul hostes erant, ad castra Appii prætoris pergit. paucis citrà millibus lignatores ei cum præsidio occurrunt, qui, ut lictores prægressi viderunt, Fabiumque esse consulem acceperunt, læti atque alacres Diis populoque Romano grates agunt, quod eum sibi imperatorem misissent. Circumfusi deinde quum consulem salutarent, quærit Fabius, quod pergerent; respondentibusque, lignatum se ire, *ain' tandem, inquit, num castra vallata non habetis?* Ad hoc quum succlamatum esset; duplici quidem vallo, & fossā, & tamen in ingenti metu esse: *habetis igitur, inquit, affatim lignorum. redite, & vellite vallum.* Redeunt in castra, terroremque ibi, vellentes vallum, & iis, qui in castris remanserant, militibus, & ipsi Appio fecerunt. Tum pro se quisque alii aliis dicere, *consulis se Q. Fabii facere jussu.* Postero inde die castra mota, & Appius prætor Romam dimissus. inde nusquam stativa Romanis fuere. negabat utile esse, uno loco sedere exercitum: itineribus ac mutatione locorum nobiliorem ac salubriorem esse. fiebant autem itinera, quanta fieri sinebat hiems haudum exacta. Vere inde primo, relicta secundā legione ad Clusium, quod Camars olim appellabant, præpositoque castris L. Scipione proprætore, Romam ipse ad consultandum de bello rediit: sive ipse sponte suā, quia bellum ei majus in conspectu erat, quā quantum esse famæ crederat; sive senatusconsulto accitus. nam in utrumque auctores sunt. Ab Ap. Claudio prætore retractum quidam videri volunt; quum in senatu & apud populum

(id

sed quod per literas assidue fecerat) terrorem belli Etrusci augeret: *non suffecturum ducem unum, nec exercitum unum, adversus quatuor populos. Periculosum esse, sive juncti unum premant, sive id diversi gerant bellum, ne ad omnia simul obire unus non possit. Duas se ibi legiones Romanas reliquisse: & minus quinque millia peditum equitumque cum Fabio venisse. sibi placere, P. Decium consulem primo quoque tempore in Etruriam ad collegam proficisci: L. Volumnio Samnium provinciam dari. Si consul malit in suam provinciam ire, Volumnium in Etruriam ad consulem cum exercitu justo consulari proficisci.* Quum magnam partem moveret oratio prætoris, P. Decium censuisse ferunt, ut omnia integra ac libera Q. Fabio fervarentur, donec vel ipse, si per commodum reipublicæ posset, Romam venisset, vel aliquem ex legatis misisset; à quo disceret senatus, quantum in Etruria belli esset, quantisque administrandum copiis, & quot per duces esset.

XXVI. Fabius, ut Romam rediit, & in senatu & productus ad populum medlam orationem habuit, ut nec augere, nec minuire videretur belli famam; magisque in altero assumendo duce aliorum indulgere timori, quam suo aut reipublicæ periculo consulere. ceterum, si sibi adiutorem belli sociumque imperii darent, quoniam modo se oblivisci P. Decii confidis per tot collegia experti posse? Neminem omnium secum conjungi malle: & copiarum satis sibi cum P. Decio, & nunquam minus hostium fore. Sin collega quid aliud malit; at sibi L. Volumnium darent adiutorem. Omnium rerum arbitrium & à populo, & à senatu, & ab ipso collega, Fabio permisum est. & quum P. Decius se in Samnium vel in Etruriam proficisci paratum esse ostendisset, tanta lætitia ac gratulatio fuit, ut præciperetur victoria animis, triumphusque, non bellum, decretum consulibus videretur. Invenio apud quosdam, extemplo, consulatu inito, profectos in Etruriam Fabium Deciumque, sine ulla mentione sortis provinciarum certaminumque inter collegas,

versus Gallos pro sinistro Decius quintam & sextam instruxit: secunda & quarta cum L. Volumnio proconsole in Samnio gerebant bellum. Primo concursu adeo æquis viribus gesta res est, ut, si adfuissent Etrusci & Umbri, aut in acie, aut in castris, quocunque se inclinassent, accipienda clades fuerit.

XXVIII. Ceterum, quanquam communis adhuc Mars belli erat, necdum disorimen fortuna fecerat, quâ datura vires esset, haudquaquam similis pugna in dextro lævoque cornu erat. Romani apud Fabium arcebant magis, quàm inferebant, pugnam; extrahebaturque in quàm maximè ferum diei certamen: quia ita persuasum erat duci, & Samnites & Gallos primo impetu feroces esse, quos sustineri satis sit; longiore certamine sensim residere Samnitium animos: Gallorum quidem etiam corpora intolerantissima laboris atque æstus fluere; primaque eorum prælia plus quàm virorum, postrema minus quàm feminarum esse. In id tempus igitur, quo vinci solebat hostis, quàm integerrimas vires militi servabat. Ferocior Decius & ætate & vigore animi, quantumcunque virium habuit, certamine primo effudit. &, quia lentior videbatur pedestris pugna, equitatum in pugnam concitat: & ipse, fortissimæ juvenum turmæ immixtus, orat proceres juventutis, in hostem ut secum impetum faciant: duplicem illorum gloriam fore, si ab lævo cornu & ab equite victoria incipiat. Bis avertere Gallicum equitatum, iterum longius eVectos, & jam inter media equitum agmina prælium cientes, novum pugnæ conterruit genus: essedis carrisque superstans armatus hostis ingenti sonitu equorum rotarumque advenit, & insolitos ejus tumultus Romanorum conterruit equos. Ita victorem equitatum velut lymphaticus pavor dissipat: sternit inde ruentes equos virosque improvida fuga. Turbata hinc etiam signa legionum: multique impetu equorum ac vehiculorum raptorum per agmina obtrita antesignani.

ni: & infecuta, simul terribiles hostes vidit, Gallica acies nullum spatium respirandi recipiendique se dedit. Vociferari Decius, *Quò fugerent? quamve in fuga spem haberent?* obistere cedentibus, ac revocare fusos. deinde, ut nullà vi perculsos sustinere poterat, patrem P. Decium nomine compellans, *Quid ultra moror, inquit, familiare fatum? Datum hoc nostro generi est, ut luendis periculis publicis piacula simus. Jam ego mecum hostium legiones mactandas Telluri ac Diis Manibus dabo.* Hæc locutus M. Livium pontificem, quem, descendens in aciem, digredi vetuerat ab se, præire jussit verba, quibus se legionesque hostium pro exercitu populi Romani Quiritium devoveret. Devotus inde eadem precatione eodemque habitu, quo pater P. Decius ad Veferim bello Latino se jusserat devoveri. Quum secundum solennes precationes adjecisset, *præ se agere sese formidinem ac fugam, eademque ac cruorem, caelestium, inferorum iras: contacturum funebribus diris signa, tela, arma hostium; locumque eundem suæ pestis & Gallorum ac Samnitium fore.* Hæc execratus in se hostesque, quâ confertissimam cernebat Gallorum aciem, concitat equum: inferensque se ipse infestis telis est interfectus.

XXIX. Vix humanæ inde opis videri pugna potuit. Romani, duce amisso, quæ res terrori aliàs esse solet, sistere fugam, ac novam de integro velle instaurare pugnam. Galli, & maximè globus circumstantis consulis corpus, velut alienatâ mente, vana incassum jactare tela. torpere quidam, & nec pugnae meminisse, nec fugæ. At ex parte altera pontifex Livius, cui lictores Decius tradiderat, jusseratque proprætorem esse, vociferari, *Vicisse Romanos, defunctos consulis fato. Gallos Samnitesque Telluris matris ac Deorum Manium esse. Rapere ad se ac vocare Decium devotam secum aciem; furiarumque ac formidinis plena omnia ad hostes esse.* Superveniunt deinde his restituentibus pugnam L. Cornelius Scipio & C. Marcius, cum subsidiis ex novissima acie jussu Q.

Fabii consulis ad præsidium collegæ missi. ibi auditus P. Decii eventus, ingens hortamen ad omnia pro republica audenda. Itaque quum Galli structis ante se scutis conferti starent, nec facilis pede collato videretur pugna; jussu legatorum collecta humi pila, quæ strata inter duas acies jacebant, atque in testudinem hostium conjecta. quibus plerisque in scuta, verutis in corpora ipsa fixis, sternitur cuneus; ita ut magna pars integris corporibus attoniti considerent. hæc in sinistro cornu Romanorum fortuna variaverat. Fabius in dextro, primò (ut ante dictum est) cunctando extraerat diem: deinde, postquam nec clamor hostium, nec impetus, nec tela missa, eandem vim habere visa; præfectis equitum jussis ad latus Samnitium circumducere alas, ut signo dato in transversos, quanto maximo possent impetu, incurrerent; sensim suos signa inferre jussit, & commovere hostem. Postquam non resisti vidit, & haud dubiam lassitudinem esse; tum, collectis omnibus subsidiis, quæ ad id tempus reservaverat, & legiones concitavit, & signum ad invadendos hostes equitibus dedit. Nec sustinuerunt Samnites impetum; præterque aciem ipsam Gallorum, relictis in dimicatione sociis, ad castra effuso cursu ferebantur. Galli, testudine factâ, conferti stabant. Tum Fabius, auditâ morte collegæ, Campanorum alam, quingentos ferè equites, excedere acie jubet, & circumvectos ab tergo Gallicam invadere aciem: tertiæ deinde legionis subsequi principes, & quâ turbatum agmen hostium viderent impetu equitum, instare ac territos cadere. Ipse ædem Jovi Victori spoliaque hostium quum vovisset, ad castra Samnitium perrexit; quo multitudine omnis consternata agebatur. Sub ipso vallo, quia tantam multitudinem portæ non recepere, tentata ab exclusis turbâ suorum pugna est. Ibi Gellius Egnatius imperator Samnitium cecidit. compulsi deinde intra vallum Samnites, parvoque certamine capta castra, &
Galli

Galli ab tergo circumventi. Cæsa eo die hostium viginti quinque millia, octo capta. Nec incruenta victoria fuit. nam ex P. Decii exercitu cæsa septem millia; ex Fabii, mille ac ducenti. Fabius, dimissis ad quærendum collegæ corpus, spolia hostium coniecta in acervum Jovi Victori cremavit. Consulis corpus eo die, quia obrutum superstratis Gallorum cumulis erat, inveniri non potuit. postero die inventum relatumque est cum multis militum lacrimis. Intermisâ inde omnium aliarum rerum curâ, Fabius collegæ funus omni honore laudibusque meritis celebrat.

XXX. Et in Etruria per eisdem die ab Cn. Fulvio prætore res ex sententia gesta; &, præter ingentem illatam populationibus agrorum hosti cladem, pugnatum etiam egregiè est. Perusinorumque & Clusinarum cæsa amplius millia tria, & signa militaria ad viginti capta. Samnitium agmen, quum per Pelignum agrum fugeret, circumventum à Pelignis est. ex millibus quinque ad mille cæsi. Magna ejus dici, quo in Sentinati agro bellatum, fama est, etiam vero stanti. sed superjecere quidam augendo fidem; qui in hostium exercitu peditum centum quadraginta millia trecentos triginta, equitum quadraginta sex millia, mille carpentorum scripsere fuisse: scilicet cum Umbris Tuscisque, quos & ipsos pugne adfuisse. & ut Romanorum quoque augerent copias, L. Volumnium pro consule duces consulibus, exercitumque ejus legionibus consulum adjiciunt. In pluribus annalibus duorum ea consulum propria victoria est. Volumnium in Samnio interim res gerit, Samnitiumque exercitum, in Tifenum montem compulsus, non deterritus iniquitate loci, fundit fugatque. Q. Fabius, Deciano exercitu relicto in Etruria, suis legionibus deductis ad urbem, de Gallis Etruscisque ac Samnitibus triumphavit. milites triumphantem secuti sunt. Celebratâ inconditis campis militibus non magis victoria Q. Fabii, quam

mors præclara P. Decii est : excitataque memoria parentis, æquata eventu publico privatoque filii laudibus. Data ex præda militibus æris octogeni bini, sagaque & tunicæ ; præmia illâ tempestate militiæ haudquaquam spernenda.

XXXI. His ita rebus gestis, nec in Samnitibus adhuc, nec in Etruria pax erat. nam &, Perusinis auctoribus, post deductum ab consule exercitum rebellatum fuerat : & Samnites prædatum in agrum Vescinum Formiapumque, & parte aliâ in Æsernum, quæ Vulturno adjacent flumini, descendere. Adversus eos Ap. Claudius prætor cum exercitu Deciano missus. Fabius in Etruria rebellante denuo. quatuor millia & quingentos Perusinorum occidit : cepit ad mille septingentos quadraginta : qui redempti singuli æris trecentis decem. præda alia omnis militibus concessa. Samnitium legiones, quum partim Ap. Claudius prætor, partim L. Volumnius pro consule sequeretur, in agrum Stellatem convenerunt. ibi & Samnitium legiones omnes confidunt, & Appius Volumniusque castra conjungunt. Pugnatum infestissimis animis, hinc irâ stimulante adversus rebellantes toties, illinc ab ultima jam dimicantibus spe. Cæsa ergo Samnitium sexdecim millia trecenti, capta duo millia septingenti. ex Romano exercitu cecidere duo millia septingenti. Felix annus bellicis rebus, pestilentia gravis, prodigiisque sollicitus. nam, & terram multifariam pluuisse, & in exercitu Ap. Claudii plerosque fulminibus ictos, nunciatum est : librique ob hæc aditi. Eo anno Q. Fabius Gurgis, consulis filius, aliquot matronas ad populum stupri damnatas pecuniâ multavit. ex quo multaticio ære Veneris ædem, quæ prope Circum est, faciendam curavit. Superfunt etiam nunc Samnitium bella, quæ continua per quartum jam volumen annumque sextum & quadragesimum, à M. Valerio, A. Cornelio consulibus, qui primi Samnio armia intulerunt, agimus :

agimus : & ne tot annorum clades utriusque gentis laboresque actos nunc referam, quibus nequiverint tamen dura illa pectora vinci ; proximo anno Samnites in Sentinati agro, Pelignis, ad Tifernum, Stelatibus campis, suis ipsi legionibus, mixti alienis, ab quatuor exercitibus, quatuor ducibus Romanis cæsi fuerant, imperatorem clarissimum gentis suæ amiserant ; socios belli, Etruscos, Umbros, Gallos, in eadem fortuna videbant, quâ ipsi erant : nec suis, nec externis viribus jam stare poterant ; tamen bello non abstinebant. adeo ne infeliciter quidem defensæ libertatis tædebat : & vinci, quàm non tentare victoriam, malebant. Quinam sit ille, quem non pigeat longinquitatis bellorum scribendo legendoque, quæ gerentes non fatigaverunt ?

XXXII. Q. Fabium, P. Decium, L. Postumius Megellus & M. Atilius Regulus consules secuti sunt. Samnium ambobus decreta provincia est ; quia tres scriptos hostium exercitus, uno Etruriam, altero populationes Campaniæ repeti, tertium tuendis parari finibus, fama erat. Postumium valetudo adversa Romæ tenuit : Atilius extemplo profectus, ut in Samnio hostes (ita enim placuerat Patribus) nondum egressos opprimeret. Velut ex composito ibi obvium habuere hostem ; ubi & intrare, nedum vastare, ipsi Samnitium agrum prohiberentur : & egredi inde in pacata sociorumque populi Romani fines Samnitem prohiberent. Quum castra castris collata essent, quod vix Romanus toties victor auderet, ausi Samnites sunt (tantum desperatio ultima temeritatis facit) castra Romana oppugnare. & quanquam non venit ad finem tam audax inceptum, tamen haud omnino vanum fuit. Nebula erat ad multum diei densa adeo, ut lucis usum eriperet, non prospectu modò extra vallum adempto, sed propinquo etiam congregientium inter se conspectu. Hac velut latebrâ insidiarum freti Samnites, vixdum satis certâ luce, & eam ipsam premente caligine,

caligine, ad stationem Romanam in porta-segniter agentem vigilias perveniunt. Improvisò oppressis nec animi satis ad resistendum, nec virium fuit. Ab tergo castrorum decumanâ portâ impetus factus. itaque captum quæstorium: quæstorque ibi L. Optimus Pansa occisus. cōclamatum inde ad arma.

XXXIII. Consul, tumultu excitus, cohortes duas sociorum, Lucanam Sueffanamque, quæ proximæ fortè erant, tueri prætorium jubet: manipulos legionum principali viâ inducit. Vixdum satis aptatis armis, in ordines eunt: & clamore magis, quàm oculis, hostem noscunt: nec, quantus numerus sit, æstimari potest. Cedunt primò incerti fortunæ suæ, & hostem introrsum in media castra accipiunt. inde quum consul vociferaretur, *expulsi extra vallum, castra deinde sua appugnaturi essent*, rogans; clamore sublato connisi primò resistunt: deinde inferunt pedem urgentque, & impulsos semel terróre eodem agunt, quo coeperunt. Expellunt extra portam vallumque. inde pergere ac persequi (quia turbida lux motum circà insidiarum faciebat) non ausi, liberatis castris contenti, receperunt se intra vallum trecentis ferme hostium occisis. Romanorum stationis primæ vigilamque & eorum, qui circa quæstorium oppressi, periere ad ducentos triginta. Animos inde Samnitibus non infelix audacia aúxit; & non modò proferre inde castra Romanum, sed ne pabulari quidem per agrum suos, patiebantur. retro in pacatam Soranum agrum pabulatores ibant. Quarum rerum fama, tumultuosior etiam, quàm res erant, perlata Romam, coëgit L. Postumium consulem; vixdum validum, proficisci ex urbe. Prius tamen, quàm exiret, militibus edicto Soram iussis convenire, ipse ædem Victoriæ, quam ædilis curulis ex multatitia pecunia faciendam curaverat, dedicavit. Ita ad exercitum profectus, ab Sora in Samnium ad castra collegæ perrexit. inde postquam Samnites, *diffusi* duobus exerci-

exercitiis resisti posse, recesserunt; diversi consules ad vastandos agros urbesque oppugnandas discedunt.

XXXIV. Postumius Milierniam oppugnare adortus, vi primò atque impetu, dein, postquam ea parum procedebant, opere ac vineis demum inunctis muro cepit. Ibi, captà jam urbe, ab hora quarta usque ad octavam fere horam omnibus partibus urbis diu incerto eventu pugnatum est. postremò potitur oppido Romanus. Samnitium cæsi tria millia ducenti: capti quatuor millia ducenti, præter prædam aliam. Inde Ferentinum ductæ legiones: unde oppidani cum omnibus rebus suis, quæ ferri agique potuerant, nocte per averfam portam silentio excefferunt. Igitur, simul advenit consul, primò ita compositus instructusque moribus successit, tanquam idem, quod ad Milierniam fuerat, certaminis foret: deinde, ut silentium vastum in urbe, nec arma, nec viros in turribus ac muris vidit, avidum invadendi deserta mœnia militem detinet, nequam occultam in fraudem incautus rueret. Duas turmas fociorum Latini nominis circumequitare mœnia, atque explorare omnia jubet. equites portam unam alteramque eadem regione in propinquo patentes conspiciunt, itineribusque iis vestigia nocturnæ hostium fugæ. Adequitant deinde sensim portis, urbemque ex tuto rectis itineribus perviam conspiciunt: ad consulem referunt, excessum urbe; solitudine haud dubià id perspicuum esse, & recentibus vestigiis fugæ, ac strage rerum in trepidatione nocturna passim relictarum. His auditis, consul ad eam partem urbis, quâ adierant equites, circumducit agmen: constitutisque haud procul porta signis, quinque equites jubet intrare urbem, & modicum spatium progressos, tres manere eodem loco, si tuta videantur; duos explorata ad se referre. Qui ubi redierunt, retuleruntque, eò se progressos, unde in omnes partes circumspectus esset, longè latèque silentium ac solitudinem vidisse; ex templo consul

cohortes expeditas in urbem induxit; ceteros interim castra communire iussit. ingressi milites, refractis foribus, paucos graves ætate aut invalidos inveniunt, relictæque, quæ migratu difficilia essent. Ea direpta; & cognitum ex captivis est, communi consilio aliquot circâ urbes conscisse fugam; suos primâ vigiliâ profectos. credere, eandem in aliis urbibus solitudinem inventuros. Dictis captivorum fides exstitit: desertis oppidis consul potitur.

XXXV. Alteri consuli M. Atilio nequaquam tam facile bellum fuit. Quum ad Luceriam duceret legiones, quam oppugnari ab Samnitibus audierat, ad finem Lucerinum ei hostis obvius fuit. ibi ira vires æquavit. Prælium varium & anceps fuit: tristius tamen eventu Romanis; & quia insueti erant vinci, & quia digredientes magis, quàm in ipso certamine, fenserunt, quantum in sua parte plus vulnery ac cædis fuisset. Itaque is terror in castris ortus, qui si pugnantes cepisset, insignis accepta clades foret. Tum quoque sollicita nox fuit jam invasurum castra Samnitum credentibus, aut primâ luce cum victoribus conferendas manus. Minus cladis, ceterum non plus animorum, ad hostes erat. ubi primum illuxit, abire sine certamine cupiunt. Sed via una, & ea ipsa præter hostes, erat: quâ ingressi, præbuere speciem rectâ tendentium ad castra oppugnanda. Consul arma capere milites jubet, & sequi se extra vallum: legatis, tribunis, præfectis sociorum imperat, quod apud quemque factum opus est. Omnes affirmant, se quidem omnia facturos, sed militum jacere animos, totâ nocte inter vulnery & gemitus morientium vigilatum esse: Si ante lucem ad castra ventum foret, tantum pavoris fuisse, ut relicturi signa fuerint: nunc pudore à fuga contineri, alioquin pro victis esse. Quæ ubi consul accepit, sibi met ipsi circumeundos alloquendosque milites ratus, ut ad quosque venerat, cunctantes arma capere increpabat; *Quid cessarent, tergiver-*

tergiversarenturque? Hostem in castra venturum, nisi illi extra castra exissent: & pro tentoriis suis pugnatorios, si pro vallo nollent. armatis ac dimicantibus dubiam victoriam esse. Qui nudus atque inermis hostem maneat, ei aut mortem, aut servitutem patiendam. Hæc jurganti increpantique respondabant: confectos se pugnâ besternâ esse: nec virium quicquam, nec sanguinis superesse. majorem multitudinem hostium apparere, quàm pridie fuerit. Inter hæc appropinquabat agmen: &, jam breviori intervallo certiora intuentes, vallum secum portare Samnitum affirmant, nec dubium esse, quin castra circumvallaturi sint. Tunc, enimvero consul, indignum facinus esse, vociferari, tantam contumeliam ignominiamque ab ignavissimo accipi hoste. Etiamne circumsedebimur, inquit, in castris, ut fame potius per ignominiam, quàm ferro, si necesse est, per virtutem, moriamur? Dii bene verterent, facerentque, quod se dignum quisque ducerent. Consulem M. Atilium vel solum, si nemo alius sequatur, iturum adversus hostes: casurumque inter signa Samnitum potius, quàm circumvallari castra Romana videat. Dicta consulis legati, tribuni, & omnes turmae equitum, & centuriones primorum ordinum, approbavere. Tum pudore victus miles segniter arma capit, segniter è castris egreditur: longo agmine, nec continenti, mœsti ac propè victi procedunt adversus hostem, nec spe, nec animo certiores. Itaque simul conspecta sunt Romana signa, extemplo à primo Samnitium agmine ad novissimum fremitus perfertur, Exire, id quod timuerint, ad impediendum iter Romanos. Nullam inde ne fuga quidem patere viam. illo loco aut cadendum esse, aut, stratis hostibus, per corpora eorum evadendum.

XXXVI. In medio sarcinas conjiciunt; armati suis quisque ordinibus instruunt aciem. Jam exiguum inter duas acies erat spatium, & stabant expectantes, dum ab hostibus prius impetus, prius clamor inciperet. neutris animus est ad pugnandum. Diver-

sique integri atque intacti abissent, ni cedenti inflaturum alterum timuissent. suâ sponte inter invitos tergiversantesque segnis pugna, clamore incerto atque impari, cœpit: nec vestigio quisquam movebatur. Tum consul Romanus, ut rem excitaret, equitum paucas turmas extra ordinem immisit: quorum quum plerique delapsi ex equis essent, & alii turbati; & ab Samnitium acie ad opprimendos eos, qui ceciderant, & ad suos tuendos ab Romanis præcursum est. Inde paululum irritata pugna est, sed aliquanto & impigre magis, & plures procurrerant Samnites: & turbatus eques sua ipse subsidia territis equis proculcavit. hinc fuga cœpta totam avertit aciem Romanam. Jamque in terga fugientium Samnites pugnabant, quum consul, equo prævectus ad portam castrorum, ac statione equitum ibi oppositâ, edicto, *ut, quicumque ad vallum tenderet, sive ille Romanus, sive Samnis esset, pro hoste haberent*; hæc ipsa minitans, obstitit profusè tendentibus suis in castra. *Quò pergis, inquit, miles? & hic arma & viros invenies. nec, vivo consule tuo, nisi victor castra intrabis. proinde elige, cum cive, an hoste, pugnare malis.* Hæc dicente consule, equites infestis cuspidibus circumfunduntur, ac peditem in pugnam redire jubent. Non virtus solum consulem, sed fors etiam adjuvit; quod non institerunt Samnites, spatiumque circumagendi signa, vertendique aciem à castris in hostem fuit. Tum alii alios hortari, ut repeterent pugnam: centuriones ab signiferis rapta signa inferre: & ostendere suis, paucos & ordinibus incompósitos effusè venire hostes. Inter hæc consul, manus ad cœlum attollens, voce clarâ, ita ut exaudiretur, templum Jovi Statori vovet, si constitisset à fuga Romana acies, redintegratoque prælio cecidisset vicissetque legiones Samnitium. Omnes undique annisi ad restituendam pugnam, duces, milites, peditum equitumque vis: numen etiam Deorum respexisse nomen Romanum visum. adeo facile inclinata

nata res, repulsiq; à castris hostes; mox etiam redacti ad eum locum, in quo commissâ pugna erat. Ibi, objacente sarcinarum cumulo, quas conjecerant in medium, hædere impediti: deinde, ne diriperentur res, orbem armatorum sarcinis circumdant. Tum verò eos à fronte urgere pedites, ab tergo circumvesti equites. ita in medio cæsi captique. Captivorum numerus fuit septem millium ac ducentorum, qui omnes nudi sub jugum missi. cæsos retulere ad quatuor millia octingentos. Ne Romanis quidem læta victoria fuit. recensente consule biduo acceptam cladem, amissorum militum numerus relatus septem millium ac ducentorum. Dum hæc in Apulia gerebantur, altero exercitu Samnites Interamnam, coloniam Romanam, quæ viâ Latinâ est, occupare conati, urbem non tenuerunt: agros depopulati quum prædam aliam inde mixtam hominum atque pecudum, colonosque captos agerent, in victorem incidunt consulem, ab Luceria redeuntem: nec prædam solum amittunt, sed ipsi longo atque impedito agmine incompoliti cæduntur. Consul, Interamnâ edicto dominis ad res suas noscendas recipiendâsq; revocatis, & exercitu ibi relicto, comitiorum causâ Romam est profectus. Cui de triumpho agenti negatus honos, & ob amissa tot millia militum, & quod captivos sine pactione sub jugum misisset.

XXXVII. Consul alter Postumius, quia in Samnitibus materia belli deerat, in Etruriam traducto exercitu, primum pervastaverat Volsiniensem agrum: dein eum egressus ad tuendos fines hæud procul mœnibus ipsorum depugnat. duo millia octingenti Etruscorum cæsi: ceteros propinquitâ urbis tutata est. In Rusellanum agrum exercitus traductus. ibi non agri tantum vastati, sed oppidum etiam expugnatum: capta amplius duo millia hominum, minus duo millia circa muros cæsa. Pax tamen clarior majorque, quàm bellum in Etruriâ eo anno fuerat, parta est. Tres validissi-

maz urbes, Etruriæ capita, Volsinii, Perugia, Arretium, pacem petiere; &, vestimentis militum frumentoque pacti cum consule, ut mitti Romam oratores liceret, inducias in quadraginta annos impetraverunt. multa præfens quingentum millium æris in singulas civitates imposita. Ob hæc res gestas, consul quum triumphum ab senatu, moris magis causâ, quàm spe impetrandi, petisset, videretque alios, quod tardius ab urbe exisset; alios, quod injussu senatûs ex Samnio in Etruriam transisset, partim suos inimicos, partim collegæ amicos, ad solatium æquatæ repullæ sibi quoque negare triumphum: *Non ita, inquit, Patres conscripti, vestræ majestatis meminero, ut me consulem esse obliviscar. eodem jure imperii, quo bella gessi, bellis feliciter gestis, Samnio atque Etruriâ subactis, victoriâ & pace partâ, triumphabo.* Ita senatum reliquit. Inde inter tribunos plebis contentio orta: pars intercessuros, ne novo exemplo triumpharet, aiebant; pars auxilio se adversus collegas triumphanti futuros. Jactata res ad populum est: vocatusque eò consul, quum M. Horatium, L. Valerium consules, C. Marcium Rutilum nuper, patrem ejus, qui tunc censor esset, non ex auctoritate senatûs, sed jussu populi triumphâsse diceret; adjiciebat, *se quoque laturum fuisse ad populum, ni sciret, mancipia nobilium tribunos plebis legem impedituros: voluntatem sibi ac favorem consentientis populi pro omnibus jussis esse, ac futura.* Posteroque die auxilio tribunorum plebis trium, adversus intercessionem septem tribunorum & consensum senatûs, celebrante populo diem, triumphavit. Et hujus anni parum constans memoria est. Postumium, auctor est Claudius, in Samnio captis aliquot urbibus, in Apulia fufum fugatumque, faucium ipsum cum paucis Luceriam compulsus: ab Atilio in Etruria res gestas, eumque triumphâsse. Fabius, ambo consules in Samnio & ad Luceriam res gessisse, scribit, traductumque in Etruriam exercitum, (sed ab utro consule

confule non adjecit) & ad Lucceriam utrinque multos occisos. inque ea pugna Jovis Statoris ædem votam, ut Romulus antè voverat: sed fanum tantum, id est locus, templo effatus, sacratum fuerat. Ceterum, hoc demum anno ut ædem etiam fieri senatus juberet, bis ejusdem voti damnata republica, in religionem venit.

XXXVIII. Sequitur hunc annum & consul insignis L. Papirius Cursor, quâ paternâ gloriâ, quâ suâ, & bellum ingens victoriaque, quantam de Samnitibus nemo ad eam diem, præter L. Papirium patrem consulis, pepererat: & fortè eodem conatu apparatuque omni opulentiâ insignium armorum bellum adornaverant: & Deorum etiam adhibuerant opes, ritu quodam sacramenti vetusto velut initiatis militibus, delectu per omne Samnium habito novâ lege: ut, qui juniorum non convenisset ad imperatorium edictum, quique injussu abisset, caput Jovi sacratum esset. Tum exercitus omnis Aquiloniam est indictus. ad quadraginta millia militum, quod roboris in Samnio erat, convenerunt. Ibi mediis ferè castris locus est consecutus. cratibus pluteisque, & linteis contectus, patens ducentos maximè pedes in omnes pariter partes. Ibi ex libro vetere linteo lecto sacrificatum, sacerdote Ovio Paccio quodam, homine magno natu, qui se id sacrum petere affirmabat ex vetusta Samnitium religione; quâ quondam usi majores eorum fuissent, quum adimendæ Etruscis Capuæ clandestinum cepissent consilium. Sacrificio perfecto, per viatorem imperator acciri jubebat nobilissimum quemque genere factisque. singuli introducebantur. Erat quum alius apparatus sacri, qui perfundere religione animum posset; tum in loco circa omni contecto aræ in medio, victimæque circa cæsar, & circumstantes centuriones strictis gladiis. Admovebatur altaribus miles, magis ut victima, quàm ut sacri particeps: adigebaturque jurejurando, quæ visa auditaque in eo loco essent, non enunciaturum.

Dein

Dein jurare cogebatur diro quodam carmine, in exsecrationem capitis familiæque & stirpis composito, nisi esset in prælium, quò imperatores duxissent: & si aut ipse ex acie fugisset, aut, si quem fugientem vidisset, non extemplo occidisset. Id primò quidam abnuentes juraturos se, obtruncati circa altaria sunt: jacentes deinde inter stragem victimarum documento ceteris fuere, ne abnuerent. Primoribus Samnitium eâ detestatione obstrictis, decem nominatis ab imperatore, eis dictum, ut vir virum legerent, donec sexdecim millium numerum confecissent. ea legio linteata ab integumento consepti, quo sacrata nobilitas erat, appellata est. His arma insignia data, & cristatæ galeæ, ut inter ceteros eminerent. Paulo plus viginti millium alius exercitus fuit, nec corporum specie, nec gloriâ belli, nec apparatu linteatæ legioni dispar. hic hominum numerus, quod roboris erat, ad Aquiloniam confedit.

XXXIX. Consules profecti ab urbe: prior Sp. Carvilius, cui veteres legiones, quas M. Atilius, superioris anni consul, in agro Interamnati reliquerat, decretæ erant, cum eis in Samnium profectus, dum hostes, operati superstitionibus, concilia secreta agunt, Amitemum oppidum de Samnitibus vi cepit. Cæsa ibi millia hominum duo ferme atque ostingenti: capta quatuor millia ducenti septuaginta. Papirius, novo exercitu (ita decretum erat) scripto, Duroniam urbem expugnavit. minus, quàm collega, cepit hominum, plus aliquanto occidit. præda opulenta utrobique est parta. Inde pervagati Samnium consules, maximè depopulato Atinate agro, Carvilius ad Cominium, Papirius ad Aquiloniam (ubi summa rei Samnitium erat) pervenit. ibi aliquandiu nec cessatum ab armis est, neque gnaviter pugnatum: laceffendo quietos, resistentibus cedendo, comminandoque magis, quàm inferendo pugnam, dies absumebatur. quod quum inciperetur,

tur, remittereturque, omnium rerum etiam parvarum eventus proferebatur in dies. Altera Romana castra viginti millium spatio aberant: & absentis collegæ consilia omnibus gerendis intererant rebus: intentiorque Carvilius, quo majore discrimine res vertebatur, in Aquiloniam, quàm ad Cominium, quod obsidebat, erat. L. Papirius, jam per omnia ad dimicandum satis paratus, nuncium ad collegam mittit; *sibi in animo esse, postero die, si per auspicia liceret, configere cum hoste. Opus esse, & illum, quantà maximà vi posset, Cominium oppugnare, ne quid laxamenti sit Samnitibus ad subsidia Aquiloniam mittenda.* Diem ad proficiscendum nuncius habuit: nocte rediit, approbare collegam consulta referens. Papirius, nuncio misso, extemplo concionem habuit; multa de universo genere belli, multa de præfenti hostium apparatu, vanà magis specie, quàm efficaci ad eventum, disseruit. *Non enim tristis vulnere facere; & per pilla atque aurata scuta transire Romanum pilum: & candore tunicarum fulgentem aciem, ubi res ferro geratur, cruentari. Auream olim atque argenteam Samnitium aciem à parente suo occisione occisam: spoliaque ea honestiora victori hosti, quàm ipsis arma, fuisse. Datum hoc forsàn nomini familieque sue, ut adversus maximos conatus Samnitium opponerentur duces; spoliaque ea referrent, quæ insignia publicis etiam locis decorandis essent. Deos immortales adesse propter toties petita fœdera, toties ruptatum, si qua conjectura mentis divinæ sit, nulli unquam exercitui fuisse infestiores, quàm qui, nefando sacro mixtâ hominum pecudumque cade respersus, ancipiti Deum ira devotus, hinc fœderum cum Romanis ictorum testes Deos, hinc jurisjurandi adversus fœdera suscepti execrationes horrens, invitatus juraverit, oderit sacramentum, uno tempore Deos, cives, hostes metuat.*

XL. Hæc, comperta perfugarum indicîis, quum apud insensos jam suâ sponte milites disseruisset, simul divinæ humanæque spei pleni, clamore consentientè pugnam

pugnam poscunt; poenitet in posterum diem dilatum certamen; moram diei noctisque oderunt. Tertiâ vigiliâ noctis, jam relatis literis à collega, Papirius silentio surgit, & pullarium in auspicium mittit. Nullum erat genus hominum in castris intactum cupiditate pugnae: summi infimique æquè intenti erant: dux militum, miles ducis ardorem spectabat. Is ardor omnium etiam ad eos, qui auspicio intererant, pervenit. nam, quum pulli non pascerentur, pullarius, auspicium mentiri ausus, tripudium solistimum consuli nunciavit. Consul lætus, auspicium egregium esse, & Deis auctoribus rem gesturos, pronunciat; signumque pugnae proponit. Exeunti jam fortè in aciem nunciat perfuga, viginti cohortes Samnitium (quadringenariæ ferme erant) Cominium profectas, quod ne ignoraret collega, extemplo nuncium mittit: ipse signa ocus proferri jubet, subsidiaque suis quæque locis, & præfectos subsidiis attribuerat. Dextro cornu L. Voluminium, sinistro L. Scipionem, equitibus legatos alios, Cajos Cædicium & Trebonium, præfecit. Sp. Nautium mulos, detractis clitellis, cum cohortibus alariis in tumulum conspectum propere circumducere jubet, atque inde inter ipsam dimicationem, quanto maximè posset, moto pulvere ostendere. Dum his intentus imperator erat, altercatio inter pullarios orta de auspicio ejus diei, exauditaque ab equitibus Romanis: qui, rem haud spernendam rati, Sp. Papirio fratris filio consulis, ambigi de auspicio, renunciaverunt. Juvenis, ante doctrinam Deos spernentem natus, rem inquisitam, ne quid incompertum deferret ad consulem, detulit. Cui ille, *Tu quidem matre virtute diligentiaque esto: ceterum qui auspicio adest, si quid falsi nunciat, in semet ipsum religionem recipit. Mihi quidem tripudium nunciatum, populo Romano exercituique egregium auspicium est.* Centurionibus deinde imperavit, ut pullarios inter prima signa constituerent. Promoveant & Samnites signa; in-

insequitur acies ornata armataque, ut hostium quoque magnificentum spectaculum esset. Priusquam clamor tolleretur, concurrereturque, emissio temere pilo ictus pullarius ante signa cecidit. quod ubi consuli nuntiatum est, *Dii in prælio sunt*, inquit; *habet penam noxium caput*. Ante consulem hæc dicentem corvus voce clara occinuit. quo lætus augurio consul, affirmans nunquam humanis rebus magis præsentibus interfuisse Deos, signa canere, & clamorem tolli iussit.

XLI. Prælium commissum atrox, ceterum longè disparibus animis. Romanos ira, spes, ardor certaminis, avidos hostium sanguinis in prælium rapit: Samnitium magnam partem necessitas ac religio invitos magis resistere, quàm inferre pugnam, cogit. nec sustinuissem primū clamorem atque impetum Romanorum, per aliquot jam annos vinci assueti, ni potentior alius metus insidens pectoribus à fuga retineret. Quippe in oculis erat omnis ille occulti paratus sacri, & armati sacerdotes, & promiscua hominum pecudumque strages, & resperse sando nefandoque sanguine aræ, & dira execratio, ac furiale carmen, detestandæ familiæ stirpique compositum. his vinculis fugæ obstricti stabant, civem magis, quàm hostem, timentes. Instare Romanus à cornu utroque, à media acie, & cedere Deorum hominumque attonitos metu. repugnatur segniter, ut ab iis, quos timor moraretur à fuga. Jam prope ad signa cædes pervenerat, quum ex transverso pulvis, velut ingentis agminis incessu motus, apparuit. Sp. Nautius (Octavium Metium quidam eum tradunt) dux alaribus cohortibus erat. pulverem majorem, quàm pro numero, excitabant: insidentes mulis calones frondosos ramos per terram trahabant: arma signaque per turbidam lucem in primo apparebant: post altior densiorque pulvis equitum speciem cogentium agmen dabat. Fefellitque non Samnites modò, sed etiam Romanos: & consul affirmavit errorem,

errorem, clāmitans inter prima signa, ita ut vox etiam ad hostes accideret, *captum Cominium, victorem collegans adesse: anniterentur vincere prius, quā gloria alterius exercitus fieret.* Hæc insidens equo. inde tribunis centurionibusque imperat, ut viam equitibus patefaciant. Ipse Trebanio Cædicioque prædixerat, ut, ubi se conspidem erectam quatientem viderent, quantā maximā vi possent, concitarent equites in hostem. Ad nutum omnia, ut ex antè preparato, sunt. panduntur inter ordines viæ: provolat eques, atque infestis cuspidibus in medium agmen hostium mit; pertumpitque ordines, quacunque impetum dedit. instant Volturnius & Scipio, & perculsos sternunt. Tum, jam Deorum hominumque victā vi, funduntur linteate cohortes: pariter jurati inpuratique fugiunt, nec quenquam, præter hostes, metuant. Peditum agmen, quod supersuit pugne, in castra ad Aquiloniam compulsū est. nobilitas equitesque Boviamum perfugerunt: equites eques sequitur, peditem pedes: ac diversa cornua, dextram ad castra Samnitium, laevam ad urbem tendit. Prior aliquanto Volturnius castra cepit: ad urbem Scipioni maiore resistitur vi; non quia plus animi victis est, sed melius muri, quā vallum, armatos arcant. inde lapidibus propulsant hostem. Scipio, nisi in primo pavore, priusquam colligerentur animi, transacta res esset, lentiolem fore munitæ urbis oppugnationem ratus, interrogat milites, *Satin' æquo animo patirentur, ab altero cornu castra capta esse: se victores pelli à portis urbis?* Reclamantibus universis, primus ipse, scuto super caput elato, pergit ad portam: securi alii, testudine facta, in urbem pertrampunt: deturbatisque Samnitibus, qui circa portam erant, muros occupaverunt. penetrare in interiora urbis, quia pauci admodum erant, non audent.

XLII. Hæc primò ignorare consul; & intentus re-
 tripiendo exercitui esse. jam enim præcops in occasum

ſol erat, & appetens nox periculofa & ſuſpecta omnia etiam victoribus faciebat. Progreſſus longius ab dextra caſtra capta videt. ab læva clamorem in urbe mixtum pugnantium ac paventium fremitu eſſe. & tum fortè certamen ad portam erat. Adveſtus deinde equo propius, ut ſuos in muris videt, nec jam integri quicquam eſſe, quoniam temeritate paucorum magnæ rei parta occaſio eſſet, acciri, quas receperat, copias, ſignaſque in urbem inferri juſſit. Ingreſſi proxima ex parte, quia nox appropinquabat, quievit. nocte oppidum ab hoſtibus deſertum eſt. Cæſa illo die ad Aquiloniam Samnitiū millia triginta trecenti quadraginta : capta tria millia octingenti & ſeptuaginta : ſigna militaria nonaginta ſeptem. Ceterū illud memoriz traditur, non ferme alium ducem lætiores in acie viſum, ſeu ſuoſte ingenio, ſeu fiducia bone gerundæ rei. Ab eodem robore animi neque controverſo auſpicio revocari à prælio potuit ; & in ipſo discrimine, quo templa Diis immortalibus voveri mos erat, voverat Jovi Victori, ſi legiones hoſtium fudiſſet, pocillum mulſi prius, quàm tamentum biberet, ſeſe ſacturum. id votum Diis cordi fuit ; & auſpicia in bonum verterunt.

XLIII. Eadem fortunâ ab altero conſule ad Cominium geſta res. Primâ luce, ad mœnia omnibus copiis admotis, coronâ cinxit urbem ; ſubſidiaſque firma, ne quâ eruptio fieret, portis oppoſuit. Jam ſignum dantem cum nunciuſ à collega trepidus de viginti cohortium adventu & ab impetu moratus eſt, & partem copiarum revocare inſtructam intentamque ad oppugnandum coëgit. D. Brutum Scævam legatum cum legione prima, & decem cohortibus alariſ equitatuque ire adverſus ſubſidium hoſtium juſſit : quocunque in loco fuiſſet obviuſ, obſiſteret ac moraretur ; manumque, ſi fortè ita res poſceret, conferret : modò ne ad Cominium cæ copiaz admoveri poſſent. Ipſe ſcalas ferri ad
muros

muros ab omni parte urbis iussit, ac testudine ad portas successit. simul & refringebantur portæ, & vis undique in muros fiebat. Samnites, sicut, antequam in muris viderent armatos, satis animi habuerunt ad prohibendos urbis aditu hostes ; ita, postquam jam non ex intervallo nec missilibus, sed cominus gerebatur res ; & , qui ægre successerant ex plano in muros, loco, quem magis timuerant, victo, facile in hostem impari ex æquo pugnabant ; relictis turribus murisque, in forum omnes compulsi, paulisper inde tentaverunt extremam pugne fortunam. Deinde, abjectis armis, ad undecim millia hominum & quadringenti in fidem consulis venerunt. cæsa ad quatuor millia trecenti octoginta. Sic ad Cominium, sic ad Aquiloniam gesta res. Inde medio inter duas urbes spatio, ubi tertia expectata erat pugna, hostes non inventi. septem millia passuum quum abessent à Cominio, revocati ab suis neutri prælio occurrerunt. Primis ferme tenebris, quum in conspectu jam castra, jam Aquiloniam habuissent, clamor eos utrinque par accidens sustinuit. deinde è regione castrorum, quæ incensa ab Romanis erant, flamma latè fusa certioris cladis indicio progredi longius prohibuit. Eo ipso loco propè temere sub armis strati passim inquietum omne tempus noctis, expectando timendoque lucem, egere. primâ luce, incerti quam in partem intenderent iter, repente in fugam consternantur, conspecti ab equitibus : qui, egressos nocte ab oppido Samnites persecuti, viderant multitudinem, non vallo, non stationibus firmatam. Conspecta & ex muris Aquiloniæ ea multitudo erat. jamque etiam legionariæ cohortes sequebantur. Ceterum nec pedes fugientes persequi potuit : & ab equite novissimi agminis ducenti ferme & octoginta interfecti. Arma multa pavidum ac signa militaria duodeviginti reliquere. alio agmine incolumi, ut ex tanta trepidatione, Bovianum perventum est.

XLIV. Lætitiâ utriusque exercitus Romani auxit & ab altera parte feliciter gesta res. uterque ex alterius sententia consul captum oppidum diripiendum militi dedit; exhaustis deinde testis ignem injecit: eodemque die Aquilonia & Cominium deflagrâre. & consules, cum gratulatione mutua legionum suarum, castra conjungere. In conspectu duorum exercituum & Carvilius suos pro cuiusque merito laudavit donavitque; & Papirius, apud quem multiplex in acie, circa castra, circa urbem, fuerat certamen, Sp. Nautium, Sp. Papirium, fratris filium, & quatuor centuriones, manipulumque hastatorum, armillis aureisque coronis donavit: Nautium propter expeditionem, quâ magni agminis modo terruerat hostes: juvenem Papirium propter navatam cum equitatu & in prælio operam, & nocte, quâ fugam infestam Samnitibus ab Aquilonia clam egressis fecit: centuriones militesque, quia primi portam murumque Aquiloniæ ceperant. equites omnes, ob insignem multis locis operam, corniculis armillisque argenteis donat. Consilium inde habitum, quum jam tempus esset deducendi ab Samnio exercitus, aut utriusque, aut certè alterius. Optimum visum, quo magis fractæ res Samnitium essent, eo pertinacius & infestius agere cetera & persequi: ut perdomitum Samnium insequentibus consulibus tradi posset. Quando jam nullus esset hostium exercitus, qui signis collatis dimicaturus videretur, unum superesse belli genus, urbium oppugnationes; quarum per excidia militem locupletare prædâ, & hostem pro aris ac focis dimicantem conficere possent. Itaque, literis missis ad senatum populumque Romanum de rebus ab se gestis, diversi, Papirius ad Sæpinum, Carvilius ad Volanum oppugnandam legiones ducunt.

XLV. Literæ consulum ingenti lætitiâ & in curia & in concione auditæ; & quadridui supplicatione publicum gaudium privatis studiis celebratum est. nec populo

populo Romano magna solum, sed peropportuna etiam, ea victoria fuit; quia per idem fortè tempus rebellasse Etruscos allatum est. Subibat cogitatio animi, quonam modo tolerabilis futura Etruria fuisset, si quid in Samnie adversi venisset; quæ, conjuratione Samnitium erecta, quoniam ambo consules omnisque Romana vis averfa in Samnium esset, occupationem populi Romani pro occasione rebellandi habuisset. Legationes sociorum, à M. Atilio prætorè in senatum introductæ, querebantur, uri & vastari agros à finitimis Etruscis, quòd desciscere à populo Romano nolent: obtestabanturque Patres conscriptos, ut se à vi atque injuria communium hostium tutarentur. Responsum legatis, *cure senatui futurum, ne socios fidei suæ pæniteret: Etruscorum prope diem eandem fortunam, quam Samnitium, fore.* Segniùs tamen, quod ad Etruriam attingebat, acta res esset, ni Faliscos quoque, qui per multos annos in amicitia fuerant, allatum foret, arma Etruscis junxisse. Hujus propinquitas populi acuit curam Patribus, ut feciales mittendos ad res repetendas censerent. quibus non redditis, ex auctoritate Patrum jussu populi bellum Faliscis indictum est: jussique consules sortiri, uter ex Samnio in Etruriam cum exercitu transiret. Jam Carvilius Volanam, & Palumbinum, & Herculanum ex Samnitibus cæperat: Volanam intra paucos dies, Palumbinum eodem, quo ad muros accessit. Ad Herculanum bis etiam signis collatis ancipiti prælio, & cum majore sua, quàm hostium, jactura dimicavit. Castris deinde positis, mœnibus hostem inclusit. oppugnatum oppidum captumque. In his tribus urbibus capta aut cæsa ad decem millia hominum: ita ut parvo admodum plures caperentur. Sortientibus provincias consulibus, Etruria Carvalio evenit secundum vota militum, qui vim frigoris jam in Samnio non patiebantur. Papirio ad Sæpinum major vis hostium resistit. sæpe in acie, sæpe in agmine, sæpe cir-

ea ipsam urbem adversus eruptiones hostium pugnatum : neque obsidio, neque bellum ex æquo erat : non enim muris magis se Samnites, quam armis ac viris moenia, tutabantur. Tandem pugnando in obsidionem justam coëgit hostes : obsidendoque, vi atque operibus urbem expugnavit. itaque ab ira plus cædis editum, captâ urbe : septem millia quadringenti cæsi : capta minus tria millia hominum : præda, quæ plurima fuit, congestis Samnitium rebus in urbes paucas, militi concessa est.

XLVI. Nives jam omnia oppleverant, nec durari extra tecta poterat ; itaque consul exercitum de Samnio deduxit. Venienti Romam triumphus omnium consensu est delatus. triumphavit in magistratu, insigni, ut illorum temporum habitus erat, triumpho. Pedites equitesque insignes donis transiere, ac transvecti sunt : multæ civiæ coronæ, vallaresque, ac murales conspectæ. Inspectata spolia Samnitium : & decore ac pulchritudine paternis spoliis, quæ nota frequenti publicorum ornatu locorum erant, comparabantur. nobiles aliquot captivi, clari suis patrumque factis, ducti. Aeris gravis transvecta vicies centena & ad triginta tria millia. id æs redactum ex captivis dicebatur. argenti, quod captum ex urbibus erat, pondo millia trecenta triginta. omne æs argentumque in ærarium conditum. Militibus nihil datum ex præda est. auctaque ea invidia est ad plebem, quod tributum etiam in stipendium militum collatum est : quum, si spreta gloria fuisset captivæ pecuniæ in ærarium illatæ, & militum dari ex præda, & stipendium militare præstari potuisset. Ædem Quirini, quam in ipsa dimicatione votam apud neminem veterem auctorem invenio, (neque, Hercule, tam exiguo tempore perficere potuisset) ab dictatore patre votam, filius consul dedicavit, exornavitque hostium spoliis. quorum tanta multitudo fuit, ut non templum tantum forumque his ornaretur ; sed
fociis

sociis etiam colonisque finitimis, ad templorum locorumque publicorum ornatum, dividerentur. A triumpho exercitum in agrum Vescinum, quia regio ea infesta ab Samnitibus erat, hibernatum duxit. Inter hæc Carvilius consul, in Etruria Troilium primum oppugnare adortus, quadringentos septuaginta ditissimos, pecuniâ grandi pactos, ut abire inde liceret, dimisit: ceteram multitudinem oppidumque ipsum vi cepit. inde quinque castella, locis sita munitis, expugnavit. Cæsa ibi hostium duo millia quadringenti; minus duo millia capti. Et Faliscis pacem petentibus annuas inducias dedit, pactus centum millia gravis æris, & stipendium ejus anni militibus. His rebus actis ad triumphum decessit, ut minus clarum de Samnitibus, quam collegæ triumphus fuerat, ita cumulo Etrusci belli æquatum. Æris gravis tulit in ærarium trecenta octoginta millia: de reliquo ære ædem Fortis Fortunæ de manubiis faciendam locavit, prope ædem ejus Deæ ab rege Ser. Tullio dedicatam. & militibus ex præda centenos binos asses, & alterum tantum centurionibus atque equitibus (malignitate collegæ gratus accipientibus munus) divisit. Favor consulis tutatus ad populum est L. Postumium legatum ejus: qui, dictâ die à M. Cantio tribuno plebis, fugerat in legationem (ut fama ferebat) populi judicium: jactarique magis, quam peragi, accusatio ejus poterat.

XLVII. Exacto jam anno, novi tribuni plebis magistratum inierant: iisque ipsis, quia vitio creati erant, quinque post dies alii suffecti. Lustrum conditum eo anno est à P. Cornelio Arvina, C. Marcio Rutilo, censoribus: censa caputum millia ducenta sexaginta duo trecenta viginti duo. Censores vicesimi sexti à primis censoribus; lustrum undevicesimum fuit. Eodem anno coronati primum, ob res bello bene gestas, ludos Romanos spectaverunt: palmæque tum primum, translato è Græcia more, victoribus datæ. Eodem anno ab ædilibus

œdilibus curulibus, qui eos ludos fecerunt, damnatis aliquot pecuariis, via à Martis silice ad Bovillas perstrata est. Comitia consularia L. Papirius habuit : creavit consules Q. Fabium Maximi filium Gurgitem & D. Junium Brutum Scævam. ipse Papirius prætor factus. Multis rebus lætus annus vix ad solatium unius mali, pestilentie urentis simul urbem atque agros, suffecit ; portentoque jam similis clades erat. & libri aditi, quinam finis, aut quod remedium ejus mali ab Diis daretur. Inventum in libris, Æsculapium ab Epidaurō Romam arcessendum. neque eo anno, quia bello occupati consules erant, quicquam de ea re actum : præterquam quod unum diem Æsculapio supplicatio habita est.

T. Livii Patavini historiarum epitomæ, à libro XI. ad XXI.

EPITOME LIBRI XI.

QUUM Fabius Gurges consul male adversus Samnites pugnasset, & senatus de removendo eo ab exercitu ageret, Fabius Maximus pater, deprecatus hanc filii ignominiam, eo maxime senatum movit, quod iturum se filio legatum pollicitus est, idque præstitit. ejus consiliis & operâ filius consul adjutus, casis Samnitibus, triumphavit. C. Pontium, imperatorem Samnitium, ductum in triumpho securi percussit. Quum civitas pestilentia laboraret, missi legati, ut Æsculapii signam Romam ab Epidaurō transferrent, anguem, qui se in navem eorum contulerat, in quo ipsum numen esse constabat, deportavere : eoque in insulam Tiberis egresso, eodem loco ades Æsculapio consecrata est. L. Postumius consularis, quoniam, quum exercitui præset, operâ militum in agro suo usus erat, damnatus est. Cum Samnitibus pacem petentibus fœdus quartò renovatum est. Curius Dentatus con-

ful, Samnitibus caesis, & Sabinis, qui rebellaverant, victis, & in deditionem acceptis, bis in eodem magistratu triumphavit. Colonia deducta sunt, Castrum, Sena, Hadria. Triumviri capitales tunc primum creati sunt. Censu acto, lustrum conditum est. censa sunt civium capita ducenta septuaginta duo millia. Plebs propter as alienum, post graves & longas seditiones, ad ultimum secessit in Janiculum: unde à Q. Hortensio dictatore deducta est, isque in ipso magistratu decessit. Res præterea contra Volsinienses gestas continet: item adversus Lucanos, contra quos auxilium Thurinis ferre placuerat.

EPITOME LIBRI XII.

Quum legati Romanorum à Gallis Senonibus interfecti essent, bello ob id Gallis indicto, L. Cecilius prætor cum legionibus ab iis casus est. Quum à Tarentinis classis Romana direpta esset, duumviro, qui præerat classi, occiso, legati, ad eos à senatu, ut de iis injuriis quererentur, missi, pulsati sunt. ob id, bellum iis indictum est. Samnites deserunt. Adversus eos, & Lucanos, & Bruttios, & Etruscos aliquot præliis à compluribus ducibus bene pugnatum est. Pyrrhus Epirotarum rex, ut auxilium ferret Tarentinis, in Italiam venit. Quum in præsidium Rheginorum legio Campana cum præfecto Decio Jubellio missa esset, occisis Rheginis Rhegium occupavit.

EPITOME LIBRI XIII.

Valerius Lavinius consul parum prospere adversus Pyrrhum pugnavit, elephantum maximè inusitatâ facie territis militibus. Post id prælium quum corpora Romanorum, qui in acie ceciderant, Pyrrhus inspiceret, omnia versa in hostem invenit, populabundusque ad urbem Romam processit. C. Fabricius, missus ad eum à senatu, ut de redimendis captivis ageret, frustra, ut patriam desereret, à rege tentatus est. captivi sine pretio remissi sunt. Cineas, legatus à Pyrrho ad senatum missus, petiit, ut componenda pacis causâ rex in urbem reciperetur. de qua re quum ad frequentio-

rem

rem senatum referri placuisset, Ap. Claudius, qui propter varietudinem oculorum jam diu consiliis publicis se abstinuerat, venit in curiam, & sententiâ suâ tenuit, ut id Pyrrho negaretur. Cn. Domitius censor primus ex plebe lustrum condidit. censa sunt civium capita ducenta septuaginta octo millia, ducenta viginti duo. Iterum adversus Pyrrhum dubio eventu pugnatum est. Cum Karthaginensibus quartum fœdus renovatum est. Quum C. Fabricio consuli is, qui ad eum à Pyrrho transfugerat, polliceretur, se regi venenum daturum, cum indicio ad regem remissus est. Res præterea contra Etruscos, Lucanos, Bruttios, & Samnites prospere gestas continet.

EPITOME LIBRI XIV.

PYRRHUS in Siciliam trajecit. Quum inter alia prodigia fulmine dejectum esset in Capitolio Jovis signum, caput ejus per aruspices inventum est. Curius Dentatus, quum delectum haberet, ejus, qui citatus non responderat, bona primus vendidit. Pyrrhum iterum ex Sicilia in Italiam reversum vicit, & Italiâ expulit. Fabricius censor P. Cornelium Rufinum consularem senatu movit, quòd is decem pondo argenti facti haberet. Lustrum à censoribus condito, censa sunt capita civium ducenta septuaginta unum millia, ducenta viginti quatuor: Cum Ptolemao Ægypti rege societas juncta est. Sextilia virgo Vestalis, damnata incesti, viva defossa est. Colonia deducta sunt Posidonia & Cosa. Karthaginensium classis auxilio Tarentinis venit. quo facto ab iis fœdus violatum est. Res præterea contra Lucanos, Samnites, & Bruttios feliciter gestas, & Pyrrhi regis mortem continet.

EPITOME LIBRI XV.

VICTIS Tarentinis pax & libertas data est. Legio Campana, quæ Rhegium occupaverat, obsessa, deditione factâ, securi percussa est. Quum legatos Apolloniatis ad senatum missos quidam juvenes pulsâssent, dediti sunt Apolloniatis. Picentibus victis pax data est. colonia deducta, Ariminum in Piceno, Beneventum in Samnio. Tunc primum

populus Romanus argento uti cepit. Umbri & Sallentini uti in deditionem accepti sunt. Quæstorum numerus ampliatuſ est, ut eſſent octo.

EPITOME LIBRI XVI.

ORigo Karthaginiensium & primordia urbis eorum referuntur; contra quos & Hieronem regem Syracusanorum auxilium Mamertinis ferendum cenſuit ſenatuſ, quum de ea re inter ſuadentes, ut id fieret, diſſuadenteſque contentio fuiſſet. Tranſgreſſiſ tum primum mare equitibus Romanis, adverſuſ Hieronem ſæpiuſ bene pugnatuſ. Petenti pax data eſt. Luſtrum à cenſoribus condituſ eſt. cenſa ſunt civium capita ducenta octoginta duo millia, ducenta triginta quatuor. D. Juniuſ Brutuſ munuſ gladiatoriuſ in honorem deſuncti patris edidit primuſ. Colonia Æſernia deduſta eſt. Reſ prætereæ contra Pœnoſ & Valfiniuſ proſpere geſtaſ continet.

EPITOME LIBRI XVII.

CN. Corneliuſ conſul, à claſſe Punica circumventuſ, & per fraudem velut in colloquiuſ evocatuſ, captuſ eſt. C. Duiliuſ conſul adverſuſ claſſem Pœnorum proſpere pugnavit, primuſque omnium Romanorum ducum navalis victoria duxit triumphuſ. ob quam cauſam ei perpetuuſ bonoſ habituſ eſt, ut revertenti à cœna, tibicine canente, funale præferretur. L. Corneliuſ conſul in Sardinia & Corſica contra Sardoſ, & Corſoſ, & Hannonem Pœnorum ducem feliciter pugnavit. Atiliuſ Calatinuſ conſul, quum in locuſ iniquuſ, à Pœniſ circumſeſſuſ, temere duxiſſet exercituſ, M. Calpurnii tribuni militum virtute & operâ evaſit: qui, cum trecentiſ militibuſ eruptione factâ, hoſteſ in ſe converterat. Hannibal dux Pœnorum, victâ claſſe, cui præſuerat, à militibuſ ſuiſ in crucem ſublatuſ eſt. Atiliuſ Reguluſ conſul, victiſ navalī præliō Pœniſ, in Africam trajeciſ.

EPITOME

EPITOME LIBRI XVIII.

Atilius Regulus in Africa serpentem portentosa magnitudinis cum magna militum clade occidit, & quoniam aliquot praeliis bene adversus Karthaginienses pugnasset, successorque ei à senatu prospere bellum gerenti non mitteretur, id ipsum per literas ad senatum missas questus est. in quibus inter causas petendi successoris erat, quod agellus ejus à mercenariis desertus esset. Querente deinde fortunâ, ut magnum utriusque casus exemplum in Regulo proderetur, arcesso à Karthaginiensibus Xanthippo Eacedamoniorum duce, victus praelio & captus est. Res deinde à ducibus Romanis omnibus terrâ marique prospere gestas deformaverunt naufragia classium. Ti. Coruncanius primus ex plebe pontifex maximus creatus est. P. Sempronius Sophus, M. Valerius Maximus censores, quum senatum legerent, tredecim senatu moverunt. lustrum condiderunt, quo censa sunt civium capita ducenta nonaginta septem millia, septingenta nonaginta septem. Regulus missus à Karthaginiensibus ad senatum, ut de pace, & si eam non posset impetrare, de captivis commutandis ageret, & jurejurando adstrictus, rediturum se Karthaginem, si commutari captivos non placuisset; utrumque negandi auctor senatui fuit: & quum fide custoditâ reversus esset, supplicio à Karthaginiensibus de eo sumpto, periit.

EPITOME LIBRI XIX.

Cæcilius Metellus, rebus adversus Pænos prospere gestis, speciosum egit triumphum, tredecim ducibus hostium & centum viginti elephantis in eo ductis. Claudius Pulcher consul, contra auspicia profectus, jussis mergi pullis, qui cibari volebant, infelicitè adversus Karthaginenses classe pugnavit; & revocatus à senatu, jussusque dictatorem dicere, Claudium Gliciam dixit, sortis ultima hominem: qui, coactus abdicare se magistratu, postea ludos prætextatus spectavit. Atilius Calatinus primus dictator extra Italiam exercitum duxit. Cum Bænis captivorum commutatio facta est. Colonia deductæ sunt.

Fregene, in agro Sallentino Brundisium. Lustrum à censoribus conditum est. censa sunt civium capita ducenta quinquaginta unum millia, ducenta viginti duo. Claudia, soror P. Claudii, qui, contemptis auspiciis, male pugnaverat, à ludis revertens, quum turbâ premeretur, dixit: Utinam frater meus viveret, iterumque classem duceret! ob eam causam multa ei dicta est. Duo pratores tum primum creati sunt. Cacilius Metellus pontifex maximus A. Postumium consulem, quoniam idem & flamen Martialis erat, quum is ad bellum gerendum proficisci vellet, in urbe tenuit, nec passus est à sacris recedere. Rebus adversus Pœnos à pluribus ducibus prospere gestis, summam victoriæ C. Lutatius consul, victâ ad Ægates insulas classe Pœnorum, imposuit. Petentibus Karthaginensibus pax data est. Quum templum Vestæ arderet, Cacilius Metellus pontifex maximus, ex incendio sacra rapuit. Dæ tribus adjectæ sunt, Velina & Quirina. Falisci quum rebellassent, sexto die perdomiti, in deditionem venerunt.

EPITOME LIBRI XX.

S Poletium colonia deducta est. Adversus Ligures tunc primum exercitus promotus est. Sardi & Corsi, quam rebellassent, subacti sunt. Tuceia virgo Vestalis incesti damnata est. Bellum Illyriis, propter unum ex legatis, qui ad eos missi erant, occisum, indictum est: subactique in deditionem venerunt. Pratorum numerus amplatus est, ut essent quatuor. Galli Transalpini, qui in Italiam irruerant, cæsi sunt. Eo bello populus Romanus sui Latiniq̃ue nominis trecenta millia armatorum habuisse dicitur. Exercitibus Romanis tum primum trans Padum ductis, Galli Insubres, aliquot præliis fusi, in deditionem venerunt. M. Claudius Marcellus consul, occiso Insubrium Gallorum duce Virdomaro, opima spolia retulit. Istri subacti sunt. Item Illyrii, quum rebellassent, domiti in deditionem venerunt. Lustrum à censoribus conditum est, quo censa sunt civium capita ducenta septuaginta millia, ducenta tredecim. Libertini in quatuor tribus redacti sunt, quum antea dispersi

*disperſi per omnes fuiſſent; Aſquinam, Palatinam, Subar-
ranam, Collinam. C. Flaminius cenſor viam Flaminiam
munivit, & circum Flaminium exſtruxit. Colonia deducta
in agro de Gallis capto, Placentia & Cremona.*

LIBER XXI.

E P I T O M E.

I, &c. **I**N Italiam belli Punici ſecundi ortus narratur, V, &c. & Hannibalis Pœnorum ducis contra fœdus per Iberum amnem tranſitus, XLV. à quo Saguntum, ſocio-
rum populi Romani civitas, obſeſſa octavo menſe capta eſt. XVIII. De quibus injuriis miſſi legati ad Karthaginienſes, qui quærentur. quum ſatisfacere nollent, bellum iis indiſtum eſt. XXIV, &c. Hannibal, ſuperato Pyrenæo ſaltu, per Gallias, fuſis Volcis, qui obſiſtere conati erant, ad Alpes ve-
nit; & laborioſo per eas tranſitu (quum montanos quoque Gal-
les obvios aliquot præliis repuliſſet) XXXVII, XXXVIII. deſcendit in Italiam, & ad Ticinum amnem Romanos eque-
ſtri prælio fudit: XLV, XLVI. in quo vulneratum P. Cornelium Scipionem protexit filius, qui Africani poſtea no-
men accepit. LV, LVI, &c. iterumque exercitu Romano ad flumen Trebiam fuſo, Hannibal Appenninum quoque, per magnam militum vexationem propter vim tempeſtatum, tranſ-
iit. LX, &c. Cn. Cornelius Scipio in Hiſpania contra Pœ-
nos proſpere pugnavit, duce hoſtium Magone capto.

IN parte operis mei licet mihi præfari, quod in principio ſummæ totius profeſſi plerique ſunt rerum ſcriptores, bellum maximè omnium me-
morabile, quæ unquam geſta ſint, me ſcripturum; quod, Hannibale duce, Karthaginienſes cum populo

Romano gessere. Nam neque validiores opibus ullæ inter se civitates gentesque contulerunt arma, neque his ipsis tantum unquam virium aut roboris fuit: & haud ignotas belli artes inter se, sed expectas primo Punico conferebant bello. & adeo varia belli fortuna ancepsque Mars fuit, ut propius periculum fuerint, qui vicerunt. Odiis etiam propè majoribus certarunt, quam viribus: Romanis indignantibus, quod victoribus victi ultro inferrent arma; Pœnis, quod superbè avarèque crederent imperitatum victis esse. Fama etiam est, Hannibalem annorum ferme novem, pueriliter blandientem patri Hamilcari, ut duceretur in Hispaniam, quum, perfecto Africo bello, exercitum eò trajecturus sacrificaret, altaribus admotum, tactis sacris jurejurando adauctum, se, quum primum posset, hostem fore populo Romano. Angebant ingentis spiritus virum Sicilia Sardiniaque amissæ: nam & Siciliam nimis celeri desperatione rerum concessam, & Sardiniam inter motum Africæ fraude Romanorum, stipendio etiam insuper imposito, interceptam.

II. His anxius curis ita se Africo bello, quod fuit sub recentem Romanam pacem, per quinque annos, ita deinde novem annis in Hispania augendo Punico imperio gessit; ut appareret, majus eum, quam quod gereret, agitare in animo bellum: & si diutius vixisset, Hamilcare duce Pœnos arma Italiæ illaturos fuisse, qui Hannibalis ductu intulerunt. Mors Hamilcaris peropportuna & pueritia Hannibalis distulerunt bellum. Medius Hasdrubal inter patrem & filium octo ferme annos imperium obtinuit; flore ætatis (uti ferunt) primò Hamilcari conciliatus: gener inde ob altam indolem provecto annis adscitus, & quia gener erat, factionis Barcinæ opibus, quæ apud milites plebemque plus quam modicæ erant, haud sanè voluntate principum, imperio potitus. Is, plura consilio, quam vi, gerens, hospitibus regulum magis, conciliandisque per amicitiam

amicitiâ principum novis gentibus, quàm bello aut armis, rem Karthaginensem auxit. Ceterum nihilo ei pax tutior fuit. barbarus cum quidam palàm, ob iram interfecti ab eo domini, obtruncavit; comprehensusque ab circumstantibus haud alio, quàm si evassisset, vultu; tormentis quoque quum laceraretur, eo fuit habitu oris, ut, superante lætitiâ dolores, ridentis etiam speciem præbuerit. Cum hoc Hasdrubale, quia miræ artis in sollicitandis gentibus, imperioque jungendis suo fuerat, fœdus renovaverat populus Romanus, ut finis utriusque imperii esset amnis Iberus, Saguntinisque mediis inter imperia duorum populorum libertas servaretur.

III. In Hasdrubalis locum haud dubia res fuit, quin prærogativam militarem, quâ extemplo juvenis Hannibal in prætorium delatus, imperatorque ingenti omnium clamore atque assensu appellatus erat, favor etiam plebis sequeretur. Hunc vixdum puberem Hasdrubal literis ad se arcessierat: actaque res etiam in senatu fuerat, Barcinis nitentibus, ut assuesceret militiæ Hannibal, atque in paternas succederet opes. Hanno, alterius factionis princeps, *Et equum postulare videtur*, inquit, Hasdrubal; *Et ego tamen non censeo, quod petit, tribuendum*. Quum admiratione tam ancipitis sententiæ in se omnes convertisset, *Florem ætatis*, inquit, Hasdrubal, quem ipse patri Hannibalis fruentum præbuit, *justo jure eum à filio repeti censeo. nos tamen minimè decet, juventutem nostram pro militari rudimento assuefacere libidini pratorum*. An hoc timemus, ne Hamilcaris filius nimis serò imperia immodica & regni paterni speciem videat? & cujus regis genero hereditarij sint relictj exercitus nostri, ejus filio parum maturè serviamus? Ego, istum juvenem domi tenendum, sub legibus, sub magistratibus docendum vivere æquo jure cum ceteris, censeo: ne quandoque parvus hic ignis incendium ingens exsuscitet.

IV. Pauci, ac ferme optimus quisque, Hannoni ass-

sentiebantur: sed (ut plerumque fit) major pars meliorem vixit. Missus Hannibal in Hispaniam primo statim adventu omnem exercitum in se convertit. Hamilcarem juvenem redditum sibi veteres milites credere; eundem vigorem in vultu, vimque in oculis, habitum oris, lineamentaue intueri. dein brevi effecit, ut pater in se minimum momentum ad favorem conciliandum esset. Nunquam ingenium idem ad res diversissimas, parendum atque imperandum, habilius fuit, itaque haud facile decerneres, utrum imperatori, an exercitui, carior esset: neque Hasdrubal alium quemquam præficere malle, ubi quid fortiter ac strenue agendum esset: neque milites alio duce plus confidere, aut audere. Plurimum audaciæ ad pericula capeSSenda, plurimum consilii inter ipsa pericula erat. nullo labore aut corpus fatigari, aut animus vinci poterat. Caloris ac frigoris patientia par: cibi potionisque desiderio naturali, non voluptate, modus finitus. vigiliatum somnique nec die, nec nocte discriminata tempora. Id, quod gerendis rebus superesset, quieti datum: ea neque molli strato, neque silentio arcessita. Multi sæpe militari sagulo opertum, humi jacentem inter custodias stationesque militum, conspexerunt. Vestitus nihil inter æquales excellens: arma atque equi conspiciebantur. Equitum peditumque idem longè primus erat. princeps in proelium ibat: ultimus conferto proelio excedebat. Has tantas viri virtutes ingentia vitia æquabant; inhumana crudelitas, perfidia plus quàm Punica, nihil veri, nihil sancti, nullus Deum metus, nullum jusjurandum, nulla religio. Cum hac indole virtutum atque vitiorum triennio sub Hasdrubale imperatore meruit, nullà re, quæ agenda videndaque magno futuro duei esset, prætermissa.

V. Ceterum ex quo die dux est declaratus, velut Italia ei provincia decreta, bellumque Romanum mandatum esset, nihil prolatandum ratus, ne se quoque,

ut patrem Hamilcarem, deinde Hasdrubalem, cunctan-
tem casus aliquis opprimeret, Saguntinis inferre bel-
lum statuit. quibus oppugnandis quia haud dubiè Ro-
mana arma movebantur, in Olcadum fines prius (ul-
tra Iberum ea gens in parte magis, quàm in ditione,
Karthaginiensium erat) induxit exercitum, ut non pe-
tisse Saguntinos, sed rerum serie, finitimis domitis gen-
tibus, jungendoque, tractus ad id bellum videri pos-
set. Cartejam, urbem opulentam, caput gentis ejus,
expugnat diripitque. Quo metu percussæ minores ci-
vitates, stipendio imposito, imperium accipere. victor
exercitus, opulentusque prædâ, Karthaginem Novam
in hiberna est deductus. Ibi largè particado prædam,
stipendio præterito cum fide exsolvendo, cunctis civi-
um sociorumque animis in se firmatis, vere primo in
Vaccæos promotum bellum. Hermandica & Arboca-
la urbes vi captæ. Arbocala & virtute & multitudine
oppidanorum diu defensa. Ab Hermandica profugi,
exsulibus Olcadum, priore æstate domitæ gentis, quum
se junxissent, concitant Carpetanos: adortique Han-
nibalem, regressum ex Vaccæis, haud procul Tago
flumine agmen grave prædâ turbavere. Hannibal pro-
lio abstinuit; castrisque super ripam positis, quum pri-
ma quies silentiumque ab hostibus fuit, amnem vado
trajecit: valloque ita producto, ut locum ad transgre-
diendum hostes haberent, invadere eos transeuntes sta-
tuit. Equitibus præcepit, ut, quum ingressos aquam
viderent, adorirentur. Peditum agmen in ripa, ele-
phantos antè quadraginta disposuit. Carpetanorum
cum appendicibus Olcadum Vaccæorumque centum
millia fuere; invicta acies, si æquo dimicaretur cam-
po. Itaque & ingenio feroces, & multitudine freti, &
quòd metu cessisse credebant hostem, id morari victo-
riam rati, quòd interesset amnis, clamore sublato, pas-
sum sine ullius imperio, quâ cuique proximum est, in
amnem ruunt. Et ex parte altera ripæ vis ingens e-

quitum in flumen immissa, medioque alveo haudquamquam pari certamine concursum; quippe ubi pedes instabilis, ac vix vado fidens, vel ab inermi equite, equo temere acto, perverti posset: eques, corpore armisque liber, equo vel per medios gurgites stabili, cominus eminusque rem gereret. Pars magna flumine absumpta: quidam, vorticoso amni delati in hostes, ab elephantis obtriti sunt: postremi, quibus regressus in suam ripam tutior fuit, ex varia trepidatione quum in unum colligerentur, priusquam ex tanto pavore reciperent animos, Hannibal, agmine quadrato amnem ingressus, fugam ex ripa fecit: vastatisque agris, intra paucos dies Carpetanos quoque in deditionem accepit. Et jam omnia trans Iberum, præter Saguntinos, Karthaginensium erant.

VI. Cum Saguntinis bellum nondum erat. ceterum jam belli causa certamina cum finitimis serebantur, maximè Turdetanis. quibus quum adesset idem, qui litis erat sator, nec certamen juris, sed vim queri appareret; legati à Saguntinis Romam missi, auxilium ad bellum jam haud dubiè imminens orantes. Consules tunc Romæ erant P. Cornelius Scipio & Ti. Sempronius Longus: qui quum, legatis in senatum introductis, de republica retulissent, placuissetque mitti legatos in Hispaniam ad res sociorum inspiciendas; quibus si videretur digna causa, & Hannibali denunciant, ut ab Saguntinis, sociis populi Romani, abstineret, & Karthaginem in Africam trajicerent, ac sociorum populi Romani querimonias deferrent. Hac legatione decretà, necdum missà, omnium spe celerius Saguntum oppugnari allatum est. Tunc relata ex integro res ad senatum. Alii, provincias consulibus Hispaniam atque Africam decernentes, terrà marique rem gerendam censebant: alii totum in Hispaniam Hannibalemque intendebant bellum. Erant, qui non temere movendam rem tantam, expectandosque ex Hispania legatos

legatos censorent. Hæc sententia, quæ tutissima videbatur, vicit: legatiq; eò maturius missi, P. Valerius Flaccus & Q. Bæbius Tamphilus, Saguntum ad Hannibalem, atque inde Karthaginem, si non abisteretur bello, ad ducem ipsum in pœnam fœderis rupti deposcendum.

VII. Dum ea Romani parant consultantque, jam Saguntum summâ vi oppugnabatur. Civitas ea longè opulentissima ultra Iberum fuit, sita passus mille ferme à mari. Oriundi à Zacyntho insula dicuntur, mixtiq; etiam ab Ardea Rutulorum quidam generis: ceterum in tantas brevi creverant opes, seu maritimis, seu terrestribus fructibus, seu multitudinis incremento, seu sanctitate disciplinæ, quâ fidem socialem usque ad perniciem suam coluerunt. Hannibal, infesto exercitu ingressus fines, pervastatis passim agris, urbem tripartitò aggreditur. Angulus muri erat in planiorem patentioremq; quàm cetera circà, vallem vergens. adversus eum vineas agere instituit, per quas aries motibus admoveri posset. Sed ut locus procul muro satis æquus agendis vineis fuit; ita haudquaquam prospere, postquam ad effectum operis ventum est, cœptis succedebat. & turris ingens imminebat: & murus, ut in suspecto loco, supra ceteræ modum altitudinis emunitus erat: & juvenus delecta, ubi plurimum periculi ac laboris ostendebatur, ibi vi majore obsistebant. Ac primò missilibus submovere hostem, nec quicquam satis tutum munientibus pati: deinde jam non pro mœnibus modò atque turri tela micare, sed ad erumpendum etiam in stationes operaque hostium animus erat: quibus tumultuariis certaminibus haud ferme plures Saguntini cadebant, quàm Pœni. Ut verò Hannibal ipse, dum murum incautiùs subit, adversum femur tragulâ graviter ictus cecidit; tanta circà fuga atque trepidatio fuit, ut non multum abesset, quin opera ac vineæ desererentur.

VIII. Ob-

VIII. Obsidio deinde per paucos dies magis, quam oppugnatio, fuit, dum vulnus ducis curaretur. per quod tempus ut quies certaminum erat, ita ab apparatu operum ac munitiorum nihil cessatum. Itaque acrius de integro obortum est bellum, pluribusque partibus, vix accipientibus quibusdam opera locis, vineæ cœptæ agi, admoverique aries. Abundabat multitudine hominum Pœnus; ad centum enim quinquaginta millia habuisse in armis satis creditur. Oppidani ad omnia ruenda atque obeunda multifariam distineri cœpti sunt. & non sufficiebant (jam enim seriebantur arietibus) muri, quassatæque multæ partes erant. una continentibus ruinis nudaverat urbem: tres deinceps turres, quantumque inter eas muri erat, cum fragore ingenti prociderant: captumque oppidum eâ ruinâ crediderant Pœni; quâ, velut si pariter utrosque murus texisset, ita utrinque in pugnam procursum est. Nihil tumultuariæ pugnæ simile erat, quales in oppugnationibus urbium per occasionem partis alterius conseri solent: sed justæ acies, velut patenti campo, inter ruinas muri testaque urbis modico distantia intervallo constiterant. hinc spes, hinc desperatio animos irritat: Pœno cepisse jam se urbem, si paululum adnitatur, credente; Saguntinis pro nudata mœnibus patria corpora opponentibus, nec ullo pedem referente, ne in relictum à se locum hostem immitteret. Itaque quo acrius & conferti magis utrinque pugnabant, eo plures vulnerabantur, nullo inter arma corporaque vano intercidente telo. Falarica erat Saguntinis, missile telum hastili abiegno, & cetera tereti, præterquam ad extremum, unde ferrum exstabat. id, sicut in pilo, quadratum stuppâ circumligabant, lineabantque picæ. ferrum autem tres longum habebat pedes, ut cum armis transfigere corpus posset. Sed id maximè, etiam si hæssisset in scuto, nec penetrasset in corpus, pavorem faciebat; quod, quum medium accensum mitteretur, conce-

conceptumque ipso motu multo majorem ignem ferret, arma omitti cogebat, nudumque militem ad insequentes ictus præbebat.

IX. Quum diu anceps fuisset certamen, & Saguntinis, quia præter spem resisterent, crevissent animi; Pœnus, quia non vicisset, pro victo esset; clamorem repente oppidani tollunt, hostemque in ruinas muri expellunt; inde impeditum trepidantemque exturbant; postremo fufum fugatumque in castra redigunt. Interim, ab Roma legatos venisse nunciatum est. quibus obviam ad mare missi ab Hannibale, qui dicerent, nec tutò eos adituros inter tot tam efferatarum gentium arma :: nec Hannibali, in tanto discrimine rerum, operæ esse legationes audire. Apparebat, non admissos protinus Karthaginem ituros. literas igitur nunciosque ad principes factionis Barcinæ præmittit, ut præpararent suorum animos, ne quid pars altera gratificari pro Romanis posset.

X. Itaque, præterquam quòd admissi auditique sunt, ea quoque vana atque irrita legatio fuit. Hanno unus adverso senatu causam fœderis, magno silentio propter auctoritatem suam, non assensum audientium, egit. *Per Deos, fœderum arbitros ac testes, monuisse, prædixisse se, ne Hamilcaris progeniem ad exercitum mitterent, non manes, non stirpem ejus conquiescere viri: nec unquam, donec sanguinis nominisque Barcinæ quisquam supersit, quietura Romana fœdera. Juvenem flagrantem cupidine regnæ, piamque unam ad id cernentem, si ex bellis bella ferendo succinctus armis legionibusque utuat, velut materiam igni præbentes, ad exercitus misistis. abistis ergo hoc incendium, quæ nunc ardetis. Saguntum vestri circumfident exercitus, unde arcentur fœdere: mox Karthaginem circumfidebunt Romana legiones, ducibus iisdem Diis, per quos priore bello rupta fœdera sunt ulti. Utràm hostem, an vos, an fortunam utriusque populi, ignoratis? Legatos, ab sociis & pro sociis venientes, bonus imperator vester in castra non admisit, iurgen-*
tiump

tium sustulit: hi tamen, unde ne hostium quidem legati arcentur, pulsati ad vos veniunt, res ex fœdere repetunt. publica fraus absit; auctorem culpa, & reum criminis deposcunt. Quo lenius agunt, segnius incipiunt; eo, quam cœperint, vereor, ne perseverantius faviant. Ægates insulas Erycemque ante oculos proponite; quæ terrâ marique per quatuor & viginti annos passi sitis. Nec puer hic dux erat, sed pater ipse Hamilcar, Mars alter, ut isti volunt: sed Tarento, id est Italiâ, non abstinueramus ex fœdere: sicut nunc Sagunto non abstinemus. Vicerunt ergo Dii hominesque; & id de quo verbis ambigebatur, uter populus fœdus rupisset, eventus belli, velut æquus iudex, unde jus stabat, ei victoriam dedit. Karthagini nunc Hannibal vineas turreſque admovet: Karthaginis mœnia quatit ariete. Sagunti ruina (falsus utinam vates sim) nostris capitibus incident: susceptumque cum Saguntinis bellum, habendum cum Romanis est. Dedemus ergo Hannibalem? dicet aliquis. Scio, meam levem esse in eo auctoritatem propter paternas inimicitias. Sed & Hamilcarem eo perisse latatus sum, quod, si ille viveret, bellum jam cum Romanis haberemus; & hunc juvenem, tanquam furiam faciemque hujus belli, odi ac detestor. Nec dedendum solum id piaculum rupti fœderis; sed, si nemo deposcat, debebendum in ultimas maris terrarumque oras, ablegandumque eò, unde nec ad nos nomen famaque ejus accedere, neque sollicitare quiete civitatis statum possit. Ego ita censeo, legatos ex templo Romam mittendos, qui senatui satisfaciant; alios, qui Hannibali nuncient, ut exercitum ab Sagunto abducat, ipsumque Hannibalem ex fœdere Romanis dedant. tertiam legationem ad res Saguntinis reddendas decerno.

XI. Quum Hanno perorasset, nemini omnium certare oratione cum eo necesse fuit. adeo propè omnis senatus Hannibalis erat, infestiusque locutum arguebant Hannonem, quam Flaccum Valerium, legatum Romanum. Responsum inde legatis Romanis est, Bellum ortum ab Saguntinis, non ab Hannibale esse. populum Romanum injuste facere, si Saguntinos vetustissima Karthaginiensium

giniensium societati preponat. Dum Romani tempus tenuerunt legationibus mittendis, Hannibal, quia fessum militem praeliis operibusque habebat, paucorum iis diem quietem dedit, stationibus ad custodiam vinearum aliorumque operum dispositis. interim animos eorum nunc ira in hostes stimulando, nunc spe premiorum accendit. Ut verò pro concione prædam captæ urbis edixit militum fore, adeò accensi omnes sunt, ut, si extemplo signum datum esset, nullà vi resisti videretur posse. Saguntini ut à praeliis quietem habuerant, nec lacessentes, nec lacessiti per aliquot dies; ita non nocte, non die unquam cessaverant ab opere, ut novum murum ab ea parte, quâ patefactum oppidum ruinis erat, reficerent. Inde oppugnatio eos aliquanto atrocior, quàm antè, adorta est: nec, quâ primum aut potissimum parte ferrent opem, (quum omnia variis clamoribus streperent) satis scire poterant. Ipse Hannibal, quâ turris mobilis, omnia munimenta urbis superans altitudine, agebatur, hortator aderat. quæ quum admota, catapultis balistisque per omnia tabulata dispositis, muros defensoribus nudasset; tum Hannibal, occasionem ratus, quingentos ferme Afros cum dolabris ad subruendum ab imo murum mittit. nec erat difficile opus, quòd cæmenta non calce durata erant, sed interlita luto, structuræ antiquæ genere. Itaque latius, quàm cederetur, ruebat: perque patentia ruinis agmina armatorum in urbem vadebant. Locum quoque editum capiunt: collatisque eò catapultis balistisque, ut castellum in ipsa urbe velut arcem imminentem haberent, muro circumdant: & Saguntini murum interiorē ab nondum captæ urbis parte ducunt. Utrique summâ vi & muniunt, & pugnant: sed, interiora tuendo, minorem in dies urbem Saguntini faciunt. Simul crescit inopia omnium longâ obsidione, & minuitur expectatio externæ opis; quum tam procul Romani, unica spes, circâ omnia hostium essent.

Pau-

Paulisper tamen affectos animos recreavit repentina profectio Hannibalis in Oretanos Carpetanosque. qui duo populi, delectus acerbitate confecti, retentis conquistatoribus, metum defectionis quum præbuisent, oppressi celeritate Hannibalis, omiserunt mota arma.

XII. Nec Sagunti oppugnatio segnior erat, Maharbale, Himilconis filio, (cum præfecerat Hannibal) ita impigre rem agente, ut ducem abesse nec cives, nec hostes sentirent. Is & proelia aliquot secunda fecit, & tribus arietibus aliquantulum muri discussit; strataque omnia recentibus ruinis, advenienti Hannibali ostendit. Itaque ad ipsam arcem extemplo ductus exercitus, atroxque proelium cum multorum utrinque cæde initum, & pars arcis capta est. Tentata deinde per duos est exigua pacis spes, Alconem Saguntinum, & Alorcum Hispanum. Alcon, insciis Saguntinis, precibus aliquid moturum ratus, quum ad Hannibalem noctu transisset, postquam nihil lacrimæ movebant, conditionesque tristes, ut ab irato victore, ferebantur, transfuga ex oratore factus, apud hostem mansit; moriturum affirmans, qui sub conditionibus his de pace ageret. Postulabatur autem, redderent res Turdetanis; traditoque omni auro atque argento, egressi urbe cum singulis vestimentis ibi habitarent, ubi Poenus iussisset. Has pacis leges abnuente Alcione accepturos Saguntinos, Alorcus, vinci animos, ubi alia vincantur, affirmans, se pacis ejus interpretem fore pollicetur. Erat autem tum miles Hannibalis; ceterum publicè Saguntinis amicus atque hospes. Tradito palam telo custodibus hostium, transgressus munimenta, ad prætorem Saguntinum (& ipse ita jubebat) est deductus. quò quum extemplo concursus omnis generis hominum esset factus, summotà ceterà multitudine, senatus Alorco datus est: cujus talis oratio fuit.

XIII. *Si civis vester Alcon, sicut ad pacem petendam ad Hannibalem venit, ita pacis conditiones ab Hannibale ad nos retulit-*

retulisset, supervacaneum hoc mihi fuisset iter, quo nec orator Hannibalis, nec transfuga ad vos venissem. Quum ille, aut vestrâ, aut suâ culpâ, manserit apud hostem, (si metum simulavit, suâ; vestrâ, si periculum est apud vos vera referentibus) ego, ne ignoraretis, esse aliquas & salutis & pacis vobis conditiones, pro vetusto hospitio, quod mihi vobiscum est, ad vos veni. Vestra autem causa me, nec ullius alterius, loqui, quâ loquor apud vos, vel ea fides sit, quod, neque dum vestris viribus restitistis, neque dum auxilia ab Romanis sperastis, pacis unquam apud vos mentionem feci. Postquam nec ab Romanis vobis ulla spes est, nec vestra jam aut arma vos, aut mœnia satis defendunt, pacem afferro ad vos magis necessariam, quàm equam. cujus ita aliqua spes est, si eam quemadmodum ut victor fert Hannibal, sic vos ut victi audiat: si non id, quod amittitur, in damno, (quum omnia victoris sint) sed, quicquid relinquitur, pro munere habituri essetis. Urbem vobis, quam ex magna jam parte dirutam, captam fere totam habet, adimit, agros relinquit, locum assignaturus, in quo novum oppidum edificetis: aurum argentumque omne, publicum privatumque, ad se jubet deferri: conjugum vestraque corpora ac liberorum vestrorum servat inviolata, si incermes cum binis vestimentis velitis ab Sagunte exire. Hæc victor hostis imperat. Hæc, quanquam sint gravia atque acerba, fortuna vestra vobis suadet. Equidem haud despero, quum omnium potestas ei facta sit, aliquid ex his rebus remissurum. Sed vel hæc patienda censeo potius, quàm trucidati corpora vestra, rapi trabique ante ora vestra conjuges ac liberos belli jure finatis.

XIV. Ad hæc audienda quum, circumfusâ paulatim multitudine, permixtum senatui esset populi concilium; repentè primores, secessione factâ, (priusquam responsum daretur) argentum aurumque omne, ex publico privatoque in forum collatum, in ignem ad id raptim factum conjicientes, eodem plerique semet ipsi præcipitaverunt. Quum ex eo pavor ac trepidatio totam urbem pervasisset, alius insuper tumultus ex arce auditur,

auditur. Turris diu quassata prociderat : perque ruinam ejus cohors Pœnorum impetu facto quum signum imperatori dedisset, nudatam stationibus custodiisque solitis hostium esse urbem ; non cunctandum in tali occasione ratus Hannibal, totis viribus aggressus urbem, momento cepit, signo dato, ut omnes puberes interficerentur. quod imperium crudele, ceterum propè necessarium cognitum ipso eventu est. Cui enim parci potuit ex iis, qui aut inclusi cum conjugibus ac liberis domos super seipso concremaverunt, aut armati nullum antè finem pugnae, quàm morientes, fecerunt?

XV. Captum oppidum est cum ingenti præda. Quamquam pleraque ab dominis de industria corrupta erant, & in cædibus vix ullum discrimen ætatis ira fecerat, & captivi militum præda fuerant ; tamen & ex pretio rerum venditarum aliquantum pecuniæ redactum esse constat, & multam pretiosam supellectilem vestemque missam Karthaginem. Octavo mense, quàm cœptum oppugnari, captum Saguntum, quidam scripsere : inde Karthaginem Novam in hiberna Hannibalem concessisse : quinto deinde mense, quàm ab Karthagine profectus sit, in Italiam pervenisse. Quæ si ita sunt, fieri non potuit, ut P. Cornelius, Ti. Sempronius consules fuerint, ad quos & principio oppugnationis legati Saguntini missi sint, & qui in suo magistratu cum Hannibale, alter ad Ticinum amnem, ambo aliquanto post ad Trebiam, pugnaverint. Aut omnia breviora aliquanto fuere, aut Saguntum principio anni, quo P. Cornelius, Ti. Sempronius consules fuerunt, non cœptum oppugnari est, sed captum. Nam excessisse pugna ad Trebiam in annum Cn. Servilii & C. Flamini non potest : quia Flaminius Arimini consulatum iniit, creatus ab Ti. Sempronio consule ; qui, post pugnam ad Trebiam ad creandos consules Romam quum venisset, comitiis perfectis ad exercitum in hiberna rediit.

XVI. Sub idem ferè tempus & legati, qui redierant
a Kar-

* Karthagine, Romam retulerunt, omnia hostilia esse, & Sagunti excidium nunciatum est: tantusque simul moeror Patres, misericordiaque sociorum peremptorum indignè, & pudor non lati auxilii, & ira in Karthaginienses, metusque de summa rerum cepit, velut si jam ad portas hostis esset; ut, tot uno tempore motibus animi turbati, trepidarent magis, quàm consulerent. Nam neque hostem acriorem bellicosiorumque secum congressum; nec rem Romanam tam desidem unquam fuisse atque imbellem. Sardos, Corsosque, & Istros, atque Illyrios, laceffisse magis, quàm exercuisse, Romana arma: & cum Gallis tumultuatum veriùs, quàm belligeratum. Pœnum, hostem veteranum, trium & viginti annorum militiâ durissimâ inter Hispanas gentes semper victorem, primùm Hamilcare, deinde Hasdrubale, nunc Hannibale duce acerrimo assuetum, recentem ab excidio opulentissimæ urbis, Iberum transire: trahere secum tot excitos Hispanorum populos: concitum avidas semper armorum Gallicas gentes, cum orbe terrarum bellum gerendum in Italia ac promœnibus Romanis esse.

XVII. Nominatæ jam antea consulibus provinciæ erant; tum fortiri jussi. Cornelio Hispania, Sempronio Africa cum Sicilia evenit. Sex in eum annum decretæ legiones, & sociùm quantum ipsis videretur, & classis quanta parari posset. Quatuor & viginti peditum Romanorum millia sunt scripta, & mille octingenti equites: sociorum quadraginta millia peditum, quatuor millia & quadringenti equites: naves ducentæ viginti quinqueremes, celoces viginti deductæ. Latum inde ad populum, *vellent, juberent, populo Karthaginensi bellum indici*. Ejusque belli causâ supplicatio per urbem habita, atque adorati Dii, ut bene ac feliciter eveniret, quod bellum populus Romanus jussisset. Inter consules ita copiarum divisæ. Sempronio datæ legiones duæ, (ca quaternæ millia erant peditum, & trecenti

centi equites) & sociorum sexdecim millia peditum, equites mille octingenti. naves longæ centum sexaginta, celoces duodecim. Cum his terrestribus maritimisque copiis Ti. Sempronius missus in Siciliam; ita in Africam transmissurus, si ad arcendum Italiâ Pœnum consul alter satis esset. Cornelio minus copiarum datum, quia L. Manlius prætor & ipse cum haud invalido præsidio in Galliam mittebatur. Navium maximè Cornelio numerus deminutus. sexaginta quinqueres datæ (neque enim mari venturum, aut eâ parte belli dimicaturum hostem credebant) & duæ Romanæ legiones cum suo iusto equitatu, & quatuordecim millibus sociorum peditum, equitibus mille sexcentis. Duas legiones Romanas, & decem millia sociorum peditum, mille equites socios, sexcentos Romanos Gallia provincia eodem anno versa in Punicum bellum habuit.

XVIII. His ita comparatis, ut omnia iusta ante bellum fierent, legatos maiores natu, Q. Fabium, M. Livium, L. Æmilium, C. Licinium, Q. Bæbium, in Africam mittunt ad percunctandos Karthaginenses, publicone consilio Hannibal Saguntum oppugnasset? & si, id quod facturi videbantur, faterentur, ac defenderent publico consilio factum, ut indicerent populo Karthaginensi bellum. Romani postquam Karthaginem venerunt, quum senatus datus esset, & Q. Fabius nihil ultra, quàm unum, quod mandatum erat, percunctatus esset; tum ex Karthaginensibus unus: *Præceps vestra, Romani, & prior legatio fuit, quum Hannibalem, tanquam suo consilio Saguntum oppugnantem, deposcebatis: ceterum hac legatio verbis adhuc lenior est, re asperior. Tunc enim Hannibal & insimulabatur, & deposcebatur. nunc ab nobis & confessio culpa exprimitur: & ut à confectis, res extemplo repetuntur. Ego autem non, privato publicone consilio Saguntum oppugnatum sit, querendum censeam: sed utrum jure, an injuriâ. Nostra enim hac quaestio atque animadversio in civem nostrum est; nostro, an suo fecerit arbitrio.*

trio. Vobiscum una disceptatio est, licueritne per fœdus fieri. Itaque quoniam discerni placet, quid publico consilio, quid sud sponte imperatores faciant; nobis vobiscum fœdus est à Lutatio consule istum: in quo quum caveretur utrorumque sociis, nihil de Saguntinis (necdum enim erant socii vestri) cantum est. At enim eo fœdere, quod cum Hasdrubale istum est, Saguntini excipiuntur. adversus quod nihil ego dicturus sum, nisi quod à vobis didici. Vos enim, quod C. Latatius consul primò nobiscum fœdus icit, quia neque auctoritate Patrum, nec populi jussu istum erat, negastis vos eo teneri. itaque aliud de integro fœdus publico consilio istum est. Si vos non tenent vestra fœdera, nisi ex auctoritate aut jussu vestro ista; ne nos quidem Hasdrubalis fœdus, quod nobis insciis icit, obligare potuit. Proinde mittite Sagunti atque Iberi mentionem facere, & quod diu parturit animus vester, aliquando pariat. Tum Romanus sinu ex toga facto, Hic, inquit, vobis bellum & pacem portamus; utrum placet, sumite. Sub hanc vocem haud minùs ferociter, daret, utrum vellet, succlamatum est. & quum is iterum sinu effuso bellum dare dixisset, accipere se omnes responderunt, & quibus acciperent animis, iisdem se gesturos.

XIX. Hæc directa percunctatio ac denunciatio belli magis ex dignitate populi Romani visa est, quàm de fœderum jure verbis disceptare, quum antè, tum maxime Sagunto excisa. nam, si verborum disceptationis res esset, quid fœdus Hasdrubalis cum Lutatii priore fœdere, quod mutatum est, comparandum erat? quum in Lutatii fœdere disertè additum esset, ita id ratum fore, si populus censuisset; in Hasdrubalis fœdere nec exceptum tale quicquam fuerit, & tot annorum silentio ita vivo eo comprobatum sit fœdus, ut ne mortuo quidem auctore quicquam mutaretur. Quamquam, etsi priore fœdere staretur, satis cautum erat Saguntinis, sociis: utrorumque exceptis. nam neque additum erat, his, qui tunc essent: nec, ne qui postea assumerentur. & quum assumere novos liceret socios, quis e-
quum

quum censeret, aut ob nulla quemquam merita in amicitiam recipi? aut receptos in fidem non defendi? tantum, ne Karthaginensium socii aut sollicitarentur ad defectionem, aut suâ sponte desciscentes reciperentur. Legati Romani ab Karthagine, sicut his Romæ imperatum erat, in Hispaniam, ut adirent civitates, ut in societatem pellicerent, aut averterent à Pœnis, traiecerunt. Ad Bargusios primùm venerunt: à quibus benignè excepti, quia tædebat imperii Punici, multos trans Iberum populos ad cupidinem novæ fortunæ erexerunt. Ad Volcianos inde est ventum: quorum celebre per Hispaniam responsum ceteros populos ab societate Romana avertit. ita enim maximus natus ex iis in concilio respondit: *Quæ verecundia est, Romani, postulare vos, uti vestram Karthaginensium amicitia præponamus, quum, qui id fecerunt, Saguntinos crudeliùs, quàm Pœnus hostis perdidit, vos socii prodideritis? ibi queratis socios, cenſeo, ubi Saguntina clades ignota est. Hispanis populi, sicut lugubre, ita insigne documentum Sagunti ruine erunt, ne quis fidei Romane aut societati confidat.* Inde extemplo abire finibus Volcianorum iussu, ab nullo deinde concilio Hispaniæ benigniora verba tulere. itaque, nequicquam peragrata Hispaniâ, in Galliam transeunt.

XX. In his nova terribilisque species visa est, quod armati (ita mos gentis erat) in concilium venerunt. quum, verbis extollentes gloriam virtutemque populi Romani ac magnitudinem imperii, petissent, ne Pœno, bellum Italiæ inferenti, per agros urbesque suas transitum darent; tantus cum fremitu risus dicitur ortus, ut vix à magistratibus majoribusque natu juvenus sedaretur. Adeo stolidi impudensque postulatio visa est, censere, ne in Italiam transmittant Galli bellum, ipsos id avertere in se, agrosque suos pro alienis populandos objicere. Sedato tandem fremitu, responsum legatis est, *neque Romanorum in se meritum esse, neque Karthaginensium injuriam, ob quæ aut pro Romanis, aut adversus Pœ-*

nos sumant arma. Contra ea audire sese, gentis sue homines agris finibusque Italia pelli à populo Romano, stipendiumque pendere, & cetera indigna pati. Eadem ferme in ceteris Galliæ conciliis dicta auditaque: nec hospitale quicquam pacatumve satis prius auditum, quàm Massiliam venire. Ibi omnia, ab fociis inquisita cum cura ac fide, cognita, præoccupatos jam antè ab Hannibale Gallorum animos esse. sed ne illi quidem ipsi satis mitem gentem fore, (adeo ferocia atque indomita ingenia esse) ni subinde auro, cujus avidissima gens est, principum animi concilientur. Ita peragratis Hispaniæ & Galliæ populis, legati Romam redeunt, haud ita multo post, quàm consules in provincias profecti erant. civitatem omnem in expectationem belli erectam invenerunt, satis constante famâ, jam Iberum Pœnos transmississe.

XXI. Hannibal, Sagunto capto, Karthaginem Novam in hiberna concesserat. ibique, auditis, quæ Romæ, quæque Karthagine acta decretaque forent, seque non ducem solùm, sed etiam causam esse belli, partitis divenditisque reliquiis prædæ, nihil ultrà differendum ratus, Hispani generis milites convocat: *Credo ego vos, inquit, socii, & ipsos cernere, pacatis omnibus Hispaniæ populis, aut finiendam nobis militiam, exercitusque dimittendos esse; aut in alias terras transferendum bellum: ita enim hæ gentes non pacis solùm, sed etiam victoriæ, bonis floreant, si ex aliis gentibus prædam & gloriam queremus. Itaque, quum longinqua ab domo instet militia, incertumque sit, quando domos vestras, & qua cuique ibi cara sunt, visurifitis, si quis vestrùm suos invisere vult, commeatum do. Primo vere, edico, adsitis; ut, Diis bene juvantibus, bellum ingentis gloriæ prædæque futurum incipiamus. Omnibus ferè visendi domos oblata ultro potestas grata erat, & jam desiderantibus suos, & longius in futurum providentibus desiderium. Per totum tempus hiemis quies inter labores, aut jam exhaustos, aut mox exhauriendos, renovavit corpora animosque ad omnia de inte-*

gro patiēda. Vere primo ad edictum convenere. Hannibal, quum recensuisset omnium auxilia gentium, Gades profectus Herculi vota exsolvit: novisque se obligat votis, si cetera prospera evenissent. Inde partiens curas simul in inferendum atque arcendum bellum, ne, dum ipse terrestri per Hispaniam Galliasque itinere Italiam peteret, nuda apertaque Romanis Africa ab Sicilia esset, valido praesidio firmare eam statuit. Pro eo supplementum ipse ex Africa, maximè jaculatorum, levium armis, petiit; ut Afri in Hispania, in Africa Hispani, melior procul ab domo futurus uterque miles, velut mutuis pignoribus obligati, stipendia facerent. Tredecim millia octingentos quinquaginta pedites caetratos misit in Africam, & funditores Baliares octingentos septuaginta: equites mixtos ex multis gentibus mille ducentos. Has copias partim Karthagini praesidio esse, partim distribuì per Africam jubet, simul conquistoribus in civitates missis, quatuor millia conscripta delectae juventutis, praesidium eisdem & obsides, duci Karthaginem jubet.

XXII. Neque Hispaniam negligendam ratus, (atque ideo haud minùs, quòd haud ignarus erat, circumitam ab Romanis eam legatis ad sollicitandos principum animos) Hasdrubali fratri, viro impigro, eam provinciam destinat, firmitque eum Africis maximè praesidiis, peditum Afrorum undecim millibus octingentis quinquaginta, Liguribus trecentis, Baliaribus quingentis. ad hæc peditum auxilia additi equites Libyphoenices (mixtum Punicum Afris genus) trecenti, & Numidæ Maurique accolæ Oceani ad mille octingentos, & parva Ilergetum manus ex Hispania, ducenti equites: &, ne quid terrestris deesset auxilii genus, elephanti quatuordecim. classis præterea data ad tucendam maritimam oram, (quia, quâ parte belli vicerant, eâ tum quoque rem gesturos Romanos, credi poterat) quinquaginta quinqueres, quadriremes duæ, triremes

mes quinque : sed aptæ instructæque remigio triginta & duæ quinqueremes erant, & triremes quinque. Ab Gadibus Karthaginem ad hiberna exercitus rediit. atque inde, profectus præter Etovisam urbem, ad Iberum maritimamque oram ducit. Ibi, fama est, in quiete visum ab eo juvenem divinâ specie, qui *se ab Jove diceret ducem in Italiam Hannibali missum : proinde sequeretur, neque usquam à se desisteret oculos.* Pavidum primò, nusquam circumspicientem aut respicientem, secutum; deinde, curâ humani ingenii, quum, quidnam id esset, quod respicere vetitus esset, agitaret animo, temperare oculis nequivisse; tum vidisse, post sese serpentem mirâ magnitudine cum ingenti arborum ac virgultorum strage ferri, ac post insequi cum fragore cœli nimbum : tum, *qua moles ea, quidve prodigii esset, quærentem audisse : Vastitatem Italiæ esse. pergeret porro ire, nec ultrâ inquireret, sineretque fata in occulto esse.*

XXIII. Hoc visu lætus tripartitò Iberum copias trajecit, præmissis, qui Gallorum animos, quâ traducendus exercitus erat, donis conciliarent, Alpiumque transitus specularentur. nonaginta millia peditum, duodecim millia equitum Iberum traduxit. Ilargetes inde, Bargusiosque, & Ausetanos, & Lacetaniam, quæ subiecta Pyrenæis montibus est, subegit : oræque huic omni præfecit Hannonem, ut fauces, quæ Hispanias Galliis jungunt, in potestate essent. Decem millia peditum Hannoni ad præsidium obtinendæ regionis data, & mille equites. Postquam per Pyrenæum saltum traduci exercitus est cœptus, rumorque per barbaros manavit certior de bello Romano; tria millia inde Carpetanorum peditum iter averterunt. constabat, non tam bello motos, quàm longinquitate viæ insuperabilique Alpium transitu. Hannibal, quia revocare aut vi retinere eos anceps erat, ne ceterorum etiam feroces animi irritarentur, supra septem millia hominum

domos remisit, quos & ipse gravari militiâ senserat, Carpetanos quoque ab se dimissos simulans.

XXIV. Inde, ne mora atque otium animos sollicitarent, cum reliquis copiis Pyrenæum transgreditur, & ad oppidum Illiberi castra locat. Galli quanquam Italiæ bellum inferri audiebant, tamen, quia vi subactos trans Pyrenæum Hispanos fama erat, præsidiaque valida imposita, metu servitutis ad arma consternati, Ruscinonem aliquot populi conveniunt. quod ubi Hannibali nunciatum est, moram magis, quàm bellum, metuens, oratores ad regulos eorum misit, *colloqui semet ipsum velle cum his; & vel illi propius Illiberi accederent, vel se Ruscinonem processurum, ut ex propinquo congressus faciliior esset: nam & accepturum eos in castra sua se latum, nec cunctanter se ipsum ad eos venturum. Hospitem enim se Gallie, non hostem, advenisse: nec stricturum ante gladium, si per Gallos liceat, quàm in Italiam venisset.* Et per nuncios quidem hæc. Ut verò reguli Gallorum, castris ad Illiberi extemplo motis, haud gravatè ad Pœnum venerunt; capti donis, cum bona pace exercitum per fines suos præter Ruscinonem oppidum transmiserunt.

XXV. In Italiam interim nihil ultra, quàm Iberum transisse Hannibalem, à Massiliensium legatis Romam perlatum erat: quum perinde, ac si Alpes jam transisset, Boji, sollicitatis Insubribus, defeecerunt; nec tam ob veteres in populum Romanum iras, quàm quòd nuper circa Padum, Placentiam Cremonamque colonias in agrum Gallicum deductas ægre patiebantur. Itaque, armis repentè arreptis, in eum ipsum agrum impetu facto, tantum terroris ac tumultûs fecerunt, ut non agrestis modò multitudo, sed ipsi triumviri Romani, qui ad agrum venerant assignandum, diffisi Placentiæ mœnibus, Mutinam confugerint, C. Lutatius, C. Servilius, T. Annius. Lutatii nomen haud dubium est. pro C. Servilio, & T. Annio, Q. Acilium, & C. Herennium habent. quidam annales: alii P. Cornelium

Hum Afinam & C. Papirium Mafonem. Id quoque dubium est, legati, ad expostulandum missi ad Bojos, violati sint, an in triumviros agrum metantes impetus sit factus. Mutinæ quum obsiderentur, & gens, ad oppugnandarum urbium artes rudis, pigerrima eadem ad militaria opera, segnis intactis assideret muris, simulari cœptum de pace agi. evocatique ab Gallorum principibus legati ad colloquium, non contra jus modò gentium, sed violatà etiam, quæ data in id tempus erat, fidē, comprehenduntur; negantibus Gallis, nisi obsides sibi redderentur, eos dimissuros. Quum hæc de legatis nunciata essent, & Mutina præsidiumque in periculo esset, L. Manlius prætor, irà accensus, effusum agmen ad Mutinam ducit. Silvæ tunc circa viam erant, plerisque incultis. ibi, inexploratò profectus, in insidias præcipitatus, multaque cum cæde suorum ægre in apertos campos emerfit. ibi castra communita; &, quia Gallis ad tentanda ea defuit spes, refecti sunt militum animi, quanquam accisas res satis constabat. Iter deinde de integro cœptum; nec, dum per patientia loca ducebatur agmen, apparuit hostis; ubi rursus silvæ intratæ, tum postremos adorti, cum magna trepidatione ac pavore omnium, octingentos milites occiderunt, sex signa ademere. Finis & Gallis territandi, & pavendi Romanis fuit, ut è saltu invio atque impedito evasere. inde, apertis locis faciliè tutantes agmen, Romani Tanetum, vicum propinquum Pado, contendere: ibi se munimento ad tempus comitati- busque fluminis & Brixianorum Gallorum auxilio, adversus crescentem in dies multitudinem hostium, tutabantur.

XXVI. Qui tumultus repens postquam est Romam perlatus, & Punicum insuper Gallico bello auctum Patres acceperunt; C. Atilium prætorem cum una legione Romana & quinque millibus sociorum, delectu novo à consule conscriptis, auxilium ferre Manlio jubent:

bent : qui sine ullo certamine (abscefferant enim metu hostes) Tanetum pervenit. Et P. Cornelius, in locum ejus, quæ missa cum prætore fuerat, transcriptâ legione novâ, profectus ab urbe sexaginta longis navibus, præter oram Etruriæ Ligurumque, & inde Salyum montes, pervenit Massiliam, & ad proximum ostium Rhodani (pluribus enim divisus annis in mare decurrit) castra locat : vixdum satis credens, Hannibalem superasse Pyrenæos montes. quem ut de Rhodani quoque transitu agere animadvertit, incertus, quonam ei loco occurreret, necdum satis relictis ab jactatione maritima militibus, trecentos interim delectos equites, ducibus Massiliensibus & auxiliariis Gallis, ad exploranda omnia visendosque ex tuto hostes præmittit. Hannibal, ceteris metu aut pretio pacatis, jam in Volcarum pervenerat agrum, gentis validæ. Colant autem circa utramque ripam Rhodani : sed, diffisi ceteriore agro arceri Pœnū posse, ut flumen pro munimento haberent, omnibus ferme suis trans Rhodanum trajectis, ulteriorem ripam annis armis obtinebant. Ceteros accolæ fluminis Hannibal, & eorum ipsorum quos sedes suæ tenuerant, simul perlicit donis ad naves undique contrahendas fabricandasque : simul & ipsi trajici exercitum, levarique quamprimum regionem suam tantâ urgente hominum turbâ cupiebant. Itaque ingens coacta vis navium est linciumque temere ad vicinalem usum paratarum : novæque alias primū Galli inchoantes cavabant ex singulis arboribus : deinde & ipsi milites, simul cōpiā materiæ, simul facilitatē operis inducunt, alveos informes, (nihil, dummodo innare aquæ & capere onera possent, curantes) quibus se suaque transveherent, raptim faciebant.

XXVII. Jamque omnibus satis comparatis ad trajiciendum, terrebant ex adverso hostes, omnem ripam equites virique obtinentes : quos ut averteret, Mannonem, Bomilcaris filium, vigiliâ primâ noctis, cum parte

te copiarum, maximè Hispanis, adverso flumine iter unius diei jubet; & ubi primum possit, quàm occultissimè trajecto amni, circumducere agmen, ut, quum opus facto sit, adoriatur ab tergo hostem. Ad id dati duces Galli edocent, inde millia quinque & viginti ferme suprà, parvæ insulæ circumfusus amnem, latiore, ubi dividebatur, eoque minùs alto alveo, transitum ostendere. ibi raptim cæsa materia ratesque fabricatæ, in quibus equi virique & alia onera trajicerentur. Hispani sine ulla mole, in utres vestimentis coniectis, ipsi cætris suppositis incubantes, flumen transavere. Et alius exercitus, ratibus junctis trajectus, castris prope flumen positus, nocturno itinere atque operis labore fessus, quiete unius diei reficitur, intento duce ad consilium opportunè exsequendum. Postero die, profecti ex loco, prodito fumo significant, se transisse, & haud procul abesse. quod ubi accepit Hannibal, ne tempori deesset, dat signum ad trajiciendum. Jam paratas aptatasque habebat pedes lintres. equites ferè propter equos nantes navium agmen, ad excipiendum adversi impetum fluminis parte superiore transmittens, tranquillitatem infrà trajicientibus lintribus præbebat. Equorum pars magna nantes loris à puppibus trahebantur, præter eos, quos instructos frenatosque, ut extemplò egresso in ripam equiti usui essent, imposuerant in naves.

XXVIII. Galli occurrant in ripam cum variis ululatibus cantuque moris sui, quatientes scuta super capita, vibrantesque dextris tela: quanquam & ex adverso terrebat tanta vis navium cum ingenti sono fluminis & clamore vario nautarum & militum, qui nitentur perrumpere impetum fluminis, & qui ex altera ripa trajicientes suos hortabantur. Jam satis paventes adverso tumultu terribilior ab tergo adortus clamor, castris ab Hannone captis. mox & ipse aderat, ancepsque terror circumstabat, & è navibus tant

vi armatorum in terram evadente, & ab tergo improvisâ premente acie. Galli, postquam, ultro vim facere conati, pellebantur, quâ patere visum maximè inter, perrumpunt, trépидique in vicos passim suos dif-fugiunt. Hannibal, ceteris copiis per otium trajectis, spernens jam Gallicos tumultus, castra locat. Elephantorum trajiciendorum varia consilia fuisse credo: certè variata memoria actæ rei. quidam, congregatis ad ripam elephantis, tradunt, ferocissimum ex iis irritatum ab rectore suo, quum refugientem in aquam nantem sequeretur, traxisse gregem, ut quemque timentem altitudinem destituerat vadum, impetu ipso fluminis in alteram ripam rapiente. Ceterum magis constat, ratibus trajectos: id ut tutius consilium ante rem foret, ita, actâ re, ad fidem pronius est. Ratem unam, ducentos longam pedes, quinquaginta latam, à terra in amnem porrexerunt: quam, ne secundâ aquâ deferretur, pluribus validis retinaculis parte superiore ripæ religatam, pontis in modum humo injectâ constraverunt; ut belluæ audacter velut per solum ingrederentur. altera ratis, æquè lata, longa pedes centum, ad trajiciendum flumen apta, huic copulata est: & quum elephantis, per stabilem ratem, tanquam viam, prægredientibus feminis, acti, in minorem applicatam transgressi sunt; extemplo resolutis, quibus leviter annexa erat, vinculis, ab actuariis aliquot navibus ad alteram ripam pertrahitur: ita primis expositis, alii deinde repetiti ac trajecti sunt. Nihil sanè trepidabant, donec continenti velut ponte agerentur. primus erat pavor, quum, solutâ ab ceteris rate, in altum raperentur. ibi, urgentes inter se, cedentibus extremis ab aqua, trepidationis aliquantum edebant; donec quietem ipse timor circumspectantibus aquam fecisset. excidère etiam sævientes quidam in flumen. sed, pondere ipso stabiles, dejectis rectoribus, quærendis pedetentim vadis, in terram evasere.

XXIX. Dam

XXIX. Dum elephantibus trajiciuntur, interim Hannibal Numidas equites quingentos ad castra Romana miserat speculatum, ubi, & quantæ copiæ essent, & quid pararent. Huic alæ equitum missi, ut antè dictum est, ab ostio Rhodani trecenti Romanorum equites occurrunt. prælium atrocius, quàm pro numero pugnantium, editur. Nam præter multa vulnera, cædes etiam propè par utrinque fuit: fugaque & pavor Numidarum Romanis, jam admodum fessis, victoriam dedit. victores ad centum sexaginta, nec omnes Romani, sed pars Gallorum: victi amplius ducenti ceciderunt. Hoc principium simul omenque belli, ut summæ rerum prosperum eventum, ita haud sanè incruentam ancipitisque certaminis victoriam, Romanis portendit. Ut, re ita gestâ, ad utrumque ducem sui redierunt, nec Scipioni stare sententia poterat, nisi ut ex consiliis cœptisque hostis & ipse conatus caperet: & Hannibalem incertum, utrùm cœptum in Italiam intenderet iter, an cum eo, qui primus se obtulisset Romanus exercitus, manus confereret, avertit à præsentī certamine Bojorum legatorum regulique Magali adventus: qui se duces itinerum, socios periculi fore, affirmantes, integro bello, nusquam antè libatis viribus, Italiam aggrediendam censent. Multitudo timebat quidem hostem, nondum oblitteratâ memoriâ superioris belli: sed magis iter immensum Alpesque, rem famâ utique inexpertis horrendam, metuebat.

XXX. Itaque Hannibal, postquam ipsi sententiâ stetit pergere ire, atque Italiam petere, advocatâ concione, variè militum versat animos castigando adhortandoque. *Mirari se, quinam pectora semper impavida repens terror invaserit. per tot annos vincentes eos stipendia facere; neque antè Hispaniâ excessisse, quàm omnes gentesque & terra ea, quas duo diversa maria amplectantur, Karthaginensium essent. Indignatos deinde, quòd, quicumque Saguntum obsedissent, velut ob noxam, sibi dedit postularet popu-*

lus Romanus, Iberum trajecisse ad delendum nomen Romanorum, liberandumque orbem terrarum. Tum nemini visum id longum, quum ab occasu solis ad exortus intenderent iter. Nunc, postquam multo maiorem partem itineris emensam cernant, Pyrenaum saltum inter ferocissimas gentes superatum, Rhodanum, tantum amnem, tot millibus Gallorum prohibentibus, domitâ etiam ipsius fluminis vi, trajectum, in conspectu Alpes habeant, quarum alterum latus Italia sit; in ipsis portis hostium fatigatos subsistere, quid Alpes aliud esse credentes, quàm montium altitudines? Fingerent altiores Pyrenæi jugis. nullas profectò terras cælum contingere, nec in-exsuperabiles humano geneti esse. Alpes quidem habitari, colî, gignere atque alere animantes. pervias paucis esse, exerciti-bus invias? eos ipsos, quos cernant, legatos non pennis sublimè elatos Alpes transgressos: ne majores quidem eorum indigenas; sed advenas Italia cultores, has ipsas Alpes ingentibus saepe agminibus cum liberis ac conjugibus, migrantium modo, tutò transmississe. Militi quidem armato, nihil secum præter instrumenta belli portanti, quid invium aut in-exsuperabile esse? Saguntum ut caperetur, quid per octo menses periculi, quid laboris exhaustum esse? Romam, orbis terrarum caput, petentibus quicquam adeò asperum atque arduum videri, quod inceptum moretur? Cepisse quondam Gallos ea, quæ adiri posse Pœnus desperet. proinde aut cederent animo atque virtute genti, per eos dies toties ab se victæ, aut itineris finem sperent campum interjacentem Tiberi ac mœnibus Romanis.

XXXI. His adhortationibus incitatos corpora curare, atque ad iter se parare jubet. Postero die, profectus adversâ ripâ Rhodani, mediterranea Galliæ petit: non quia rectior ad Alpes via esset, sed, quantum à mari recessisset, minùs obvium fore Romanum credens: cum quo, priusquam in Italiam ventum foret, non erat in animo manus conferere. Quartis castris ad Insulam pervenit: ibi Arar Rhodanusque amnes, diversis ex Alpibus decurrentes, agri aliquantum ample-

xi, confluent in unum. Mediis campis Insulæ nomen inditum. incolunt propè Allobroges, gens jam inde nullâ Gallicâ gente opibus aut famâ inferior: tum discordans erat. Regni certamine ambigebant fratres. major, & qui prius imperitârat, Brancus nomine, minore ab fratre & cœtu juniorum, qui jure minus, vi plus poterant, pellebatur. Hujus seditionis peropportuna disceptatio quum ad Hannibalem rejecta esset, arbiter regni factus, quòd ea senatûs principumque sententia fuerat, imperium majori restituit. ob id meritum commeatu copiâque rerum omnium, maximè vestis, est adjutus, quam infames frigoribus Alpes præparari cogeant. Sedatis certaminibus Allobrogum, quum jam Alpes peteret, non rectâ regione iter instituit; sed ad lævam in Tricastinos flexit; inde per extremam oram Vocontiorum agrî tetendit in Tricorios: haud usquam impeditâ viâ, priusquam ad Druentiam flumen pervenit. Is & ipse Alpinus amnis longè omnium Galliæ fluminum difficillimus transitu est. nam, quum aquæ vim vehat ingentem, non tamen navium patiens est: quia nullis coercitus ripis, pluribus simul, neque iisdem alveis fluens, nova semper vada novoque gurgites faciens, (& ob eadem pediti quoque incerta via est) ad hæc saxa glareosa volvens, nihil stabile nec tutum ingredienti præbet; & tum, forte imbribus auctus, ingentem transgredientibus tumultum fecit, quum super cetera trepidatione ipsi, suâ atque incertis clamoribus turbarentur.

XXXII. P. Cornelius consul, triduo fere post, quàm Hannibal ab ripa Rhodani movit, quadrato agmine ad castra hostium venerat, nullam dimicandi moram facit. ceterum, ubi deserta munimenta, nec facillè tantum prægressos affecuturum videt; ad mare ac naves rediit, tutius faciliusque ita descendenti ab Alpibus Hannibali occursum. Ne tamen nuda auxiliis Romanis Hispania esset, quam provinciam sortitus erat, Cn.

Scipionem fratrem cum maxima parte copiarum adversus Hasdrubalem misit; non ad tuendos tantummodo veteres socios conciliandosque novos, sed etiam ad pellendum Hispaniâ Hasdrubalem. ipse cum admodum exiguis copiis Genuam repetit, eo, qui circa Padum erat, exercitu Italiam defensurus. Hannibal ab Druentia campestri maximè itinere cum bona pace ad Alpes incolentium ea loca Gallorum pervenit. Tum, quanquam famâ prius (quâ incerta in majus vero ferri solent) præcepta res erat, tamen ex propinquo visa montium altitudo, nivesque cœlo propè immixtæ, tæta informia imposita rupibus, pecora jumentaue torrida frigore, homines intonsi & inculti, animalia inanimaque omnia rigentia gelu, cetera visu, quàm dictu, fœdiora, terrorem renovârunt. Erigentibus in primos agmen clivos apparuerunt imminentes tumulos insidentes montani: qui, si valles occultiores insedisent, coorti in pugnam repentè, ingentem fugam stragemque dedissent. Hannibal consistere signa jubet; Gallisque ad visenda loca præmissis, postquam compertit, transitum eâ non esse, castra inter confragosa omnia præruptaque, quàm extentissimâ potest valle, locat. Tum per eosdem Gallos, haud sanè multum linguâ moribusque abhorrentes, quum se immiscuissent colloquiis montanorum, edoctis interdum tantum obsideri saltum, nocte in sua quemque dilabi testâ; luce primâ subiit tumulos, ut ex aperto atque interdum vim per angustias facturus. Die deinde simulando aliud, quàm quod parabatur, consumpto, quum eodem, quo constiterant, loco castra communissent, ubi primum degressos tumulis montanos laxatasque sensit custodias, pluribus ignibus, quàm pro numero manentium, in speciem factis, impedimentisque cum equite relictis, & maximâ parte peditum; ipse cum expeditis, acerrimo quoque viro, raptim angustias evadit: iisque ipsis tumulis, quos hostes tenuerant, confedit.

XXXIII. Pri-

XXXIII. Primâ deinde luce castra mota, & agmen reliquum incedere cœpit. Jam montani signo dato ex castellis ad stationem solitam conveniebant; quum repente conspiciunt alios, arce occupatâ suâ, super caput imminentes, alios viâ transire hostes. Utraque simul objecta res oculis animisque immobiles parumper eos defixit. deinde ut trepidationem in angustiis, suoque ipsum tumultu misceri agmen videre, equis maximè consternatis, quicquid adjecissent ipsi terroris, satis ad perniciem fore rati, perversis rupibus juxtâ invia ac devia assueti discurrunt. Tum verò simul ab hostibus, simul ab iniquitate locorum Pœni oppugnabantur; plusque inter ipsos (sibi quoque tendente, ut periculo prius evaderet) quàm cum hostibus, certaminis erat. Equi maximè infestum agmen faciebant, qui & clamoribus dissonis, quos nemora etiam repercussæque vales augebant, territi trepidabant; & isti fortè aut vulnerati adeo consternabantur, ut stragem ingentem simul hominum ac farinarum omnis generis facerent: multosque turba, quum præcipites deruptæque utrinque angustiz essent, in immensum altitudinis dejecit; quosdam & armatos. sed ruinæ maximæ modo jumenta cum oneribus devolvebantur. Quæ quanquam fœda visu erant, stetit parumper tamen Hannibal, ac suos continuit, ne tumultum ac trepidationem augeret: deinde, postquam interrumpi agmen vidit, periculumque esse, ne exutum impedimentis exercitum nequicquam incolumem traduxisset, decurrit ex superiore loco; &, quum impetu ipso fudisset hostem, suis quoque tumultum auxit. sed is tumultus momento temporis, postquam liberata itinera fugâ montanorum erant, sedatur: nec per otium modò, sed propè silentio, mox omnes traducti. Castellum inde, quod caput ejus regionis erat, viculosque circumjectos capit, & captivorum pecoribus per triduum exercitum aluit: & quia nec montanis primò perculsis, nec loco magnope-

re impediabantur, aliquantum eo triduo viæ confecit.

XXXIV. Perventum inde ad frequentem cultoribus alium, ut inter montana, populum. ibi non bello aperto, sed suis artibus, fraude, deinde insidiis est propè circumventus. Magno natu principes castellorum oratores ad Pœnum veniunt: *alienis malis, utili exemplo, doctos, memorantes, amicitiam malle, quàm vim experiri Pœnorum. itaque obedienter imperata facturos, commeatum itinerisque duces, & ad fidem promissorum obsides acciperet.* Hannibal nec temere credendo, nec aspernando, ne repudiati apertè hostes fierent, benignè quum respondisset; obsidibus, quos dabant, acceptis, & commeatu, quem in viam ipsi detulerant, usus, nequaquam ut inter pacatos, composito agmine duces eorum sequitur. Primum agmen elephanti & equites erant: ipse post eum robore peditum, circumspectans sollicitusque omnia, incedebat. Ubi in angustiore viam ex parte altera subjectam jugo insuper imminenti ventum est, undique ex insidiis barbari à fronte, ab tergo coorti, cominus, eminus petunt: saxa ingentia in agmen devolvunt: maxima ab tergo vis hominum urgebat. in eos versa peditum acies haud dubium fecit, quin, nisi firmata extrema agminis fuissent, ingens in eo saltu accipienda clades fuisset. Tunc quoque ad extremum periculi ac propè perniciem ventum est: nam, dum cunctatur Hannibal demittere agmen in angustias, quia non, ut ipse equitibus præsidio erat, ita peditibus quicquam ab tergo auxilii reliquerat; occurrentes per obliqua montani, perrupto medio agmine, viam insedere: noxque una Hannibali sine equitibus atque impedimenti acta est.

XXXV. Postero die, jam signis intercurrentibus barbaris, junctæ copiæ, saltusque haud sine clade (majore tamen jumentorum, quàm hominum, perniciæ) superatus: inde montani pauciores jam, & latrociniis magis quàm belli more, concursabant; modò in primum, modò.

modò in novissimum agmen, utcunque aut locus oportunitatem daret, aut progressi morative aliquam occasionem fecissent. Elephanti, sicut præcipites per arctas vias magnâ morâ agebantur, ita tutum ab hostibus, quacunque incederent, (quia insuetis adeundi propius metus erat) agmen præbebant. Nono die in jugum Alpium perventum est, per invia pleraque & errores, quos aut ducentium fraus, aut, ubi fides iis non esset, temere initæ valles à conjectantibus iter, faciebant. Biduum in jugo stativa habita: fessisque labore ac pugnando quies data militibus: jumenta que aliquot, quæ prolapsa in rupibus erant, sequendo vestigia agminis in castra pervenere. Fessis tædio tot malorum nivis etiam casus, occidente jam sidere Vergiliarum, ingentem terrorem adjecit. Per omnia nive oppleta quum, signis primâ luce motis, segniter agmen incederet, pigritiaque & desperatio in omnium vultu emineret, prægressus signa Hannibal in promontorio quodam, unde longè ac latè prospectus erat, consistere jussis militibus Italiam ostentat, subjectosque Alpinis montibus Circumpadanos campos: *mœniaque eos tum transcendere non Italia modò, sed etiam urbis Romanæ. cetera plana, præcluvia fore: uno, aut summum altero prælio arcem & caput Italia in manu ac potestate habituros.* Procedere inde agmen coepit; jam nihil ne hostibus quidem, præter parva furta per occasionem, tentantibus. Ceterum iter multo, quàm in ascensu fuerat, (ut pleraque Alpium ab Italia sicut breviora, ita arrectiora sunt) difficilius fuit. omnis enim ferme via præceps, angusta, lubrica erat: ut neque sustinere se à lapsu possent; nec, qui paululum titubassent, hærere. afflicti vestigio suo; alii que super alios, & jumenta & homines, occiderent.

XXXVI. Ventum deinde ad multo angustiores rupes, atque ita rectis faxis, ut ægre expeditus miles tentabundas, manibusque retinens virgulta ac stirpes circa
eminens

eminentes, demittere sese posset. Naturà locus jam antè præceps, recentì lapsu terræ in pedum mille admodum altitudinem abruptus erat. Ibi quum, velut ad finem viæ, equites constitissent, miranti Hannibali, quæ res moraretur agmen, nunciatur, rupem inviam esse. digressus deinde ipse ad locum visendum. haud dubia res visa, quin per invia circà nec trita antea, quamvis longo ambitu, circumduceret agmen. Ea verò via insuperabilis fuit. nam quum super veterem nivem intactam nova modicæ altitudinis esset, molli nec præaltæ nivi facilè pedes ingredientium insistebant. ut verò tot hominum jumentorumque incessu dilapsa est, per nudam infra glaciem fluentemque tabem liquecentis nivis ingrediebantur. Tetra ibi lustratio erat. ut à lubrica glacie, non recipiente vestigium, & in pronocitiùs pede se fallente, &, seu manibus in assurgendo seu genu se adjuvissent, ipsis adminiculis prolapsis, iterum corruissent, nec stirpes circà radicesve, ad quas pede aut manu quisquam eniti posset, erant; ita in levi tantum glacie tabidaque nive volutabantur. jumenta secabant; interdum etiam, tum infimam ingredientia nivem, & prolapsa jactandis graviùs in continendo ungulis, penitus perfringebant: ut pleraque, velut pedicà capta, hærent in durata & altè concreta glacie.

XXXVII. Tandem, nequicquam jumentis atque hominibus fatigatis, castra in jugo posita, ægerrimè ad id ipsum loco purgato. tantum nivis fodiendum atque egerendum fuit. Inde ad rupem muniendam, per quam unam via esse poterat, milites ducti, quum cædendum esset saxum, arboribus circà immanibus dejectis detruncatisque, struem ingentem lignorum faciunt: eamque (quum & vis venti apta faciundo igni coorta esset) succendunt, ardentiaque saxa infuso aceto putrefaciunt. Ita torridam incendio rupem ferro pandunt, molliuntque anfractibus modicis clivos, ut non jumen-

ta

ta solum, sed elephantis etiam, deduci possent. Quadrimum circa rupem consumptum, iumentis propè fame absumptis: nuda enim fere cacumina sunt, & si quid est pabuli, obruunt nives. Inferiora valles & apricos quosdam colles habent, rivosque prope silvas, & jam humano cultu digniora loca. Ibi iumenta in pabulum missa, & quies muniendo fessis hominibus data triduo. inde ad planum descensum, etiam locis mollioribus & accolarum ingeniis.

XXXVIII. Hoc maximè modo in Italiam perventum est, quinto mense à Karthagine Nova, (ut quidam auctores sunt) quintodecimo die Alpibus superatis. Quantæ copiae transgresso in Italiam Hannibali fuerint, nequaquam inter auctores constat. qui plurimum, centum millia peditum, viginti equitum fuisse scribunt; qui minimum, viginti millia peditum, sex equitum. L. Cincius Alimentus, qui captum se ab Hannibale scribit, maximè auctor me moveret, nisi confunderet numerum, Gallis Liguribusque additis: cum his octoginta millia peditum, decem equitum, adducta in Italiam: (magis affluxisse verisimile est, & ita quidam auctores sunt.) ex ipso autem audisse Hannibale, postquam Rhodanum transierit, triginta sex millia hominum, ingentemque numerum equorum & aliorum iumentorum amisisse in Taurinis, quæ Gallis proxima gens erat, in Italiam digresso. Id quum inter omnes constet, eo magis miror ambigi, quam Alpes transierit: & vulgò credere, Penino, atque inde nomen & iugo Alpium inditum, transgressum. Cælius per Cremonis iugum dicit transisse. qui ambo saltus eum non in Taurinos, sed per Salassos montanos ad Libyos Gallos deduxissent. Nec verisimile est, ea tum ad Galliam paruisse itinera; utique, quæ ad Peninum serunt, obsepta gentibus semigermanis fuissent. neque, Hercule, montibus his (si quem fortè id movit) ab transitu Pœnorum ullo Veragri, incolæ iugi ejus, norunt nomen indi-

inditum; sed ab eo, quem, in summo sacratum vertice, Peninum montani appellant.

XXXIX. Peroportunè ad principia rerum Taurinis, proximæ genti, adversus Insubres motum bellum erat. sed armare exercitum Hannibal, ut parti alteri auxilio esset, (in reficiendo maximè sentientem contracta antè mala) non poterat. otium etenim ex labore, copia ex inopia, cultus ex illuvie tabeque, squalida & propè efferata corpora variè movebant. Ea P. Cornelio consuli causa fuit, quum Pisas navibus venisset, exercitu à Manlio Atilioque accepto tirone, & in novis ignominis trepido, ad Padum festinandi; ut cum hoste nondum refecto manum confererèt. sed quum Placentiam consul venit, jam ex stativis moverat Hannibal; Taurinorumque unam urbem, caput gentis ejus, quia volentis in amicitiam non veniebant, vi expugnàrat: junxissetque sibi, non metu solum, sed etiam voluntate, Gallos accolae Padi; ni eos, circumspectantes defectionis tempus, subito adventus consulis oppressisset. Et Hannibal movit ex Taurinis, incertos, quæ pars sequenda esset, Gallos præsentem se secuturos ratus. Jam propè in conspectu erant exercitus, convenerantque duces, sicuti inter se nondum satis noti, ita jam imbutus uterque quadam admiratione alterius. Nam Hannibalis & apud Romanos, jam ante Sagunti excidium, celeberrimum nomen erat: & Scipionem Hannibal eo ipso, quòd adversus se dux potissimum lectus esset, præstantem virum credebatur. & auxerant inter se opinionem, Scipio, quòd, relictus in Gallia, obvius fuerat in Italiam transgresso Hannibali; Hannibal, & conatu tam audaci trajiciendarum Alpium, & effectu. Occupavit tamen Scipio Padum trajicere, &, ad Ticinum amnem motis castris, prius, quàm educeret in aciem, adhortandorum militum causâ, talem orationem exorsus est:

XL. *Si cum exercitum, milites, educerem in aciem, quem*
in

in Gallia mecum habui, supersedissem loqui apud vos. quid enim adhortari referret aut eos equites, qui equitatum hostium ad Rhodanum flumen egregie vicissent, aut eas legiones, cum quibus fugientem hunc ipsum hostem secutus, confessionem cedentis ac detrectantis certamen pro victoria habui? Nunc, quia ille exercitus, Hispaniae provinciae scriptus, ibi cum fratre Cn. Scipione meis auspiciis rem gerit, ubi cum gerere senatus populusque Romanus voluit; ego, ut consulem ducem adversus Hannibalem ac Poenos haberetis, ipse me huc voluntario certamini obtuli; novo imperatori apud novos milites pauca verba facienda sunt. Ne genus belli, neve hostem ignoretis; cum iis est vobis, milites, pugnandum, quos terra marique priore bello vicistis: à quibus stipendium per viginti annos exegistis: à quibus capta belli præmia, Siciliam ac Sardiniam, habetis. Erit igitur in hoc certamine is vobis illisque animus, qui victoribus & victis esse solet. Nec nunc illi, quia audent, sed quia necesse est, pugnaturi sunt: nisi creditis, qui exercitu incolumi pugnam detrectavere, eos, duabus partibus peditum equitumque in transitu Alpium amissis, (quum plures penè perierint quàm supersunt) plus spei natos esse. At enim pauci quidem sunt, sed vigentes animis corporibusque, quorum robora ac vires vix sustinere vis ulla possit. Effigies, imò umbra hominum, fame, frigore, illuvie, squalore execti, contusi ac debilitati inter saxa rupeisque. ad hæc, præcisi artus, nive rigentes nervi, membra torrida gelu, quassata fractaque arma, claudi ac debiles equi. Cum hoc equite, cum hoc peditate pugnaturi estis: reliquias extremas hostium, non hostes, habebitis. Ac nihil magis vereor, quàm ne, vos quum pugnaveritis, Alpes vicisse Hannibalem videantur. Sed ita forsitan decuit, cum fœderum ruptore duce ac populo Deos ipsos, sine ulla humana ope, committere ac profligare bellum: nos, qui secundum Deos violati sumus, commissum ac prostigatum conficere.

XLI. Non vereor, ne quis me hoc vestri adhortandi causa magnificè loqui existimet; ipsum aliter animo affectum esse. Læcui in Hispaniam, provinciam meam, quò jam profectus

factus eram, cum exercitu ire meo : ubi & fratrem consilii
 participem ac periculi socium haberem, & Hasdrubalem pa-
 tius, quàm Hannibalem, hostem, & minorem haud dubie mo-
 lem belli : tamen, quum praterveberer navibus Gallia oram,
 ad famam hujus hostis in terram egressus, pramisso equitatu,
 ad Rhodanum movi castra. Equestri praelio, quâ parte copi-
 arum conferendi manum fortuna data est, hostem fudi : pedi-
 tum agmen, quod in modum fugientium raptim agebatur, quia
 assequi terrâ non poteram, regressus ad naves, quantâ maxi-
 mâ celeritate potui, tanto maris terrarumque circuitu, in ra-
 dicibus Alpium obvius fui. Huic timendo hosti utrùm, quum
 declinare certamen, improvisus incidisse videor, an occurre-
 re in vestigiis ejus ? laceßere ac trahere ad decernendum ?
 Experiri juvat, utrùm alios repente Karthaginienses per vi-
 ginti annos terra ediderit : an iidem sint, qui ad Ægates pu-
 gnauerunt insulas, & quos ab Eryce duodevicens denariis es-
 timatos emisistis. & utrùm Hannibal hic sit amulus itinerum
 Herculis, ut ipse fert, an vectigalis stipendiariusque & servus
 populi Romani à patre relictus : quem nisi Saguntinum scelus
 agitaret, respiceret profectò, si non patriam victam, domum
 certè patremque, & fœdera Hamilcaris scripta manu. qui,
 jassus à consule nostro, præsidium dedit ab Eryce : qui gra-
 ves impositas victis Karthaginensibus leges fremens mœrens-
 que accepit : qui decedere Siciliâ, qui stipendium populo Ro-
 mano dare pactus est. Itaque vos ego, milites, non eo solum
 animo, quo adversus alios hostes soletis, pugnare velim ; sed
 cum indignatione quadam atque ira ; velut si servos videatis
 vestros arma repente contra vos ferentes. Licuit ad Erycem
 clausos, ultima supplicio humanorum, fame interficere : licuit
 victicem classem in Africam trajicere, atque intra paucos dies
 sine ullo certamine Karthaginem delere. Veniam dedimus pre-
 cantibus : emisimus ex obsidione : pacem cum victis fecimus :
 tutelâ deinde nostrâ duximus, quum Africo bello urgerentur.
 Pro his impertitis, furiosum juvenem sequentes, oppugnatum
 patriam nostram veniunt. Atque utinam pro decore tantum
 hæc vobis, & non pro salute, esset certamen. non de possessio-
 ne

ut Sicilia ac Sardinia, de quibus quondam agebatur, sed pro Italia vobis est pugnandum: nec est alius ab tergo exercitus, qui, nisi nos vincimus, hosti obsistat; nec Alpes alia sunt, quas dum superant, comparari nova possint praesidia. hic est obstandum, milites, velut si ante Romana mœnia pugnemus. Unusquisque se non corpus suum, sed conjugem ac liberos parvos armis protegere putet: nec domesticas solum agitet curas, sed identidem hoc animo reputet, nostras nunc intueri manus senatum populumque Romanum. qualis nostra vis virtusque fuerit, talem deinde fortunam illius urbis ac Romani imperii fore.

XLII. Hæc apud Romanos consul. Hannibal, rebus prius, quam verbis, adhortandos milites ratus, circumdato ad spectaculum exercitu, captivos montanos victos in medio statuit; armisque Gallicis ante eorum pedes projectis, interrogare interpretem iussit, ecquis, si vinculis levaretur, armaque & equum victor acciperet, decertare ferro vellet? Quum ad unum omnes ferrum pugnamque poscerent, & dejecta in id fors esset, se quisque cum optabat, quem fortuna in id certamen legeret. Ut cuiusque fors exciderat, alacer, inter gratulantes gaudio exsultans, cum sui moris tripudiis arma raptim capiebat. ubi verò dimicarent, is habitus animorum non inter ejusdem modò conditionis homines erat, sed etiam inter spectantes vulgò, ut non vincentium magis, quam bene morientium, fortuna laudaretur.

XLIII. Dum sic aliquot spectatis paribus affectos dimisisset, concione inde advocatâ, ita apud eos locutus fertur: *Si, quem animam in aliena fortis exemplo paulo antè habuistis, eundem mox in æstimanda fortuna vestra habueritis, vicimus, milites. neque enim spectaculum modò illud, sed quædam velut imago vestra conditionis erat. Ac nescio, an majora vincula majoresque necessitates vobis, quam captivis vestris, fortuna circumdederit. Dextrâ levâque duo maria claudunt, nullam, ne ad effugium quidem, navem habentibus. circâ Padus amnis, major Padus ac violentior Rhodano;*

dano; ab tergo Alpes urgent, vix integris vobis ac vigentibus transite. Hic vincendum aut moriendum, milites, est, ubi primum hosti occurristis. & eadem fortuna, quæ necessitatem pugnandi imposuit, præmia vobis ea victoribus proponit, quibus ampliora homines ne ab Diis quidem immortalibus optare solent. Si Siciliam tantum ac Sardiniam, parentibus nostris ereptas, nostrâ virtute recuperaturi essemus, satis tamen ampla prætia essent. quicquid Romani tot triumphis partum congestumque possident, id omne vestrum cum ipsis dominis futurum est. In hanc tam opimam mercedem, agite, cum Diis bene iurantibus arma capite. Satis adhuc in vastis Lusitania Celtiberiæque montibus, pecora confectando, nullum emolumentum tot laborum periculorumque vestrorum vidistis: tempus est jam, opulenta vos ac ditia stipendia facere, & magna opera prætia mereri, tantam itineris per tot montes fluminaque & tot armatas gentes emensos. Hic vobis terminum laborum fortuna dedit: hic dignam mercedem emeritis stipendiis dabit. Nec, quàm magni nominis bellum est, tam difficilem existimâritis victoriam fore. sæpe & contemptus hostis cruentum certamen edidit, & incliti populi regesque perlevi momento victi sunt. Nam, dempto hoc uno fulgore nominis Romani, quid est, cur illi vobis comparandi sint? Ut viginti annorum militiam vestram cum illa virtute, cum illa fortuna taceam; ab Herculis columnis, ab Oceano terminisque ultimis terrarum, per tot ferocissimas Hispaniæ & Galliæ populos vincentes huc pervenistis: pugnabitis cum exercitu tirone, hæc ipsâ æstate caeso, victo, circumseffo à Gallis, ignoto adhuc duci suo, ignorantique ducem. An me, in prætorio patris, clarissimi imperatoris, propè natum, certè eductum, domitorem Hispaniæ Galliæque, victorem eundem non Alpinarum modò gentium, sed ipsarum, quod multo magis est, Alpinum, cum semestri hoc conferam duce, desertore exercitus sui? Cui si quis, demptis signis, Pænos Romanosque hodie ostendat, ignoraturum certam habeo, utrius exercitus sit consul. Non ego illud parvi æstimo, milites, quod nema vestrum est, cuius non ante oculos ipse sæpe militare aliquod ediderim facinus;

cui

etiam non idem ego, virtutis spectator ac testis, notata temporibus locisque referre sua possim decora. Cum laudatis à me millies donatisque, alumnus prius omnium vestrum, quam imperator, procedam acie adversus ignotos inter se ignorantesque.

XLIV. Quocunque circumtuli oculos, plena omnia video animorum ac roboris; veteranum peditem, generosissimarum gentium equites frenatos & infrenatos, vos socios fidelissimos fortissimosque, vos Karthaginenses, quum ob patriam, tum ob iram justissimam, pugnatos. Inferimus bellum, infestisque signis descendimus in Italiam, tanto audacius fortiusque pugnaturi, quanto major spes, major est animus inferentis vim, quam arcentis. Accendit præterea animos & stimulat dolor, injuria, indignitas. ad supplicium depoposcerunt me ducem primum, deinde vos omnes, qui Saguntum oppugnassetis: deditos ultimis cruciatibus affecturi fuerunt. Crudelissima ac superbissima gens sua omnia sui que arbitrii facit. cum quibus bellum, cum quibus pacem habeamus, se modum imponere æquam censet: circumscribit includitque nos terminis montium fluminumque, quos ne excedamus: neque eos, quos statuit, terminos observat. Ne transieris Iberum: ne quid rei tibi sit cum Saguntinis. Ad Iberum est Saguntum: nusquam te vestigio moveris. Parum est, quod veterrimas provincias meas Siciliam & Sardiniam adimis. etiam Hispanias? & inde cesserò, in Africam transcendes. Transcendes autem, dico? duos consules hujus anni, unum in Africam, alterum in Hispaniam miserunt. nihil usquam nobis relictum est, nisi quod armis vindicemus. Illis timidis & ignavis licet esse, qui respectum habent, quos suus ager, sua terra, per tuta ac pacata itinera fugientes, accipient: vobis necesse est fortibus viris esse, & omnibus inter victoriam mortemve certâ desperatione abruptis, aut vincere, aut, si fortuna dubitabit, in prælio potius, quam in fuga, mortem oppetere. Si hoc bene fixum omnibus destinatumque in animo est, iterum dicam, vicistis: nullum momentum ad vincendam homini ab Diis immortalibus acrius datum est.

XLV. His

XLV. His adhortationibus quum utrinque ad certamen accensum militum animi essent, Romani ponte Ticinum jungunt, tutandique pontis causâ castellum insuper imponunt. Pœnus, opere occupatis hostibus, Maharbalem cum ala Numidarum, equitibus quingentis, ad depopulandos sociorum populi Romani agros mittit. Gallis parci quàm maximè jubet, principumque animos sollicitari ad defectionem. Ponte perfecto, traductus Romanus exercitus in agrum Insubrium, quinque millia passuum à Victumviis confedit. Ibi Hannibal castra habebat: revocatoque properè Maharbale atque equitibus, quum instare certamen cerneret, nihil unquam satis dictum præmonitumque ad cohortandos milites ratus, vocatis ad concionem certa præmia pronunciat, in quorum spem pugnarent. *Agrum sese daturum esse in Italia, Africa, Hispania, ubi quisque velit, immunem ipsi, qui accepisset, liberisque; qui pecuniam, quàm agrum, maluisset, ei se argento satisfacturum: qui sociorum cives Karthaginenses fieri vellent, potestatem facturum: qui domos redire mallerent, daturum se operam, ne cujus suorum popularium mutatam secum fortunam esse vellent.* Servis quoque dominos persecutis libertatem proponit, binaque pro his mancipia dominis se redditurum. Eaque ut rata scirent fore, agnum lævâ manu, dextrâ silicem retinens, si falleret, Jovem ceterosque precatus Deos, ita se mactarent, quemadmodum ipse agnum mactasset, secundum precationem caput pecudis saxo elisit. Tum verò omnes, velut Diis auctoribus in spem suam quisque acceptis, id moræ, quod nondum pugnarent, ad potienda sperata rati, prælium uno animo & voce unâ poscunt.

XLVI. Apud Romanos haudquaquam tanta alacritas erat, super cetera recentibus etiam territos prodigiis. nam & lupus intraverat castra, laniatisque obviis, ipse intactus evaserat; & examen apum in arbore prætorio imminente confederat. Quibus procuratis, Scipio, cum equitatu jaculatoribusque expeditis profectus
ad

ad castra hostium, exque propinquo copias, quantæ, & cujus generis essent, specularandas, obvius fit Hannibali, & ipsi cum equitibus ad exploranda circa loca progresso. neutri alteros primò cernebant: densior deinde incessu tot hominum equorumque oriens pulvis signum propinquantium hostium fuit. Constitit utrumque agmen, & prælio sese expediebant. Scipio jaculatores & Gallos equites in fronte locat; Romanos, sociorumque quod roboris fuit, in subsidiis. Hannibal frenatos equites in medium accipit, cornua Numidis firmat. Vixdum clamore sublato, jaculatores fugerunt inter subsidia ad secundam aciem. inde equitum certamen erat aliquamdiu anceps. dein, quia turbabant equos pedites intermixti, multis labentibus ex equis, aut desilientibus, ubi suos premi circumventos vidissent, jam magna ex parte ad pedes pugna ierat: donec Numidæ, qui in cornibus erant, circumvesti paululum, ab tergo se ostenderunt. Is pavor perculit Romanos, auxitque pavorem consulis vulnus, periculumque intercurso tum primum pubescentis filii propulsatum. Hic erit juvenis, penes quem perfecti hujusce belli laus est, Africanus ob egregiam victoriam de Hannibale Poenisque appellatus. Fuga tamen effusa jaculatorum maximè fuit, quos primos Numidæ invaserunt. Alius confertus equitatus consulem in medium acceptum, non armis modò, sed etiam corporibus suis, protegens, in castra, nusquam trepidè neque effusè cedendo, reduxit. Servati consulis decus Cælius ad servum natione Ligurem delegat. malim equidem de filio verum esse, quod & plures tradidere auctores, & fama obtinuit.

XLVII. Hoc primum cum Hannibale prælium fuit; quo facile apparuit, & equitatu meliorem Poenum esse, & ob id campos patentes, quales sunt inter Padum Alpesque, bello gerendo Romanis aptos non esse. Itaque proximâ nocte, jussis militibus vasa silentio colligere,

castra ab Ticino mota, festinatumque ad Padum est; ut ratibus, quibus junxerat flumen, nondum resolutis, sine tumultu atque insectatione hostis, copias trajiceret. Prius Placentiam pervenere, quam satis sciret Hannibal ab Ticino profectos: tamen ad sexcentos moratorum in citeriore ripa, segniter ratem solventes, cepit. transire non potuit pontem, ut extrema resoluta erant, totâ rate in secundam aquam labente. Cornelius auctor est, Magonem cum equitatu & Hispanis peditibus flumen extemplo transnâsse; ipsum Hannibalem per superiora Padi vada exercitum traduxisse, elephantis in ordinem ad sustinendum impetum fluminis oppositis. Ea peritis annis ejus vix fidem fecerint. nam neque equites, armis equisque salvis, tantam vim fluminis superâsse verisimile est, ut jam Hispanos omnes inflati transvexerint utres. & multorum dierum circuitu Padi vada petenda fuerant, quâ exercitus gravis impedimentis traduci posset. Potiores apud me auctores sunt, qui biduo vix locum rate jungendo flumini inventum tradunt; eâ cum Magone equites Hispanorum expeditos præmissos. dum Hannibal, circa flumen legationibus Gallorum audiendis moratus, trajicit gravius peditum agmen, interim Mago equitesque ab transitu fluminis diei unius itinere Placentiam ad hostes contendunt. Hannibal paucis post diebus sex millia à Placentia castra communivit, & postero die, in conspectu hostium acie directâ, potestatem pugnae fecit.

XLVIII. Insequenti nocte cædes in castris Romanis, tumultu tamen quàm re major, ab auxiliaribus Gallis facta est. ad duo millia peditum & ducenti equites, vigilibus ad portas trucidatis, ad Hannibalem transfugiunt: quos Pænus benignè allocutus, & spe ingentium donorum accensos, in civitates quæque suas, ad sollicitandos popularium animos dimisit. Scipio, eadem eam signum defectionis omnium Gallorum esse

esse ratus, contactosque eo scelere, velut injectâ rabie, ad arma ituros; quanquam gravis adhuc vulnere erat, tamen quartâ vigiliâ noctis insequentis tacito agmine profectus ad Trebiam fluvium, in loca altiora collectusque impeditiores equiti castra movet. Minus, quam ad Ticinum, fefellit: missisque Hannibal primùm Numidis, deinde omni equitatu, turbâisset utique novissimum agmen, nî aviditate prædæ in vacua Romana castra Numidæ devertissent. Ibi dum, perscrutantes loca omnia castrorum, nullo satis digno moræ pretio tempus terunt, emissus hostis de manibus est: & quum jam transgressos Trebiam Romanos, metantesque castra conspexissent, paucos moratorum occiderunt, citra flumen interceptos. Scipio, nec vexationem vulneris in via jactanti ultrâ patiens, & collegam (jam enim & revocatum ex Sicilia audierat) ratus expectandum, locum, qui prope flumen tutissimus stativis est visus, delectum communiit. Nec procul inde Hannibal quum confedisset, quantum victoriâ equestri elatus, tantum anxius inopiâ, quæ per hostium agros euntem, nusquam præparatis com meatibus, major in dies excipiebat, ad Clastidium vicum, quò magnum frumenti numerum congefserant Romani, mittit. ibi quum vim pararent, spes facta prodicionis: nec sanè magno pretio, nummis aureis quadringentis, Dasio Brundusino præfecto præsidii corrupto, traditur Hannibali Clastidium. id horreum fuit Pœnis sedentibus ad Trebiam. In captivos ex tradito præsidio, ut fama clementiæ in principio rerum colligeretur, nihil sæviturum est.

XLIX. Quum ad Trebiam terrestre constirisset bellum, interim circa Siciliam insulasque Italiæ imminentes, & à Sempronio consule, & ante adventum ejus, terrâ marique res gestæ. viginti quinqueremes cum mille armatis ad depopulandam oram Italiæ à Karthaginensibus missæ, novem Liparas, octo insulam Vulcani tenuerunt, tres in fretum avertit æstus. Ad eas

conspēctas à Messana duodecim naves ab Hieronē re-
ge Syracusanorum missæ, qui tum fortē Messanæ erat,
consulem Romanum opperiens, nullo repugnante ca-
ptas naves Messanam in portum deduxerunt. Cogni-
tum ex captivis, præter viginti naves, cujus ipsi clas-
sis essent, in Italiam missas, quinque & triginta alias
quinq̄ueremes Siciliam petere ad sollicitandos veteres
socios. Lilybæi occupandi præcipuam curam esse;
credere eadem tempestate, quā ipsi disiecti forent, eam
quoque classem ad Ægates insulas dejectam. Hæc sic-
ut audita erant, rex M. Æmilio prætori, cujus Sicilia
erat provincia, perscribit, monetque, Lilybæum fir-
mo teneret præsidio. Extemplo & circa prætorem ad
civitates missi legati tribunique, qui suos ad curam cu-
stodiæ intenderent; ante omnia Lilybæum teneri: ad
apparatum belli, edicto proposito, ut focii navales de-
cem dierum cocta cibaria ad naves deferrent; ubi si-
gnum datum esset, ne quis moram conscendendi face-
ret: perque omnem oram qui erant, ex speculis pro-
spicerent adventantem hostium classem. Simul itaque
(quanquam de industria morati cursum navium erant
Karthaginienses, ut ante lucem accederent Lilybæum)
præsumum tamen est, quia & luna pernox erat, & sub-
latis armamentis veniebant; extemplo datum ē specu-
lis signum, & in oppido ad arma conclamatum est, &
in naves conscensum: pars militum in muris porta-
rumque stationibus, pars in navibus erant. Et Kar-
thaginienses, quia rem fore haud cum imparatis cer-
nebant, usque ad lucem portu se abstinerunt, demen-
dis armamentis eo tempore aptandæque ad pugnam
classe absumpto. Ubi illuxit, recepere classem in al-
tum, ut spatium pugnae esset, exitumque liberum ē
portu naves hostium haberent. Nec Romani detrecta-
vere pugnam, & memoriā circa ea ipsa loca gestarum
rerum freti, & militum multitudine ac virtute.

L. Ubi in altum eVecti sunt, Romanus conferere pu-
gnam

gnam, & ex propinquo vires conferre velle: contra eludere Pœnus, & arte, non vi, rem gerere, naviumque, quàm virorum aut armorum, malle certamen facere. nam ut sociis navalibus affatim instructam classem, ita inopem milite habebant: &, sicubi conferta navis esset, haudquaquam par numerus armatorum ex ea pugnabat. Quod ubi animadversum est, & Romanis multitudo sua auxit animum, & paucitas illis minuit. Extemplo septem naves Punicæ circumventæ; fugam ceteræ ceperunt. Mille & septingenti fuere in navibus capti, milites nautæque; in his tres nobiles Karthaginensium. Classis Romana incolumis, unâ tantum perforatâ navi, sed eâ quoque ipsâ reduce, in portum rediit. Secundum hanc pugnam, nondum gnaris ejus, qui Messanæ erant, Ti. Sempronius consul Messanam venit. Ei fretum intranti rex Hiero classem ornatam obviam duxit: transgressusque ex regia in prætoriam navem, gratulatus sospitem cum exercitu & navibus advenisse, precatusque prosperum ac felicem in Siciliam transitum; statum deinde insulæ & Karthaginensium conata exposuit: pollicitusque est, quo animo priore bello populum Romanum juvenis adjuvisset, eo senem adjuturum. Frumentum vestimentaquesese legionibus consulis sociisque navalibus gratis præbiturum, grande periculum Lilybæo maritimisque civitatibus esse, & quibusdam volentibus novas res fore. Ob hæc consuli nihil cunctandum visum, quin Lilybæum classe peteret: & rex regiaque classis unâ profecti. navigantes inde, pugnatum ad Lilybæum, fusasque & captas hostium naves, acceperunt.

LI. A Lilybæo consul, Hierone cum classe regia dimisso, relictoque prætore ad tuendam Siciliæ oram, ipse in insulam Melitam, quæ à Karthaginensibus tenebatur, trajecit. Advenienti Hamilcar, Gisgonis filius, præfectus præsidii, cum paulo minus duobus millibus militum, oppidumque cum insula traditur: inde

post paucos dies reditum Lilybæum, captivique & à consule & à prætore, præter insignes nobilitate viros, sub corona venierunt. Postquam ab ea parte satis tutam Siciliam censebat consul, ad insulas Vulcani (quia fama erat, stare ibi Punicam classem) trajecit. nec quisquam hostium circa eas insulas inventus. Jam fortè transmiserant ad vastandam Italiæ oram: depopulatoque Vibonensi agro, urbem etiam terrebant. Repentè Siciliam consuli exscensio hostium in agrum Vibonensem facta nunciatur: literæque ab senatu de transitu in Italiam Hannibalis, &, ut primo quoque tempore collegæ ferret auxilium, missæ traduntur. Multis simul anxius curis, exercitum, extemplo in naves impositum, Ariminum supero mari misit: Sex. Pomponio legato cum viginti quinque longis navibus Vibonensem agrum maritimamque oram Italiæ tuendam attribuit: M. Æmilio prætori quinquaginta navium classem explevit: ipse, compositis Siciliæ rebus, decem navibus oram Italiæ legens, Ariminum pervenit: inde cum exercitu suo profectus ad Trebiam flumen, collegæ conjungitur.

LII. Jam ambo consules, & quicquid Romanarum virium erat, Hannibali oppositum, aut illis copiis defendi posse Romanum imperium, aut spem nullam aliam esse, satis declarabat. Tamen consul alter, equestri prælio uno & vulnere suo minutus, trahi rem maledabat: recentis animi alter, eoque ferocior, nullam dilationem patiebatur. Quod inter Trebiam Padumque agri est, Galli tum incolebant; in duorum præpotentium populorum certamine, per ambiguum favorem, hæud dubiè gratiam victoris spectantes. Id Romani, ne quid modò moverent, æquo satis, Pœnus periniquo animo ferebat, ab Gallis accitum se venisse ad liberandos eos, dictitans. Ob eam iram, simul ut prædâ militem aleret, duo millia peditum & mille equites, Numidas plerosque, mixtos quosdam & Gallos, populari omnem

omnem deinceps agrum usque ad Padi ripas iussit. Egentes ope Galli, quum ad id dubios servassent animos, coacti ab auctoribus injuriæ ad vindices futuros declinant: legatisque ad consulem missis, auxilium Romanorum terræ, ob nimiam cultorum fidem in Romanos laboranti, orant. Cornelio nec causa, nec tempus agendæ rei placebat: suspectaque ei gens erat, quum ob infida multa facinora, tum, ut alia vetustate obsolevisent, ob recentem Bojorum perfidiam. Sempronius contrà, continendis in fide sociis maximum vinculum esse primos, qui eguissent ope, defensos, censebat. Tum, collegâ cunctante, equitatum suum, mille peditum jaculatoribus ferme admixtis, ad defendendum Gallicum agrum trans Trebiam mittit. Ii, sparsos & inkompositos, ad hoc graves prædâ plerosque, quum inopinatos invasisent, ingentem terrorem cædemque ac fugam usque ad castra stationesque hostium fecere: unde multitudine effusâ pulsi, rursus subsidio fuorum prælium restituere. Variâ inde pugnâ sequentes, quanquam ad extremum æquassent certamen, major tamen hostium Romanis fama victoriæ fuit.

LIII. Ceterum nemini omnium major justiorque, quàm ipsi consuli, videri. gaudio efferri, quâ parte copiarum alter consul victus foret, eâ se vicisse. restitutos ac refectos militibus animos, nec quemquam esse, præter collegam, qui dilatam dimicationem vellet: cum, animo magis, quàm corpore, agrum, memoriâ vulneris aciem ac tela horrere. Sed non esse cum agro senescendum. Quid enim ultra differri aut teri tempus? Quem tertium consulem, quem alium exercitum expectari? Castra Karthaginensium in Italia, ac propè in conspectu urbis esse. non Siciliam ac Sardiniam victis ademptas, nec cis Iberum Hispaniam peti, sed sola patrio terrâque, in qua geniti forent, pelli Romanos. Quantum ingemiscant, inquit, patres nostri, circa mœnia Karthaginis bellare soliti, si videant nos, progeniem suam, duos consules consularesque exercitus, in media Italia paventes intra ca-

fra? Pœnum, quod inter Alpes Apenninumque agri sit, sua ditionis fecisse? Hæc assidens ægro collegæ, hæc in prætorio propè concionabundus agere. Stimulabat & tempus propinquum comitiorum, ne in novos consules bellum differretur, & occasio in se unum vertendæ gloriæ, dum æger collega erat. Itaque, nequicquam dissentiente Cornelio, parari ad propinquum certamen milites jubet. Hannibal, quum, quid optimum foret hosti, cerneret, vix ullam spem habebat, temere atque improvidè quicquam consules acturos. quum alterius ingenium, famâ prius, deinde re cognitum, periculum ac ferox sciret esse, ferociusque factum prospere cum prædatoribus suis certamine crederet; adesse gerendæ rei fortunam haud diffidebat. cuius ne quod prætermitteret tempus, sollicitus intentusque erat, dum tiro hostium esset miles, dum meliorem ex ducibus inutilem vulnus faceret, dum Gallorum animi vigerent: quorum ingentem multitudinem sciebat segnius secuturam, quanto longius ab domo traherentur. Quum ob hæc taliaque speraret propinquum certamen, & facere, si cessaretur, cuperet; speculatoresque Galli, ad ea explorandâ, quæ vellet, tutiores, quia in utrisque castris militabant, paratos pugnæ esse Romanos retulissent; locum insidiis circumspectare Pœnus cœpit.

LIV. Erat in medio rivus, præaltis utrinque clausus ripis, & circa oblitus palustribus herbis &, quibus inculta ferme vestiuntur, virgultis vepribusque. quem ubi ad equites quoque tegendos satis latebrosum locum circumvectus, ipse oculis perlustravit: *Hic erit locus, Magoni fratri ait, quem teneas. Delige centenos viros ex omni pedite atque equite; cum quibus ad me vigiliâ primâ venias. Nunc corpora curare tempus est. Ita prætorium missum. mox cum delectis Mago aderat. Robora virorum cerno, inquit Hannibal. sed, ut & numero etiam, non animis modò, valeatis, singulis vobis novenos ex turmis manipulisque vestri similes eligitte: Mago locum monstrabit, quem*
inside-

infideatis. Hostem cecum ad has belli artes habebitis. Ita mille equitibus Magoni, mille peditibus dimissis, Hannibal primâ luce Numidas equites, transgressos Trebiâ flumen, obequitare jubet hostium portis, jaculandoque in stationes elicere ad pugnam hostem: injecto deinde certamine, cedendo sensim citra flumen pertrahere. Hæc mandata Numidis. ceteris ducibus peditum equitumque præceptum, ut prandere omnes juberent: armatos deinde, instratisque equis, signum expectare. Sempronius, ad tumultum Numidarum primum omnem equitatum, ferox ea parte virium, deinde sex millia peditum, postremo omnes copias ad destinatum jam antè consilio, avidus certaminis, eduxit. Erat fortè brumæ tempus & nivalis dies in locis Alpibus Apenninoque interjectis, propinquitate etiam fluminum ac paludium prægelidis. ad hoc raptim eductis hominibus atque equis, non capto antè cibo, non ope ullâ ad arcendum frigus adhibitâ, nihil caloris inerat: & quicquid auræ fluminis appropinquabant, afflabat acrior frigoris vis. Ut verò refugientes Numidas insequentes aquam ingressi sunt, (& erat pectoribus tenuis austa nocturno imbri) tum utique egressis rigere omnibus corpora, ut vix armorum tenendorum potentia essent, & simul lassitudine procedente jam die, fame etiam deficere.

LV. Hannibalis interim miles, ignibus antè tentoria factis, oleoque per manipulos, ut molirent artus, misso, & cibo per otium capto, ubi transgressos flumen hostes nunciatum est, alacer animis corporibusque arma capit, atque in aciem procedit. Baliares locat ante signa, levem armaturam, octo ferme millia hominum; dein graviores armis peditem, quod virium, quod roboris erat: in cornibus circumfudit decem millia equitum; & ab cornibus in utramque partem divisos elephantos statuit. Consul effusos sequentes equites, quam ab resistentibus subito Numidis incautis

exciperentur, signo receptui dato, revocatos circumdedit peditibus. Duodeviginti millia Romani erant, socium nominis Latini viginti; auxilia præterea Cenomanorum. ea sola in fide manserat Gallica gens, his copiis concursam est. Prælium à Baliaribus ortum est; quibus quum majore robore legiones obsisterent, deductæ propere in cornua leves armaturæ sunt. quæ res effecit, ut equitatus Romanus extemplo urgeretur: nam quum vix jam per se resisterent decem millibus equitum quatuor millia, & fessi plerisque integris, obruti sunt insuper velut nube jaculorum à Baliaribus conjectâ. ad hoc elephanti, eminentes ab extremis cornibus, (equis maximè non visu modò, sed odore insolito territis) fugam latè faciebant. Pedestris pugna par animis magis, quàm viribus, erat; quas recentes Poenus, paulo antè curatis corporibus, in prælium attulerat: contrà, jejuna fessaque corpora Romanis & rigentia gelu torpebant. restitissent tamen animis, si cum peditum solùm foret pugnatum. Sed & Baliares, pulso equite, jaculabantur in latera, & elephanti jam in mediam peditum aciem sese tulerant: & Mago Numidæque, simul latebras eorum improvida præterlata acies est, exorti ab tergo ingentem tumultum ac terrorem fecere. Tamen in tot circumstantibus malis mansit aliquamdiu immota acies, maximè præter spem omnium adversus elephantos. eos velites, ad id ipsum locati, verutis conjectis & avertère, & insecuti averfos sub caudis, quâ maximè molli cute vulnera accipiunt, fodiebant.

LVI. Trepidantesque propè jam in suos consternatos mediâ acie in extremam, ad sinistram cornu, adversus Gallos auxiliares agi jussit Hannibal. Extemplo haud dubiam fecere fugam. additus quoque novus terror Romanis, ut fusa auxilia sua viderant. Itaque, quum jam in orbem pugnarent, decem millia ferme hominum, quum alii evadere nequissent, mediâ Afro-
rum

rum acie, quæ Gallicis auxiliis firmata erat, cum ingenti cæde hostium perrupere. &, quum neque in castra reditus esset flumine interclusis, neque præ imbri satis decernere possent, quâ suis opem ferrent, Placentiam recto itinere perrexere. Plures deinde in omnes partes eruptiones factæ: &, qui flumen petiere, aut gurgitibus absumpti sunt, aut inter cunctationem ingrediendi ab hostibus oppressi. qui passim per agros fugâ sparsi erant, vestigia cedentis sequentes agminis, Placentiam contendere: aliis timor hostium audaciam ingrediendi flumen fecit, transgressique in castra pervenerunt. Imber nive mixtus, & intoleranda vis frigoris, & homines multos, & jumenta, & elephantos præpè omnes, absumpsit. Finis insequendi hostis Pœnis flumen Trebia fuit: & ita torpentes gelu in castra rediere, ut vix lætitiâ victoriæ sentirent. Itaque nocte insequenti, quum præsidium castrorum, & quod reliquum ex magna parte militum erat, ratibus Trebiam trajicerent, aut nihil sentire, obstrepente pluvîâ; aut, quia jam moveri præ lassitudine nequibant ac vulneribus, sentire sese dissimularunt: quietisque Pœnis, tacito agmine ab Scipione consule exercitus Placentiam est perductus: inde Pado trajectus Cremonam, ne duorum exercituum hibernis una colonia premeretur.

LVII. Romam tantus terror ex hac clade perlatus est, ut jam ad urbem crederent infestis signis hostem venturum; nec quicquam spei aut auxilii esse, quo portis mœnibusque vim arcerent. *Uno consule ad Ticinum victo, altero ex Sicilia revocato, duobus consulibus, duobus consularibus exercitibus victis, quos alios duces, quas alias legiones esse, quæ arcessantur?* Ita territis Sempronius consul advenit, ingenti periculo per effusos passim ad prædandum hostium equites (audaciâ magis, quàm consilio aut spe fallendi, resistendive si non falleret) transgressus. Id quod unum maximè in præsentia desiderabatur, comitiis consularibus habitis, in hiberna red-

ilt. Creati consules Cn. Servilius, & C. Flaminius. Ceterum ne hiberna quidem Romanis quiescentia erant, vagantibus passim Numidis equitibus, &, quâ his impeditiora erant, Celtiberis, Lusitanisque. Omnes igitur clausi undique commeatus erant, nisi quos Pado naves subveherent. Emporium prope Placentiam fuit, & opere magno munitum, & valido firmatum praesidio. ejus castelli oppugnandi spe cum equitibus ac levi armatura profectus Hannibal, quum plurimum in celando incepto ad effectum spei habuisset, nocte adortus, non sefellit vigiles. Tanta repente clamor est sublatûs, ut Placentiae quoque audiretur. Itaque sub lucem cum equitatu consul aderat, jussis quadrato agmine legionibus sequi. Equestre praelium interim commissum: in quo, quia sauciùs Hannibal pugna excessit, pavore hostibus injecto, defensum egregiè praesidium est. Paucorum inde dierum quiete sumptâ, & vixdum satis percurato vulnere, ad Victumvias ire pergit oppugnandas. Id emporium à Romanis Gallico bello fuerat munitum. inde locum frequentaverant accolae mixti undique ex finitimis populis; & tum terror populationum eò plerosque ex agris compulerat. Hujus generis multitudo, famâ impigre defensi ad Placentiam praesidii accensa, armis arreptis obviam Hannibali procedit. Magis agmina, quàm acies, in via concurrunt; &, quum ex altera parte nihil, praeter inconditam turbam, esset, in altera & dux militi, & duci fidens miles, ad triginta quinque millia hominum à paucis fusa. Postero die, deditione factâ, praesidium intra moenia accepere: jussique arma tradere quum dicta paruisent, signum repente victoribus datur, ut tanquam vi captam urbem diriperent. neque ulla, quae in tali rememorabilis scribentibus videri solet, praetermissa clades est: adeo omnis libidinis, crudelitatisque, & inhumanae superbiae editum in miseros est exemplum. Haec fuere hibernae expeditiones Hannibalis.

LVIII. Haud

LVIII. Haud longis inde temporibus, dum intolera-
rabilia frigora erant, quies militi data est: & ad pri-
ma ac dubia signa veris profectus ex hibernis, in Etru-
riam ducit, eam quoque gentem, sicut Gallos Ligures-
que, aut vi aut voluntate adjuncturus. Transcuntem
Apenninum adeò atrox adorta tempestas est, ut Alpi-
um sceditatem propè superaverit. Vento mixtus im-
ber quum ferretur in ipsa ora, primò, quia aut arma
omittenda erant, aut contrà enitentes vertice intortì
affligebantur, constitere: dein, quum jam spiritum
includeret, nec reciprocare animam sineret, aversi à
vento parumper confedere. Tum verò ingenti sono
cælum strepere, & inter horrendos fragores micare i-
gnes. capti auribus & oculis metu omnes torpere.
Tandem, effuso imbre, quum eo magis accensa vis
venti esset, ipso illo, quo deprehensi erant, loco castra
ponere necessarium visum est. Id verò laboris velut
de integro initium fuit. nam nec explicare quicquam,
nec statuere poterant: nec, quod statutum esset, ma-
nebat, omnia percindente vento & rapiente. & mox
aqua levata vento, quum super gelida montium juga
concreta esset, tantum nivosa grandinis dejecit, ut, o-
mnibus omisiss, procumberent homines, tegminibus
suis magis obruti, quàm tecti. tantaque vis frigoris in-
fecuta est, ut, ex illa miserabili hominum jumentorum-
que strage quum se quisque attollere ac levare vellet,
diu nequiret, quia, torpentibus rigore nervis, vix fle-
tere artus poterant. deinde, ut tandem agitando sese
movere ac recepere animos, & raris locis ignis fieri
est coeptus, ad alienam opem quisque inops tendere.
Biduum eo loco, velut obsessi, mansere, multi homi-
nes, multa jumenta, elephanti quoque ex his, qui pro-
mo ad Trebiam facto superfuerant, septem absumpti.

LIX. Degressus Apennino retro ad Placentiam ca-
stra movit, & ad decem millia progressus confedit.
postero die duodecim millia peditum, quinque equi-
tium

tum adversus hostem ducit. Nec Sempronius consul (jam enim redierat ab Roma) detrectavit certamen: atque eo die tria millia passuum inter bina castra fuere. Postero die ingentibus animis, vario eventu, pugnatum est. primo concursu adeo res Romana superior fuit, ut non acie vincerent solum, sed pulsos hostes in castra persequerentur; mox castra quoque oppugnarent. Hannibal, paucis propugnatoribus in vallo portisque positus, ceteros confertos in media castra recepit, intentosque signum ad erumpendum spectare jubet. Jam nona ferme diei hora erat, quum Romanus, nequicquam fatigato milite, postquam nulla spes erat potiundi castris, signum receptui dedit. Quod ubi Hannibal accepit, laxatamque pugnam & recessum à castris vidit, exemplo equitibus dextrâ levâque emissis in hostem, ipse cum peditum robore mediis castris erupit. pugna raro ulla magis sæva, & cum utriusque partis perniciæ clarior fuisset, si extendi eam dies in longum spatium sivillet. Nox accensum ingentibus animis prælium diremit. itaque acrior concursus fuit, quàm cædes; & sicut æquata ferme pugna erat, ita clade pari discessum est. ab neutra parte sexcentis plus peditibus, & dimidium ejus equitum cecidit. Sed major Romanis, quàm pro numero, jactura fuit: quia equestris ordinis aliquot, & tribuni militum quinque, & præfecti sociorum tres, sunt interfecti. Secundum eam pugnam Hannibal in Ligures, Sempronius Lucam concessit. Venienti in Ligures Hannibali per insidias intercepti duo quæstores Romani, C. Fulvius & L. Lucretius, cum duobus tribunis militum, & quinque equestris ordinis senatorum ferme liberis, quo magis ratam fore cum his pacem societatemque crederet, traduntur.

LX. Dum hæc in Italia geruntur, Cn. Cornelius Scipio, in Hispaniam cum classe & exercitu missus, quum, ab ostio Rhodani profectus, Pyrenæosque montes circumvectus, Emporius appulisset classem, exposito ibi exerci-

exercitu, orsus à Lacetanis, omnem oram usque ad Iberum flumen, partim renovandis societatibus, partim novis instituendis, Romanæ ditionis fecit. Inde conciliatâ clementiæ famâ, non ad maritimos modò populos, sed, in mediterraneis quoque ac montanis, ad ferociiores jam gentes valuit: nec pax modò apud eos, sed societas etiam armorum, parata est: validæque aliquot auxiliorum cohortes ex iis conscriptæ sunt. Hannonis cis Iberum provincia erat: cum reliquerat Hannibal ad regionis ejus præsidium. itaque prius, quàm alienarentur omnia, obviam eundum ratus, castris in conspectu hostium positis, in aciem eduxit. nec Romano differendum certamen visum: quippe qui sciret, cum Hannone & Hasdrubale sibi dimicandum esse; malletque adversus singulos separatim, quàm adversus duos simul, rem gerere. Nec magni certaminis ea dimicatio fuit. Sex millia hostium cæsa, duo capta cum præsidio castrorum. nam & castra expugnata sunt, atque ipse dux cum aliquot principibus capiuntur: & Scissis, propinquum castris oppidum, expugnatur. Ceterum præda oppidi parvi pretii rerum fuit; supellex barbarica, ac vilium mancipiorum. castra militem ditavere, non ejus modò exercitûs, qui victus erat, sed & ejus, qui cum Hannibale in Italia militabat, omnibus ferè caris rebus (ne gravia impedimenta ferentibus essent) citra Pyrenæum relictis.

LXI. Priusquam certa hujus cladis fama accideret, transgressus Iberum Hasdrubal cum octo millibus pedum, mille equitum, tanquam ad primum adventum Romanorum occursurus, postquam perditas res ad Scissim amissaque castra accepit, iter ad mare convertit. Haud procul Tarracone classici milites navalesque socios, vagos palantesque per agros (quod ferme sit, ut secundæ res negligentiam creent) equite passim dimisso, cum magna cæde, majore fuga ad naves compellit. nec diutius circa ea loca morari ausus, ne à Scipione opprimeretur, trans Iberum sese recepit. Et Scipio, raptim
ad

ad famam novorum hostium agmine actō, quum in paucos præfectos navium animadvertisset, præsidio Tarracone modico relicto, Emporias cum classe rediit. Vixdum digresso eo, Hasdrubal aderat : & Ilergetum populo, qui obsides Scipioni dederat, ad defectionem impulsō, cum eorum ipsorum juventute agros fidelium Romanis sociorum vastat. Excito deinde Scipione hibernis, toto cis Iberum rursus cedit agro. Scipio, relictam ab auctore defectionis Ilergetum gentem quum infesto exercitu invasisset, compulsis omnibus Athanagiam, urbem (quæ caput ejus populi erat) circumfedit : intraque dies paucos, pluribus quàm antè obsidibus imperatis, Ilergetes, pecuniâ etiam multatos, in jus ditionemque recepit. Inde in Ausetanos prope Iberum, socios & ipsos Pœnorum, procedit : atque, urbe eorum obsessa, Lacetanos auxilium finitimis ferentes nocte, haud procul jam urbe, quum intrare vellent, excepit insidiis. Cæsa ad duodecim millia : exuti penè omnes armis, domos passim palantes per agros diffugere ; nec obsessos alia ulla res, quàm iniqua oppugnantibus hiems, tutabatur. triginta dies obsidio fuit : per quos rarò unquam nix minùs quatuor pedes alta jacuit : adeoque pluteos ac vineas Romanorum operuerat, ut ea sola, ignibus aliquoties coniectis ab hoste, etiam tutamentum fuerit. Postremò quum Amulitus princeps eorum ad Hasdrubalem profugisset, viginti argenti talentis pacti deduntur. Tarraconem in hiberna reditum est.

LXII. Romæ aut circa urbem multa eâ hieme prodigia facta : aut (quod evenire solet, motis semel in religionem animis) multa nunciata, & temere credita sunt : in quibus ingenuum infantem semestrem in foro olitorio triumphum clamasse : & foro boario bovem in tertiam contignationem suâ sponte escendisse, atque inde tumultu habitatorum territum sese dejecisse : & navium speciem de cœlo affulxisse, & ædem Spei, quæ est in foro olitorio, fulmine ictam : & Lanuvii hastam se commovisse :

& corvum in ædem Junonis devolasse, atque in ipso pulvinario confedisse : & in agro Amiternino multis locis hominum specie procul candidâ veste visos, nec cum ullo congressos : & in Piceno lapidibus pluuisse ; & Cære fortes extenuatas : & in Gallia lupum vigili gladium & vagina raptum abstulisse. Ob cetera prodigia libros adire decemviri jussi. quod autem lapidibus pluisset in Piceno, novemdiale sacrum edictum, & subinde aliis procurandis propè tota civitas operata fuit. Jam primum omnium urbs lustrata est, hostiæque majores, quibus editum est, Diis cæsæ ; & donum ex auri pondo quadraginta Lanuvium ad Junonis portatum est ; & signum æneum matronæ Junoni in Aventino dedicaverunt ; & lectisternium Cære, ubi sortes attenuatæ erant, imperatum ; & supplicatio Fortunæ in Algido ; Romæ quoque & lectisternium Juventati, & supplicatio ad ædem Herculis nominatim ; deinde universo populo circa omnia pulvinaria, indicta ; & Genio majores hostiæ cæsæ quinque ; & C. Atilius Serranus prætor vota suscipere jussus, si in decem annos respublica eodem staret statu. Hæc procurata vota quæ ex libris Sibyllinis, magna ex parte levaverant religione animos.

LXIII. Consulum designatorum alter Flaminius, cui eæ legiones, quæ Placentiæ hibernabant, sorte evenerant, edictum & literas ad consulem misit, ut is exercitus Idibus Martiis Arimini adesset in castris. Huic in provincia consulatum inire consilium erat, memori veterum certaminum cum Patribus ; quæ tribunus plebis, & quæ postea consul, prius de consulatu, qui abrogabatur, dein de triumpho habuerat ; invisus etiam Patribus ob novam legem, quam Q. Claudius tribunus plebis adversus senatum, uno Patrum adjuvante C. Flaminio, tulerat ; ne quis senator, quive senatoris pater fuisset, maritimam navem, quæ plus quam trecentarum amphorarum esset, haberet. Id satis habitum ad fructus ex agris vestandos. quæstus omnis Patribus indecorus visus.

fus. Res, per summam contentionem acta, invidiam apud nobilitatem suafori legis Flaminio, favorem apud plebem alterumque inde consulatum, peperit. Ob hæc ratus auspiciis ementiendis, Latinarumque feriarum morâ, & consularibus aliis impedimentis retenturos se in urbe, simulato itinere privatus clam in provinciam abiit. Ea res, ubi palam facta est, novam insuper iram infestis jam antè Patribus movit : *Non cum senatu modò, sed jam cum Diis immortalibus, C. Flaminium bellum gerere. consulem antè inauspicatò factum revocantibus ex ipsa acie Diis atque hominibus non paruisse ; & nunc conscientid spectorum & Capitolium & solennem votorum nuncupationem fugisse : ne die initi magistratús Jovis optimi maximi templum adiret : ne senatum, invisus ipse, & sibi uni invisum, videret consuleretque : ne Latinas indiceret, Jovique Latiali solenne sacrum in monte faceret : ne, auspicatò profectus in Capitolium ad vota nuncupanda, paludatus inde cum lictoribus ad provinciam iret. Lixæ modo sine insignibus, sine lictoribus, profectum clam, furtim, haud aliter quàm si exilii causâ solum vertisset. magis pro majestate videlicet imperii Arimini, quàm Roma, magistratum initurum, & in deversorio hospitali, quàm apud penates suos, prætextam sumpturum.* Revocandum universi retrahendumque censuerunt ; & cogendum omnibus prius præsentem in Deos hominesque fungi officiis, quàm ad exercitum & in provinciam iret. In eam legationem (legatos enim mitti placuit) Q. Terentius & M. Antistius profecti, nihilo magis eum moverunt, quàm priori consulatu literæ moverant ab senatu missæ. Paucos post dies magistratum iniit, immolantique ei vitulus jam iustus è manibus sacrificantium sese quum proripuisset, multos circumstantes cruore resperfit. Fuga procul etiam major apud ignaros, quid trepidaretur, & concursatio fuit. Id à plerisque in omen magni terroris acceptum. Legionibus inde duabus à Sempronio prioris anni consule, duabus à C. Atilio prætore acceptis, in Etruriam per Apennini tramites exercitus duci est cœptus.

LIBER XXII.

E P I T O M E.

II, III. **H** Annibal, per continuas vigilias in paludibus oculo amisso, venit in Etruriam: per quas paludes quatrduo & tribus noctibus sine ulla requie iter fecit. III, IV, &c. C. Flaminius consul, homo temerarius, contra auspicia profectus, signis militaribus effossis, quae tolli non poterant, & ab equo, quem conscenderat, per caput devolutus, insidiis ab Hannibale circumventus, ad Trasimenum lacum cum exercitu casus est. VI. Sex millia, quae eruperant, fide ab Maharbale data, perfidia Hannibalis victa sunt. VII. Quum ad nuncium cladis Romae luctus esset, duae matres, ex insperato receptis filiis, gaudio mortuae sunt. X. Ob hanc cladem ex Sibyllinis libris ver sacrum votum. XII. Quum deinde Q. Fabius Maximus dictator, adversus Hannibalem missus, nollet acie cum eo configere, ne, contra ferocem tot victoris hostem, territum adversis praeliis militem pugna committeret, & opponendo se tantummodo, conatus Hannibalis impediret: XIV, XXVI. M. Minucius Magister equitum, ferox & temerarius, criminando dictatorem tanquam segnem & timidum, effecit, ut populi jussu aquaretur ei cum dictatore imperium; XXVII. divisoque exercitu, quum iniquo loco conflisset, & in maximo discrimine legiones ejus essent, XXIX. superveniente cum exercitu Fabio Maximo, discrimine liberatus est. Quo beneficio victus castra cum eo junxit, & patrem eum salutavit; idemque facere milites jussit. XVI. Hannibal, vastata Campaniâ, inter Casilinum oppidum & Calliculam montem à Fabio clausus, sarmentis ad cornua bouum alligatis & incensis, praesidium Romanorum, quod Calliculam infidebat, fugavit: & sic transgressus est saltum. XXIII. idemque Q. Fabii Maximi dictatoris, quum circumposita ureret, agro pepercit, ut illum tanquam proditorem suspectum

suspectum faceret. XLVII. Æmilio deinde Paulo & Terentio Varrone consulibus & ducibus, cum maxima clade adversus Hannibalem ad Cannas pugnatum est: XLIX. casaque eo prælio Romanorum quadraginta quinque millia, cum Paulo consule & senatoribus octoginta, consularibus atque prætoribus aut adilitiis triginta. LIII. Post quam cladem quum à nobilibus adolescentibus propter desperationem consilium de relinquenda Italia iniretur, P. Cornelius Scipio tribunus militum, qui postea Africanus nuncupatus est, stricto super capita deliberantium ferro, juravit, se pro hoste habiturum eum, qui in verba sua non jurasset; effecitque, ut omnes minimè relictum iri à se Italiam jurejurando astringerentur. VII, XIX, XX. &c. Præterea trepidationem urbis & luctum, & res in Hispania meliore eventu gestas continet. LVII. Opimia & Flagonia, Vestales virgines, incesti damnatae sunt. Propter paucitatem verò militum, servorum octo millia armata sunt. LX, LXI. Captivi, quum potestas esset redimendi, redempti non sunt. Varroni obviam itum est, & gratia acta, quod de republica non desperasset.

I. **J**AM ver appetebat, quum Hannibal ex hibernis movit; & nequicquam antè conatus transcendere Apenninum intolerandis frigoribus, & cum ingenti periculo moratus ac metu. Galli, quos prædæ populationumque conciverat spes, postquam pro eo, ut ipsi ex alieno agro raperent agerentque, suas terras sedem belli esse, premique utriusque partis exercituum hibernis viderent; verterunt retro ad Hannibalem ab Romanis odia: petitusque sæpe principum insidiis, ipsorum inter se fraude, eadem levitate, quâ consenserant, consensum indicantium, servatus erat; &, mutando nunc vestem, nunc tegumenta capitis, errore etiam sese ab insidiis munierat. Ceterum hic quoque ei timor causa fuit maturius movendi ex hibernis. Per idem tempus Cn. Servilius consul Romæ Idibus Martiis magistratum inivit. Tbi quum de republica retulisset,

set, redintegrata in C. Flaminium invidia est. *Duas se consules creâsse, unum habere. quod enim illi justum imperium, quod auspiciū esse? Magistratus id à domo, publicis privatisque penatibus, Latinis feriis actis, sacrificio in monte perfectō, votis rite in Capitolio nuncupatis, secum ferre: nec privatum auspicia sequi, nec sine auspiciis profectum in externo ea solo nova atque integra concipere posse.* Augēbant metum prodigia ex pluribus simul locis nunciata: in Sicilia militibus aliquot spicula, in Sardinia autem in muro circumeunti vigilias equiti scipionem, quem manu tenuerat, arsisse, & littora crebris ignibus fulsisse, & scuta duo sanguine sudasse, & milites quosdam ictos fulminibus, & solis orbem minui visum: & Prænestē ardentēs lapides cœlo cecidisse: & Arpis parmas in cœlo visas, pugnantemque cum luna solem: & Capenæ duas interdiu lunas ortas: & aquas Cæretes sanguine mixtas fluxisse; fontemque ipsum Herculis cruentis manasse sparsum maculis: & in Antiati metentibus cruentas in corbem spicas cecidisse: & Faleriis cœlum findi velut magno hiatus visum; quæque patuerit, ingens lumen effulxisse: sortes suâ sponte attenuatas, unamque excidisse, ita scriptam: **MAVORS TELUM SUUM CONCVTIT:** & per idem tempus Romæ signum Martis Appiâ viâ ad simulacra luporum sudasse: & Capuz speciem cœli ardentis fuisse, lunæque inter imbrem cadentis. Inde minoribus etiam dictu prodigiis fides habita: Capras lanatas quibusdam factas, & gallinam in marem, gallum in sceminam sese vertisse. His, sicut erant nunciata, expositis, auctoribusque in curiam introductis, consul de religione Patres consuluit. Decretum, ut ea prodigia, partim majoribus hostiis, partim lætentibus, procurarentur: & ut supplicatio per triduum ad omnia pulvinaria haberetur. Cetera, quum decemviri libros inspexissent, ut ita fierent, quemadmodum cordi esse Divi carminibus præfarentur. Decemvirorum monitu decretum est, Jovi primum

primum donum fulmen aureum pondo quinquaginta fieret; Junoni Minervæque ex argento dona darentur; & Junoni Reginæ in Aventino, Junonique Sospitæ Lanuvii majoribus hostiis sacrificaretur; matronæque, pecuniâ collatâ, quantum conferre cuique commodum esset, donum Junoni Reginæ in Aventinum ferrent, lectisterniumque fieret; quin & libertinæ ut ipsæ, unde Feroniæ donum daretur, pecuniam pro facultatibus suis conferrent. Hæc ubi facta, decemviri Ardeæ in foro majoribus hostiis sacrificarunt. postremò Decembri jam mense ad ædem Saturni Romæ immolatum est, lectisterniumque imperatum, (& eum lectum senatores straverunt) & convivium publicum; ac per urbem Saturnalia diem ac noctem clamatum, populusque eum diem festum habere ac fervare in perpetuum iussus.

II. Dum consul placandis Romæ Diis trahendoque delectu dat operam, Hannibal, profectus ex hibernis, quia jam Flaminium consulem Arretium pervenisse fama erat, quum aliud longius, ceterum commodius, ostenderetur iter, propiorem viam per paludem petit, quâ fluvijs Arnus per eos dies solito magis inundaverat. Hispanos & Afros, (id omne veterani erat robur exercitus) admixtis ipsorum impedimentis, necubi consistere coactis necessaria ad usus decissent, primos ire iussit: sequi Gallos, ut id agminis medium esset; novissimos ire equites: Magonem inde cum expeditis Numidis cogere agmen, maxime Gallos, si tædio laboris longæque viæ (ut est mollis ad talia gens) dilaberentur aut subsisterent, cohibentem. Primi, quâ modò præfrent duces per præaltas fluvii ac profundas voragines, hausti penè limo immergentesque se, tamen signa sequabantur. Galli neque sustinere se prolapsi, neque assurgere ex voraginibus poterant; aut corpora animis, aut animos spe sustinebant: alii fessa ægre trahentes membra; alii, ubi semel victis tædio animis procu-

procubuissent, inter jumenta, & ipsa jacentia passim, morientes. maximèque omnium vigilæ conficiebant, per quatrimum jam & tres noctes toleratæ. Quum, omnia obtinentibus aquis, nihil, ubi in sicco fessa sternerent corpora, inveniri posset, cumulatis in aquas farcinis insuper incumbabant. jumentorum itinere toto prostratorum passim acervi tantum, quod exstaret aqua, quærentibus ad quietem parvi temporis necessarium cubile dabant. Ipse Hannibal, æger oculis, ex verna primùm intemperie variante calores frigoraque, elephanto, qui unus superfuerat, quo altius ab aqua exstaret, vestus; vigiliis tandem & nocturno humore palustrique cœlo gravante caput, & quia medendi nec locus nec tempus erat, altero oculo capitur.

III. Multis hominibus jumentisque fœdè amissis, quum tandem de paludibus emerisset, ubi primùm in sicco potuit, castra locat: certumque per præmissos exploratores habuit, exercitum Romanum circa Arretii mœnia esse. consulis deinde consilia atque animum, & situm regionum, itineraque, & copias ad comœatus expediendos, & cetera, quæ cognoscere in rem erat, summa omnia cum cura inquirendo exsequabatur. Regio erat in primis Italiæ fertilis, Etrusci campi, qui Fæulas inter Arretiumque jacent, frumenti ac pecoris & omnium copiâ rerum opulenti. Consul ferox ab consulatu priore, & non modò legum ac Patrum majestatis, sed ne Deorum quidem satis metuens. Hanc insitam ingenio ejus temeritatem fortuna prospero civilibus bellicisque rebus successu aluerat. Itaque satis apparebat, nec Deos nec homines consulentem, ferociter omnia ac præpropere acturum. quoque pronior esset in vitia sua, agitare cum atque irritare Pœnus parat: &, lævâ relicto hoste, Fæulas petens, medio Etruriæ agro prædatum profectus, quantam maximam vastitatem potest, cædibus incendiisque consuli procul ostendit. Flaminius, qui ne quieto quidem

dem hoste ipse quieturus erat, tum verò, postquam res sociorum ante oculos prope suos ferri agique vidit, suum id dedecus ratus, per mediam jam Italiam vagari Poenum, atque, obstitente nullo, ad ipsa Romana moenia ire oppugnanda; ceteris omnibus in consilio salutaria magis, quàm speciosa, suadentibus, *collegam expectandum, ut conjunctis exercitibus, communi animo consilioque rem gererent; interim equitatu auxiliisque levium armorum ab effusa prædandi licentia hostem cohibendum; iratus se ex consilio proripuit, signumque simul itineris pugnaeque proposuit. Quin imo Arretii ante moenia sedemus, inquit, hic enim patria & penates sunt. Hannibal emissus è manibus perpopidetur Italiam, vastandoque & urendo omnia ad Romana moenia perveniat; nec antè nos hinc moverimus, quàm, sicut olim Camillum ab Vejis, C. Flaminium ab Arretia Patres acciverint.* Hæc simul increpans, quum ociùs signa convelli juberet, & ipse in equum insiluisset, equus repentè corruit, consulemque lapsum super caput effudit. Territis omnibus, qui circà erant, velut fœdo omine incipiendæ rei, insuper nunciatur, signum, omni vi moliente signifero, convelli nequire. Conversus ad nuncium, *Num literas quoque, inquit, ab senatu affers, quæ me rem gerere vetent? Abi, nuncia, signum effodiant, si ad convellendum manus præ metu obtorpuerint.* Incedere inde agmen cœpit; primoribus, super quàm quòd dissenserant à consilio, territis etiam duplici prodigio; milite in vulgus læto ferociâ ducis, quum spem magis ipsam, quàm causam spei, intueretur.

IV. Hannibal, quod agri est inter Cortonam urbem Trasimenumque lacum, omni clade belli pervastat, quo magis iram hosti ad vindicandas sociorum injurias accuat. Et jam pervenerant ad loca insidiis nata, ubi maximè montes Cortonenses Trasimenus subit. viâ tantum interest perangusta, velut ad id ipsum de industria relicto spatio: deinde paulo latior patescit campus, inde colles assurgunt. Ibi castra in aperto locat, ubi

ubi ipse cum Afris modò Hispanisque consideret. Bà-
 liares ceteramque levem armaturam post montes cir-
 cumducit : equites ad ipsas fauces saltus, tumulis aptè
 regentibus, locat ; ut, ubi intrassent Romani, objecto
 equitatu, clausa omnia lacu ac montibus essent. Fla-
 minius quum pridie solis occasu ad lacum pervenisset,
 inexploratò, postero die, vixdum satis certà luce, an-
 gustiis superatis, postquam in patentiorem campum
 pandi agmen cœpit, id tantum hostium, quod ex ad-
 verso erat, conspexit : ab tergo & super caput dece-
 père insidiæ. Pœnus ubi, id quod petierat, clausum
 lacu ac montibus & circumfufum suis copiis habuit
 hostem, signum omnibus dat simul invadendi. qui ubi,
 quâ cuique proximum fuit, decucurrere, eo magis Ro-
 manis subita atque improvisa res fuit, quòd orta ex
 lacu nebula campo, quàm montibus, densior federat,
 agminaque hostium ex pluribus vallibus ipsa inter se
 satis conspecta, eoque magis pariter decucurrerunt.
 Romanus clamore prius undique orto, quàm satis cer-
 neret, se circumventum esse sensit ; & antè in frontem
 lateraque pugnari cœptum est, quàm satis instrueretur
 acies, aut expediri arma, stringique gladii possent.

V. Consul, percussis omnibus, ipse satis, ut in tre-
 pida re, impavidus, turbatos ordines, vertente se quo-
 que ad dissonos clamores, instruit, ut tempus locusque
 patitur ; &, quacunque adire audirique potest, adhor-
 tatur, ac stare & pugnare jubet ; *nec enim inde votis aut
 imploratione Desm, sed vi ac virtute, evadendum esse. Per
 medias acies ferro viam fieri : &, quo timoris minus sit, eo
 minus ferme periculi esse.* Ceterum præ strepitu ac tu-
 multu nec consilium nec imperium accipi poterat. tan-
 tumque aberat, ut sua signa atque ordinem & locum
 nosceret miles, ut vix ad arma capienda aptandaque
 pugnae competeret animus : opprimerenturque quidam,
 onerati magis his, quàm testi : & erat in tanta caligi-
 ne major usus aurium, quàm oculorum. Ad gemitus

vulnerum ictusque corporum aut armorum, & mixtos strepentium paventiumque clamores, circumferebant ora oculosque. Alii fugientes pugnantium globo illati hærebant: alios redeuntes in pugnam avertebat fugientium agmen. Deinde, ubi in omnes partes nequicquam impetus capti, & ab lateribus montes ac lacus, à fronte & ab tergo hostium acies claudebat, apparuitque, nullam, nisi in dextra ferroque, salutis spem esse; tum sibi quisque dux adhortatorque factus ad rem gerendam, & nova de integro pugna exorta est; non illa ordinata per principes hastatosque ac triarios, nec ut pro signis antesignani, post signa alia pugnaret acies; nec ut in sua legione miles, aut cohorte, aut manipulo esset. Fors conglobat, & animus suus cuique antè aut post pugnandi ordinem dabat: tantusque fuit ardor armorum, adeo intentus pugnae animus, ut eum motum terræ, qui multarum urbium Italiæ magnas partes prostravit, avertitque cursu rapido amnes, mare fluminibus invexit, montes lapsu ingenti proruit, nemo pugnantium senserit.

VI. Tres ferme horas pugnatum est, & ubique atrociter. circa consulem tamen acrior infestiorque pugna est. Eum & robora virorum sequebantur, & ipse, quacunque in parte premi ac laborare senserat suos, impigre ferebat opem; insignemque armis & hostes summâ vi petebant, & tuebantur cives: donec Insulber eques (Ducario nomen erat) facie quoque noscitans, *Consul, en, inquit, hic est, popularibus suis; qui legiones nostras cecidit, agrosque & urbem est depopulatus. Jam ego hanc victimam manibus peremptorum fœdè civium dabo: subditisque calcaribus equo, per confertissimam hostium turbam impetum facit: obtruncatoque prius armigero, qui se infesto venienti obviam objecerat, consulem lanceâ transfixit. spoliare cupientem triarii objectis scutis arcuere. Magnæ partis fuga inde primum cepit: & jam nec lacus, nec montes obstabant pavori.*
per

per omnia arcta præruptaque velut cæci evadunt: armaque & viri super alium alii præcipitantur. Pars magna, ubi locus fugæ deest, per prima vada paludis in aquam progressi, quoad capitibus humerisque exstare possunt, sese immergunt. fuere, quos inconsultus pavor nando etiam capeßere fugam impulerit. Quæ ubi immensa ac sine spe erat, aut deficientibus animis hauriebantur gurgitibus, aut nequicquam fessi vada retro ægerrimè repetebant, atque ibi ab ingressis aquam hostium equitibus passim trucidabantur. Sex millia ferme primi agminis, per adversos hostes eruptione impigre factâ, ignari omnium, quæ post se agerentur, ex saltu evasere. & quum in tumultu quodam constitissent, clamorem modò ac sonum armorum audientes, quæ fortuna pugnæ esset, neque scire, nec perspicere præ caligine poterant. Inclinatâ denique re, quum incalcescente sole dispulsa nebula aperuisset diem, tum liquidâ jam luce montes campique perditas res stratamque ostendêre foedè Romanam aciem. itaque, ne in conspectos procul immitteretur eques, sublati raptim signis, quàm citatissimo poterant agmine, sese abriperunt. Pòstero die, quum super cetera extrema fames etiam instaret, fidem dante Maharbale, qui cum omnibus equestribus copiis nocte consecutus erat, si arma tradidissent, abire cum singulis vestimentis passurum, sese dediderunt. quæ Punicâ religione servata fides ab Hannibale est, atque in vincula omnes conjecit.

VII. Hæc est nobilis ad Trasimenum pugna, atque inter paucas memorata populi Romani clades. Quindecim millia Romanorum in acie cæsa sunt; decem millia, sparsa fugâ per omnem Etruriam, diversis itineribus urbem petiere. Mille quingenti hostium in acie, multi postea utrinque ex vulneribus periire. Multiplex cædes utrinque facta traditur ab aliis. Ego, præterquam quòd nihil haustum ex vano velim, quò ni-

mis inclinant ferme scribentium animi, Fabium æqualem temporibus hujusce belli potissimum auctorem habui. Hannibal, captivorum qui Latini nominis essent, sine pretio dimissis, Romanis in vincula datis, segregata ex hostium coacervatorum cumulis corpora suorum quum sepeliri jussisset, Flamini quoque corpus, funeris causâ magna cum cura inquisitum, non invenit. Romæ, ad primum nuncium cladis ejus, cum ingenti terrore ac tumultu concursus in forum populi est factus. Matronæ vagæ per vias, quæ repens clades allata, quæve fortuna exercitus esset, obvios percunctantur. & quum frequentis concionis modo turba in comitium & curiam versa magistratus vocaret; tandem haud multo ante solis occasum M. Pomponius prætor, *Pugnâ, inquit, magnâ victi sumus: &, quamquam nihil certius ex eo auditum est, tamen alius ab alio impleti rumoribus domos referunt, consulem cum magna parte copiarum casum: superesse paucos, aut fugâ passim per Etruriam sparsos, aut captos ab hoste.* Quot casus exercitus victi fuerant, tot in curas dispersiti eorum animi erant, quorum propinqui sub C. Flaminio consule meruerant, ignorantium, quæ cujusque suorum fortuna esset. nec quisquam satis certum habet, quid aut speret, aut timeat. Postero, ac deinceps aliquot diebus, ad portas major propè mulierum, quàm virorum, multitudo stetit, aut suorum aliquem, aut nuncios de his opperiens: circumfundebanturque obviis sciscitantes; neque avelli, utique ab notis, prius, quàm ordine omnia inquisissent, poterant. Inde varios vultus digredientium ab nunciis cerneret, ut cuique aut læta aut tristia nunciabantur: gratulantesque aut consolantes redeuntibus domos circumfusus. Feminarum præcipuè & gaudia insignia erant, & luctus. Unam in ipsa porta, sospiti filio repente oblatam, in conspectu ejus exspirasse ferunt; alteram, cui mors filii falsò nunciata erat, moestam sedentem domi, ad primum

num conspectum redeuntis filii gaudio nimio exanimatam. Senatum prætores per dies aliquot ab orto usque ad occidentem solem in curia retinent, consultant, quonam duce, aut quibus copiis, resisti victoribus Pœnis posset.

VIII. Priusquam satis certa consilia essent, repens alia nunciatur clades: quatuor millia equitum, cum C. Centenio proprætore missa ad collegam ab Servilio consule, in Umbria, quò post pugnam ad Trasimenum auditam averterant iter, ab Hannibale circumventa. Ejus rei fama variè homines affecit. pars, occupatis majore ægritudine animis, levem, ex comparatione priorum, ducere recentem equitum jacturam: pars non id, quod acciderat, per se æstimare, sed, ut in affecto corpore quamvis levis causa magis, quàm valido gravior, sentiretur; ita tum ægræ & affectæ civitati quodcumque adversi inciderit, non rerum magnitudine, sed viribus extenuatis, quæ nihil, quod aggravaret, pati possent, æstimandum esse. Itaque ad remedium, jam diu neque desideratum nec adhibitum, dictatorem dicendum, civitas confugit: & quia & consul aberat, à quo uno dici posse videbatur; nec per occupatam armis Punicis Italiam facile erat aut nuncium, aut literas mitti; nec dictatorem populus creare poterat, quod nunquam ante eam diem factum erat: prodictatorem populus creavit Q. Fabium Maximum, & magistrum equitum M. Minucium Rufum. Hisque negotium ab senatu datum, ut muros turesque urbis firmarent, & præsidia disponerent quibus locis videretur, pontesque rescinderent fluminum: ad penates pro urbe dimicandum esse, quando Italiam tueri nequissent.

IX. Hannibal recto itinere per Umbriam usque ad Spoletum venit. inde, quum perpòpulato agro urbem oppugnare adortus esset, cum magna cæde suorum repulsus, conjectans ex unius colonis haud nimis prospere tentatæ viribus, quanta moles Romanæ urbis esset;

set; in agrum Picenum avertit iter, non copiâ solum
 omnis generis frûgum abundantem, sed refertum præ-
 dâ, quam effusè avidi atque egentes rapiebant. Ibi
 per dies aliquot stativa habita: refectusque miles, hi-
 bernis itineribus ac palustri viâ prælioque, magis ad-
 eventum secundo, quàm levi aut facili, affectus. Ubi
 satis quieti datum, prædâ ac populationibus magis,
 quàm otio aut requiæ, gaudentibus, profectus, Præuti-
 anum Hadrianumque agrum, Marfos inde Marrucinos-
 que & Pelignos devastat, circaque Arpos & Luceriam
 proximam Apuliæ regionem. Cn. Servilius consul,
 levibus præliis cum Gallis actis, & uno oppido igno-
 bili expugnato, postquam de collegæ exercitûsque cæ-
 de audivit, jam mœnibus patriæ metuens, ne abesset
 in discrimine extremo, ad urbem iter intendit. Q. Fa-
 bius Maximus dictator iterum, quo die magistratum
 iniit, vocato senatu, ab Diis orsus, quum edocuiisset
 Patres, plus negligentia ceremoniarum auspiciorum-
 que, quàm temeritate atque inscitia, peccatum à C.
 Flaminiò consule esse, quæque piacula iræ Deum es-
 sent, ipsos Deos consulendos esse; pervicit, ut, quod
 non fèrme decernitur, nisi quum tetra prodigia nunci-
 ata sunt, decemviri libros Sibyllinos adire juberentur.
 qui, inspectis fatalibus libris, retulerunt Patribus, *quod
 ejus belli causâ votum Marti foret, id non rite factum, de-
 integro atque amplius faciendum esse: & Jovi ludos magnos,
 & ades Veneri Erycina ac Menti votendas esse, & suppli-
 cationem lætistèrniûmque habendam, & ver sacrum voven-
 dum, si bellatum prospere esset, resque publica in eodem, quo
 ante bellum fuisset, statu permansisset.* Senatus, quoniam
 Fabium belli cura occupatura esset, M. Æmiliûm præ-
 torem, ex collegii pontificum sententia, omnia ea ut
 maturè fiant, curare jubet.

X. His senatusconsultis perfectis, L. Cornelius Len-
 tulus pontifex maximus, consulente collegio præto-
 rum, omnium primûm populum consulendum de vere
 sacro

sacro cenſet: injuſſu populi voveri non poſſe. Rogatus in hæc verba populus, *Velitis jubeatisne hoc ſic fieri? ſi res publica populi Romani Quiritium ad quinquennium proximum, ſicut velim eam, ſalva ſervata erit hiſce duellis; datam donum duit populus Romanus Quiritium, (quod duellum populo Romano cum Karthaginienſi eſt, quæque duella cum Gallis ſunt; qui cis Alpes ſunt) quod ver attulerit ex ſuillo, ovillo, caprino, bovillo grege, quæque profana erunt, Jovi fieri, ex qua die ſenatus populusque jufferit. Qui faciet, quando volet, quæque lege volet, facito: quo modo faxit, probè factum eſto. Si id moritur, quod fieri oportebit, profanum eſto, neque ſcelus eſto. ſi quis rumpet occidetve inſciens, ne fraus eſto. ſi quis clepſit, ne populo ſcelus eſto, neve cui cleptum erit. ſi atro die faxit inſciens, probè factum eſto. ſi nocte ſive luce, ſi ſervus ſive liber faxit, probè factum eſto. ſi anteidea ſenatus populusque jufferit fieri ac faxit; eo populus ſolutus, liber eſto. Ejusdem rei cauſa ludæ magni voti æris trecentis triginta tribus miſſibus; trecentis triginta tribus, triente: præterea bubus Jovi trecentis, multis aliis Divis bubus albis, atque ceteris hoſtiis. Votis rite nuncupatis, ſupplicatio ediſta: ſupplicatumque iere cum conjugibus ac liberis non urbana multitudo tantum, ſed agreſtium etiam, quos in aliqua ſua fortuna publicæ quoque contingebat cura: Tum leſtiſternium per triduum habitum, decemviris ſacrorum curantibus. ſex pulvinaria in conſpectu fuere: Jovi ac Junoni unum; alterum Neptuno ac Minervæ; tertium Marti ac Veneri; quartum Apollini ac Dianæ; quintum Vulcano ac Veſtæ; ſextum Mercurio ac Cereri. Tum ædes votæ. Veneri Erycinæ ædem Q. Fabius Maximus dictator vovit; quia ita ex fatalibus libris editum erat, ut is voveret, cujus maximum imperium in civitate eſſet. Menti ædem T. Otacilius prætor vovit.*

XI. Ita rebus divinis peractis, tum de bello reque de publica dictator retulit, quibus quotve legionibus

victori hosti obviam eundum esse Patres censerent. Decretum, ut ab Cn. Servilio consule exercitum acciperet: scriberet praterea ex civibus sociisque, quantum equitum ac peditem videretur: cetera omnia ageret faceretque, ut e republica duceret. Fabius duas se legiones adjecturum ad Servilianum exercitum dixit. his, per magistrum equitum scriptis, Tibur diem ad conveniendum edixit. edicto-que proposito, ut, quibus oppida castellaque immunita essent, uti in loca tuta commigrarent; ex agris quoque demigrarent omnes regionis ejus, qua iturus Hannibal esset: testis prius incensis ac frugibus corruptis, ne cujus rei copia esset; ipse, via Flaminia profectus obviam consuli exercituique, quum ad Tiberim circa Ocriculum prospexisset agmen, consulemque cum equitibus ad se prodeuntem, viatorem misit, qui consuli nunciaret, ut sine lictoribus ad dictatorem veniret. Qui quum dicto paruisset, congressusque eorum ingentem speciem dictaturæ apud cives sociosque, vetustate jam propè oblitos ejus imperii, fecisset; literæ ab urbe allatæ sunt, naves onerarias, com meatum ab Ostia in Hispaniam ad exercitum portantes, à classe Punica circa portum Cosanum captas esse. Itaque exemplo consul Ostiam proficisci jussus, navibusque, quæ ad urbem Romanam aut Ostiæ essent, completis milite ac navalibus sociis, persequi hostium classem, ac littora Italiæ tutari. Magna vis hominum conscripta Romæ erat: libertini etiam, quibus liberi essent, & ætas militaris, in verba juraverant. Ex hoc urbano exercitu, qui minores quinque & triginta annis erant, in naves impositi: alii, ut urbi præsiderent, relictii.

XII. Dictator, exercitu consulis accepto à Fulvio Flacco legato, per agrum Sabinum Tibur, quo die ad conveniendum edixerat novis militibus, venit: inde Præneste, ac transversis limitibus in viam Latinam est egressus: unde, itineribus summa cum cura exploratis, ad hostem ducit; nullo loco, nisi quantum necessitas cogeret,

cogeret, fortunæ se commissurus. Quo primum die haud procul Arpis in conspectu hostium posuit castra, nulla mora facta, quin Pœnus educeret in aciem, copiamque pugnandi faceret: sed ubi quietâ omnia apud hostes, nec castra ullo tumultu mōta videt; increpans quidem, victos tandem quoque Martios animos Romanis, debellatumque, & concessum propalam de virtute ac gloria esse, in castra rediit: ceterum tacitâ curâ animum incensus, quod cum duce, haudquaquam Flaminio Sempronioque simili, futura sibi res esset; ac tum demum edocti malis Romani parem Hannibali ducem quæssissent. & prudentiam quidem, non vim, dictatoris extemplo timuit. constantiam haud dum expertus, agitare ac tentare animum movendo crebrò castra, populandoque in oculis ejus agros sociorum, cœpit. & modò citato agmine è conspectu abibat, modò repente in aliquo flexu viæ, si excipere degressum in æquum posset, occultus subsistebat. Fabius per loca alta agmen ducebat, modico ab hoste intervallo, ut neque omitteret eum, neque congredereetur. Castris, nisi quantum usus necessariò cogeret, tenebatur miles. pabulum & ligna nec pauci petebant, nec passim. equitum levisque armaturæ statio, composita instructaque in subitos tumultus, & suo militi tuta omnia, & infesta effusis hostium populatoribus præbebat. neque universo periculo summa rerum committebatur: & parva momenta levium certaminum ex tuto cœptorum, finitimo receptu, assuefaciebant territum pristinis cladibus militem, minùs jam. tandem aut virtutis, aut fortunæ pœnitere suæ. Sed non Hannibalem magis infestum tam sanis consiliis habebat, quàm magistrum equitum: qui nihil aliud, quàm quod impar erat imperio, moræ ad rempublicam præcipitandam habebat, ferox rapidusque in consiliis, ac linguâ immodicus; primò inter paucos, dein propalam in vulgus, pro cunctatore segnem, pro cauto timidum, affingens vicina virtutibus vitia.

vitia, compellabat: premendorumque superiorum arte (quæ pessima ars nimis prosperis multorum successibus crevit) sese extollebat.

XIII. Hannibal ex Hirpinis in Samnium transit: Beneventanum depopulatur agrum: Telesiam urbem capit: irritat etiam de industria ducem, si fortè accensum tot indignitatibus cladibusque sociorum detrahere ad æquum certamen possit. Inter multitudinem sociorum, Italici generis, qui ad Trasimenum capti ab Hannibale dimissique fuerant, tres Campani equites erant, multis jam tum illecti donis promissisque Hannibalis ad conciliandos popularium animos. hi nunciantes, si in Campaniam exercitum admovisset, Capuæ potiendæ copiam fore, quum res major, quàm auctores, esset, dubium Hannibalem, alternisque fidentem ac diffidentem, tamen, ut Campanos ex Samnio peteret, moverunt: monitos, ut etiam atque etiam promissa rebus adfirmarent, jussosque, cum pluribus & aliquibus principum redire ad se, dimisit. ipse imperat duci, ut se in agrum Casinatem ducat: edoctus à peritis regionum, si eum saltum occupasset, exitum Romano ad opem ferendam fociis interclusurum. Sed Punicum abhorrens os ab Latinorum nominum prolatione, pro Casino Casilinum dux ut acciperet, fecit; aversusque ab suo itinere, per Allifanum, Calatinumque, & Calenum agrum, in campum Stellatem descendit: ubi quum montibus fluminibusque clausam regionem circumspexisset, vocatum ducem percunctatur, ubi terrarum esset? quum is Casilini eo die mansurum eum dixisset, tum demum cognitus est error, & Casinum longè inde aliâ regione esse: virgisque cæso duce, & ad reliquorum terrorem in crucem sublato, castris communitis, Maharbalem cum equitibus in agrum Falernum prædatum dimisit. Usque ad aquas Sinuessanas populatio ea pervenit. ingentem cladem, fugam tamen terroremque latius, Numidæ fecerunt. Nec tamen is terror, quum omnia bel-

la

Id flāgrarent, fide socios dimovit : videlicet quia iusto & moderato regebantur imperio ; nec abnuebant, quod unum vinculum fidei est, melioribus parere.

XIV. Ut verò ad Vulturum flumen castra sunt posita, exurebaturque amœnissimus Italiæ ager, villæque passim incendiis fumabant, per juga Massici montis Fabio ducente, tum propè de integro seditio accensa. quieverant enim per paucos dies ; quia, quum celerius solito ductum agmen fuisset, festinari ad prohibendam populationibus Campaniam crediderant. Ut verò in extremâ juga Massici montis ventum est, hostesque sub oculis erant, Falerni agri colonorumque Sinuessæ testæ urentes, nec ullâ erat mentio pugnæ, *Spectatumne hoc,* inquit Minucius, *ut rem fruendam oculis, sociorum cedes & incendia venimus ? nec si nullius alterius nos, ne civium quidem horum pudet, quos Sinuessam colonos patres nostri miserunt, ut ab Samnite hoste tuta hac ora esset : quam nunc non vicinus Samnis urit, sed Pœnus advena, ab extremis orbis terrarum terminis, nostrâ cunctatione & socordia, jam hoc progressus. Tantum (pro !) degeneramus à parentibus nostris ; ut, præter quam oram illi Punicas vagari classes, dedecus esse imperii sui duxerint, eam nos nunc plenam hostium Numidarumque ac Maurorum jam factam videamus ? Quomodo, Saguntum oppugnari indignando ; non homines tantum, sed fœdera & Deos, ciebamus, scandentem mœnia Romanæ colonie Hannibalem lenti spectamus. Fumus ex incendiis villarum agrorumque in oculos atque ora venit ; strepunt aures clamoribus plorantium sociorum, sæpius nos, quàm Deorum invocantium opem. nos hîc pecorum modo per æstivos saltus deviasque calles exercitum ducimus, conditi nubibus silvisque. Si hoc modo peragrando cacumina saltusque M. Furius recipere à Gallis urbem voluisset, quo hic novus Camillus (nobis dictator unicus in rebus affectis quaestus) Italiam ab Hannibale recuperare parat, Gallorum Roma esset : quam vereor, ne, sit cunctantibus nobis, Hannibali ac Pœnis toties servaverint majores nostri. sed vir, ac verè Romanus, quo die, dictator*

rem cum ex auctoritate Patrum jussuque populi dictum, Vejos allatum est, quum esset satis altum Janiculum, ubi sedens prospectaret hostem, descendit in aquum: atque illo ipso die media in urbe, quâ nunc busta Gallica sunt, & postero die, citra Gabios cecidit Gallorum legiones. Quid? post multos annos, quum ad furculas Caudinas ab Samnite hoste sub jugum missi sumus, utrum tandem L. Papirius Cursor juga Samniti perlustrando, an Luceriam premendo obsidendoque, & lacefendo victorem hostem, depulsum ab Romanis cervicibus jugum superbo Samuiti imposuit? Modò C. Lutatio quæ alia res, quàm celeritas, victoriam dedit? quòd postero die, quàm hostem vidit, classem gravem com meatibus, impeditam suomet ipsam instrumento atque apparatu, oppressit. Stultitia est, sedendo aut votis debellari credere posse. armari copias oportet, deducendas in aquum, ut vir cum viro congrediatis. Audendo atque agendo res Romana crevit, non his seignibus consiliis, quæ timidi cauta vocant. Hæc velut concionanti Minucio circumfundebatur tribunorum equitumque Romanorum multitudo, & ad aures quoque militum, dicta ferociaolvebantur: ac, si militaris suffragii res, esset, haud dubiè ferebant, Minucium Fabio duci prælaturos.

XV. Fabius pariter, in suos haud minùs quàm in hostes intentus, priùs ab illis invictum animum præstat. quanquam probè scit, non in castris modò suis, sed jam etiam Romæ infamem suam cunctationem esse, obstinatus tamen eodem consiliorum tenore æstatis reliquum extraxit: ut Hannibal, destitutus ab spe summo opere petiti certaminis, jam hibernis locum circumspectaret: quia ea regio præsentis erat copię, non perpetuæ, arbuta vineæque, & consita omnia magis amœnis, quàm necessariis fructibus. Hæc per exploratores relata Fabio. Quum satis sciret, per easdem angustias, quibus intraverat Falernum agrum, rediturum, Calliculam montem & Casilinum occupat modicis prædiis; quæ urbs, Vulturno flumine dirempta, Falernum
ac

ac Campanum agros dividit: ipse jugis iisdem exercitum reducit, misso exploratum cum quadringentis equitibus sociorum L. Hostilio Mancino: qui ex turba juvenum audientium sæpe ferociter concionantem magistrum equitum, progressus primò exploratoris modo, ut ex tuto specularetur hostem, ubi vagos passim per vicos Numidas vidit, per occasionem etiam paucos occidit: extemplo occupatus certamine est animus, excideruntque præcepta dictatoris; qui, quantum tutò posset, progressum priùs recipere sese jusserat, quàm in conspectum hostium veniret. Numidæ, alii atque alii occursantes refugientesque, ad castra propè ipsum eum fatigatione equorum atque hominum pertraxere. inde Carthalo, penes quem summa equestris imperii erat, concitatis equis investus, quum, priùs, quàm ad conjectum teli veniret, avertisset hostem, quinque millia ferme continenti cursu secutus est fugientes. Mancinus, postquam nec hostem desistere sequi, nec spem vidit effugiendi esse, cohortatus suos in prælium rediit, omni parte virium impar. Itaque ipse, & delecti equitum, circumventi occiduntur. ceteri effuso rursus cursu Cales primùm, inde propè invisiis callibus ad dictatorem perfugerunt. Eo fortè die Minucius se conjunxerat Fabio, missus ad firmandum præsidio saltum, qui super Tarracinam, in arctas coactus fauces, imminet mari, ne immunito Appiæ limite Pœnus pervenire in agrum Romanum posset. Coniunctis exercitibus dictator ac magister equitum castra in viam deferunt, quâ Hannibal ducturus erat, duo inde millia hostes abierant.

XVI. Pœtero die Pœni, quod viæ inter bina castra erat, agmine complevere. Quum Romani sub ipso constitissent vallo, haud dubiè æquiore loco, successit tamen Pœnus cum expeditis equitibus, atque ad lacessendum hostem carptim & procurfando recipiendoque sese pugnare, restitit suo loco Romana acies. lenta pugna

pugna & ex dictatoris magis, quàm Hannibalis, fuit voluntate. ducenti ab Romanis, octingenti hostium cecidere. Inclusus inde videri Hannibal, viâ ad Casilinum obsessâ: quum Capua & Samnium, & tantum ab tergo divitum sociorum Romanis commeatus subveheret; Pœnus contrâ inter Formiana saxa ac Literari arenas stagnaque perhorrida situ hibernaturus esset. Nec Hannibalem fecellit, suis se artibus peti. itaque, quum per Casilinum evadere non posset, petendique montes & jugum Calliculæ superandum esset, necubi Romanus inclusum vallibus agmen aggredere; ludibrium oculorum, specie terribile, ad frustrandum hostem commentus, principio noctis furtim succedere ad montes statuit. Fallacis consilii talis apparatus fuit. Faces undique ex agris collectæ, fascesque virgarum, atque arida sarmenta præligantur cornibus boum, quos domitos indomitosque multos inter ceteram agrestem prædam agebat. ad duo millia ferme boum effecta: Hasdrubalique negotium datum, ut primis tenebris noctis id armentum accensis cornibus ad montes ageret; maxime, si posset, super saltus ab hoste infessos.

XVII. Primis tenebris silentio mota castra; boves aliquanto ante signa acti, ubi ad radices montium viæque angustas ventum est, signum extemplo datur, ut accensis cornibus armenta in adversos concitentur montes, & metus ipse relucens flammæ ex capite, calorque, jam ad vivum; ad imaque cornuum adveniens, velut stimulos furore agebat boves. quo repente discursu, haud secus quàm silvis montibusque accensis, omnia circum virgulta ardere: capitumque irrita quasiatio, excitans flammam, hominum passim discurrentium speciem præbebat. Qui ad transitum saltus insidendum locati erant, ubi in summis montibus ac super se quosdam ignes conspexerunt, circumventos se esse rati, præsidio excessere; quâ minimè densæ micabant flammæ, velut tutissimum iter, petentes summa montium

tium juga, tamen in quosdam boves, palatos ab suis gregibus inciderunt. Et primò, quum procul cerne-
rent, veluti flammæ spirantium miraculo attoniti con-
sisterunt: deinde, ut humana apparuit fraus, tum ve-
rò insidias rati esse, dum majore metu concitant se in
fugam, levi quoque armaturæ hostium incurrere. ce-
terùm nox æquato timore neutros pugnam incipien-
tes ad lucem tenuit. Interea, toto agmine Hannibal
transducto per saltum, & quibusdam in ipso saltu ho-
stium oppressis, in agro Allifano posuit castra.

XVIII. Hunc tumultum sensit Fabius. ceterùm &
insidias esse ratus, & ab nocturno utique abhorrens
certamine, suos munimentis tenuit. Luce primâ sub-
jugo montis prælium fuit; quo interclusam ab suis le-
vem armaturam faciliè (etenim numero aliquantum
præstabant) Romani superâssent, nisi Hispanorum co-
hors, ad id ipsum remissa ab Hannibale, pervenisset.
ea assuetior montibus, & ad concurrandum inter saxa
rupesque aptior ac levior, quum velocitate corporum,
tum armorum habitu, campestem hostem, gravem ar-
mis statariumque, pugnae genere faciliè elusit. Ita haud-
quaquam pari certamine digressi, Hispani ferè omnes
incolumes, Romani; aliquot suis amissis, in castra con-
tenderunt. Fabius quoque movit castra: transgres-
susque saltum super Allifas, loco alto ac munito con-
sedit. Tum, per Samniam Romam se petere simulans,
Hannibal usque in Pelignos populabundus rediit. Fa-
bius mediis inter hostium agmen urbemque Romam
jugis ducebat; nec ab sistens, nec congregiens. Ex Pe-
lignis Poenus flexit iter, retroque Apuliam repetens,
Geronium pervenit; urbem metu, quia collapsa ruinis;
pars moenium erat, ab suis desertam. Dictator in La-
rinate agro castra communiit. inde sacrorum causa
Romam revocatus, non imperio modò, sed consilio et-
iam, ac propè precibus agens cum magistro equitum,
ut plus consilio, quàm fortuna, confidat; & se potius ducem,
quàm

quàm Sempronium Flaminiumque, imitetur. ne nihil actum censeret, extractâ prope æstate per ludificationem hostis. medicos quoque plus interdum quiete, quàm movendo atque agendo, proficere. Haud parvam rem esse, ab toties victore habere vinci desisse, & ab continuis cladibus respirasse. Hæc nequicquam præmonito magistro equitum, Romam est profectus.

XIX. Principio æstatis, quâ hæc gerebantur, in Hispania quoque terrâ marique cœptum bellum est. Hasdrubal ad eum navium numerum, quem à fratre instructum paratumque acceperat, decem adjecit: quadraginta navium classem Himilconi tradidit: atque ita Karthagine profectus, navibus prope terram, exercitum in littore ducebat, paratus configere, quacumque parte copiarum hostis occurrisset. Cn. Scipioni, postquam movisse ex hibernis hostem audivit, primò idem consilii fuit: deinde, minùs terrâ, propter ingentem famam novorum auxiliorum, concurrere ausus, delecto milite ad naves imposito, quinque & triginta navium classe ire obviam hosti pergit. Altero ab Tartacone die ad stationem, decem millia passuum distantem ab ostio Iberi amnis, pervenit. inde duæ Massiliensium speculatoriæ præmissæ retulerunt, classem Punicam stare in ostio fluminis, castraque in ripa posita. Itaque, ut improvidos incautosque universo simul effuso terrore opprimeret, sublatis ancoris ad hostem vadit. Multas & locis altis positas turres Hispania habet, quibus & speculis. & propugnaculis adversus latrones utuntur. Inde primò, conspectis hostium navibus, datum signum Hasdrubali est; tumultusque prius in terra & castris, quàm ad mare & ad naves, est ortus, nondum aut pulsû remorum strepituque alio nautico exaudito, aut aperientibus classem promontoriis: quum repente eques, alius super alium ab Hasdrubale missus, vagos in littore, quætosque in tentoriis suis, nihil minus quàm hostem aut prælium eo die exspe-

expectantes, conscendere naves propere atque arma capere jubet. classem Romanam jam haud procul portu esse. Hæc equites dimissi passim imperabant. mox Hasdrubal ipse cum omni exercitu aderat: varioque omnia tumultu strepunt, ruentibus in naves simul remigibus militibusque, fugientium magis è terra, quàm in pugnam euntium modo. Vixdum omnes conscenderant, quum alii resolutis oris in ancoras evehuntur; alii, ne quid teneat, ancoralia incidunt: raptimque omnia præpropere agendo, militum apparatu nautica ministeria impediuntur, trepidatione nautarum capere & aptare arma miles prohibetur. Et jam Romanus non appropinquabat modò, sed direxerat etiam in pugnam naves. itaque non ab hoste & prælio magis Pœni, quàm suomet ipsi tumultu turbati, tentatà veriùs pugnà, quàm inità, in fugam averterunt classem. & quum adversi amnis os lato agmine ac tam multis simul venientibus haud sanè intrabile esset, in littus passim naves egerunt: atque alii vadis, alii sicco littore excepti, partim armati, partim inermes, ad instructam per littus aciem suorum perfugere. Duæ tamen primo concursu captæ erant Punicæ naves, quatuor suppressæ.

XX. Romani, quanquam terra hostium erat, armatamque aciem toto prætentam in littore cernebant, haud cunctanter inseguri trepidam hostium classem, naves omnes, quæ non aut persregerant proras littore illisas, aut carinas fixerant vadis, religatas puppibus in altum extraxere. ad quinque & viginti naves ex quadraginta cepere. Neque id pulcherrimum ejus victoriæ fuit, sed quòd unà levì pugnà toto ejus oræ mari potiti erant. itaque ad Honoscam classe provesti, excursionem ab navibus in terram factà, quum urbem vicepissent, captamque diripuissent, Karthaginem inde petunt: atque, omnem agrum circà depopulati, postremò testa quoque conjuncta muro portisque incenderunt.

Inde

Inde jam prædâ gravis ad Longunticam pervenit classis: ubi vis magna sparti ad rem nauticam congesta ab Hasdrubale. quod satis in usum fuit, sublato, ceterum omne incensum est. Nec continentis modò projectas oras prætervecta, sed in Ebusum insulam transmissum. ubi urbe, quæ caput insulæ est, biduum nequicquam summo labore oppugnata, ubi in spem irritam frustrari tempus animadversum est, ad populationem agri versi, direptis aliquot incensisque vicis, majore, quàm ex continenti, prædâ partâ, quum in naves se recepissent, ex Baliaribus insulis legati pacem petentes ad Scipionem venerunt. Inde flexa retro classis, reditumque in citeriora provinciæ; quò omnium populorum, qui Iberum incolunt, multorum & ultimæ Hispaniæ legati concurrerunt. Sed, qui verè ditionis imperilque Romani facti sunt, obsidibus datis, populi amplius fuerunt centum viginti. Igitur terrestribus quoque copiis satis fidens Romanus, usque ad saltum Castulo-nensem est progressus. Hasdrubal in Lusitaniam ac propius Oceanum concessit.

XXI. Quîetum inde fore videbatur reliquum æstatis tempus, fuissetque per Pœnum hostem; sed, præterquam quòd ipsorum Hispanorum inquieta avidaque in novas res sunt ingenia, Mandonius, Indibilisque, qui antea Ilergetum regulus fuerat, postquam Romani ab saltu recessere ad maritimam oram, concitis popularibus, in agrum pacatum sociorum Romanorum ad populandum venerunt. Adversus eos tribunus militum cum expeditis auxiliis, à Scipione missi, levi certamine, ut tumultuariam manum, fudere omnes; occisis quibusdam captisque, magna pars armis exuta. Hic tamen tumultus cedentem ad Oceanum Hasdrubalem, cis Iberum ad socios tutandos retraxit. Castra Punica in agro Ilercaonensium, castra Romana ad novam classem erant, quum fama repens aliò avertit bellum. Celiberi, qui principes regionis suæ legatos miserant, ob-

fidesque.

fidesque dederant Romanis, nuncio missò à Scipione excitì, arma capiunt, provinciamque Karthaginensium valido exercitu invadunt: tria oppida vi expugnant. inde, cum ipso Hasdrubale duobus prœliis egregiè pugnantes, quindecim millia hostium occiderunt, quatuor millia cum multis militaribus signis capiunt.

XXII. Hoc statu rerum in Hispania, P. Scipio in provinciam venit, prorogato post consulatum imperio ab senatu missus, cum triginta longis navibus, & octo millibus militum, magnoque comœatu adveſto. Ea classis ingens agmine onerariarum procul visa, cum magna lætitia civium sociorumque, portum Tarracenis ex alto tenuit. ibi milite exposito, profectus Scipio fratri se conjungit: ac deinde communi animo consilioque gerebant bellum. Occupatis igitur Karthaginensibus Cektiberico bello, hæud cunctanter Iberum transgrediuntur: nec ullo viso hoste, Saguntum pergunt ire, quòd ibi obsides totius Hispaniæ custodim traditos ab Hannibale fama erat modico in arce custodiri præsidio. id unum pignus inclinatos ad Romanam societatem omnium Hispaniæ populorum animos morabatur, ne sanguine liberum suorum culpa defectionis, luctetur. Eo vinculo Hispaniam vir unus, solerti magis quàm fideli consilio, exsolvit. Abduxerat Sagunti nobilis Hispanus, fidus antè Pœnis: tum (qualia plerumque sunt barbarorum ingenia) cum fortuna mutaverat fidem. ceterum, transfugam, sine magnæ rei proditiõe venientem ad hostes, nihil aliud quàm unum vile atque infame corpus esse ratus, id agebat, ut quàm maximum emolumentum novis fociis esset. Circumspectis igitur omnibus, quæ fortuna potestatis ejus poterat facere, obsidibus potissimum tradendis animum adjecit: eam unam rem maximè ratus conciliaturam Romanis principum Hispaniæ amicitiam. Sed quum, injussu Hostaris præfecti, satis sciret, nihil obsidum custodeq.

nodes facturos esse, Bostarem ipsum arte aggreditur. Castra extra urbem in ipso littore habebat Bostar, ut aditum ex portu intercluderet Romanis. ibi cum in secretum abductum, velut ignorantem, monet, quo statu sit res. *Metum continuisse ad eam diem Hispanorum animos, quia procul Romani abessent: nunc cis Iberum castra Romana esse, arcem tutam perfugiumque novas volentibus res. itaque, quos metus non teneat, beneficio & gratia devinciendos esse.* Miranti Bostari percunctantique, quodnam id subitum tantæ rei donum possit esse? *Obsides, inquit, in civitates remitte. id & privatim parentibus, quorum maximum nomen in civitatibus est suis, & publicè populis gratum erit. Vult sibi quisque credi, & habita fides ipsam plerumque obligat fidem. Ministerium restituendorum domos obsidum mihi met deposito ipsè, ut operâ quoque impensâ consilium adjuvem meum, & rei suapte naturâ grata, quantam insuper gratiam possim, adjiciam.* Homini, non ad cetera Punica ingenia callido, ut persuasit, nocte clam progressus ad hostium stationes, conventis quibusdam auxiliaribus Hispanis, & ab iis ad Scipionem perductus, quid afferret, expromit. Fide acceptâ datâque, ac loco & tempore constituto ad obsides tradendos, Saguntum redit; diem insequentem absumpsit cum Bostare, mandatis ad rem agendam accipiendis, dimissus, quum se nocte iturum, ut custodias hostium falleret, constitisset, ad compositam cum iis horam excitatis custodibus puerorum profectus, veluti ignarus in præparatas suâ fraude insidias ducit. In castra Romana perducti: cetera omnia de reddendis obsidibus, sicut cum Bostare constitutum erat, acta per eundem ordinem, quo si Karthaginensium nomine sic ageretur. Major aliquanto Romanorum gratia fuit in re pari, quàm quanta futura Karthaginensium fuerat. illos enim, graves superbosque in rebus secundis expertos, fortuna & timor mitigasse videri poterat. Romanus primo adventu, incognitus antè, ab re clementi liberalique
initium

initium fecerat: & Abelux, vir prudens, haud frustra videbatur socios mutasse. itaque ingenti consensu defectionem omnes spectare: armaque extemplo mota forent, ni hiems, quæ Romanos quoque & Karthaginienses concedere in testa coëgit, intervenisset.

XXIII. Hæc in Hispania quoque secundâ æstate Punici belli gesta, quum in Italia paulum intervalli cladibus Romanis solers cunctatio Fabii fecisset: quæ ut Hannibalem non mediocri sollicitum curâ habebat, tandem cum militiæ magistrum delegisse Romanos cernentem, qui bellum ratione, non fortunâ, gereret; ita contemptâ erat inter cives, armatos pariter togatosque; utique postquam, absente eo, temeritate magistri equitum, læto veriùs dixerim, quàm prospero eventu, pugnatum fuerat. Accesserant duæ res ad augendam invidiam dictatoris: una fraude ac dolo Hannibalis: quòd, quum à perfugis ei monstratus ager dictatoris esset, omnibus circâ solo æquatis, ab uno eo ferrum ignemque & vim omnem hostium abstineri iussit, ut occulti alicujus pacti ea merces videri posset: altera ipsius facto, primò forsitan dubio, quia non exspectata in eo senatûs auctoritas est; ad extremum haud ambiguè in maximam laudem verso, in permu- tandis captivis: quòd, sicut primo Punico bello factum erat, convenerat inter duces Romanum Pœnumque, ut, quæ pars plus reciperet, quàm daret, argenti pondo bina & selibras in militem præstaret. Ducen- tos quadraginta septem quum plures Romanus, quàm Pœnus, recepisset, argentumque pro eis debitum, sæpe jactatâ in senatu re, quoniam non consulisset Patres, tardiùs erogaretur: inviolatum ab hoste agrum, mis- so Romam Quinto filio, vendidit, fidemque publicam impendio privato exsolvit. Hannibal pro Geronii mœnibus, cujus urbis, captæ atque incensæ ab se, in usum horreorum pauca reliquerat testa, in stativis erat. inde frumentatum duas exercitûs partes mittebat:

cum

cum tertia ipse expedita in statione erat, simul castris præsidio, & circumspectans, necunde impetus in frumentatores fieret.

XXIV. Romanus tunc exercitus in agro Larinati erat. præerat Minucius magister equitum, profecto, sicut antè dictum est, ad urbem dictatore. Ceterum castra, quæ in monte alto ac tuto loco posita fuerant, jam in planum deferuntur: agitabanturque pro ingenio ducis consilia, calidiora, ut impetus aut in frumentatores palatos, aut in castra, relicta cum levi præsidio, fieret. Nec Hannibalem fefellit, cum duce mutam esse belli rationem, & ferocius, quàm confutatus, rem hostes gesturos. Ipse autem (quod minime quis crederet) quum hostis propius esset, tertiam partem militum frumentatum, duabus in castris retentis, dimisit: dein castra ipsa propius hostem movit, duo ferme à Geronio millia, in tumultum hosti conspectum; ut intentum sciret esse ad frumentatores, si qua vis fieret, tutandos. Propior inde ei, atque ipsis imminens Romanorum castris tumultus apparuit: ad quem capiendum si luce palam iretur, quia haud dubiè hostis breviori viâ præventurus erat, nocte clam missi Numidæ ceperunt. quos tenentes locum, contemptâ paucitate, Romani postero die quum ejcissent, ipsi eò transferunt castra. Tum itaque, ut exiguum spatii vallum à vallo aberat, & id ipsum totum propè compleverat Romana acies, simul & per averfa castra à castris Hannibalis equitatus, cum levi armatura emissus in frumentatores, latè eadem fugamque hostium palatorum fecit. nec acie certare Hannibal ausus; quia tantâ paucitate vix castra, si oppugnarentur, tutari poterat. Jamque artibus Fabii, (pars exercitus aberat) jam ferme sedendo & cunctando bellum gerebat, receperatque suos in priora castra, quæ pro Geronii moribus erant. Justâ quoque acie & collatis signis dimicatum, quidam auctores sunt. primo concursu Pennum usque

Atque ad castra fufum, inde eruptione factâ repente
 verſum terrorem in Romanos: Num. Decimii Samni-
 tis deinde interventu prœlium reſtitutum. Hunc, prin-
 cipem genere ac divitiis non Boviani modò, unde e-
 rat, ſed toto Samnio, jufſu dictatoris octo millia pe-
 ditum, & equites quingentos ducentem in caſtra, ab-
 tergo quum apparuiſſet Hannibali, ſpeciem parti utri-
 que præbuiſſe novi præſidii, cum Q. Fabio ab Roma
 venientis: Hannibalem inſidiarum quoque aliquid ti-
 mentem recepiſſe ſuos: Romanum inſecutum, adju-
 vante Samaite, duo caſtella eo die expugnâſſe: ſex
 millia hoſtium cæſa, quinque admodum Romanorum.
 tamen in tam pari propè clade famam egregiæ victoriæ
 eum vanioribus literis magiſtri equitum Romam per-
 latam.

XXV. De his rebus perſæpe & in ſenatu & in con-
 cione actum eſt. Quum, lætâ civitate, dictator unus
 nihil nec famæ, nec literis crederet, ut vera omnia eſ-
 ſent, ſecunda ſe magis, quàm adverſa, timere diceret:
 tum M. Metilius tribunus plebis, id enim ferendum eſſe
 negat. Non præſentem ſolum dictatorem obſtiſſe rei bene
 gerenda, ſed abſentem etiam geſta obſtare: & in ducendo
 bello ſedulo tempus terere, quo diutius in magiſtratu ſit, ſo-
 luſque & Roma & in exercitu imperium habeat. Quippe
 conſulum alterum in acie cecidiſſe; alterum, ſpecie classiſ Pœ-
 nica perſequenda, procul ab Italia ablegatum. Duos prætores
 Siciliâ atque Sardinia occupatos, quorum neutra hoc tempore
 provincia prætoris egeat. M. Minucium magiſtrum equi-
 tum, ne hoſtem videret, ne quid rei bellica gæreret, propè in
 caſtodiam habitum. Itaque, Hercule, non Samnium modò,
 quo jam, tanquam trans Iberum agro, Pœnis conſeſſum ſit, &
 Campanum, Calenumque, & Falernum agros pervaſtatos eſſe,
 ſedente Caſilini dictatore, & legionibus populi Romani agrum
 ſuum tutante. exercitum cupientem pugnare, & magiſtrum
 equitum, clauſos propè intra vallum retentos; tanquam hoſti-
 bus captivis ærâ adempta. tandem ut abſceſſerit inde dicta-
 tor,

tor, ut obsidione liberatos, extra vallum egressos fuisse ac sagasse hostes. Quas ob res, si antiquus animus plebi Romanae esset, audaciter se laturum fuisse de abrogando Q. Fabii imperio: nunc modicam rogationem promulgaturum de aquando magistri equitum & dictatoris jure: nec tamen ne ita quidem prius mittendum ad exercitum Q. Fabium, quam consulem in locum C. Flamini suffecisset. Dictator concionibus se abstinuit, in actione minimè popularis. ne in senatu quidem satis æquis auribus audiebatur, tunc quum hostem verbis extolleret, biennique clades per temeritatem atque inscientiam ducum acceptas referret: magistroque equitum, quòd contra dictum suum pugnasset, rationem diceret reddendam esse. Si penes se summa imperii consilii-que sit, propediem effecturum, ut sciant homines, bono imperatori baud magni fortunam momenti esse: mentem rationem-que dominari. Se in tempore & sine ignominia servasse exercitum, quam multa millia hostium occidisse, majorem gloriam esse. Hujus generis orationibus frustra habitis, & consule creato M. Atilio Regulo, ne præsens de jure imperii dimicaret, pridie quam rogationis ferendæ dies adesset, nocte ad exercitum abiit. Luce ortâ, quum plebis concilium esset, magis tacita invidia dictatoris favorque magistri equitum animos versabat, quam satis audebant homines ad suadendum, quod vulgò placebat, prodire: &, favore superante, auctoritas tamen rogationi deerat. Unus inventus est suasor legis C. Terentius Varro, qui priore anno prætor fuerat, loco non humili solum, sed etiam sordido, ortus. patrem lanium fuisse ferunt, ipsum institorem mercis, filioque hoc ipso in servilia ejus artis ministeria usum.

XXVI. Is juvenis, ubi ex eo genere quæstus pecunia à patre relicta animos ad spem liberalioris fortunæ fecit, togaque & forum placuere, proclamando pro sordidis hominibus causisque adversus rem & famam bonorum, primum in notitiam populi, deinde ad honores pervenit. quæsturâ quoque & duabus ædilitatibus,

bus, plebeiâ & curuli, postremò & præturâ perfun-
ctus, jam ad consulatûs spem quum attolleret animos,
haud parum callidè auram favoris popularis ex dicta-
toria invidia petiit, scitique plebis unus gratiam tulit.
Omnes eam rogationem, quique Romæ, quique in ex-
ercitu erant, æqui atque iniqui, præter ipsum dictatò-
rem, in contumeliam ejus latam acceperunt. ipse, quâ
gravitate animi criminantes se ad multitudinem inimi-
cos tulerat, eâdem & populi in se sævientis injuriam
tulit: acceptisque in ipso itinere literis senatusconsul-
ti de æquato imperio, satis fidens, haudquaquam cum
imperii jure artem imperandi æquatam, cumque invi-
cto à civibus hostibusque animo ad exercitum rediit.

XXVII. Minucius verò, quum jam antè vix tole-
rabilis fuisset secundis rebus ac favore vulgi, tum uti-
que immodicè immodestèque, non Hannibale magis vi-
cto ab se, quàm Q. Fabio, gloriari: *Illum in rebus aspe-
ris unicum ducem ac parem quesitum Hannibali, majorem mi-
nori, dictatorem magistro equitum, quod nulla memoria ha-
beat annalium, jussu populi æquatum in eadem civitate, in
qua magistri equitum virgas ac secures dictatoris tremere at-
que horrere soliti sint. In tantum suam felicitatem virtutem-
que exituisse. Ergo secuturum se fortunam suam, si dictator
in cunctatione ac segnitie, Deorum bonûmque judicio da-
mnata, perstaret. Itaque, quo die primùm congressus
est cum Q. Fabio, statuendum omnium primùm, ait, esse,
quemadmodam imperio æquato utantur. Se optimum ducere,
aut diebus alternis, aut, si majora intervalla placerent, par-
titis temporibus, alterius summum jus imperiumque esse: ut
par hosti non solùm consilio, sed viribus etiam esset, si quam
occasionem rei gerendæ habuisset. Q. Fabio haudquaquam
id placere: omnia enim fortunam habituram, quæcunque te-
meritas collega habuisset. Sibi communicatum cum illo, non
ademptum, imperium esse. Itaque se nunquam volentem par-
te, quâ posset, rerum consilio gerendarum cessurum: nec se
tempora aut dies imperii cum eo, exercitus divisurum, suis.*

que consiliis, quoniam omnia non liceret, quæ posset, servaturum. Ita obtinuit, uti legiones, sicut consulibus mor esset, inter se dividerent. prima & quarta Minucio, secunda & tertia Fabio venerunt. Item equites partim numero, sociumque & Latini nominis auxilia diviserrunt : castris se quoque separari magister equitum voluit.

XXVIII. Duplex inde Hannibali gaudium fuit : neque enim quicquam eorum, quæ apud hostes agerentur, cum fallebat, & perfugis multa indicantibus, & per suos explorantem. nam & liberam Minucii temeritatem se suo modo captaturum, & solertiam Fabii dimidium virium decessisse. Tumulus erat inter castra Minucii Pœnorumque. eum qui occupasset, haud dubiè iniquiorem erat hosti locum facturus. eum non tam capere sine certamine volebat Hannibal, (quantum id operæ pretium erat) quàm causam certaminis cum Minucio, quem semper occursum ad obsistendum satis sciebat, contrahere. Ager omnis medius erat primâ specie inutilis insidiatori, quia non modò silvestre quicquam, sed ne vepribus quidem vestitum habebat : re ipsâ natus tegendis insidiis, eo magis quòd in nuda valle nulla talis fraus timeri poterat. & erant in amfractibus cavæ rupes, ut quædam earum ducenos armatos possent capere. In has latebras, quot quemque locum aptè insidere poterant, quinque millia conduntur peditum equitumque. necubi tamen aut motus alicujus temere egressi, aut fulgor armorum fraudem in valle tam aperta detegeret, missis paucis primâ luce ad capiendum, quem antè diximus, tumulum, avertit oculos hostium. Primo statim conspectu contempta paucitas : ac sibi quisque deposcere pellendos inde hostes. ad locum capiendum dux ipse inter stolidissimos ferocissimosque ad arma vocat ; & vanis animis & minis increpat hostem. Principio levem armaturam dimittit, deinde conferto agmine mittit equites :

tes: postremò, quum hostibus quoque subsidia mitti videret, instructis legionibus procedit. Et Hannibal, laborantibus suis alia atque alia, crescente certamine, mittens auxilia peditum equitumque, jam justam expleverat aciem, ac totis utrinque viribus certabatur. Prima levis armatura Romanorum, præoccupatum inferiore loco succedens tumulum, pulsa detrusaque terrorem in succedentem intulit equitem, & ad signa legionum refugit. peditum acies inter percussos impavida sola erat, videbaturque, si justa aut si recta pugna esset, haudquaquam impar futura. tantum animorum fecerat prospere ante paucos dies res gesta. Sed exorti repentè insidiatores eum tumultum terroremque, in latera utrinque ab tergoque incurstantes, fecerunt, ut neque animus ad pugnam, neque ad fugam spes cuiquam superesset.

XXIX. Tunc Fabius, primò clamorè paventium audito, dein conspectà procul turbatà acie, *Ita est, inquit, non celerius, quàm timui, deprehendit fortuna temeritatem. Fabio æquatus imperio Hannibalem & virtute & fortunâ superiorem videt. Sed aliud iurgandi succensendique tempus erit. nunc signa extra vallum proferte. Victoriâ hosti extorqueamus, confessionem erroris civibus.* Jam magna ex parte cæsis aliis, aliis circumspectantibus fugam, Fabiana se acies repentè, velut cœlo demissa, ad auxilium ostendit. Itaque, priusquam ad conjectum teli veniret, aut manum confereret, & suos à fuga effusa, & ab nimis feroci pugna hostes continuit. qui solutis ordinibus vagè dissipati erant, undique confugerunt ad integram aciem; qui plures simul terga dederant, conversi in hostem, volventesque orbem, nunc sensim referre pedem, nunc conglobati restare. ac jam propè una acies facta erat victi atque integri exercitus, inferebantque signa in hostem; quum Pœnus receptui cecinit, palam ferente Hannibale, ab se Minucium, se à Fabio victum. Ita per variam fortunam dici majore

re parte exactâ, quum in castra reditum esset, Minucius, convocatis militibus, *Sape ego, inquit, audiui, milites, eum primum esse virum, qui ipse consulat, quid in rem sit; secundum eum, qui bene monenti obediat: qui nec ipse consulere, nec alteri parere sciat, eum extremi ingenii esse. Nobis quoniam prima animi ingenique negata fors est, secundam ac mediam teneamus: & dum imperare discimus, parere prudenti in animum inducamus. Castra cum Fabio jungamus: ad pratorium ejus signa quum tulerimus, ubi ego eum PARENTEM appellavero, quod beneficio ejus erga nos ac maiestate ejus dignum est; vos, milites, eos, quorum vos modò arma dextraque texerunt, PATRONOS salutabitis, & si nihil aliud, gratorum certè nobis animorum gloriam dies hæc dederit.*

XXX. Signo dato, conclamatur inde, ut colligantur vasa: profecti & agmine incedentes ad dictatoris castra in admirationem & ipsum, & omnes, qui circà erant, converterant. Ut constituta sunt ante tribunat signa, progressus ante alios magister equitum, quum patrem Fabium appellasset, circumfususque militum ejus totum agmen patronos consalutasset, Parentibus, inquit, meis, dictator (quibus te modò nomine, quo fando possum, equavi) vitam tantum debeo: tibi quum meam salutem, tum omnium horum. Itaque plebeiscitum, quo oneratus magis, quàm honoratus, sum, primus antiquo abrogoque: & quod tibi mihi, quod exercitibusque his tuis, servato ac conservatori, sit felix, sub imperium auspiciumque tuum redeo, & signa hæc legionesque restituo. Tu, queso, placatus me magisterium equitum, hos ordines suos quemque tenere jubeas. Tum dextræ interjunctæ, militesque, concione dimissâ, à notis ignotisque benignè atque hospitaliter invitati: lætusque dies, ex admodum tristi paulo antè ac propè execrabili, factus. Romæ, ut est perlatâ fama rei gestæ, dein literis non magis ipsorum imperatorum, quàm vulgo militum ex utroque exercitu affirmata, pro se quisque Maximum laudibus ad cœlum

lum ferre. Par gloria apud Hannibalem hostesque Pœnos erat: ac tum demum sentire, cum Romanis atque in Italia bellum esse. Nam biennio antè adeo & duces Romanos & milites spreverant, ut vix cum eadem gente bellum esse crederent, cujus terribilem eam famam à patribus accepissent. Hannibalem quoque ex acie redeuntem dixisse ferunt, *tandem eam nubem, quæ federe in jugis montium solita sit, cum procella imbrem dedisse.*

XXXI. Dum hæc geruntur in Italia, Cn. Servilius Geminus consul cum classe centum viginti navium, circumventus Sardiniae & Corsicae oram, & obsidibus utrinque acceptis, in Africam transmisit: &, priusquam in continentem excensiones faceret, Menige insulâ vastatâ, & ab incolentibus Cereinam, ne & ipsorum ureretur diripereturque ager, decem talentis argenti acceptis, ad littora Africae accessit, copiasque exposuit. Inde ad populandum agrum ducti milites, navalesque focii juxta effusi, ac si insulis cultorum egentibus prædarentur. itaque in insidias temere illati, quum à frequentibus palantes, ab locorum ignari circumvenirentur, cum multa cæde ac foeda fuga retro ad naves compulsi sunt. Ad mille hominum, cum his Sempronio Blæso quaestore, amissum: classis, à littoribus hostium plenis trepidè soluta, in Siciliam cursum tenuit; traditaque Lilybæi T. Otacilio prætori, ut ab legato ejus P. Sura Romam reduceretur. ipse, per Siciliam pedibus profectus, freto in Italiam trajecit, literis Q. Fabii accitus & ipse, & collega ejus M. Atilius, ut exercitus ab se, exacto jam propè semestri imperio, acciperent. Omnium propè annales Fabium dictatorem adversus Hannibalem rem gessisse tradunt. Coelius etiam eum primum à populo creatum dictatorem scribit. Sed & Coelium & ceteros fugit, uni consuli Cn. Servilio, qui tum procul in Gallia provincia aberat, jus fuisse dicendi dictatoris: quam moram quæ

exspectare territa jam clade civitas non poterat, eò decursum esse, ut à populo crearetur, qui pro dictatore esset: res inde gestas gloriamque insignem ducis, & augentes titulum imaginis posteros, ut, qui pro dictatore, dictator diceretur, facile obtinuisse.

XXXII. Consules, Atilius Fabiano, Geminus Servilius Minuciano exercitu accepto, hibernaculis mature communitis, (extremum autumnus erat) Fabii artibus cum summa inter se concordia bellum gesserunt. Frumentatum exeunti Hannibali diversis locis opportuni aderant, carpentes agmen, palatosque excipientes. in casum universæ dimicationis, quam omnibus artibus petebat hostis, non veniebant. adeoque inopiâ est coactus Hannibal, ut, nisi tum fugæ speciem abeundo timuisset, Galliam repetiturus fuerit, nullâ reliquâ spe alendi exercitus in eis locis, si insequentes consules eisdem artibus bellum gererent. Quum ad Geronium jam hieme impediante constitisset bellum, Neapolitani legati Romam venire. ab iis quadraginta patere aureæ magni ponderis in curiam illatæ, atque ita verba facta, ut dicerent: *Scire sese, Romani populi ærarium bello exhauriri: & quum juxta pro urbibus agrisque sociorum, ac pro capite atque arce Italia, urbe Romana atque imperio geratur, equum censuisse Neapolitanos, quod auri sibi quum ad templorum ornatum, tum ad subsidium fortune à majoribus relictum foret, eo juvare populum Romanum. Si quam opem in sese crederent, eodem studio fuisse oblaturas. gratum sibi Patres Romanos populumque facturum, si omnes res Neapolitanorum suas duxissent: dignosque judicaverint, ab quibus donum, animo ac voluntate eorum, qui libentes darent, quàm re, majus ampliusque, acciperent.* Legatis gratiæ actæ pro munificentia curaque. patera, quæ ponderis minimi fuit, accepta.

XXXIII. Per eosdem dies speculator Karthaginensis, qui per biennium fefellerat, Romæ deprehensus, præcisisque manibus dimissus: & servi quinq; & viginti

ginti in crucem acti, quod in campo Martio conjurassent. indici data libertas & æris gravis viginti millia. Legati & ad Philippum Macedonum regem missi ad deposcendum Demetrium Pharium, qui, bello victus, ad eum fugisset: & alii in Ligures ad ex postulandum, quod Pœnum opibus auxiliisque suis juvissent: simul ad visendum ex propinquo, quæ in Bojis atque Infubribus gererentur. Ad Pineum quoque regem in Illyrios legati missi ad stipendium, cujus dies exierat, poscendum; aut, si diem proferre vellet, obsides accipendos. adeo, etsi bellum ingens in cervicibus erat, nullius usquam terrarum rei cura Romanos, ne longinqua quidem, effugiebat. In religionem etiam venit, ædem Concordiæ, quam per seditionem militarem biennio antè L. Manlius prætor in Gallia vovisset, locatam ad id tempus non esse. itaque duumviri ad eam rem creati à M. Æmilio prætore urbis, Cn. Pupius & K. Quintius Flamininus, ædem in arce faciendam locaverunt. Ab eodem prætore ex senatusconsulto literæ ad consules missæ, ut, si iis videretur, alter eorum ad consules creandos Rómam veniret: se in eam diem, quam jussissent, comitia edicturum. Ad hæc à consulibus rescriptum, *Sine detrimento reipublicæ abscedi non posse ab hoste. itaque per interregem comitia habenda esse potius, quàm consulum alter à bello avocaretur.* Patribus rectius visum est, dictatorem à consule dici comitiarum habendorum causâ. dictus L. Veturius Philo, M. Pomponium Mathonem magistrum equitum dixit. His vitio creatis, jussisque die quartodecimo se magistratu abdicare, ad interregnum res rediit.

XXXIV. Consulibus prorogatum in annum imperium. interreges proditi à Patribus C. Claudius, Ap. filius, Centho, inde P. Cornelius Asina. In ejus interregno comitia habita magno certamine Patrum ac plebis. C. Terentio Varroni, quem, sui generis hominem, plebei insectatione principum popularibusque

artibus conciliatum, ab Q. Fabii opibus & dictatorio imperio concussis alienam invidiam splendentem, vulgus & extrahere ad consulatum nitebatur, Patres summam ope obstabant, ne se insectando sibi æquari assuescerent homines. Q. Bæbius Herennius tribunus plebis, cognatus C. Terentii, criminando non senatum morando, sed etiam augures, quod dictatorem prohibuissent comitia perficere, per invidiam eorum favorem candidato suo conciliabat. *Ab hominibus nobilibus, per multos annos bellum querentibus, Hannibalem in Italiam adductum: ab iisdem, quum debellari possit, fraude id bellum trahi. cum quatuor militum legionibus universis pugnari posse apparuisse eo, quod M. Minucius, absente Fabio, prospere pugnasset; duas legiones hosti ad eadem objectas, deinde ex ipsa cade ereptas, ut pater patronusque appellaretur, qui prius vincere prohibuisset Romanos, quam vinci. Consules deinde Fabianis artibus, quum debellare possent, bellum transisse. Id fœdus inter omnes nobiles initum: nec finem ante belli habituros, quam consulem verè plebeium, id est, hominem novum, fecissent. nam plebeios nobiles jam eisdem initiatos esse sacris, & contemnere plebem, ex quo contemni deserviant à Patribus, cœpisse. Cui non id apparere, id actum & quesitum esse, ut interregnum iniretur, ut in Patrum potestate comitia essent? Id consules ambos ad exercitum morando quasiisse: id postea, quia invitis iis dictator esset dictus comitiorum causâ, expugnatum esse, ut vitiosus dictator per augures fieret. Habere igitur interregnum eos. consulatum autem certè plebis Romanæ esse: populum liberum habiturum ac daturum ei, qui magis verè vincere, quam diu imperare, malit.*

XXXV. Quum his orationibus accensa plebs esset, tribus patriciis petentibus, P. Cornelio Merendâ, L. Manlio Volsone, M. Æmilio Lepido, duobus nobilibus jam familiarum plebei, C. Atilio Serrano & Q. Ælio Pæto, quorum alter pontifex, alter augur erat, C. Terentius consul unus creatur, ut in manu ejus essent

sent comitia rogando collegæ. Tum experta nobilitas, parum fuisse virium in competitoribus, L. Æmiliū Paullum, qui cum M. Livio consul fuerat, & damnatione collegæ, & suâ propè, ambustus evaserat, infestum plebei, diu ac multum recusantem, ad petitionem compellit. is proximo comitiali die, concedentibus omnibus, qui cum Varrone certaverant, par magis in adversandum, quàm collega, datur consuli. Inde prætorialia comitia habita. Creati M. Pomponius Matho & P. Furius Philus. Romæ juri dicundo urbana fors Pomponio, inter cives Romanos & peregrinos P. Furio Philo evenit. Additi duo prætores, M. Claudius Marcellus in Siciliam, L. Postumius Albinus in Galliam. Omnes absentes creati sunt; nec cuiquam eorum, præter Terentium consulem, mandatus honos, quem jam non antea gessisset, præteritis aliquot fortibus ac strenuis viris; quia in tali tempore nulli novus magistratus videbatur mandandus.

XXXVI. Exercitus quoque multiplicati sunt. Quantæ autem peditum equitumque additæ sint copiæ, adeo & numero & genere copiarum variant auctores, ut vix quicquam satis certum affirmare ausim. Decem millia novorum militum alii scripta in supplementum; alii novas quatuor legiones, ut octo legionibus rem gererent: numero quoque peditum equitumque legiones auctas, millibus peditum & centenis equitibus in singulas adjectis; ut quina millia peditum, trecenti equites essent; focii duplicem numerum equitum darent, pedites æquarent. Septem & octoginta millia armatorum & ducentos in castris Romanis, quum pugnatum ad Cannas est, quidam auctores sunt. Illud haudquam discrepat, majore conatu atque impetu rem actam, quàm prioribus annis; quia spem, posse vincere hostem, dictator præbuerat. Ceterum, priusquam signa ab urbe novæ legiones moverent, decemviri libros addire atque inspicere iussi propter territō vulgō homi-

nes novis prodigiis. nam, & Romæ in Aventino & Ariciæ, nunciatum erat, sub idem tempus lapidibus pluuisse: & multo cruore signa in Sabinis cædis, aquas è fonte calidas manasse. Id quidem, etiam, quod sæpius acciderat, magis terrebat: & in via Fornicata, quæ ad campum erat, aliquot homines de cælo tacti exanimatique fuerant. Ea prodigia ex libris procurata. Legati à Pæsto pateras aureas Romam attulerunt. iis, sicut Neapolitanis, gratiæ actæ, aurum non acceptum.

XXXVII. Per eisdem dies ab Hierone classis Ostiam cum magno commeatu accessit. Legati Syracusani in senatum introducti nunciârunt: *Cadem C. Flamini consulis exercitûsque allatam adeo agre tulisse regem Hieronem, ut nullâ suâ propriâ regnique sui clade moveri magis potuerit. Itaque, quanquam probè sciat, magnitudinem populi Romani admirabiliorem propè adversis rebus, quàm secundis, esse; tamen se omnia, quibus à bonis fidelibusque sociis bella juvari soleant, misisse: quæ ne accipere abnuant, magno opere se Patres conscriptos orare. Jam omnium primum ominis causâ victoriam auream pondo trecentum viginti asferre sese. acciperent eam, tenerentque, & haberent propriam & perpetuam. Advexisse etiam trecenta millia modium tritici, ducenta hordei, ne commeatus deessent: &, quantum præterea opus esset, quod iussissent, subvecturas. Milite atque equite scire, nisi Romano Latiniq; nominis, non uti populum Romanum: levium armatorum auxilia etiam externa vidisse in castris Romanis. Itaque misisse mille sagittariorum ac fuditum, aptam manum adversus Baliares ac Mauros, pugnacesque alias missili telo gentes. Ad ea dona consilium quoque addebant, Ut prætor, cui provincia Sicilia evenisset, classem in Africam trajiceret; ut & hostes in terra sua bellum haberent, minusque laxamenti daretur iis ad auxilia Hannibali submittenda. Ab senatu ita responsum regi est: Virum bonum egregiumque socium Hieronem esse, atque uno genere, ex quo in amicitiam populi Romani venerit, fidem co-*
luisse.

uisse, ac rem Romanam omni tempore ac loco munificè adjuvisse. id, perinde ac deberet, gratum populo Romano esse. Aurum & à civitatibus quibusdam allatum, gratià rei acceptà, non accepisse populum Romanum. Victoriàm omenque accipere; sedemque ei se Diva dare, dicare Capitolium, templum Jovis Optimi Maximi. in ea arce urbis Romana sacram, volentem propitiamque, firmam ac stabilem fore populo Romano. Funditores, sagittariiue, & frumentum traditum consulibus. Quinqueremes ad navium classem, quæ cum T. Otacilio proprætore in Sicilia erant, quinque & viginti additæ, permissumque est, ut, si è republica censeret esse, in Africam trajiceret.

XXXVIII. Delectu perfecto, consules paucos morati dies, dum socii ab nomine Latino venirent. Milites tunc, quod nunquam antea factum erat, jurejurando ab tribunis militum adacti, jussu consulum conventuros, neque injussu abituros. nam ad eam diem nihil præter sacramentum fuerat; &, ubi ad decuriatum aut centuriatum convenissent, suâ voluntate ipsi inter se equites decuriati, centuriati pedites conjurabant, sese fugæ atque formidinis ergò non abituros, neque ex ordine recessuros, nisi teli sumendi, aut petendi, & aut hostis feriendi, aut civis servandi causâ. id ex voluntario inter ipsos foedere à tribunis ad legitimam jurejurandi adactionem translatum. Conciones, priusquam ab urbe signa moverentur, consulis Varronis multæ ac feroces fuere, denunciante, bellum arcessitum in Italiam ab nobilibus, mansurumque in visceribus reipublicæ, si plures Fabios imperatores haberet; se, quod die hostem vidisset, perfecturum. Collegæ ejus Paullina, pridie quàm ex urbe proficiscerentur, concio fuit verior, quàm gratior populo, quâ nihil inclementer in Varronem dictum, nisi id modò; *Mirari se, quomodo quis dux, priusquam aut suum, aut hostium exercitum, locorum situm, naturam regionis nôset, jam nunc locatus in urbe sciret, quæ sibi agenda armato forent; & diem quoque prædi-*

cere posset, quâ cum hoste signis collatis esset dimicaturus. Sed, quæ consilia magis res dent hominibus, quàm homines rebus, ea ante tempus immatura non præcepturum. optare, ut, quæ cautè atque consultè gesta essent, satis prospere evenirent. Temeritatem, præterquam quòd stulta sit, infelicem etiam ad id locorum fuisse. Id suâ sponte apparebat, tuta celeribus consiliis præpositurum. & quo id constantius perseveraret, Q. Fabius Maximus sic eum proficiscentem allocutus fertur :

XXXIX. Si aut collegam (id quod mallet) tui similem, L. Æmili, haberes, aut tu collega tui similis esses, supervacanea esset oratio mea. nam & duo boni consules, etiam me indicente, omnia è republica fide vestrà faceretis : & malè nec mea verba auribus vestris, nec consilia animis acciperetis. nunc & collegam tuum & te talem virum intuenti mihi te eum omnis oratio est : quem video nequicquam & virum bonum & civem fore, si alterâ parte claudicet respublica. malis consiliis idem ac bonis juris & potestatis erit. Erras enim, L. Paulle, si tibi minus certaminis cum C. Terentio, quàm cum Hannibale, futurum censes. nescio, an infestior hic adversarius, quàm ille hostis, maneat : cum illo in acie tantum, cum hoc omnibus locis ac temporibus certaturus es : & adversus Hannibalem legionesque ejus tuis equitibus ac pedibus pugnandum tibi est : Varro dux tuis militibus te est oppugnaturus. Ominis etiam tibi causâ absit C. Flamini memoria. tamen ille consul demum, & in provincia, & ad exercitum, cœpit furere : hic, priusquam peteret consulatum, deinde in petendo consulatu ; nunc quoque consul ; priusquam castra videat aut hostem, insanit. & qui tantas jam nunc procellas, prælia atque acies jactando, inter togatos ciet, quid inter armatam juventutem censes facturum, & ubi extemplo verba res sequitur ? Atqui si hic, quod facturum se denunciat, extemplo pugnaverit ; aut ego rem militarem, belli hoc genus, hostem hunc ignoro, aut nobilior alius Trasimeno locus nostris cladibus erit. Nec gloriandi tempus adversus unum est ; ut ego, contemnenda potius, quàm appetendo, gloriam, modum

modum excefferim. Sed ita res habet. una ratio belli gerendi adversus Hannibalem est, quâ ego gessi. nec eventus modò hoc docet, (stultorum iste magister est) sed eadem ratio, quæ fuit, futuraque, donec res eadem manebunt, immutabilis est. In Italia bellum gerimus, in sede ac solo nostro. omnia circâ plena civium ac sociorum sunt. armis, viris, equis, commatibus juvant, juvabuntque. id jam fidei documentum in adversis rebus nostris dederunt. meliores, prudentiores, constantiores nos tempus diesque facit. Hannibal contrâ in aliena, in hostili est terra, inter omnia inimica infestaque, procul ab domo, procul à patria. neque illi terrâ, neque mari est pax: nulla eum urbes accipiunt, nulla mœnia: nihil usquam sui videt: in diem rapto vivit. Partem vix tertiam exercitûs ejus habet, quem Iberum amnem trajecit. plures fames, quàm ferrum, absumpsit: nec his paucis jam victus suppeditat. Dubitas ergo, quin sedendo superaturi simus eum, qui senescat in dies? non commeatus, non supplementum, non pecuniâ habeat? Quamdiu pro Geronii, castelli Apulie inopis, tanquam pro Karthaginis mœnibus? Sed ne adversus te quidem ego gloriabor. Cn. Servilius atque Atilius, proximî consules, vide, quemadmodum eum ludificati sint. Hac una salutis est via, L. Paulte, quam difficilem infestamque cives sibi magis, quàm hostes, facient. idem enim tui, quod hostium milites, volent: idem Varro, consul Romanus, quod Hannibal, Pœnus imperator, cupiet. duobus ducibus unus resistas, oportet: resistes autem, adversus famam rumor'esque hominum si satis firmus steteris: si te neque collega vana gloria, neque tua falsa infamia moverit. Veritatem laborare nimis sæpe, aiunt, exstingui nunquam. Gloriam qui spreverit, veram habebit. Sine, timidum pro cauto, tardum pro considerato, imbellem pro perito belli vacent. malo, te sapiens hostis metuat, quàm stultâ cives laudent. Omnia audentem contemnet Hannibal: nil temere agentem metuet. Nec ego, ut nihil agatur, moneo; sed ut agentem te ratio ducat, non fortuna: tuæ potestatis semper, tuæque omnia sint. armatus intentusque sis, neque occasione tua desis, neque suam occasionem

host

hosti des. Omnia non properanti clara certaque erunt. festinatio improvida est & caca.

XL. Adversus ea oratio consulis haud sanè læta fuit, magis fatentis, ea, quæ diceret, vera, quàm facilia factu, esse. *Dictatori magistrum equitum intolerabilem fuisse; quid consuli adversus collegam seditiosum ac temerarium virium atque auctoritatis fore? Se populare incendium priore consulatu semivictum effugisse: optare, ut omnia prospere evenirent. at, si quid adversi caderet, hostium se telis potius, quàm suffragiis iratorum civium, caput objecturum.* Ab hoc sermone profectum Paullum tradunt, prosequentibus primoribus Patrum. Plebeium consulem sua plebes prosecuta, turbâ, quàm dignitate, conspectior. Ut in castra venerunt, permixto novo exercitu ac veteri, castris bifariam factis, ut nova minora essent propius Hannibalem, in veteribus major pars & omne robur virium esset; tum consulum anni prioris M. Atilium, ætatem excusantem, Romam miserunt; Geminum Servilium in minoribus castris legioni Romanæ & socium peditum equitumque duobus millibus præficiunt. Hannibal, quanquam parte dimidiâ auctas hostium copias cernebat, tamen adventu consulum mirè gaudere. non solum enim nihil ex raptis in diem com meatibus superabat, sed ne, unde raperet, quidem quicquam reliqui erat, omni undique frumento, postquam ager parum tutus erat, in urbes munitas convento: ut vix decem dierum (quod compertum postea est) frumentum superesset, Hispanorumque ob inopiam transitio parata fuerit, si maturitas temporum expectata foret.

XLI. Ceterum temeritati consulis ac præpropere ingenio materiam etiam fortuna dedit: quod in prohibendis prædatoribus tumultuario prælio, ac procursum magis militum, quàm ex præparato aut iussu imperatorum, octo, haudquaquam par Poenis dimicatio fuit. ad mille & septingenti cæsi, non plus centum Romanorum

norum sociorumque occisis. ceterum victoribus effusse sequentibus metu insidiarum obstitit Paullus consul : cujus eo die (nam alternis imperitabant) imperium erat, Varrone indignante ac vociferante, emissum hostem è manibus ; debellarique, ni cessatum foret, potuisse. Hannibal id damnum haud ægerrimè pati, quin potius credere, velut inescatam temeritatem ferocioris consulis ac novorum maximè militum esse. & omnia ei hostium, haud secus quàm sua, nota erant : dissimiles discordesque imperitare, duas propè partes tironum militum in exercitu esse. Itaque, locum & tempus insidiis aptum se habere ratus, nocte proximà nihil præter arma ferentes secum milites ducens, castra plena omnis fortunæ publicæ privatæque relinquit ; transque proximos montes lævâ pedites instructos condit, dextrâ equites, impedimenta per convallem, medium agmen, traducit : ut diripiendis velut desertis fugâ dominorum castris occupatum impeditumque hostem opprimeret. Crebri relictî in castris ignes, ut fides fieret, dum ipse longius spatium fugâ præciperet, falsâ imagine castrorum (sicut Fabium priore anno frustratus esset) tenere in locis consules voluisse.

XLII. Ubi illuxit, subductæ primò stationes, deinde propius adeuntibus insolitum silentium admirationem fecit. Jam satis compertâ solitudine, in castra concursus fit ad prætoria consulum, nunciantium fugam hostium adeo trepidam, ut, tabernaculis stantibus, castra reliquerint : quóque fugâ obscurior esset, crebros etiam relictos ignes. Clamor inde ortus, ut signa proferri juberent, ducerentque ad persequendos hostes, ac protinus castra diripienda. Et consul alter velut unus turbæ militaris erat. Paullus etiam atque etiam dicere, providendum præcavendumque esse. postremò, quum aliter neque seditionem neque ducem seditionis sustinere posset, Marium Statilium præfectum cum turma Lucana exploratum mittit. qui, ubi ad-

quita-

quitavit portis, subsistere extra munimenta ceteris iussis, ipse cum duobus equitibus vallum intravit: speculatusque omnia cum cura renunciat, insidias profecto esse: ignes in parte castrorum, quæ vergat in hostem, relictos: tabernacula aperta, & omnia cara in promptu relictæ: argentum quibusdam locis temere per vias, velut objectum ad prædam, vidisse. Quæ ad deterrendos à cupiditate animos nunciata erant, ea accenderunt; & clamore orto à militibus, *Ni signum detur, sine ducibus ituros*, haudquaquam dux defuit. nam extemplo Varro signum dedit proficiscendi. Paullus, quum ei suâ sponte cunctanti pulli quoque auspicio non addixissent, obnunciari jam efferenti portâ signa collegæ iussit. quod quanquam Varro ægre est passus, Flamini tamen recens casus, Claudique consulis primo Punico bello memorata navalis cladēs, religionem animo incussit. Dii propè ipsi eo die magis distulere, quàm prohibuere, imminentem pestem Romanis. nam fortè ita evenit, ut, quum referri signa in castra jubenti consuli milites non parerent, servi duo, Formiani unus, alter Sidicini equitis, qui, Servilio atque Atilio consulibus, inter pabulatores excepti à Numidis fuerant, profugerent eo die ad dominos: qui deducti ad consules nunciant, omnem exercitum Hannibalis trans proximos montes sedere in insidiis. Horum opportunus adventus consules imperii potentes fecit, quum ambitio alterius suam primum apud eos pravâ indulgentiâ maiestatem solvisset.

XLIII. Hannibal, postquam motos magis inconsultè Romanos, quàm ad ultimum temere evectos, vidit; nequicquam, detectâ fraude, in castra rediit. Ibi plures dies propter inopiâ frumenti manere nequibat; novaque consilia in dies non apud milites solum, mixtos ex colluvione omnium gentium, sed etiam apud ipsum ducem, oriebantur: nam quum initio fremitus, deinde aperta vociferatio fuisset expostantium, stipen-

stipendium debitum, querentiumque annonam primò, postremò famem; & mercenarios milites, maxime Hispani generis, de transitione cepisse consilium fama esset: ipse etiam interdum Hannibal de fuga in Galliam dicitur agitasse, ita ut, relicto peditatu omni, cum equitibus se proriperet. Quum hæc consilia atque hic habitus animorum esset in castris, movere inde statuit, in calidiora atque eo maturiora messibus Apuliæ loca: simul ut, quo longius ab hoste recessisset, transfugia impeditiora levibus ingeniis essent. Profectus est nocte, ignibus similiter factis, tabernaculisque paucis in speciem relictis, ut insidiarum par priori metus contineret Romanos. Sed, per eundem Lucanum Statilium, omnibus ultra castra transque montes exploratis, quum relatum esset, visum procul hostium agmen; tum de insequendo eo consilia agitari cœpta. Quum utriusque consulis eadem, quæ semper antè, fuisset sententia; ceterum Varroni ferè omnes, Paulo nemo, præter Servilium prioris anni consulem, assentiretur; majoris partis sententia ad nobilitandas clade Romanæ Cannas, urgente fato, profecti sunt. Prope cum videretur Hannibal castra posuerat averfa à Vulturno vento, qui campis torridis siccitate nubes pulveris vehit. id quum ipsis castris percommodum fuit, tum salutare præcipuè futurum erat, quum aciem dirigerent, ipsi aversi, terga tantum afflante vento, in obsecratum pulvere effuso hostem pugnaturi.

XLIV. Consules, satis exploratis itineribus, sequentes Pœnum, ut ventum ad Cannas est, ubi in conspectu Pœnum habebant, bina castra communiunt, eodem ferme intervållo, quo ad Geronium, sicut antè, copiis divisis. Aufidus amnis, utrisque castris affluens, aditum aquatoribus ex sua cujusque opportunitate haud sine certamine dabat. ex minoribus tamen castris, quæ posita trans Aufidum erant, liberius aquabantur Romani, quia ripa ulterior nullum habebat hostium præsidium.

sidium. Hannibal spem nactus, locis natis ad equestrem pugnam, quâ parte virium invictus erat, facturos copiam pugnandi consules, dirigit aciem, laceffitque Numidarum procurfatione hostes. Inde rursus sollicitari seditione militari ac discordiâ consulum Romana castra; quum Paullus Sempronique & Flaminiâ temeritatem Varroni, Varro speciosum timidis ac segnibus ducibus exemplum Fabium objiceret: testareturque Deos hominesque hic, *nullam penes se culpam esse, quod Hannibal jam velut usucepisset Italiam; se constri-ctum à collega teneri; ferrum atque arma iratis & pugnare cupientibus adimi militibus*: ille, *si quid projectis ac proditis ad inconsultam atque improvidam pugnam legionibus accideret, se omnis culpa exsortem, omnis eventus participem fore* diceret. *videret, ut, quibus lingua tam prompta ac temeraria, aequè in pugna vigerent manus.*

XLV. Dum altercationibus magis, quàm consiliis, tempus teritur, Hannibal ex acie, quam ad multum diei tenuerat instructam, quum in castra ceteras reciperet copias, Numidas ad invadendos ex minoribus castris Romanorum aquatores trans flumen mittit. quam inconditam turbam quum vixdum in ripam egressi clamore ac tumultu fugassent, in stationem quoque provallo locatam atque ipsas prope portas egressi sunt. Id verò indignum visum, ab tumultuario auxilio jam etiam castra Romana terreri: ut ea modò una causa, ne extemplo transirent flumen, dirigerentque aciem, tenerit Romanos, quod summa imperii eo die penes Paillum fuerit. Itaque Varro postero die, cui fors ejus diei imperii erat, nihil consulto collegâ, signum pugnae proposuit, instructasque copias flumen traduxit, sequente Paulo; quia magis non probare, quàm non adjuvare, consilium poterat. Transgressi flumen eas quoque, quas in castris minoribus habuerant, copias suis adjungunt: atque ita instructâ acie, in dextro cornu (id erat flumini propius) Romanos equites lo-

cant,

cant, deinde pedites: lævum cornu extremi equites sociorum, intrà pedites, ad medium juncti legionibus Romanis tenuerunt jaculatores. ex ceteris levium armorum auxiliis prima acies facta. Consules cornua tenuerunt; Terentius lævum, Æmilius dextrum. Geminio Servilio media pugna tuenda data.

XLVI. Hannibal luce primâ, Baliaribus levique aliâ armaturâ præmissâ, transgressus flumen, ut quosque traduxerat, ita in acie locabat. Gallos Hispanosque equites prope ripam lævo in cornu adversus Romanum equitatum: dextrum cornu Numidis equitibus datum, mediâ acie peditibus firmatâ; ita, ut Afrorum utraque cornua essent, interponerentur his medii Galli atque Hispani. Afros Romanam magna ex parte crederes aciem: ita armati erant, armis & ad Trebiam, ceterum magna ex parte ad Trasimenum captis. Gallis Hispanisque scuta ejusdem formæ ferè erant: dispareres ac dissimiles gladii: Gallis prælongi ac sine mucronibus: Hispano, punctum magis, quàm cæsum, affucto petere hostem, brevitate habiles & cum mucronibus. ante ceteros habitus gentium harum tum magnitudine corporum, tum specie terribilis erat. Galli super umbilicum erant nudi: Hispani linteis prætextis purpurâ tunicis, candore mirò fulgentibus, constiterant. Numerus omnium peditum, qui tum steterunt in acie, millium fuit quadraginta, decem equitum. Duces cornibus præerant: sinistro Hasdrubal, dextro Maharbal: mediam aciem Hannibal ipse cum fratre Magone tenuit. Sol, seu de industria ita locatis, seu quòd fortè ita starent, peropportunè utrique parti obliquus erat, Romanis in meridiem, Pœnis in septentrionem versis. ventus, (Vulturnum incolæ regionis vocant) adversus Romanis cœortus, multo pulvere in ipsa ora volvendo prospectum ademit.

XLVII. Clamore sublato, præcursum ab auxiliis, & pugna levibus primùm armis commissa: deinde equi-

quitum Gallorum Hispanorumque lævum cornu eū dextro Romano concurrat, minimè equestris more pugna: frontibus enim adversis concurrendum erat, quia, nullo circa ad evagandum relicto spatio, hinc amnis, hinc peditum acies claudebant in directum utrinque nitentes. Stantibus ac confertis postremò turbà equis, vir virum amplexus detrahebat equo. pedestre magna jam ex parte certamen factum erat: acriter tamen, quàm diutius, pugnatum est; pulsi que Romani equites terga vertunt. Sub equestris finem certaminis coorta est peditum pugna. primò & viribus & animis pares constabant ordines Gallis Hispanisque: tandem Romani, diu ac sæpe connisi, æquà fronte acieque densà impulere hostium cuneum nimis tenuem, eoque parum validum, à cetera prominentem acie. impulsis deinde ac trepidè referentibus pedem insistere: ac tenore uno per præceps pavore fugientium agmen in mediam primùm aciem illati, postremò, nullo resistente, ad subsidia Afrorum pervenerunt; qui utrinque reductis alis constiterant, medià, quà Galli Hispanique steterant, aliquantulum prominente acie: qui cuneus ut pulsus æquavit frontem primùm, deinde nitendo etiam sinum in medio dedit, Afri circa jam cornua fecerant; irruentibusque incautè in medium Romanis, circumdedere alas: mox, cornua extendendo, clausere & ab tergo hostes. Hinc Romani, defuncti nequicquam prælio uno, omissis Gallis Hispanisque, quorum terga ceciderant, etiam adversus Afros integràm pugnam incunt, non tantum eo iniquam, quòd inclusi adversus circumfatos, sed etiam quòd fessi cum recentibus ac vegetis pugnant.

XLVIII. Jam & in sinistro cornu Romano, ubi sociorum equites adversus Numidas steterant, confertum prælium erat, segne primò, & à Punica cœptum fraude. Quingenti ferme Numidæ, præter solita arma telaque, gladios occultos sub loriceis habentes, specie

acie transfugarum quum ab suis, parmas post terga habentes, adequitassent, repente ex equis desiliunt; parmisque & jaculis ante pedes hostium projectis, in mediam aciem accepti, ductique ad ultimos, considere ab tergo jubentur; ac, dum prælium ab omni parte confertur, quieti manserunt. postquam omnium animos oculosque occupaverat certamen, tum, arreptis scutis, quæ passim inter acervos cæsum corporum strata erant, averfam adoriuntur Romanam aciem; tergaque ferientes, ac poplites cædentes, stragem ingentem, ac majorem aliquanto pavorem ac tumultum, fecerunt. Quum alibi terror ac fuga, alibi pertinax in mala jam spe prælium esset; Hasdrubal, qui eâ parte præerat, subductos ex media acie Numidas, quia segnis eorum cum adversis pugna erat, ad persequendos passim fugientes mittit: Hispanos & Gallos pedites, jam Afriâ propè fessis, cæde magis quàm pugnam, adjungit.

XLIX. Parte alterâ pugnae Paullus, quanquam primo statim prælio fundâ graviter ictus fuerat, tamen & occurrit sæpe cum confertis Hannibali, & aliquot locis prælium restituit, protegentibus eum equitibus Romanis; omissis postremo equis, quia consulem & ad regendum equum vires deficiebant. tum denunciante cuidam, jussisse consulem ad pedes descendere equites, dixisse Hannibalem ferunt, *Quam mallet, victos mihi traderet!* Equitum pedestre prælium, quale jam haud dubiâ hostium victoriâ, fuit; quum victi mori in vestigio mallet, quàm fugere; victores, morantibus victoriam irati, trucidarent, quos pellere non poterant: pepulerunt tamen jam paucos superantes, & labore ac vulneribus fessos. Inde dissipati omnes sunt, equosque ad fugam, qui poterant, repetebant. Cn. Lentulus tribunus militum, quum, prætervehens equo, sedentem in saxo cruore oppletum consulem vidisset: *L. Æmili, inquit, quem unum insentem culpa cladis hodiernæ Dii respicere debent, cape hunc equum, dum & tibi viri-*

um aliquid superest : comes ego te tollere possum ac protegere. ne fanestam hanc pugnam morte consulis feceris. Etiam sine hoc lacrimarum satis luctusque est. Ad ea consul : Tu quidem, Cn. Corneli, maxime virtute esto ! sed cave, frustra miserando exiguum tempus è manibus hostium evadendi absumas. Abi, nuncia publice Patribus, urbem Romanam muniant, ac prius, quam hostis victor adveniat, praesidiis firment : privatimque Q. Fabio, L. Æmilium preceptorum ejus memorem & vixisse, & adhuc mori. Me in hac strage militum meorum patere expirare, ne aut reus iterum è consulatu sim, aut accusator collega existam, ut alieno crimine innocentiam meam protegam. Hæc exigentes prius turba fugientium civium, deinde hostes, oppressere : consulem, ignorantes quis esset, obruere telis : Lentulum inter tumultum abripuit equus. tum inde effusè fugiunt. Septem millia hominum in minora castra, decem in majora, duo ferme in vicum ipsum Cannas perfugerunt : qui extemplo à Karthalone atque equitibus, nullo munimento tegente vicum, circumventi sunt. Consul alter, seu fortè, seu consilio, nulli fugientium infestus agmini, cum septuaginta ferè equitibus Venukam perfugit. Quadraginta millia peditum, duo millia septingenti equites, & tanta propè civium spiorumque pars, cæsi dicuntur ; in his ambo consulum quæstores L. Atilius & L. Furius Bibaculus : unus & viginti tribuni militum ; consulares quidam prætorique & ædificii : inter eos Cn. Servilium Geminum & M. Minucium numerant, qui magister equitum priore anno, aliquot antè consul fuerat : octoginta præterea aut senatores, aut qui eos magistratus gessissent, unde in senatum legi deberent, quum suâ voluntate milites in legionibus facti essent. Capta eo proelio tria millia peditum & equites trecenti dicuntur.

L. Hæc est pugna Cannensis, Alliensis cladi nobilitate par : ceterum ut illis, quæ post pugnam accidere, levior, quia ab hoste cessatum est ; sic strage exercitus gravior

gravior foediorque. fuga namque ad Alliam sicut urbem prodidit, ita exercitum servavit: ad Cannas fugientem consulem vix septuaginta secuti sunt: alterius morientis propè totus exercitus fuit. Binis in castris quum multitudo semiermis sine ducibus esset, nuntium, qui in maioribus erant, mittunt; *dum praelio, deinde ex letitia epulis fatigatos quies nocturna hostes premeret, ut ad se transirent: uno agmine Canusium abituros esse.* Eam sententiam alii totam aspernari: *Cui enim illos, qui se arcessant, ipsos non venire, quem aequè conjungi possent? quia videlicet plena hostium omnia in medio essent: & aliorum, quàm sua, corpora tanto periculo mallent obicere.* Aliis non tam sententia displicere, quàm animus deesse. P. Sempronius Tuditanus tribunus militum, *Capi ergo mavultis, inquit, ab avarissimo & crudelissimo hoste, aestimarique capita vestra, & exquiri pretia ab interrogantibus, Romanus civis sis, an Latinus socius, ut ex tua contumelia & miseria alteri honos quæratur? Non tu: si quidem L. Æmilii consulis, qui se bene mori, quàm turpiter vivere, maluit, & tot fortissimorum virorum, qui circa eum cumulati jacent, cives estis. Sed autè, quàm opprimit lax, majoraque hostium agmina obsepunt ster, per hos, qui inordinati atque incompoti obstrepunt portis, erumpamus. Ferro atque audaciâ via fit, quamvis per confertos hostes. cuneo quidem hoc laxum atque solutum agmen, ut si nihil obstet, transibimus. Itaque ite mecum, qui & vosmet ipsos ~~de~~rempublicam salvam vultis.* Hæc ubi dicta dedit, stringit gladium, cuneoque facto per medios vadit hostes. &, quum in latus dextrum, quod patebat, Numidæ jacularentur, translatis in dextrum scutis, in majora castra ad sexcentos evaserunt: atque inde protinus, alio magno agmine adjuncto, Canusium incolumes perveniunt. Hæc apud victos magis impetu animorum, quod ingenium suum cuique aut fors dabat, quàm ex consilio ipsorum, aut imperio cujusquam, agebantur.

LI. Hannibali victori quum ceteri circumfusi gratularentur,

larentur, suaderentque, ut, tanto perfunctus bello, dici quod reliquum esset, noctisque insequentis, quietem & ipse sibi sumeret, & fessis daret militibus; Maharbal, præfectus equitum, minimè cessandum ratus, *Imò, ut, quid hæc pugna sit actum, scias, die quinto, inquit, victor in Capitolio epulaberis. sequere: cum equite, ut prius venisse, quam venturum, sciant, precedam.* Hannibali nimis læta res est visa, majorque, quam ut eam statim capere animo posset. Itaque, *voluntatem se laudare Maharbalis, ait: ad consilium pensandum temporis opus esse.* Tum Maharbal, *Non omnia, nimirum, eidem Dii dedere. vincere scis Hannibal, victoriâ uti nescis.* Mora ejus diei satis creditur saluti fuisse urbi atque imperio. Postero die ubi primum illuxit, ad spolia legenda sædamque etiam hostibus spectandam stragem insistant. Jacebant enim tot Romanorum millia, pedites passim equitesque, ut quem cuique fors aut pugna junxerat aut fuga. assurgentes quidam ex strage media cruenti, quos stricta matutino frigore excitaverant vulnera, ab hoste oppressi sunt. Quosdam & jacentes vivos succisis feminibus poplitibusque invenerunt, nudantes cervicem jugulumque, & reliquum sanguinem jubentes haurire. Inventi sunt quidam meris in effossam terram capitibus, quos sibi ipsos fecisse foveas, obruentesque ora superjectâ humo interclusisse spiritum apparebat. Præcipuè convertit omnes substratus Numida mortuo superincubanti Romano vivus, naso auribusque laceratis: equum, manibus ad capiendum telum inutilibus, in rabiem irâ versus, laniando dentibus hostem exspirasset.

LII. Spoliis ad multum diei lectis, Hannibal ad minora ducit castra oppugnanda, & omnium primum, brachio objecto, flumine eos excludit. Ceterum ab omnibus, labore, vigiliis, vulneribus etiam fessis, maturior ipsius spe deditio est facta. pacti, ut arma atque equos traderent, in capita Romana treceas nummis quadrigatis, in socios duceas, in servos centenis, & ut,

ut, eo pretio perfoluto, cum singulis abirent vestimentis, in castra hostes acceperunt; traditique in custodiam omnes sunt, seorsum cives sociique. Dum ibi tempus teritur, interea quum ex majoribus castris, quibus satis virium aut animi fuit, ad quatuor millia hominum & ducenti equites, alii agmine, alii palati passim per agros, quod haud minus tutum erat, Canusium perfugissent, castra ipsa ab faucibus timidisque eadem conditione, quâ altera, tradita hosti. Præda ingens parta est: &, præter equos virosque, & si quid argenti, (quod plurimum in phaleris equorum erat; nam ad vescendum facto perexiguo, utique militantes, utebantur) omnis cetera præda diripienda data est. Tum sepeliendi causâ conferri in unum corpora suorum iussit. Ad octo millia fuisse dicuntur fortissimorum virorum. Consulem quoque Romanum conquistum sepultumque, quidam auctores sunt. Eos, qui Canusium perfugerant, mulier Apula, nomine Busa, genere clara ac divitiis, moenibus tantum testisque à Canusinis acceptos, frumento, veste, viatico etiam juvit; pro qua ei munificentia postea, bello perfecto, ab senatu honores habiti sunt.

LIII. Ceterum, quum ibi tribuni militum quatuor essent, Fabius Maximus de legione prima, cujus pater priore anno dictator fuerat, & de legione secunda L. Publicius Bibulus & P. Cornelius Scipio, & de legione tertia Ap. Claudius Pulcher, qui proximè ædilis fuerat; omnium consensu ad P. Scipionem, admodum adolescentem, & ad Ap. Claudium summa imperii delata est. quibus consultantibus inter paucos de summa rerum nunciat P. Furius Philus, consularis viri filius, *Nequicquam eos perditam spem fovere: desperatam comploratamque rem esse publicam. Nobiles juvenes quosdam, quorum principem L. Cecilium Metellum, mare ac neq̃es spectare, ut, desertâ Italiâ, ad regum aliquem transfugiant. Quod malum, præterquam atrox, super tot clades et-*
Tom. II. L iam

iam novum, quum stupore ac miraculo torpidos defixisset, &, qui aderant, concilium advocandum de eo censerent; negat concilii rem esse Scipio juvenis, fatalis dux hujusce belli. *Audendum atque agendum, non consultandum*, ait, *in tanto malo esse. Irent secum extemplo armati, qui rempublicam salvam vellent. nullo veriùs, quàm ubi ea cogitentur, hostium castra esse.* Pergit ire, sequentibus paucis, in hospitium Metelli. &, quum concilium ibi juvenum, de quibus allatum erat, invenisset, stricto super capita consultantium gladio, *Ex mei animi sententia*, inquit, *ut ego rempublicam populi Romani non deseram, neque alium civem Romanum deserere patiar. Si sciens fallo, tum me, Jupiter Optime Maxime, domum, familiam, remque meam pessimo leto afficias!* In hac verba, *L. Cecili, jures, postulo, ceterique, qui adestis: qui non juraverit, in se hunc gladium strictum esse sciat.* Haud secus pavidum, quàm si victorem Hannibalem cernerent, jurant omnes: custodiendosque semet ipsos Scipioni tradunt.

LIV. Eo tempore, quo hæc Canusii agebantur, Venusiam ad consulem ad quatuor millia peditum equitumque, qui sparsi fugâ per agros fuerant, pervenere. Eos omnes Venusini per familias benignè accipiendos curandosque quum divisissent, in singulos equites togas & tunicas & quadrigatos nummos quinos vicenos, & peditibus denos, & arma, quibus deerant, dederunt. ceteraque publicè ac privatim hospitaliter facta: certatumque, ne à muliere Canusina populus Venusinus officiis vinceretur. Sed gravius onus Bursæ multitudo faciebat, & jam ad decem millia hominum erant. Appiusque & Scipio, postquam incolumem esse alterum consulem acceperunt, nuncium extemplo mittunt, quantæ secum peditum equitumque copiarum essent: sciscitatumque simul, utrùm Venusiam adduci exercitum, an manere juberet Canusii? Varro ipse Canusina copias traduxit: & jam aliqua species consularis exercitus erat; moribusque se certè, si non armis, ab hoste

hoste videbantur defensuri. Romam, ne has quidem reliquias superesse civium sociorumque, sed occisione occisos cum duobus exercitibus consules, deletasque omnes copias, allatum fuerat. Nunquam, salvâ urbe, tantum pavoris tumultusque intra mœnia Romana fuit. itaque succumbam oneri, neque aggrediar narrare, quæ edissertando minora vero fecero. Consule exercituque ad Trasimenum priore anno amisso, non vulnus super vulnus, sed multiplex clades, cum duobus consulibus duo consulares exercitus amissi nunciabantur: nec ulla jam castra Romana, nec ducem, nec militem esse: Hannibalis Apuliam, Samnium, ac jam propè totam Italiam factam. Nulla profectò alia gens tantâ mole cladis non obruta esset. Comparem cladem ad Ægates insulas Karthaginensium prælio navali acceptam, quâ fracti Siciliâ ac Sardiniâ cessere, hinc vestigales ac stipendiarios fieri se passi sunt? aut pugnant adversam in Africa, cui postea hic ipse Hannibal succubuit? nulla ex parte comparandæ sunt, nisi quòd minore animo latæ sunt.

LV. P. Furius Philus & M. Pomponius prætores senatum in curiam Hostiliam vocaverunt, ut de urbis custodia consularent. neque enim dubitabant, deletis exercitibus, hostem ad oppugnandam Romam, quòd unum opus belli restaret, venturum. Quum in malis, sicut ingentibus, ita ignotis, ne consilium quidem factis expedirent, obstreperetque clamor lamentantium mulierum, & nondum palam factò, vivi mortuique per omnes penè domos promiscuè complorarentur; tum Q. Fabius Maximus censuit, *equites expeditos & Appiâ & Latinâ viâ mittendos, qui, obvios percunctando aliquos profectos ex fuga, passim dissipatos, fortè referant, quæ fortuna consulum atque exercituum sit; & si quid Dii immortales, miseriti imperiî, reliquum Romano nomini fecerint: ubi ea copia sint: quòd se Hannibal post prælium confulerit: quid pareret, quid agat, astutusque sit. Hæc exploranda noscendaque*

per impigros juvenes esse. Illud per Patres ipsos agendum, quoniam magistratum parum sit, ut tumultum ac trepidationem in urbe tollant, matronas publico arceant, continerique intra suum quamque limen cogant: comploratus familiarum coërceant: silentium per urbem faciant: nuncios rerum omnium ad prætore deducendos curent: sua quisque fortune domi auctorem expectent: custodesque praterea ad portas ponant, qui prohibeant, quemquam egredi urbem; cogantque homines nullam, nisi urbe ac mœnibus salvis, salutem sperare. Ubi conticuerit tumultus, rectè tum in curiam Patres revocandos, consulendumque de urbis custodia esse.

LVI. Quum in hanc sententiam pedibus omnesissent, summotaque foro per magistratus turbâ, Patres diversi ad sedandos tumultus discessissent; tum demum literæ à Terentio consule allatæ sunt: L. Æmilium consulem exercitumque casum; sese Canusii esse, reliquias tantæ cladis velut ex naufragio colligentem. ad decem millia militum ferme esse incompositorum, inordinatorumque. Pœnum sedere ad Cannas, in captivorum pretiis pradaque alia, nec victoris animo, nec magni ducis more, nundinantem. Tum privatæ quoque per domos clades vulgatæ sunt: adeoque totam urbem opplevit luctus, ut sacrum anniversarium Cereris intermissum sit; quia nec lugentibus id facere est fas, nec ulla in illa tempestate matrona expers luctus fuerat. Itaque, ne ob eandem causam alia quoque sacra publica aut privata defererentur, senatusconsulto diebus triginta luctus est finitus. Ceterum quum, sedato urbis tumultu, revocati in curiam Patres essent, aliæ insuper ex Sicilia literæ allatæ sunt ab T. Otacilio proprætore, Regnum Hieronis classe Punicâ vastari: cui quum opem imploranti ferre vellet, nunciatum sibi esse, aliam classem ad Ægates insulas stare, paratam instruatamque; ut, ubi se versum ad tuendam Syracusanam oram Pœni sensissent, Lilybaeum extemplo provinciamque aliam Romanam aggredierentur. itaque classe opus esse, si regem socium Siciliamque tueri vellent.

LVII. Literis

LVII. Literis consulis proprætorisque lætis, M. Claudium, qui classi ad Ostiam stanti præset, Canusium ad exercitum mittendum, scribendumque consuli, ut, quum prætori exercitum tradidisset, primo quoque tempore, quantum per commodum reipublicæ fieri posset, Romam veniret. Territi etiam super tantas clades, quum ceteris prodigiis, tum quòd duæ Vestales eo anno, Opimia atque Floronia, stupri compertæ, & altera sub terra, ut mos est, ad portam Collinam necata fuerat; altera sibimet ipsa mortem consciverat. L. Cantilius, scriba pontificis, quos nunc minores pontifices appellant, qui cum Floronia stuprum fecerat, à pontifice maximo eò usque virgis in comitio cæsus erat, ut inter verbera exspiraret. Hoc nefas quum inter tot, ut sit, clades in prodigium versum esset, decemviri libros adire iussi sunt. Et Q. Fabius Pictor Delphos ad oraculum missus est sciscitatum, quibus precibus supplicisque Deos possent placare, & quænam futura finis tantis cladibus foret. Interim ex fatalibus libris sacrificia aliquot extraordinaria facta; inter quæ Gallus & Galla, Græcus & Græca, in foro boario sub terra vivi demissi sunt in locum saxo consepum, jam antè hostiis humanis, minimè Romano sacro, imbutum. Placatis satis, ut rebantur, Deis, M. Claudius Marcellus ab Ostia mille & quingentos milites, quos in classem scriptos habebat, Romam, ut urbi præsidio essent, mittit; ipse, legione classis (ea tertia legio erat) cum tribunis militum Teanum Sidicinum præmissâ, classe traditâ P. Furio Philo collegæ, paucos post dies Canusium magnis itineribus contendit. Dictator ex auctoritate Patrum dictus M. Junius, & Ti. Sempronius magister equitum, delectu edicto, juniores ab annis septemdecim, & quosdam prætextatos, scribunt. quatuor ex his legiones & mille equites effecti. Item ad socios Latinumque nomen, ad milites ex formula accipiendos, mittunt. arma,

ma, tela, alia parari jubent : & vetera hostium spolia detrahunt templis porticibusque. Et aliam formam novi delectus inopia liberorum capitum ac necessitas dedit: octo millia juvenum validorum ex servitiis, prius sciscitantes singulos, vellentne militare, emptæ publicè armaverunt. Hic miles magis placuit, quum pretio minore redimendi captivos copia fieret.

LVIII. Namque Hannibal secundum tam prosperam ad Cannas pugnam, victoris magis, quàm bellum gerentis, intentus curis, quum, captivis productis segregatisque, socios, sicut antè ad Trebiam Trasimenumque lacum, benignè allocutus, sine pretio dimisisset; Romanos quoque vocatos (quod nunquam aliàs antea) satis miti sermone alloquitur: *Non internecinum sibi esse cum Romanis bellum: de dignitate atque imperio certare. Et patres virtuti Romana cecidisse, & se id admitti, ut sue in vicem simul felicitati & virtuti cedatur. Itaque redimendi se captivis copiam facere. pretium fore in capite, equiti quingenos quadrigatos nummos, trecentos pediti, servos centum.* Quanquam aliquantum adjiciebatur equitibus ad id pretium, quod pepigerant dedentes se; læti tamen quameunque conditionem paciscendi acceperunt. Placuit suffragio ipsorum decem deligi, qui Romam ad senatum irent. nec pignus aliud fidei, quàm ut jurent se redituros, acceptum. Missus cum his Karthalo nobilis Karthaginienſis: qui, si fortè ad pacem inclinarent animos, condiciones ferret. Quum egressi castris essent, unus ex iis, minimè Romani ingenii homo, velut aliquid oblitus, jurisjurandi solvendi causâ quum in castra redisset, ante noctem comites assequitur. Ubi eos Romam venire nunciatum est, Karthalonem obviam lictor missus, qui dictatoris verbis nunciaret, ut ante noctem excederet finibus Romanis.

LIX. Legatis captivorum senatus ab dictatore datus est. Quorum princeps M. Junius, *Patres conscripti, inquit, nemo nostram ignorat, nulli unquam civitati vi-*
liores

flores fuisse captivos, quàm nostræ. Ceterùm, nisi nobis plus
 justo nostra placet causa, non alii unquam minùs negligendi vo-
 bis, quàm nos, in hostium potestatem venerunt. non enim in
 acie per timorem arma tradidimus; sed, quum propè ad no-
 stem superstantes cumulis caesorum corporum prælium extra-
 xissemus, in castra recepimus nos. Diei reliquum ac noctem
 insequentem, fessi labore ac vulneribus, vallum sumus tutati.
 Postero die, quum circumfessi ab exercitu victore aquà arcere-
 mur, nec ulla jam per confertos hostes erumpendi spes esset,
 nec esse nefas duceremus, quinquaginta millibus hominum ex
 acie nostra trucidatis, aliquem ex Cannensi pugna Romanum
 militem restare; tum demum pacti sumus pretium, quo red-
 empti dimitteremur: arma, in quibus nihil jam auxilii erat,
 hosti tradidimus. Majores quoque acceperamus se à Gallis
 auro redemisse: & patres vestros, asperrimos illos ad condi-
 tionem pacis, legatos tamen captivorum redimendorum gratià
 Tarentum misisse. atqui, & ad Alliam cum Gallis, & ad He-
 racleam cum Pyrrho, utraque non tam clade infamis, quàm
 pavore ac fuga, pugna fuit. Cannenses campos acervi Ro-
 manorum corporum tegunt: nec supersumus pugne, nisi in
 quibus trucidandis & ferrum & vires hostem defecerunt. Sunt
 etiam de nostris quidam, qui ne in acie quidem refugerunt:
 sed, presidio castris relictis, quum castra traderentur, in pote-
 statem hostium venerunt. Haud equidem ullius civis & com-
 militonis fortune aut conditioni invideo, nec premendo alium
 me extulisse velim: ne illi quidem (nisi pernicitatis pedum &
 cursûs aliquod præmium est) qui plerique inermes ex acie fu-
 gientes non prius, quàm Venusia aut Canusii, constiterunt, se
 nobis meritò pratulerint, gloriatique sint, in se plus, quàm in
 nobis, presidii reipublicæ esse. Sed illis & bonis ac fortibus
 militibus utemini: & nobis etiam promptioribus pro patria,
 quòd beneficio vestro redempti atque in patriam restituti fue-
 rimus. Delectum ex omni ætate & fortuna habetis: octo
 millia servorum audio armari. non minor numerus noster est,
 nec majore pretio redimi possumus, quàm hi emuntur. nam si
 conferam nos eum illis, injuriam nomini Romano faciam. Il-

Iud etiam in tali consilio animadvertendum vobis censeam, Patres conscripti, (si tamen duriores esse velitis, quod nullo nostro merito faciatis) cui nos hosti relicturi sitis. Pyrrho videlicet, qui nos hospitum numero habuit captivos, an barbaro ac Pæno; qui utrùm avarior, an crudelior, sit, vix existimari potest. Si videatis catenas, squalorem, deformitatem civium vestrarum, non minùs profectò vos ea species moveat, quàm si ex altera parte cernatis stratas Cannensibus campis legiones vestras. Intueri potestis sollicitudinem & lacrimas in vestibulo curia stantium cognatorum nostrorum, expectantiumque responsum vestrum. quum ii pro nobis proque iis, qui absunt, ita suspensi ac solliciti sint; quem censetis animum ipsorum esse, quorum in discrimine vita libertasque est? Si me Dius Fidius, ipse in nos mitis Hannibal contra naturam suam esse velit, nihil tamen nobis vitâ opus esse censeamus, quum indigni, ut à vobis redimeremur, visi sumus. Rediere Romam quondam remissi à Pyrrho sine pretio capti: sed rediere cum legatis, primoribus civitatis, ad redimendos sese missis. Redeam ego in patriam, trecentis nummis non aestimatus civis? Suum quisque habet. animum, Patres conscripti. Scio in discrimine esse vitam corpusque meum. Magis me fame periculum movet, ne à vobis, damnati ac repulsi abeamus. neque enim vos pretio pepercisse homines credent.

LX. Ubi is finem fecit, extemplo ab ea turba, quæ in comitio erat, clamor flebilis est sublatus, manusque ad curiam tendebant orantes, ut sibi liberos, fratres, cognatos redderent. Feminas quoque metus ac necessitas in foro turbæ huic virorum immiscuerat. Senatus, summotis arbitris, consuli cœptus. Ibi quum sententiis variaretur, & alii redimendos de publico, alii nullam publicè impensam faciendam, nec prohibendos ex privato redimi; si quibus argentum in præsentia deesset, dandam ex ærario pecuniam mutuatam, prædiis ac prædiis cavendum populo, censerent; tum **T. Manlius Torquatus**, priscæ ac nimis duræ, ut plebisque videbatur, severitatis, interrogatus sententiam, ita

Ita locutus fertur: Si tantummodo postulassent legati pro
iis, qui in hostium potestate sunt, ut redimerentur, sine ullius
insectatione eorum, brevi sententiam peregissem. Quid enim
aliud quàm admonendū essetis, ut morem traditum à patribus,
necessario ad rem militarem exemplo, servaretis? Nunc au-
tem quum prope gloriati sint, quòd se hostibus dediderint, præ-
ferrique non captis modò in acie ab hostibus, sed etiam iis, quò
Venusiam Canusiumque pervenerunt, atque ipsi C. Terentio
consuli, æquum censuerint; nihil vos eorum, Patres conscri-
pti, quæ illic acta sunt, ignorare patiar. Atque utinam hæc,
quæ apud vos acturus sum, Canusii apud ipsum exercitum a-
gerem, optimum testem ignavia cujusque & virtutis: aut u-
nus hic saltem adesset P. Sempronius, quem, si isti ducem se-
cuti essent, milites hodie in castris Romanis, non captivi in
hostium potestate essent! Sed quum, fessis pugnando hostibus,
tum victoriâ latitis, & ipsis plerisque regressis in castra sua,
noctem ad erumpendum liberam habuissent, & septem arma-
torum hominum millia perrumpere etiam confertos hostes po-
tassent; neque per se ipsi id facere conati sunt, neque alium
sequi voluerunt. Nocte prope totâ P. Sempronius Tuditanus
non destitit monere, adhortari eos, dum paucitas hostium cir-
ca castra, dum quies ac silentium esset, dum nox inceptam te-
geret, se ducem sequerentur: ante lucem pervenire in tutâ
loca, in sociorum urbes posse. Sicut avorum memoriâ P. De-
cius tribunus militum in Samnio; sicut, nobis adolescentibus,
priori Punico bello Calpurnius Flamma trecentis voluntariis,
quum ad tumulum eos capiendum, situm inter medios hostes,
duceret, dixit: Moriamur, milites, & morte nostrâ cri-
piamus ex obsidione circumventas legiones. Si hoc P.
Sempronius diceret; nec viros quidem, nec Romanos vos du-
ceret, si nemo tanta virtutis exstitisset comes. Viam non ad
gloriam magis, quàm ad salutem, ferentem demonstrat; re-
duces in patriam, ad parentes, ad conjuges ac liberos facit.
Ut servemini, deest vobis animus? quid, si moriendum pro
patria esset, faceretis? Quinquaginta millia civium socio-
rumque circa vos eo ipso die cæsa jacent. si tot exempla virtu-

tis non movent, nihil unquam movebit : si tanta clades vilem
 vitam non fecit, nulla faciet. Liberi atque incolumes deside-
 rate patriam : immò desiderate, dum patria est, dum cives ejus
 estis. serò nunc desideratis, deminuti capite, abalienati iure
 civium, servi Karthaginensium facti. Pretio redituri estis
 eò, unde ignavia ac nequitia abistis ? P. Sempronium, ci-
 vem vestrum, non audistis, arma capere ac sequi se juben-
 tem : Hannibalem post paulo audistis, castra prodi & arma
 tradi jubentem. Quam ego ignaviam istorum accuso, quum
 scelus possim accusare ? non enim modò sequi recusarunt bene-
 monentem, sed obsistere ac retinere conati sunt, ni strictis gla-
 diis viri fortissimi inertes summovissent. prius, inquam, P.
 Sempronio per civium agmen, quàm per hostium, fuit erum-
 pendum. Hos cives patria desideret ? quorum si ceteri simi-
 les fuissent, neminem hodie ex iis, qui ad Cannas pugnave-
 runt, civem haberet. Ex millibus septem armatorum sexcen-
 ti exstiterunt, qui erumpere auderent, qui in patriam liberi
 atque armati redirent : neque iis quadraginta millia hostium
 obstiteret. Quàm tutum iter duarum propè legionum agminè
 futurum censetis fuisse ? Haberetis hodie viginti millia ar-
 matorum Canusi, fortia, fidelia, Patres conscripti. nunc au-
 tem quemadmodum hi boni fidelesque (nam fortes ne ipsi qui-
 dem dixerint) cives esse possunt ? nisi quis credere potest fuisse,
 ut erumpentibus, quin erumperent, obsistere conati sunt &
 aut non invidere eos, quum incolumitati, tum gloria illorum
 per virtutem parte, quum sibi timorem ignaviamque servitu-
 tis ignominiosa causam esse sciant. Maluerunt in tentoriis la-
 tentes simul lucem atque hostem expectare, quum silentio noctis
 erumpendi occasio esset. At enim ad erumpendum è castris
 defuit animus ; ad tutanda fortiter castra animum habuerunt.
 Dies noctesque aliquot obsessi, vallum armis, se ipsi tutati val-
 lo sunt : tandem ultima ausi passique, quum omnia subsidia vi-
 tæ abessent, affectisque fame viribus, arma jam sustinere ne-
 quirent, necessitatibus magis humanis, quàm armis, victi sunt.
 Quarto sole hostis ad vallum accessit : ante secundam horam, nul-
 lam fortunam certaminis experti, tradiderunt arma ac seipso.
 Hec

Hæc vobis ipsorum per biduum militia fuit. quum in acie stare ac pugnare decuerat, tum in castra refugerunt: quum pro vallo pugnandum erat, castra tradiderunt, neque in acie neque in castris utiles, Vos redimam? quum erumpere castris oportet, cunctamini ac manetis: quum manere, castra tutari armis necesse est; & castra & arma & vos ipsos traditis hosti. Ego non magis istos redimendos, Patres conscripti, cenſeo, quàm illos dedendos Hannibali, qui per medios hostes & castris eruperunt, ac per summam virtutem se patriæ restituerunt.

LXI. Postquam Manlius dixit, quanquam Patrum quoque plerosque captivi cognitione attingebant, præter exemplum civitatis minimè in captivos jam inde antiquitus indulgentis, pecuniæ quoque summa homines movit: quia nec ærarium exhaurire, magnâ jam summâ erogatâ in servos ad militiam emendos armandosque, nec Hannibalem maximè huiusce rei, ut fama erat, egentem locupletari volebant. Quum triste responsum, *non redimi captivos*, redditum esset, novusque super veterem luctus tot jacturâ civium adjunctus esset, cum magnis fletibus questibusque legatos ad portam proſecuti sunt. Unus ex iis domum abiit, quod fallaci reditu in castra jurejurando se exsolviſſet. Quod ubi innotuit, relatumque ad ſenatum eſt, omnes cenſuerunt, comprehendendum, & custodibus publicè datis deducendum ad Hannibalem eſſe. Eſt & alia de captivis fama, decem primos veniſſe. de eis quum dubitatum in ſenatu eſſet, admitterentur in urbem, necne; ita admiſſos eſſe, ne tamen iis ſenatus daretur. Morantibus deinde longiùs omnium ſpe, alios tres inſuper legatos veniſſe, L. Scribonium, & C. Calpurnium, & L. Manlium. tum demum ab cognato Scribonii tribuno plebis de redimendis captivis relatum eſſe, nec cenſuiſſe redimendos ſenatum: & novos legatos tres ad Hannibalem revertiſſe, decem veteres remanſiſſe; quod, per cauſam recognoſcendi nomina captivorum ad

Hannibalem ex itinere regressi, religione sese exsol-
vissent. de iis dedendis magnâ contentione actum in
senatu esse : victosque paucis sententiis, qui dedendos
censuerint. ceterum proximis censoribus adeo omni-
bus notis ignominisquę confectos esse, ut quidam eo-
rum mortem sibi ipsi extemplo consciverint : ceteri
non foro solum omni deinde vitâ, sed propè luce ac
publico, caruerint. Mirari magis, adeo discrepare in-
ter auctores, quàm, quid veri sit, discernere queas.
Quanto autem major ea clades superioribus cladibus
fuerit, vel ea res indicio est, quòd, qui sociorum ad e-
am diem firmi steterant, tum labare cœperunt, nulla
profectò alia de re, quàm quòd desperaverant de im-
perio. Defecere autem ad Pœnos hi populi : Atellani,
Calatini, Hirpini, Apulorum pars, Samnites præter
Pentros, Bruttii omnes, Lucani. præter hos Surrenti-
ni, & Græcorum omnis ferre ora, Tarentini, Meta-
pontini, Crotonienses, Locrique, & Cisalpini omnes
Galli. Nec tamen hæ clades defectionesque sociorum
moverunt, ut pacis unquam mentio apud Romanos fi-
eret ; neque ante consulis Romam adventum, nec post-
quam is rediit, renovavitque memoriam acceptæ cla-
dis. quo in tempore ipso adeo magno animo civitas
fuit, ut consuli, ex tanta clade, cujus ipse causa ma-
xima fuisset, redeunti, & obviam itum frequenter ab
omnibus ordinibus sit, & gratiæ actæ, quòd de repu-
blica non desperasset : cui, si Karthaginensium ductor
fuisset, nihil recusandum supplicii foret.

LIBER XXIII.

E P I T O M E.

II, III, &c. **C**ampani ad Hannibalem defecerunt. XI, XII. Nuncius Cannensis victoria Mago Kartbaginem missus annulis aureos, à digitis occisorum Romanorum detractos, in vestibulo curiæ effudit: quos excessisse modicæ mensuram traditur. XII, XIII. Post quem nuncium Hanno, vir ex Pœnis nobilissimus, suadebat senatui Kartbaginensium, ut pacem à populo Romano peterent: nec tenuit, obstrepente Barcinâ factione. XIV, XV. Claudius Marcellus prætor ad Nolam, XVI. Eruptione adversus Hannibalem ex oppido factâ, prospere pugnavit. XVIII. Exercitus Hannibalis per hiberna Capuæ ita luxuriatus est, ut corporum viribus atque animorum enervaretur. XIX. Casilinum, à Pœnis obsessum, ita fame vexatum est, ut lora & pelles scutis detractas, item mures, essent; & nucibus, per Vulturum annem à Romanis missis, vixerint. XXIII. Senatus ex equestri ordine hominibus centum nonaginta septem suppletus est. XXIV. L. Postumius prætor à Gallis cum exercitu casus est. XXVI, &c. Cn. & P. Scipiones in Hispania Hasdrubalem vicerunt, & Hispaniam suam fecerunt. XXXI. Reliquia Cannensis exercitus in Siciliam relegata sunt; ne recederent inde, nisi finito bello. XXXIII. Inter Philippum Macedonum regem & Hannibalem societas iuncta est. XXXV. Sempronius Gracchus consul Campanos cecidit. XXXVI, XXXVII, XL, &c. Præterea in Sardinia feliciter à T. Manlio prætore adversus Pœnos Sardosque res gestas continet: à quo Hasdrubal. dux, & Mago, & Hanno capti. XLV, &c. Claudius Marcellus prætor Hannibalis exercitum ad Nolam prælio fudit & vicit: primusque tot cladibus fessis Romanis meliorem spem belli dedit.

I. **H**ANNIBAL, post Cannensem pugnam, castra capta ac direpta, confestim ex Apulia in Samnium moverat: accitus in Hirpinos à Statio, pollicente se Compsam traditurum. Compsanus erat Trebius nobilis inter suos: sed premebat eum Mopsiorum factio, familiæ per gratiam Romanorum potentis. Post famam Cannensis pugnae, vulgatumque Trebii sermonibus adventum Hannibalis, quum Mopsiani urbem excessissent; sine certamine tradita urbs Pœno, præsidiumque acceptum est. Ibi prædâ omni atque impedimentis relictis, exercitu partito, Magonem regionis ejus urbes, aut deficientes ab Romanis accipere, aut detrectantes cogere ad defectionem jubet. ipse per agrum Campanum mare inferum petit, oppugnaturus Neapolim, ut urbem maritimam haberet. Ubi fines Neapolitanorum intravit, Numidas partim in insidiis (& pleraque cavæ sunt viæ, sinusque occulti) quacunque aptè poterat, disposuit: alios, præ se actam prædam ex agris ostentantes, obequitare portis jussit. in quos, quia nec multi, & incompositi videbantur, quum turma equitum erupisset, ab cedentibus consultò tracta in insidias, circumventa est: nec evasisset quisquam, ni mare propinquum, & haud procul littore naves piscatoriæ pleraque conspectæ peritis nandi dedissent effugium. Aliquot tamen eo prælio nobiles juvenes capti cæsi que sunt: inter quos & Hegeas præfectus equitum, intemperantiùs cedentes secutus, cecidit. Ab urbe oppugnanda Pœnum absteruere conspecta mœnia, haudquaquam prompta oppugnant.

II. Inde Capuam flectit iter, luxuriantem longâ felicitate atque indulgentiâ fortunæ, maximè tamen, inter corrupta omnia, licentiâ plebis sine modo libertatem exercentis. Senatam & sibi & plebi obnoxium Pacuvius Calavius fecerat; nobilis idem, ac popularis homo,

homo, ceterum malis artibus nactus opes. is quum eo sorte anno, quo res male gesta ad Trasimenum est, in summo magistratu esset, jam diu infestam senatui plebem, ratus, per occasionem novandi res, magnum ausuram facinus, ut, si in ea loca Hannibal cum victore exercitu venisset, trucidato senatu traderet Capuam Pœnis; improbus homo, sed non ad extremum perditus, quum mallet incolumi, quam eversâ, republicâ dominari; nullam autem incolumem esse orbatam publico consilio crederet, rationem iniit, quâ & senatum fervaret, & obnoxium sibi ac plebi faceret. Vocato senatu, quum, sibi defectionis ab Romanis consilium placitum nullo modo, nisi necessarium fuisset, præfatus esset; quippe qui liberos ex Ap. Claudii filia haberet, filiamque Romam nuptum Livio dedisset; ceterum majorem multo rem magisque timendam instare. Non enim per defectionem ad tollendum ex civitate senatum plebem spectare, sed per eadem senatus vacuum rempublicam tradere Hannibali ad Pœnis velle. Eo se periculo posse liberare eos, si se permittant sibi, & certaminum in republica obliti, credant. Quum omnes victi metu permetterent; Claudam in curia vos, inquit, & tanquam & ipse cogitati facinoris particeps, approbando consilia, quibus nequicquam adversarer, viam salutis vestrae inveniam. In hac fidem, quam vultis ipsi, accipite. Fide datâ egressus, claudi curiam jubet, præsidiumque in vestibulo reliquit, ne quis adire curiam injussu suo, neve inde egredi possit.

III. Tunc vocato ad concionem populo, Quod sæpe, inquit, optastis, Campani, ut supplicii sumendi vobis ex improba ac detestabili senatu potestas esset; eam nunc, non per tumultum expugnantes domos singulorum, quas presidii clientium servorumque timentur, cum summo vestro periculo, sed tutam habetis ac liberam. Clausos omnes in curiam accipite, solos, inermes: nec quicquam raptim, aut fortè temere egeritis. de singulorum capite vobis jus sententiæ dicendæ faciam, ut, quas quisque meritus est, penas pendat. Sed apte omnia
ita

ita vos iræ indulgere oportet, ut potiore irâ salutem atque utilitatem vestram habeatis. etenim hos (ut opinor) odistis senatores; non senatum omnino habere non vultis. quippe aut rex (quod abominandum) aut, quod unum libera civitatis consilium est, senatus habendus est. Itaque due res simul agenda sunt vobis, ut & veterem senatum tollatis, & novum cooptetis. Citari singulos senatores jubebo, de quorum capite vos consulam. quod de quoque censueritis, fiet. Sed prius in ejus locum virum fortem ac strenuum novum senatorem cooptabitis, quàm de noxio supplicium sumatur. Inde consedit, & nominibus in urnam coniectis, citari, quod primum forte nomen excidit, ipsumque è curia produci jussit. Ubi auditum est nomen, malum & improbum pro se quisque clamare, & supplicio dignum. Tum Pacuvius, *Video, quæ de hoc sententia sit data: eligite pro malo atque improbo bonum senatorem & justum.* Primò silentium erat inopiâ potioris subjiciundi; deinde, quum aliquis, omisâ verecundiâ, quempiam nominasset, multo major extemplo clamor oriebatur, quum alii negarent nosse; alii nunc probra, nunc humilitatem sordidamque inopiam, & pudendæ artis aut quæstus genus, objicerent. Hoc multo magis in secundo ac tertio citato senatore est factum: ut ipsius pœnitere homines appareret; quem autem in ejus substituerent locum, deesse. quia nec eosdem nominari attinebat, nihil aliud quàm ad audienda probra nominatos, & multo humiliiores obscurioresque ceteri erant eis, qui primi memoriz occurrebant. Ita dilabi homines, notissimum quodque malum maximè tolerabile dicentes esse, jubentesque senatum ex custodia dimitti.

IV. Hoc modo Pacuvius quum obnoxium vitæ beneficio senatum multo sibi magis, quàm plebi, fecisset, sine armis, jam omnibus concedentibus, dominabatur. Hinc senatores, omisâ dignitatis libertatisque memoria, plebem adulari, salutare, benignè invitare, apparatus accipere. epulis, eas causas suscipere, ei semper

partem

parti adesse, secundum eam, litem iudices dare, quam magis popularis aptiorque in vulgus favori conciliando esset. Jam verò nihil in senatu actum aliter, quam si plebis ibi esset concilium. Prona semper civitas in luxuriam, non ingeniorum modò vitio, sed affluenti copiâ voluptatum, & illecebris omnis amœnitatis maritimæ terrestriisque; tum verò ita obsequio principum & licentiâ plebei lascivire, ut nec libidini nec sumptibus modus esset. ad contemptum legum, magistratum, senatûs, accessit tum, post Cannensem cladem, ut, cujus aliqua erat verecundia, Romanum quoque imperium spernerent. id modò erat in mora, ne extemplo deficerent, quòd connubium vetustum multas familias claras ac potentes Romanis miscuerat: & quòd, quum militarent aliquot apud Romanos, maximum vinculum erant trecenti equites, nobilissimus quisque Campanorum, in præsidia Sicularum urbium delecti ab Romanis ac missi.

V. Horum parentes cognatique ægre pervicerunt, ut legati ad consulem Romanum mitterentur. Ii, nondum Canusium profectum, sed Venusiæ cum paucis ac semiermibus consulem invenerunt, quam poterat maximè miserabilem bonis sociis; superbis atque infidelibus, ut erant Campani, spernendum. Et auxit rerum suarum sui que contemptum consuli nimis detegendo cladem nudandoque. Nam quum legati, ægre ferre senatum populumque Campanum, adversi quicquam evenisse Romanis, nunciassent, pollicerenturque omnia, quæ ad bellum opus essent; *morem magis, inquit, loquendi cum sociis servastis, Campani, jubentes, quæ opus essent ad bellum, imperare, quam convenienter ad præsentem fortune nostræ statum locuti estis. Quid enim nobis ad Cannas relictum est, ut, quasi aliquid habeamus, id, quod deest, expleri ab sociis velimus? Pedites vobis imperemus, tanquam equites habeamus? pecuniam deesse dicamus, tanquam ea tantum desit? Nihil, ne quod suppleremus quidem,*
nobis

nobis reliquit fortuna. legiones, equitatus, arma, signa, equi viri-
que, pecunia, commeatus, aut in acie, aut binis postero die a-
missis castris perierunt. Itaque non juvetis nos in bello oportet,
Campani, sed penè bellum pro nobis suscipiatis. Veniat in mentem,
ut trepidos quondam majores vestros intra mœnia compulso-
rum, nec Samnitum modò hostem, sed etiam Sidicinum paventes,
receptos in fidem apud Saticulam defenderimus, cœptumque propter vos
cum Samnitibus bellum per centum propè annos, variante fortunâ eventum,
tulerimus. Adjicite ad hæc, quòd fœdus æquum deditis, quòd leges vestras, quòd ad
extremum (id quod ante Cannensem certè cladem maximum fuit)
civitatem nostram magnæ parti vestrum dedimus, communicavimusque
vobiscum. Itaque communem vos hanc cladem, quæ accepta est, credere,
Campani, oportet, communem patriam tuendam arbitrari esse. Non cum
Samnitibus aut Etrusco res est, ut, quod à nobis ablatum sit, in Italia
tamen imperium maneat. Pænis hostis, ne Africa quidem indigenam,
ab ultimis terrarum oris, fratre Oceani Herculisque columenis,
expertem omnis juris & conditionis & linguae propè humane,
militem trahit. Hunc, naturâ & moribus immitem ferumque,
insuper dux ipsa efferavit, pontibus ac molibus ex humanorum
corporum strue faciendis, & (quod proloqui etiam piget) vesci
humanis corporibus docendo. Hos, infandis pastos epulis, quos
contingere etiam nefas sit, videre atque habere dominos, & ex
Africa & à Karthagine jura petere, & Italiam Numidarum ac
Maurorum pati provinciam esse, cui non, genito modò in Italia,
detestabile sit? Pulchrum erit, Campani, prolapsam clade
Romanum imperium vestrà fide, vestris viribus retentum ac
recuperatum esse. Triginta milia peditum, quatuor equitum
arbitror ex Campania scribi posse. jam pecunia affatim est
frumentique. Si parem fortunam vestre fidem habetis, nec
Hannibal se vicisse sentiet, nec Romani victos esse.

VI. Hac oratione consulis dimissis redeuntibusque domum
legatis, unus ex iis, Vibius Virrius, tempus venisse, ait, quo
Campani non agrum solum, ab Romanis quon-
dam

dam per injuriam ademptum, recuperare, sed imperio etiam Italia potiri possint. Fœdus enim cum Hannibale, quibus velint legibus, facturos. neque controversiam fore, quin, quom ipse confecto bello Hannibal victor in Africam decedat, exercitumque deportet, Italia imperium Campanis relinquatur. Hæc Virrio loquenti assensu omnes, ita renunciant legationem, uti deletum omnibus videretur nomen Romanum. Extemplo plebes ad defectionem ac pars major senatûs spectare. extracta tamen, auctoritatibus seniorum, per paucos dies est res: postremò vicit sententia plurium, ut iidem legati, qui ad consulem Romanum ierant, ad Hannibalem mitterentur. Quò prius quam iretur, certumque defectionis consilium esset, Romam legatos missos à Campanis, in quibusdam annalibus invenio, postulantes, ut alter consul Campanus fieret, si rem Romanam adjuvari vellent. indignatione ortâ, summoveri à curia iustos esse: missumque lictorem, qui ex urbe educeret eos, atque eo die manere extra fines Romanos juberet. Quia nimis compar Latino- rum quondam postulatio erat, Cœliusque & alii id haud sine causa prætermiserant scriptores, ponere pro certo sum veritus.

VII. Legati ad Hannibalem venerunt, pacemque cum eò conditionibus fecerunt: *ne quis imperator magistratusve Pœnorum jus ullum in civem Campanum haberet, neve civis Campanus invitus militaret, munusve faceret. ut sue leges, sui magistratus Capuæ essent. ut trecentos ex Romanis captivis Pœnus daret Campanis, quos ipsi elegissent: cum quibus equitum Campanorum, qui in Sicilia stipendia facerent, permutatio fierat.* Hæc pacta: illa insuper, quam quæ pacta erant, facinora Campani ediderunt: nam præfectos socium civisque Romanos alios, partim aliquo militiæ munere occupatos, partim privatis negotiis implicitos, plebs repente omnes comprehensos, velut custodiæ causâ, balneis includi iussit: ubi, fervore atque æstu animâ interclusâ, fœdum in modum exspirarent.

rarent. Ea ne fierent, neu legatio mitteretur ad Pœnum, summâ ope Decius Magius, vir cui ad summam auctoritatem nihil, præter sanam civium mentem, defuit, restiterat. ut verò præsidium mitti ab Hannibalē audivit, Pyrrhi superbam dominationem, miserabilemque Tarentinorum servitutem, exempla referens, primò, ne reciperetur præsidium, palam vociferatus est: deinde, ut receptum aut ejiceretur, aut, si malum facinus, quòd à vetustissimis sociis consanguineisque defecissent, forti ac memorabili facinore purgare vellet, ut, interfecto Punico præsidio, restituerent se Romanis. Hæc (neque enim occultè agebantur) quum relata Hannibali essent, primò misit, qui vocarent Magium ad sese in castra: deinde, quum is ferociter negasset se iturum, (nec enim Hannibali jus esse in civem Campanum) concitatus irà Pœnus, comprehendit hominem, vinctumque attrahi ad se jussit. veritus deinde, ne quid inter vim tumultus, atque ex concitatione animorum inconsulti certaminis oriretur, ipse, præmisso nuncio ad Marium Blossum prætorem Campanum, postero die se Capuz futurum, proficiscitur à castris cum modico præsidio. Marius concione advocatâ edicit, ut frequentes cum conjugibus ac liberis obviam irent Hannibali. Ab universis id non obedienter modò, sed enisè, favore etiam vulgi, & studio visendi tot jam victoriis clarum imperatorem, factum est. Decius Magius nec obviam egressus est, nec, quò timorem aliquem ex conscientia significare posset, privatim se tenuit: in foro cum filio clientibusque paucis otiosè inambulavit, trepidante totâ civitate ad excipiendum Pœnum visendumque. Hannibal, ingressus urbem, senatum extemplo postulat, precantibusque inde primoribus Campanorum, ne quid eo die seriæ rei gereret, diemque ut ipse adventu suo festum lætus ac libens celebraret; quanquam præceps ingenio in iram erat;

erat, tamen, ne quid in principio negaret, visendâ urbe magnam dici partem consumpsit.

VIII. Deversatus est apud Ninnios Celeres, Stenium Pacuviumque, inclitos nobilitate ac divitiis. Eò Pacuvius Calavius, de quo antè dictum est, princeps factionis ejus, quæ traxerat rem ad Pœnos, filium juvenem adduxit, abstractum abs Decii Magii latere, cum quo ferocissimè pro Romana societate adversus Punicum foedus steterat; nec cum aut inclinata in partem alteram civitas, aut patria majestas sententiâ depulerat. Huic tum pater juveni Hannibalem deprecando magis, quàm purgando, placavit, victusque patris precibus lacrimisque etiam ad cœnam cum cum patre vocari jussit: cui convivio neminem Campanum, præterquam hospites, Jubelliumque Tauream, insignem bello virum, adhibiturus erat. Cœperunt epulari de die, & convivium non ex more Punico, aut militari disciplina esse; sed, ut in civitate atque etiam domo luxuriosa, omnibus voluptatum illecebris instructum. Unus nec dominorum invitatione, nec ipsius interdum Hannibalis, Calavii filius Perolla vinci potuit; ipse valetudinem excusans, patre animi quoque ejus haud mirabilem interturbationem causante. Solis ferme occasu patrem Calavium, ex convivio egressum, secutus filius, ubi in secretum (hortus erat posticis ædium partibus) pervenerunt: *Consilium, inquit, affero, pater, quo non veniam solum peccati, quòd defecimus ad Hannibalem, impetraturi ab Romanis, sed in multo majore dignitate & gratia simus Campani, quàm unquam fuimus. Quum mirabundus pater, quidnam id esset consilii, quæreret; togâ rejectâ ab humero, latus succinctum gladio nudat: Jam ego, inquit, sanguine Hannibalis sanciam Romanum foedus. te id prius scire volui, si fortè abesse, dum facinus patrat, mallet.*

IX. Quæ ubi vidit audivitque senex, velut si jam agendis, quæ audiebat, interesset, amens metu, *Pen-*

ego te, inquit, fili, quaecumque jura liberos jungunt parentibus, precor quæsoque, ne ante oculos patris facere & pati omnia infanda velis. Paucæ horæ sunt; intra quas jurantes per quicquid Deorum est, dextra dextras jungentes, fidem obstrinximus, ut sacratas fide manus, digressi à colloquio, ex templo in eum armaremus? Ab hospitali mensa surgis, ad quam tertius Campanorum adhibitus es ab Hannibale, ut eam ipsam mensam cruentares hospitis sanguine? Hannibulem pater filio meo potui placare, filium Hannibali non possum? Sed sit nihil sancti, non fides, non religio, non pietas: audeantur infanda, si non perniciem nobis cum scelere afferunt. Unus aggressurus es Hannibalem? quid illa turba tot liberorum servorumque? quid in unam intenti omnium oculi? quid tot dextra? torpescantne in amentia illa? Vultum ipsius Hannibalis, quem armati exercitus sustinere nequeunt, quem horret populus Romanus, tu sustinebis? & alia auxilia desint, me ipsum ferire, corpus meum opponentem pro corpore Hannibalis, sustinebis? Atqui per meum pectus petendus ille tibi transfigendusque est. deterreri hic sine te potius, quam illic vinci. Valeant preces apud te meæ, sicut pro te hodie valuerunt. Lacrimantem inde juvenem cernens, medium complectitur, atque, osculo hærens, non antè precibus abstitit, quàm pervicit, ut gladium poneret, fidemque daret, nihil facturum tale. Tum juvenis, Ego quidem, inquit, quam patriæ debeo, pietatem exsolvam patri. tuam doleo vicem, cui ter prodita patriæ sustinendum est crimen; semel, quum defectionis ab Romanis; iterum, quum pacis cum Hannibale fuisti auctor; tertio hodie, quum restituenda Romanis Capuæ mora atque impedimentum es. Tu, patria, ferram, quo pro te armatus hanc arcem defendere volebam, hosti minimè parcens, quando parens extorquet, recipe. Hæc quum dixisset, gladium in publicum trans maceriam horti abjecit: & quo minùs res suspecta esset, se ipse convivio reddidit.

X. Postero die senatus frequens datus Hannibali. ubi prima ejus oratio perblanda ac benigna fuit, quæ
gratias

gratias egit Campanis, quòd amicitiam suam Romanæ societati præposuissent: & inter cetera magnifica promissa pollicitus, brevi caput Italiæ omni Capuam fore, juraque iade cum ceteris populis Romanum etiam petiturum. Unum esse exsortem Punicæ amicitie fœderisque secum facti, quem neque esse Campanum, neque dici debere, Magium Decium. cum postulare, ut sibi dedatur, ac se præsentem de eo referatur, senatûsque consultum fiat. Omnes in eam sententiam ierunt: quanquam magnæ parti & vir indignus eâ calamitate, & haud parvo initio minui videbatur jus libertatis. Egressus curiâ, in templo magistratus consedit; comprehendique Decium Magium, atque ante pedes destitutum causam dicere iussit. Qui quum, manente ferociâ animi, negaret lege fœderis id cogi posse, tum injectæ catenæ, ducique ante lictorem in castra est iussus. Quoad capite aperto est ductus, concionabundus incessit, ad circumfusam undique multitudinem vociferans: *Habetis libertatem, Campani, quam petistis. foro medio, luce clarâ, videntibus vobis, nulli Campanorum secundus, vinctus ad mortem rapior. Quid violentius Caput captâ fieret? Ite obviam Hannibali, exornate urbem, diemque adventûs ejus consecrate, ut hunc triumphum de cive vestro spectetis.* Hæc vociferanti, quum moveri vulgus videretur, obvolutum caput est, ociusque rapi extra portam iussus. ita in castra perducitur, extemploque impositus in navim, & Karthaginem missus; ne, motu aliquo Capuæ ex indignitate rei orto, senatum quoque pœniteret dediti principis: & legatione missâ ad repetendum eum, ne aut negando rem, quam primum peterent, offendendi sibi novi socii; aut tribuendo, habendus Capuæ esset seditionis ac turbarum auctor. Navem Cyrenas detulit tempestas, quæ tum in ditione regum erant. ibi quum Magius ad statuum Ptolemæi regis confugisset, deportatus à custodibus Alexandriam ad Ptolemæum; quum eum docuisset, contra
jus

jus foederis vinctum se ab Hannibale esse, vinculis liberatur; permissumque, ut rediret, seu Romam, seu Capuam mallet. *Nec Magius Capuam sibi tutam dicere; & Romam eo tempore, quo inter Romanos Campanosque bellam sit, transfuga magis, quàm hospitis, fore domicilium. nusquam malle, quàm in regno ejus, vivere, quem vindicem atque auctorem habeat libertatis.*

XI. Dum hæc geruntur, Q. Fabius Pictor legatus à Delphis Romam rediit, responsumque ex scripto recitavit: Divi quoque in eo erant, quibus quoque modo supplicaretur. *tum, si ita faxitis, Romani, vestra res meliores facilioresque erunt: magisque ex sententia respublica vestra vobis procedet, victoriarumque duellum populi Romani erit. Pythio Apollini, republicam vestram bene gesta servatamque, lucris meritis donum mittitote, deque prada, manubiis, spoliisque honorem habetote, lasciviam à vobis prohibetote.* Hæc ubi ex Græco carmine interpretata recitavit, tum dixit, se oraculo egressum extemplo his omnibus Divis rem divinam thure ac vino fecisse: jussumque ab templi antistite, sicut coronatus laureâ coronâ & oraculum adisset, & rem divinam fecisset; ita coronatum navim ascendere, nec antè deponere eam, quàm Romam pervenisset. *Se, quaecumque imperata sint, cum summa religione ac diligentia exsecutum; coronam Roma in aram Apollinis deposuisse.* Senatus decrevit, ut eæ res divinæ supplicationesque primo quoque tempore cum cura fierent. Dum hæc Romæ atque in Italia geruntur, nuncius victoriæ ad Cannas Karthaginem venerat Mago Hamilearis filius: non ex ipsa acie à fratre missus, sed retentus aliquot dies in recipiendis civitatibus Bruttiorum, quæque deficiebant. Is, quum ei senatus datus esset, res gestas in Italia à fratre exponit: *Cum sex imperatoribus eum, quorum quatuor consules, duo dictator ac magister equitum fuerint, cum sex consularibus exercitibus acie conflixisse: occidisse supra ducenta millia hostium: supra quinquaginta millia cepisse. Ex quatuor consulibus duos occidisse; ex duobus sausim alterum, alterum,*

alterum, toto exercitu amisso, vix cum quinquaginta hominibus effugisse. magistrum equitum, quæ consularis potestas sit, fusum fugatumque: dictatorem, quia se in aciem nunquam commiserit, unicum haberi imperatorem. Bruttios Apulosque, partim Samnitium ac Lucanorum defecisse ad Pœnos. Capuam, quod caput, non Campaniæ modò, sed, post afflictam rem Romanam Cannensi pugna, Italiæ sit, Hannibali se tradidisse. Pro his tantis totque victoriis, verum esse, grates Deis immortalibus agi haberique.

XII. Ad fidem deinde tam lætarum rerum, effundi in vestibulo curiæ iussit annulos aureos, qui tantus acervus fuit, ut, metientibus dimidium super tres modios explēsse, sint quidam auctores. Fama tenuit, quæ propior vero est, haud plus fuisse modio. Adjecit deinde verbis, quo majoris cladis indicium esset, neminem, nisi equitem, atque eorum ipsorum primores, id gerere insigne. Summa fuit orationis, *Quo propius spem belli perficiendi sit, eo magis omni ope juvandam Hannibalem esse. procul enim ab otio militiam esse, in mediâ hostium terra. magnam vim frumenti, pecuniæ, absumi: & tot acies, ut hostium exercitus delēsse, ita victoris etiam copias parte aliquâ minuisse. Mittendum igitur supplementum esse, mittendam in stipendium pecuniam frumentumque tam bene meritis de nomine Punico militibus.* Secundum hæc dicta Magonis lætis omnibus, Himilco, vir factionis Barcinæ, locum Hannonis increpandi esse ratus, *Quid est, Hanno?* inquit. *etiam nunc pœnitet belli suscepti adversus Romanos? Jube dedi Hannibalem: veta in tam prosperis rebus grates Diis immortalibus agi. audiamus Romanum senatorem in Karthaginensium curia.* Tum Hanno: *Tacuisse hodie, Patres conscripti, ne quid in communi omnium gaudia, minus latum quod esset vobis, loquerer. nunc interroganti senatori, pœniteatne me adhuc suscepti adversus Romanos belli, si reticeam, aut superbus, aut obnoxius videar: quorum alterum est hominis alienæ libertatis obliti; alterum suæ.* Respondeam igitur Himilconi, *non desisse pœnitere me belli, neque desitu-*

rum antè invictum vestrum imperatorem incusare, quàm finitum aliquâ tolerabili conditione bellum videro: nec mihi pacis antiqua desiderium ulla alia res, quàm pax nova, finiet. Itaque ista, quæ modò Mago jactavit, Himilconi ceterisque Hannibalis satellitibus jam lata sunt. mihi possunt lata esse, quia res bello bene gesta, si volumus fortunâ uti, pacem nobis equiorem dabunt. nam si pratermittimus hoc tempus, quo magis dare, quàm accipere, possumus videri pacem, vereor, ne hæc quoque latitia luxuriet nobis, ac vana evadat. Quæ tamen nunc quoque qualis est? Occidi exercitus hostium: mittite milites mihi. quid aliud rogares, si esses victus? Hostium cepi bina castra, præda videlicet plena & comineatum; frumentum, & pecuniam date. quid aliud, si spoliatus, si exutus castris esses, peteres? Et, ne omnia ipse mirer, (mihi quoque enim, quoniam respondi Himilconi, interrogare jus fasque est) velim seu Himilco, seu Mago respondeat; quum ad internecionem Romani imperii pugnatum ad Cannas sit, constetque in defectione totam Italiam esse; primum ecquis Latini nominis populus defecerit ad nos? deinde ecquis homo, ex quinque & triginta tribubus, ad Hannibalem transfugerit? Quum utrumque Mago negasset: Hostium quidem ergo, inquit, adhuc nimis multum superest. Sed, multitudo ea quid animorum, quidve spei habeat, scire velim.

XIII. Quum, id nescire, Mago diceret: Nihil facilius scitu est, inquit. Ecquos legatos ad Hannibalem Romani miserunt de pace? ecquam denique mentionem pacis Roma factam esse, allatum ad vos est? Quum id quoque negasset, Bellum igitur, inquit, tam integrum habemus, quàm habuimus, quâ die Hannibal in Italiam est transgressus. Quàm varia victoria priore Punico bello fuerit, plerique, qui meminerimus, supersumus. nunquam terrâ marique magis prospera res nostræ visa sunt, quàm ante consules C. Lutatium & A. Postumium fuerunt. Lutatio & Postumio consulibus, devicti ad Ægates insulas sumus. Quod si (id quod Divi omen avertant) nunc quoque fortuna aliquid variaverit; tum pacem speratis, quum vincemur, quam nunc, quum vincimus, dat

dat nemo? Ego, si quis de pace consulet, seu deferenda hostibus, seu accipienda, habeo, quid sententiae dicam: si de iis, quae Mago postulat, refertis, nec victoribus mitti attinere puto, et frustrantibus nos falsâ atque inani spe, multo minùs cenfeo mittenda esse. Haud multos movit Hannónis oratio. nam & similtas cum familia Barcina leviolem auctorem faciebat, & occupati animi præsenti lætitiâ nihil, quo vanius fieret gaudium suum, auribus admittebant: debellatumque mox fore, si adniti paululum voluissent, rebantur. Itaque ingenti consensu fit senatusconsultum, ut Hannibali quatuor Numidarum millia in supplementum mitterentur, & quadraginta elephanti, & argenti multa talenta. Dictatorque cum Magone in Hispaniam præmissus est, ad conducenda viginti millia peditum, quatuor equitum, quibus exercitus, qui in Italia, quique in Hispania erant, supplerentur.

XIV. Ceterum hæc, ut in secundis rebus, segniter otiosæque gesta. Romanos, præter insitam industriam animis, fortuna etiam cunctari prohibebat. nam nec consul ulli rei, quæ per eum agenda esset, decrat: & dictator M. Junius Pera, rebus divinis perfectis, latoque, ut solet, ad populum, ut equum descendere liceret, præter duas urbanas legiones, quæ principio anni à consulibus conscriptæ fuerant, & servorum delectum, cohortesque ex agro Piceno & Gallico collectas, ad ultimum propè desperatæ reipublicæ auxilium, quum honesta utilibus cedunt, descendit, edixitque: *Qui capitalem fraudem ausi, quique pecunia iudicati in vinculis essent, qui eorum apud se milites fierent, eos noxâ pecuniæque sese exsolvi iussurum.* ea sex millia hominum Gallicis spoliis, quæ triumpho C. Flamini translatæ erant, armavit. itaque cum viginti quinque millibus armatorum ab urbe proficiscitur. Hannibal, Capuâ receptâ, quum iterum Neapolitanorum animos, partim spe, partim metu, nequicquam tentasset, in agrum Nola-

num exercitum traducit: & ut non hostiliter statim, quia non desperabat voluntariam deditioem; ita, si morarentur spem, nihil eorum, quæ pati aut timere possent, prætermisurus. Senatus, ac maximè primores ejus, in societate Romana cum fide perstare; plebs novarum, ut solet, rerum atque Hannibalis tota esse; metumque agrorum populationis, & patienda in obsidione multa gravia indignaque proponere animo. neque auctores defectionis deerant. Itaque ubi senatum metus cepit, si propalam tenderent, resisti multitudini concitatae non posse; clam simulando dilationem mali inveniunt. placere enim sibi defectionem ad Hannibalem simulant: quibus autem conditionibus in foedus amicitiamque novam transeant, parum constare. Ita spatio sumpto, legatos propere ad prætorem Romanum Marcellum Claudium, qui Casilini cum exercitu erat, mittunt, docentque, quanto in discrimine sit Nolana res, agrum Hannibalis esse & Pœnorum, urbem extemplo futuram, ni subveniatur. concedendo plebei senatum, ubi velint, defecturos se; ne deficere præfstinarent, effecisse. Marcellus, collaudatis Nolanis, eadem simulatione extrahi rem in suum adventum iussit: interim celari, quæ secum acta essent, spemque omnem auxilii Romanî. Ipse à Casilino Calatiam petit: atque inde, Vulturno amni trajecto, perque agrum Saticulanum Trebulanumque super Sueffulam per montes Nolum pervenit.

XV. Sub adventum prætoris Romani Pœnus agro Nolano excessit, & ad mare proximè Neapolim descendit, cupidus maritimî oppidi potiundi, quò cursus navibus tutus ex Africa esset. Ceterùm, postquam Neapolim à præfecto Romano teneri accepit, (M. Junius Silanus erat, ab ipsis Neapolitanis accitus) Neapoli quoque, sicut Nola, omisâ, petit Nuceriam. eam quum aliquandiu circumfedisset, sæpe vi, sæpe sollicitandis nequicquam nunc plebe, nunc principibus, fa-

me

me demum in deditionem accepit, pactus, ut inermes cum singulis abirent vestimentis. deinde, ut qui à principio mitis omnibus Italicis, præter Romanos, videri vellet, præmia atque honores, qui remanerent, ac militare secum voluissent, proposuit. Nec eâ spe quemquam tenuit. dilapsi omnes, quocunque hospitia aut fortuitus animi impetus tulit, per Campaniæ urbes, maximè Nola Neapolimque. Quum ferme triginta senatores, ac fortè primus quisque, Capuam petissent, exclusi inde, quòd portas Hannibali clausissent, Cumas se contulerunt. Nuceriæ præda militi data est, urbs direpta atque incensa. Nola Marcellus non sui magis fiduciâ præsidii, quàm voluntate principum, habebat. plebes timebatur, & ante omnes L. Bantius, quem consensus attentatæ defectionis, ac metus à prætore Romano, nunc ad proditionem patriæ, nunc, si ad id fortuna defuisset, ad transfugiendum stimulabat. Erat juvenis acer, & sociorum eâ tempestate propè nobilissimus eques, seminecem eum ad Cannas in acervo cætorum corporum inventum, curatumque benignè, etiam cum donis Hannibal domum remiserat. ob ejus gratiam meriti rem Nolanam in jus ditionemque dare voluerat Pæno: anxiumque eum & sollicitum curâ novandi res prætor cernebat. Ceterùm, quum aut pœnâ cohibendus esset, aut beneficio conciliandus, sibi assumpsisse, quàm hosti ademisse, fortem ac strenuum maluit socium, accitumque ad se benignè appellat: *Multos eum invidos inter populares habere, inde existimatu facile esse, quòd nemo civis Nolanus sibi indicaverit, quàm multa ejus egregia facinora militaria essent. Sed, qui in Romanis militaverit castris, non posse obscuram ejus virtutem esse. multos sibi, qui cum eo stipendia fecerint, referre, qui vir esset ille, quæque & quoties pericula pro salute ac dignitate populi Romani adisset: utique Cannensi prælio non prius pugnam abstiterit, quàm propè exsanguis ruinâ superincidentium virorum, equorum, armorumque sit oppressus.*

Itaque macte virtute esto, inquit. apud me tibi omnis honos atque omne premium erit: & quo frequentior tecum fueris, senties eam rem tibi dignitati atque emolumento esse. lætoque juveni promissis equum eximium dono dat, bigatosque quingentos quæstorem numerare jubet: listoribus imperat, ut eum se adire, quoties velit, patiantur.

XVI. Hac comitate Marcelli ferocis juvenis animus adeo est mollitus, ut nemo inde sociorum rem Romanam fortiùs ac fidentiùs juverit. Quum Hannibal ad portas esset, (Nolam enim rursus à Nuceria moverat castra) plebesque Nolana de integro ad defectionem spectaret, Marcellus sub adventum hostium intra muros se recepit; non castris metuens, sed ne prodendæ urbis occasionem nimis multis in eam imminentibus daret. Instrui deinde utrinque acies cœptæ, Romanorum pro mœnibus Nolæ, Pœnorum ante castra sua. prælia hinc parva inter urbem castraque, & vario eventu fiebant: quia duces nec prohibere paucos temere provocantes, nec dare signum universæ pugnæ volebant. In hac quotidiana duorum exercituum statione principes Nolanorum nunciant Marcello, *nocturna colloquia inter plebem ac Pœnos fieri: statutumque esse, ut, quum Romana acies egressa portis iret, impedimenta eorum ac sarcinas diriperent; clauderent deinde portas, murosque occuparent, ut, potentes rerum suarum atque urbis, Pœnum inde pro Romano acciperent.* Hæc ubi nunciata sunt Marcello, collaudatis senatoribus Nolanis, priusquam aliquis motus intus oriretur, fortunam pugnæ experiri statuit. Ad tres portas in hostes versas tripartitò exercitum instruxit: impedimenta subsequi iussit: calones lixasque & invalidos milites vallum ferre. mediâ portâ robora legionum & Romanos equites, duabus circâ portis novos milites levemque armaturam ac sociorum equites statuit. Nolani muros portasque adire vetiti; subsidiaque destinata impedimentis data, ne

occu-

occupatis prælio legionibus, in ea impetus fieret. ita instructi intra portas stabant, Hannibali, sub signis (id quod per aliquot dies fecerat) ad multum diei in acie stanti, primò miraculo esse, quòd nec exercitus Romanus portà egrederetur, nec armatus quisquam in muris esset. ratus deinde prodita colloquia esse, metuque residues factos, partem militum in castra remittit, iustos propere apparatus. omnem oppugnandæ urbis in primam aciem afferre; satis fidens, si cunctantibus instaret, tumultum aliquem in urbe plebem moturam. Dum in sua quisque ministeria discursu trepidat ad prima signa, succeditque ad muros acies, patefacta repente portà, Marcellus signa cedere, clamoremque tolli, ac pedites primùm, deinde equites, quanto maximo possent impetu, in hostem erumpere jubet. Satis terroris tumultusque in aciem mediam intulerant, quum duabus circà portis P. Valerius Flaccus & C. Aurelius legati in cornua hostium erupere. Addidere clamorem lixæ calonesque, & alia turba custodiæ impedimentorum apposita, ut paucitatem maximè spernentibus Pœnis ingentis repente exercitus speciem fecerint. Vix equidem ausim affirmare, quod quidam auctores sunt, duo millia & octingentos hostium cæsos; non plus quingentos Romanum amisisse. Sive tanta, sive minor victoria fuit, ingens eo die res, ac nescio, an maxima illo bello gesta sit. non vinci enim ab Hannibale vincetibus difficilius fuit, quàm postea vincere.

XVII. Hannibal, spe potiundæ Nolæ ademptâ, quum Acerras recessisset, Marcellus extemplo, clausis portis custodibusque dispositis, ne quis egrederetur, quæstionem in foro de iis, qui clam in colloquiis hostium fuerant, habuit: supra septuaginta damnatos proditoris securi percussit, bonaque eorum iussit publica populi Romani esse: & summâ rerum senatui traditâ, cum exercitu omni profectus, supra Sueffulani castris positus consedit. Pœnus, Acerras primùm ad

voluntariam deditionem conatus perlicere, postquam obstinatos vidit, obsidere inde atque oppugnare parat. ceterum Acerranis plus animi, quam virium, erat. Itaque, desperatâ tutelâ urbis, ut circumvallari mœnia viderunt, priusquam continuarentur hostium opera, per intermissâ munimenta neglectasque custodias silentio noctis dilapsi, per vias inviaque, quâ quemque aut consilium aut terror tulit, in urbes Campaniæ, quas satis certum erat non mutâsse fidem, persugerunt. Hannibal, Acerris direptis atque incensis, quum à Casilino dictatorem Romanum legionisque novas acciri nunciâssent, ne quis, tam propinquis hostium castris Capuam quoque recurrat, exercitum ad Casilinum ducit. Casilinum eo tempore quingenti Prænestini habebant, cum paucis Romanis Latinique nominis, quos eodem audita Cannensis clades contulerat. hi, non confecto Prænesti ad diem delectu, serius profecti domo, quum Casilinum ante adversæ pugnæ famam venissent, & aliis aggregarent sese Romanis sociisque, profecti à Casilino quum satis magno agmine irent; avertit eos retro Casilinum nuncius Cannensis pugnæ. ibi quum dies aliquot, suspecti Campanis timentesque, cavendis ac struendis in vicem insidiis traduxissent, jamque de Capuæ defectione agi, accipique Hannibalem satis pro certo habuere, interfectis nocte oppidanis, partem urbis, quæ cis Vulturum est, (eo enim dividitur amni) occupavere. idque præsidium Casilini habebant Romani. Additur & Perusina cohors, homines quadringenti sexaginta, eodem nuncio, quo Prænestini paucos ante dies, Casilinum compulsi. & satis ferme armatorum ad tam exigua mœnia, & flumine alterâ parte cincta, tuenda erat. penuria frumenti, nimium etiam ut videretur hominum, efficiebat.

XVIII. Hannibal quum jam inde haud procul esset, Gætulos cum præfecto, nomine Ifalca, præmittit: ac primò, si fiat colloquii copia, verbis benignis ad
portas

portas aperiendas præsidiumque accipiendum perlicere jubet: si in pertinacia perstent, rem gerere ac tentare, si quâ parte invadere urbem possit. Ubi ad mœnia accessere, quia silentium erat, solitudo visa; metuque concessum barbarus ratus, moliri portas & claustra refringere parat. quum, patefactis repentè portis, cohortes duæ, ad id ipsum instructæ intus, ingenti cum tumultu erumpunt, stragemque hostium faciunt. Ita primis repulsis, Maharbal, cum majore robore viro- rum missus, nec ipse eruptionem cohortium sustinuit. postremò Hannibal, castris ante ipsa mœnia oppositis, parvam urbem parvumque præsidium summâ vi atque omnibus copiis oppugnare parat. ac, dum instat lacessitque, coronâ undique circumdatis mœnibus, aliquot milites & promptissimum quemque, è muro turribusque ictos, amisit. Semel ultrò erumpentes agmine elephantorum opposito propè interclusit, trepidosque compulit in urbem, satis multis, ut ex tanta paucitate, interfectis. plures cecidissent, ni nox proelio intervenisset. Postero die omnium animi ad oppugnandum accenduntur; utique postquam corona aurea muralis proposita est, atque ipse dux castelli, plano loco positi, segnem oppugnationem Sagunti expugnatoribus exprobrabat, Cannarum Trasimenique & Trebiæ singulos admonens, universosque. Inde vineæ quoque cœptæ agi cuniculique: nec ad varios conatus hostium aut vis ulla, aut ars deerat. Socii Romanorum propugnacula adversus vineas statuere, transversis cuniculis hostium cuniculos excipere, & palam & clame cœptis obviâ ire; donec pudor etiam Hannibalem ab incepto avertit; castrisque communitis, ac præsidio modico imposito, ne omissa res videretur, in hiberna Capuam concessit. Ibî partem majorem hiemis exercitum in tectis habuit, adversus omnia humana mala sæpe ac diu duratum, bonis inexpertum atque insuetum. itaque, quos nulla mali vicerat vis, perdidere nimia.

bona ac voluptates immodicæ; & eo impensius, quo avidius ex insolentia in eas se merferant. Somnus enim, & vinum, & epulæ, & scorta, balineaque, & otium, consuetudine in dies blandius, ita enervaverunt corpora animosque, ut magis deinde præteritæ victoriæ eos, quàm præsentis tutarentur vires; majusque id peccatum ducis apud peritos artium militarium haberetur, quàm quod non ex Cannensi acie protinus ad urbem Romanam duxisset. illa enim cunctatio distulisse modò victoriam videri potuit; hic error vires admisse ad vincendum. Itaque, hercule, velut si cum alio exercitu à Capua exiret, nihil usquam pristinæ disciplinæ tenuit. nam & redierunt plerique scortis impliciti: &, ubi primum sub pellibus haberi cœpti sunt, viaque & alius militaris labor excepit, tironum modo corporibus animisque deficiebant: & deinde per omne æstivorum tempus magna pars sine com meatibus ab signis dilabebantur: neque aliæ latebræ, quàm Capua, desertoribus erant.

XIX. Ceterum, mitescente jam hieme, educto ex hibernis milite, Casilinum redit. ubi, quanquam ab oppugnatione cessatum erat, obsidio tamen continuata oppidanos præsidiumque ad ultimum inopiæ adduxerat. Castris Romanis Ti. Sempronius præerat, dictatore auspiciorum repetendorum causâ profecto Romanam. Marcellum, & ipsum cupientem ferre auxilium obsessis, & Vulturnus amnis inflatis aquis, & preces Nolanorum atque Acerranorum, tenebant, Campanos timentium, si præsidium Romanum abcessisset. Gracchus, assidens tantum Casilino, quia prædictum erat dictatoris, ne quid absente eo rei gereret, nihil movebat: quanquam, quæ faciliè omnem patientiam vincerent, nunciabantur à Casilino. nam &, præcipitasse se quosdam non tolerantes famem, constabat; & stare inermes in muris, nuda corpora ad missilium telorum ictus præbentes. Ea ægre patiens Gracchus, quum
acque

neque pugnam conferere dictatoris injussu auderet, (pugnandum autem esse, si palam frumentum importaret, videbat,) neque clam importandi spes esset, farre, ex agris circa undique convecto, quum complura dolia complèsset, nuncium ad magistratum Casilinum misit, ut exciperent dolia, quæ amnis deferret. Insequenti nocte, intentis omnibus in flumen ac spem ab nuncio Romano factam, dolia medio missa amni defluerunt: æqualiter inter omnes frumentum divisum. Id postero quoque die ac tertio factum est. nocte & mittebantur & perveniebant: eo custodias hostium fallebant. Imbribus deinde continuis citatior solito amnis, transverso vortice dolia impulit ad ripam, quam hostes servabant. ibi hærentia inter obnata ripis salicta conspiciuntur: nunciatumque Hannibali est, & deinde intentiore custodiâ cautum, ne quid falleret Vulturno ad urbem missum. Noces tamen fusæ ab Romanis castris, quum medio amni ad Casilinum defluerent, cratibus excipiebantur. Postremò ad id ventum inopix est, ut lora detractasque scutis pelles, ubi fervidâ mollissent aquâ, mandere conarentur, nec muribus aliove animali abstinere, & omne herbarum radicumque genus aggeribus infimis muri eruerent; &, quum hostes obarassent quidquid herbidi terreni extra murum erat, raporum semen injecerunt, ut Hannibal, *Eone usque dum ea nascantur, ad Casilinum sessurus sum?* exclamaret: &, qui nullam antea passionem auribus admiserat, tum demum agi secum est passus de redemptione liberorum capitum. Septunces auri in singulos pretium convenit. Fide acceptâ, sese tradiderunt: donec omne aurum persolutum est, in vinculis habitum remissi. Cumas cum fide. Id verius est, quàm ab equite in abeuntes immisso interfectos. Prænestini maxima pars fuere. ex quingentis septuaginta, qui in præsidio fuerunt, minus dimidium ferrum famesque absumpsit: ceteri incolumes Præneste cum prætore suo.

Manicio (scriba is antea fuerat) redierunt. Statua ejus indicio fuit, Præneste in foro statuta, loricata, amicta togâ, velato capite; & tria signa cum titulo laminae aeneae inscripto, *Manicium pro militibus, qui Casilini in praesidio fuerint, votum votiisse*. Idem titulus tribus signis in aede Fortunae positus fuit subiectus.

XX. Casilinum oppidum redditum Campanis est, firmatum septingentorum militum de exercitu Hannibalis praesidio; ne, ubi Pœnus inde abcessisset, Romani oppugnarent. Prænestinis militibus senatus Romanus duplex stipendium & quinquennii militiae vacationem decrevit. civitate quum donarentur ob virtutem, non mutaverunt. Perusinorum casus obscurior fama est; quia nec ipsorum monumento ullo est illustratus, nec decreto Romanorum. Eodem tempore Petelinos, qui uni ex Bruttiiis manserant in amicitia Romana, non Karthaginieneses modò, qui regionem obtinebant, sed Bruttii quoque ceteri, ob separata ab se consilia, oppugnabant. Quibus quum obsistere malis nequirent Petelini, legatos Romam ad praesidium petendum miserunt. quorum preces lacrimaeque (in questus enim flebiles, quum sibi met ipsi consulere iussi sunt, sese in vestibulo curiae profuderunt) ingentem misericordiam Patribus ac populo moverunt. consul-tique iterum à M. Pomponio praetore Patres, circumspectis omnibus imperii viribus, fateri coacti, nihil jam longinquis fociis in se praesidii esse, redire domum, fideque ad ultimum expletâ, consulere sibi met ipsos in reliquum praesenti fortunâ jusserunt. Hæc postquam renunciata legatio Petelinis est, tantus repente mœror pavorque senatum eorum cepit, ut pars profugiendi, quâ quisque posset, ac deferendæ urbis auctores essent; pars, quando deserti à veteribus fociis essent, adjungendi se ceteris Bruttiiis, ac per eos dedendi Hannibali. Vicit tamen ea pars, quæ nihil raptim nec temere agendum, consulendumque de integro

gro cenfuit. Re laxatâ poftero die per minorem trepidationem tenuerunt optimates, ut, conuectis omnibus ex agris, urbem ac muros firmarent.

XXI. Per idem fere tempus literæ ex Sicilia Sardiniaque Romam allatæ. Priores ex Sicilia T. Otacilii proprætoris in fenatu recitatæ sunt: *L. Furium prætorem cum claffe ex Africa Lilybaum veniffe: ipsum graviter faucium in discrimine ultimo vitæ effe. militi & navalibus fociis neque fipendium, neque frumentum ad diem dari; neque, unde detur, effe. magnopere fuadere, ut quamprimum ea mittantur; fibique, fi ita videatur, ex novis prætoribus fuccefforem mittant.* Eademque ferme de fipendio frumentoque ab A. Cornelio Mammula proprætor ex Sardinia fcripta. Refponfum utrifque, non effe, unde mitteretur. juffique ipfi claffibus atque exercitibus fuis confulere. T. Otacilius, ad unicum fubfidium populi Romani Hieronem legatos quum miffet, in fipendium, quanti argenti opus fuit, & fex menfium frumentum accepit. Cornelio in Sardinia civitates fociæ benignè contulerunt. Et Romæ quoque propter penuriam argenti triumviri menfarii, rogatione M. Minucii tribuni plebis, facti, L. Æmilius Papus, qui conful cenforque fuerat, & M. Atilius Regulus, qui bis conful fuerat, & L. Scribonius Libo, qui tum tribunus plebis erat. Et duumviri creati, M. & C. Atilii, ædem Concordiæ, quam L. Manlius prætor voverat, dedicaverunt. Et tres pontifices creati, Q. Cæcilius Metellus, & Q. Fabius Maximus, & Q. Fulvius Flaccus, in locum P. Scantini demortui, & L. Æmilii Paulli confulis, & Q. Ælii Pæti, qui ceciderant pugna Cannenfi.

XXII. Quum cetera, quæ continuis cladibus fortuna minuerat, quantum confiliis humanis aflequi poterant, Patres explerent; tandem fe quoque & folitudinem curiæ, paucitatemque convenientium ad publicum concilium refpexerunt. neque enim poft L. Æmilium

millium & C. Flaminius censores senatus lectus fuerat, quum tantum senatorum adversæ pugnae, ad hoc sui quemque casus per quinquennium absumpsissent. Quum de ea re M. Pomponius prætor, dictatore post Casilinum amissum profecto jam ad exercitum, exposcentibus cunctis retulisset; tum Sp. Carvilius, quum longâ oratione non solum inopiam, sed paucitatem etiam civium, è quibus in Patres legerentur, conquestus esset, explendi senatus causâ, & jungendi arctius Latini nominis, pro magna re se suadere dixit, ut ex singulis populis Latinorum, binis senatoribus, si Patres Romani censuissent, civitas daretur, atque in demortuorum locum in senatum legerentur. Eam sententiam haud æquioribus animis, quàm ipsorum quondam postulatum Latinorum, Patres audierunt: &, quum fremitus indignantium totâ curiâ esset; & præcipue Manlius, *esse etiam nunc stirpis ejus virum, diceret, ex qua quondam in Capitolio consul minatus esset, quem Latinum in curia vidisset, cum sua manu se interfecturum*; Q. Fabius Maximus, *nunquam rei ullius alieniore tempore mentionem factam in senatu, dixit, quàm inter tam suspensos sociorum animos incertamque fidem, id tactum, quod insuper sollicitaret eos. eam unius hominis temerariam vocem silentio omnium extinguendam esse*: &, *si quid unquam arcani sanctive ad silendum in curia fuerit, id omnium maxime tegendum, occultandum, obliviscendum, pro non dicto habendum esse. ita ejus rei oppressa mentio est.* Dictatorem, qui censor ante fuisset, vetustissimusque ex eis, qui viverent, censoriis esset, creari placuit, qui senatum legeret: accirique C. Terentium consulem ad dictatorem dicendum, jusserunt. qui, quum ex Apulia, relicto ibi præsidio, magnis itineribus Romam redisset, nocte proximâ, ut mos erat, M. Fabium Buteonem ex senatusconsulto sine magistro equitum dictatorem in sex menses dixit.

XXIII. Is, ubi cum lictoribus in Rostra descendit, *æque duos dictatores tempore uno, quod nunquam antea fa-*
ciunt.

Etum esset, probare se, dixit: neque dictatorem se sine magistro equitum: nec censoriam vim uni permissam & eidem iterum: nec dictatori, nisi rei gerendae causâ creato, in sex menses datum imperium. Quae immoderata fors, tempus ac necessitas fecerint, iis se modum impositurum. nam neque senatu quemquam moturum ex iis, quos C. Flaminius, L. Æmilius censores in senatum legissent: transcribi tantum recitarique eos iussurum; ne penes unum hominem iudicium arbitriumque de fama ac moribus senatoris fuerit: & ita in demortuorum locum sublekturum, ut ordo ordini, non homo homini pralatus videretur. Recitato veteri senatu, inde primos in demortuorum locum legit, qui post L. Æmilium & C. Flaminium censores curulem magistratum cepissent, necdum in senatum lecti essent; ut quisque eorum primus creatus erat: tum legit, qui ædiles, tribuni plebei, quaestoresve fuerant: tum ex iis, qui magistratus non cepissent, qui spolia ex hoste fixa domi haberent, aut civicam coronam accepissent. Ita, centum septuaginta septem cum ingenti approbatione hominum in senatum lectis, extemplo se magistratu abdicavit, privatusque de Rostris descendit, lictoribus abire iussis. turbæque se immiscuit privatas agentium res, tempus hoc sedulo terens, ne deducendæ sui causâ populum de foro abduceret: neque tamen elanguit cura hominum eâ morâ, frequentesque eum domum deduxerunt. Consul nocte insequenti ad exercitum rediit, non facto certiore senatu, ne comitiorum causâ in urbe retineretur.

XXIV. Postero die consultus à M. Pomponio prætore senatus decrevit, dictatori scribendum, uti, si & republica censeret esse, ad consules subrogandos veniret cum magistro equitum & prætore M. Marcello, ut ex iis præsentibus noscere Patres possent, quo statu respublica esset, consiliaque ex rebus caperent. Qui acciti erant, omnes venerunt, relictis legatis, qui legionibus præessent. Dictator, de se pauca ac modice locutus,

locutus, in magistrum equitum, Ti. Sempronium Gracchum, magnam partem gloriæ vertit; comitiaque edixit, quibus L. Postumius tertium absens, qui tum Galliam provinciam obtinebat, & Ti. Sempronius Gracchus, qui tum magister equitum & ædilis curulis erat, consules crearentur. Prætores inde creati, M. Valerius Lævinus, Ap. Claudius Pulcher, Q. Fulvius Flaccus, Q. Mucius Scævola. Dictator, creatis magistratibus, Teanum in hiberna ad exercitum rediit, relicto magistro equitum Romæ: qui, quum post paucos dies magistratum initurus esset, de exercitibus scribendis comparandisque in annum Patres consulere. Quum eæ res maximè agerentur, nova clades nunciata, aliam super aliam cumulate in eum annum fortunâ; L. Postumium, consulem designatum, in Gallia ipsum atque exercitum deletos. Silva erat vasta (Litanam Galli vocabant) quâ exercitum traducturus erat, ejus silvæ dextrâ lævâque circa viam Galli arbores ita inciderant, ut immotæ starent, momento levi impulsæ occiderent. Legiones duas Romanas habebat Postumius, sociumque ab supero mari tantum conscripserat, ut viginti quinque millia armatorum in agros hostium induxerit. Galli oram extremæ silvæ quum circumfessissent, ubi intravit agmen saltum, tum extremas arborum succisarum impellunt. quæ, alia in aliam, instabilem per se ac malè hærentem, incidentes, ancipiti strage arma viros, equos obruerunt, ut vix decem homines effugerent. Nam quum exanimati plerique essent arborum truncis fragmentisque ramorum, ceteram quoque multitudinem, inopinato malo trepidam, Galli, saltum omnem armati circumfidentes, interfecerunt; paucis è tanto numero captis, qui, fluminis pontem petentes, obfesso antè ab hostibus ponte interclusi sunt. Ibi Postumius, omni vi, necaperetur, dimicans, occubuit. spolia corporis, caputque ducis præcisum, Boji ovantes templo, quod sanctissimum

Assissimum est apud eos, intulere: purgato inde capite, ut mos iis est, calviam auro cælavere. idque sacrum vas iis erat, quo solennibus libarent: poculumque idem sacerdoti esse, ac templi antistitibus. Præda quoque haud minor Gallis, quàm victoria, fuit. nam etsi magna pars animalium strage silvæ oppressa erat, tamen ceteræ res, quia nihil dissipatum fugâ est, stratz per omnem jacentis agminis ordinem inventæ sunt.

XXV. Hac nunciata clade, quum per dies multos in tanto pavore fuisset civitas, ut, tabernis clausis, velut nocturnâ solitudine per urbem actâ, senatus ædilibus negotium daret, ut urbem circumirent, aperiri-que tabernas, & mœstitiæ publicæ speciem urbi demijuberent; tum Ti. Sempronius senatum habuit, consolatusque Patres est, & adhortatus, *ne, qui Cannensi ruina non succubuisse, ad minores calamitates animos submitterent. quod ad Karthaginienses hostes Hannibalemque attinet, prospera modò essent, sicut speraret futura, Gallicum bellum & omitti tutò & differri posse: ultionemque eam fraudis in Deorum ac populi Romani potestate fore. De hoste Pæno, exercitibusque, per quos id bellum gereretur, consultandum atque agendum.* Ipse primùm, quid peditum equitumque, quid civium, quid sociorum in exercitu esset dictatoris, differuit. Tum Marcellus suarum copiarum summam exposuit. Quid in Apulia cum C. Terentio consule esset, à peritis quæsitum est. nec, unde consulares exercitus satis firmi ad tantum bellum efficerentur, inibatur ratio. itaque Galliam, quanquam stimulabat justâ ira, omitti eo anno placuit. Exercitus dictatoris consuli decretus est. De exercitu Marcelli, qui eorum ex fuga Cannensi essent, in Siciliam eos traduci, atque ibi militare, donec in Italia bellum esset, placuit. eodem ex dictatoris legionibus rejici militem minimi quemque roboris, nullo præstituto militiæ tempore, nisi qui stipendiorum legitimorum esset. Duæ legiones urbanæ alteri consuli, qui in locum L. Postumii susceptus esset,

set, decretæ sunt: eumque, quum primùm salvis auspiciis posset, creari placuit. legiones præterea duas primo quoque tempore ex Sicilia acciri: atque inde consul, cui legiones urbanæ evenissent, militem fumeret quantum opus esset. C. Terentio consuli propagari in annum imperium: neque de eo exercitu, quem ad præsidium Apuliæ haberet, quicquam minui.

XXVI. Dum hæc in Italia geruntur apparanturque, nihilo segnius in Hispania bellum erat: sed ad eam diem magis prosperum Romanis. P. & Cn. Scipionibus inter se partitis copias, ut Cnæus terrâ, Publius navibus, rem gereret; Hasdrubal Pœnorum imperator, neutri parti virium satis fidens, procûl ab hoste, intervallo ac locis tutus, tenebat se: quoad multum ac diu obtestanti, quatuor millia peditum, & quingenti equites in supplementum missi ex Africa sunt. Tum resectâ tandem spe, castra propius hostem movit: classemque & ipse instrui pararique jubet, ad insulas maritimamque oram tutandam. In ipso impetu movendarum de integro rerum, perculit eum præfectorum navium transitio: qui, post classem ad Iberum per pavorem desertam graviter increpiti, nunquam deinde satis fidi aut duci, aut Karthaginensium rebus fuerant. Fecerant hi transfugæ motum in Carpesiorum gente, desciverantque iis auctoribus urbes aliquot: una etiam ab ipsis vi capta fuerat. In eam gentem versum ab Romanis bellum est; infestoque exercitu Hasdrubal ingressus agrum hostium, pro captæ ante dies paucos urbis mœnibus, Galbum, nobilem Carpesiorum ducem, cum valido exercitu castris sese tenentem, aggredi statuit. Præmissâ igitur levi armaturâ, quæ eliceret hostes ad certamen, peditum partem ad depopulandum per agros passim dimisit, ut palantes exciperent. Simul & ad castra tumultus erat, & per agros fugaque & cædes; deinde undique diversis itineribus quum in castra se recepissent, adeo repente decessit animis pa-

vor,

vor, ut non ad munimenta modò defendenda fatis animorum esset, sed etiam ad laceffendum hostem prælio. Erumpunt igitur agmine è castris, tripudiantes more suo; repentinaque eorum audacia terrorem hosti, paulo antè ultro laceffenti, incussit. Itaque & ipse Hasdrubal in collem fatis arduum, tutum flumine etiam objecto, tum copias abducit, & præmissam levem armaturam equitesque palatos eodem recipit: nec aut colli aut flumini fatis fidens, vallo castra permunit. In hoc alterno pavore certamina aliquot sunt contracta. nec Numida Hispano eques par fuit; nec jaculator Maurus cetrato, velocitate pari, robore animi viriumque aliquantum præstanti.

XXVII. Postquam neque elicere Pœnum ad certamen obversati castris poterant, neque castrorum oppugnationo facilis erat; urbem Ascuam, quò, fines hostium ingrediens, Hasdrubal frumentum commeatusque alios convexerat, vi capiunt, omnique circà agro potiuntur. nec jam, aut in agmine, aut in castris, ullo imperio contineri. Quam ubi negligentiam ex re (ut fit) bene gesta oriri senserat Hasdrubal, cohortatus milites, ut palatos sine signis hostes aggrederentur, degressus colle, pergit ire acie instructà ad castra. quem ut adesse tumultuosè nunciavere fugientes ex speculis stationibusque, ad arma conclamatum est. Ut quisque arma ceperat, sine imperio, sine signo, incompressi, inordinati in prælium ruunt. Jam primi conseruerant manus, quum alii catervatim currerent, alii nondum è castris exissent. tamen primò ipsà audacià terruere hostem. deinde rari in confertos illati, quum paucitas parum tuta esset, respicere alii alios, & undique pulsi coire in orbem; & dum corporibus applicantur, armaque armis jungunt, in arctum compulsi, quum vix movendis armis satis spatii esset, coronà hostium cincti, ad multum diei cæduntur. Exigua pars, eruptione factà, silvas ac montes petit: parique terrore & castra

castra sunt deserta, & universa gens postero die in deditionem venit. Nec diu in pacato mansit. nam subinde ab Karthagine allatum est, ut Hasdrubal primo quoque tempore in Italiam exercitum duceret. quæ vulgata res per Hispaniam omnium ferme animos ad Romanos avertit. Itaque Hasdrubal extemplo literas Karthaginem mittit, indicans, quanto sama profectionis suæ damno fuisset. *Si verò inde pergeret, priusquam Iberum transiret, Romanorum Hispaniam fore. Nam, præterquam quòd nec præsidium, nec ducem haberet, quem relinqueret pro se; eos imperatores esse Romanos, quibus vix aqvis viribus resisti possit. Itaque si ulla Hispaniæ cura esset, successorem sibi cum valido exercitu mitterent: cui, ut omnia prospere evenirent, non tamen otiosam provinciam fore.*

XXVIII. Hæ literæ quanquam primò admodum moverunt senatum; tamen, quia Italiæ cura prior potiorque erat, nihil de Hasdrubale, neque de copiis ejus mutatum est. Himilco cum exercitu justo & aucta classe, ad retinendam terrâ marique ac tuendam Hispaniam, est missus; qui, ut pedestres navalesque copias trajecit, castris communitis, navibusque subductis & vallo circumdatis, cum equitibus delectis ipse, quantum maximè accelerare poterat, per dubios infestosque populos juxtâ intentus ad Hasdrubalem pervenit. Quum decreta senatûs mandataque exposuisset, atque edidicisset ipse in vicem, quemadmodum tractandum bellum in Hispania foret, retro in sua castra rediit; nullâ re, quàm celeritate, tutior, quòd undique abierat, antequam consentirent. Hasdrubal, priusquam moveret castra, pecunias imperat populis omnibus suæ ditionis, satis gnarus, Hannibalem transitus quosdam pretio mercatum: nec auxilia Gallica aliter, quàm conductâ, habuisse; inopem, tantum iter ingressum, vix penetraturum ad Alpes fuisse. pecuniis igitur raptim exactis, ad Iberum descendit. Decreta Karthaginensium & Hasdrubalis iter ubi ad Romanos sunt

sunt perlata, omnibus omiſſis rebus, ambo duces, junctis copiis, ire obviam cœptis, atque obſiſtere parant; rati ſi Hannibali, vix per ſe ipſi tolerando Italiæ hoſti, Haſdrubal dux atque Hiſpanienſis exercitus eſſet junctus, illum Romani finem imperii fore. Hiſ anxii curis ad Iberum contrahunt copias; &, tranſito amne, quum diu conſultâſſent, utrùm caſtra caſtris conferrent, an ſatis haberent, ſociis Karthaginienſium oppugnandis, morari ab itinere propoſito hoſtem, urbem à propinquo flumine Iberam appellatam, opulentiffimam eâ tempeſtate regionis ejus, oppugnare parant. quod ubi ſenſit Haſdrubal, pro ope ferenda ſociis, pergit ipſe ire ad urbem, deditam nuper in fidem Romanorum, oppugnandam. ita jam cœpta obſidio omiſſa ab Romanis eſt, & in ipſum Haſdrubalem verſum bellum.

XXIX. Quinque millium intervallo caſtra diſtantia habuere paucos dies: nec ſine levibus præliis, nec ut in aciem exirent. tandem uno eodemque die velut ex compoſito utrinque ſignum pugnæ propoſitum eſt: atque omnibus copiis in campum deſcenſum. Triplex ſtetit Romana acies. velitum pars inter anteſignanos locata, pars poſt ſigna accepta, equites cornua cinxere. Haſdrubal mediam aciem Hiſpanis firmat: in cornibus, dextro Pœnos locat, lævo Afros mercenariorumque auxilia: equitum Numidas Pœnorum peditibus, ceteros Afris pro cornibus opponit. nec omnes Numidæ in dextro locati cornu, ſed quibus, deſultorum in modum, binos trahentibus equos inter acerrimam sæpe pugnam in recentem equum ex feſſo armatis tranſultare mos erat: tanta velocitas ipſis, tamque docile equorum genus eſt. Quum hoc modo inſtruſti ſtarent, imperatorum utriuſque partis haud ferme diſpares ſpes erant. nam ne multum quidẽ, aut numero, aut genere militum, hi aut illi præſtabant. Militibus longè diſpar animus erat. Romanis enim, quanquam procul à patria pugnarent, facilè perſuaſerant

suaserant duces, pro Italia atque urbe Romana eos pugnare. itaque, velut quibus reditus in patriam eo discrimine pugnae verteretur, obstinaverant animis, vincere aut mori. Minus pertinaces viros habebat altera acies. nam maxima pars Hispani erant : qui vinci in Hispania, quam victores in Italiam trahi, malebant. Primo igitur concursu, quum vix pila coniecta essent, retulit pedem media acies, inferentibusque sese magno impetu Romanis terga vertit. Nihilo segnius in cornibus praelium fuit. hinc Pœnus, hinc Afer urget : & velut in circumventos praelio ancipiti pugnant. Sed quum in medium tota jam coisset Romana acies, satis virium ad dimovenda hostium cornua habuit. itaque duo diversa praelia erant : utroque Romani, ut qui, pulsus tandem mediis, & numero & robore virorum præstarent, haud dubiè superârunt. Magna vis hominum ibi occisa, &, nisi Hispani vixdum conferto praelio tam effusè fugissent, perpauca ex tota superfuissent acie. Equestris pugna nulla admodum fuit. quia, simul inclinatam mediam aciem Mauri Numidæque viderunt, extemplo fugâ effusâ nuda cornua, elephantis quoque præ se actis, deseruere. Et Hasdrubal, usque ad ultimum eventum pugnae moratus, è media cæde cum paucis effugit. Castra Romani cepere, atque diripere. Ea pugna, si qua dubia in Hispania erant, Romanis adjunxit : Hasdrubalique non modò in Italiam traducendi exercitus, sed ne manendi quidem satis tutò in Hispania, spem reliquit. Quæ postquam literis Scipionum Romæ vulgata sunt, non tam victoriâ, quam prohibito Hasdrubalis in Italiam transitu, lætabantur.

XXX. Dum hæc in Hispania geruntur, Petelia in Bruttis, aliquot post mensibus, quam cœpta oppugnari erat, ab Himilcone, præfecto Hannibalis, expugnata est. Multo sanguine ac vulneribus ea Pœnis victoria stetit : nec ulla magis vis obsessos, quam fames, expu-

expugnavit. absumptis enim frugum alimentis, carnisque omnis generis quadrupedum; sutrinæ postremo coriis, herbisque & radicibus, & corticibus teneris, strictisque rubis vixere; nec, antequam vires ad standum in muris ferendaque arma decrant, expugnati sunt. Receptâ Peteliâ, Pœnus ad Consentiam copias traducit: quam, minus pertinaciter defensam, intra paucos dies in deditionem accepit. Iisdem ferme diebus & Bruttiorum exercitus Crotonem, Græcam urbem, circumfedit, opulentam quondam armis virisque, tum jam adeo multis magnisque cladibus afflictam, ut omnis ætatis minus viginti millia civium superessent. itaque urbe à defensoribus vastâ facile potiti sunt hostes: arx tantum retenta, in quam inter tumultum captæ urbis è media cæde quidam effugere. Et Locrenses descivere ad Bruttios Pœnosque, proditâ multitudine à principibus. Rhegini tantummodo regionis ejus, & in fide erga Romanos, & potestatis suæ ad ultimum manserunt. In Siciliam quoque eadem inclinatio animorum pervenit: & ne domus quidem Hieronis tota ab defectione abstinuit. namque Gelo maximus stirpis, contemptâ simul senectute patris, simul post Cannensem cladem Romanâ societate, ad Pœnos defecit: movissetque in Sicilia res, nisi mors adeo opportuna, ut patrem quoque suspicione adspergeret, armantem cum multitudinem, sollicitantemque socios absumpisset. Hæc eo anno in Italia, in Africa, in Sicilia, in Hispania vario eventu acta. Exitu anni Q. Fabius Maximus à senatu postulavit, ut ædem Veneris Erycinæ, quam dictator vovisset, dedicare liceret. Senatus decrevit, ut Ti. Sempronius consul designatus, quum primum honorem inisset, ad populum ferret, ut Q. Fabium duumvirum esse juberent ædis dedicandæ causâ. Et M. Æmilio Lepido, qui bis consul augurque fuerat, filii tres, Lucius, Marcus, Quintus, ludos funebres per triduum, & gladiatorum paria duo

duo & viginti per triduum in foro dederunt. *Ædiles* curules, C. Lætorius, & Ti. Sempronius Gracchus, consul designatus, qui in ædilitate magister equitum fuerat, ludos Romanos fecerunt, qui per triduum instaurati sunt. Plebei ludum ædilium M. Aurelii Cottæ & M. Claudii Marcelli ter instaurati. Circumacto tertio anno Punici belli, Ti. Sempronius consul Idibus Martiis magistratum imit. Prætores Q. Fulvius Flaccus, qui antea consul censorque fuerat, urbanam; M. Valerius Lævinus peregrinam sortem in iurisdictione habuit. Ap. Claudius Pulcher Siciliam, Q. Mucius Scaevola Sardiniam sortiti sunt. M. Marcello proconsule imperium esse populus iussit, quod post Cannensem cladem unus Romanorum imperatorum in Italia prospere rem gessisset.

XXXI. Senatus, quo die primum est in Capitolio consultus, decrevit, ut, quod eo anno duplex tributum imperaretur, simplex confestim exigeretur, ex quo stipendium præsens omnibus militibus daretur, præterquam qui milites ad Cannas fuissent. De exercitibus ita decreverunt, ut duabus legionibus urbanis Ti. Sempronius consul Cales ad conveniendum diem ediceret: Inde sex legiones in castra Claudiana supra Sueffulam deducerentur. quæ ibi legiones essent, (erant autem Cannensis maximè exercitus) eas Ap. Claudius Pulcher prætor in Siciliam trajiceret; quæque in Sicilia essent, Romam deportarentur. Ad exercitum, cui ad conveniendum Cales edicta dies erat, M. Claudius Marcellus missus: isque iussus in castra Claudiana deducere urbanas legiones. Ad veterem exercitum accipiendum deducendumque inde in Siciliam, T. Metellus Croto legatus ab Ap. Claudio est missus. Taciti primò expectaverant homines, uti consul comitia collegæ creando haberet. deinde, ubi ablegatum, velut de industria, M. Marcellum viderunt, quem maximè consulem in eum annum ob egregiè in prætura res gestas

has creari volebant, fremitus in curia est ortus. Quod ubi sensit consul, *Utrumque*, inquit, *è republica fuit, Patres conscripti, & M. Claudium ad permutandos exercitus in Campaniam proficisci, & comitia non prius edici, quàm is inde, confecto, quod mandatum est, negotio, revertisset; ut vos consulem, quem tempus reipublice postularet, quem maximè vultis, haberetis.* Ita de comitiis, donèc rediit Marcellus, silentium fuit. Interea duumviri creati sunt Q. Fabius Maximus & T. Otacilius Crassus, ædibus dedicandis, Menti Otacilius, Fabius Veneri Erycinæ. Utraque in Capitolio est, canali uno diseretur. Et de trecentis equitibus Campanis, qui, in Sicilia cum fide stipendiis emeritis, Romam venerant, dein latum ad populum, ut cives Romani essent: item, uti municipes Cumani essent, pridie quàm populus Campanus à populo Romano defecisset. Maximè, ut hoc ferretur, moverat, quòd, quorum hominum essent, scire se ipsi negabant; vetere patriâ relictâ, in eam, in quam redierant, nondum adsciti. Postquam Marcellus ab exercitu rediit, comitia uni consuli rogando in locum L. Postumii edicuntur. Creatur ingenti consensu Marcellus, qui extemplo magistratum occiperet. cui ineunti consulatum quum tonuisset, vocati augures vitio creatum videri pronuntiaverunt; vulgòque Patres ita famâ ferebant, quòd tum primum duo plebei consules facti essent, id Deis cordi non esse. In locum Marcelli, ubi is se magistratu abdicavit, susceptus Fabius Maximus tertium. Mare arsit eo anno: ad Sinuessam bos equuleum peperit: signa Lanuvii ad Junonis Sopitæ cruore manavere, lapidibusque circa id templum pluit. ob quem imbrem novemdiale, ut assolet, sacrum fuit: ceteraque prodigia cum cura expiata.

XXXII. Consules exercitus inter sese diviserunt. Fabio exercitus, cui M. Junius dictator præfuerat, venit; Sempronio volones, qui fierent, & sociorum viginti quinque millia; M. Valerio prætori legiones,

quæ ex Sicilia redissent, decretæ; M. Claudius pro-
 consul ad eum exercitum, qui supra Sueffulam Nolæ
 præfideret, missus. Prætores in Siciliam ac Sardiniam
 profecti. Consules edixerunt, quoties in senatum vo-
 casset, uti senatores, quibusque in senatu dicere sen-
 tentiam liceret, ad portam Capenam convenirent.
 Prætores, quorum jurisdictio erat, tribunalia ad Pisci-
 nam publicam posuerunt. eò vadimonia fieri jusserunt :
 ibique eo anno jus dictum est. Interim Karthaginem,
 unde Mago frater Hannibalis duodecim millia pedi-
 tum, & mille quingentos equites, viginti elephantos,
 mille argenti talenta in Italiam transmissurus erat, cum
 præsidio sexaginta navium longarum, nuncius affer-
 tur, in Hispania rem malè gestam, omnesque ferme e-
 jus provinciæ populos ad Romanos defecisse. Erant,
 qui Magonem cum classe ea copiisque, omisâ Italiâ,
 in Hispaniam averterent; quum Sardinia recipiendæ
 repentina spes adfulsit. *Parvum ibi exercitum Romanum
 esse : veterem prætorem inde A. Cornelium provinciæ peritum
 decedere, novum expectari. Ad hoc, fessos jam animos Sar-
 dorum esse diuturnitate imperii :- & proximo iis anno acerbè
 atque avarè imperatum. gravi tributo & collatione iniquâ
 frumenti pressos. nihil deesse aliud, quàm auctorem, ad quem
 deficerent.* Hæc clandestina legatio per principes missa
 erat; maximè eam rem moliente Hamplicorâ, qui tum
 auctoritate atque opibus longè primus erat. His nun-
 ciis propè uno tempore turbati, erectique, Magonem
 cum classe sua copiisque in Hispaniam mittunt. in
 Sardiniam Hasdrubalem deligunt ducem: & tantum
 ferme copiarum, quantum Magoni, decernunt. Et
 Romæ consules, transactis rebus, quæ in urbe agenda
 erant, movebant jam sese ad bellum. Ti. Sempronius
 militibus Sinuessam diem ad conveniendum edixit;
 & Q. Fabius, consulto prius senatu, ut frumenta o-
 mnes ex agris, ante Kalendas Junias primas, in urbes
 munitas conveherent. *Qui non invexisset, ejus se agrum*
popu-

populaturum, servos sub hasta venditurum, villas incensurum.
 Ne prætoribus quidem, qui ad jus dicendum creati erant, vacatio ab belli administratione data est. Valerium prætorem in Apuliam ire placuit, ad exercitum à Terentio accipiendum: quum ex Sicilia legiones venissent, iis potissimum uti ad regionis ejus præsidium: Terentianum mitti cum aliquo legatorum. Et viginti quinque naves M. Valerio datæ sunt, quibus oram maritimam inter Brundisium ac Tarentum tutari posset. Par navium numerus Q. Fulvio prætori urbano decretus ad suburbana littorâ tutanda. C. Terentio proconsuli negotium datum, ut in Piceno agro conquestionem militum haberet, locisque iis præsidio esset. Et T. Otacilius Crassus, postquam ædem Mentis in Capitolio dedicavit, in Siciliam cum imperio, qui classi præesset, missus.

XXXIII. In hanc dimicationem duorum opulentissimorum in terris populorum omnes reges gentesque animos intenderant. inter quos Philippus Macedonum rex, eo magis, quòd propior Italiæ, ac mari tantum Ionio discretus erat. Is ubi primum famâ accepit, Hannibalem Alpes transgressum, ut bello inter Romanos Pœnumque orto lætatus erat, ita, utrius populi mallet victoriâ esse, incertis adhuc viribus, fluctuatus animo fuerat. Postquam tertia jam pugna, tertia victoriâ cum Pœnis erat, ad fortunam inclinavit, legatosque ad Hannibalem misit: qui, vitantes portus Brundisium Tarentinumque, quia custodiis navium Romanarum tenebantur, ad Laciniæ Junonis templum in tetram egressi sunt. Inde per Apuliam petentes Capuam, media in præsidia Romana illati sunt: deductique ad M. Valerium Lævinum prætorem, circa Nuceriâ castra habentem. Ibi intrepidè Xenophanes legationis princeps, à Philippo rege se missum, ait, ad amicitiam societatemque jungendam cum populo Romano; mandata habere ad consules ac senatum popu-
 lum.

lumque Romanum. Inter defectiones veterum socio-
rum, Valerius, novâ societate tam clari regis lætus
admodum, hostes pro hospitibus comiter accepit. dat,
qui prosequantur, itinera cum cura demonstrent, quæ
loca, quosque saltus, aut Romanus, aut hostes tene-
ant. Xenophanes per præsidia Romana in Campani-
am, inde, quâ proximum fuit, in castra Hannibalis
pervenit, foedusque cum eo atque amicitiam junxit
legibus his: *ut Philippus rex quàm maximâ classe (ducentas
autem naves videbatur effecturus) in Italiam trajiceret, &
vastaret maritimam oram: bellum pro parte sua terrâ ma-
rique gereret. ubi debellatum esset, Italia omnis cum ipsa ur-
be Roma Karthaginensium atque Hannibalis esset, prædaque
omnis Hannibali cederet. Perdomitâ Italiâ, navigarent in
Græciam, bellumque, cum quibus regibus placeret, gererent.
que civitates continentis, que insula ad Macedoniam vergunt,
eæ Philippi regni que ejus essent.*

XXXIV. In has ferme leges inter Pœnum ducem
legatosque Macedonum. ietum foedus, missique cum iis
ad regis ipsius firmandam fidem legati, Gisgo, & Bo-
star, & Mago, eodem ad Junonis Laciniæ, ubi navis
occulta in statione erat, perveniunt: inde profecti,
quum jam altum tenerent, conspecti à classe Romana
sunt, quæ præsidio erat Calabriæ littoribus. P. Vale-
rius Flaccus cercuros ad persequendam retrahendam-
que navem quum misisset, primò fugere regii conati:
deinde, ubi celeritate vinci senserunt, tradunt se Ro-
manis, & ad præfectum classis adducti: quum quære-
ret, *qui, & unde, & quò tenderent cursum?* Xenophanes
primò, satis jam semel felix mendacium struere, à Phi-
lippo se ad Romanos missum, ad M. Valerium, ad quem u-
num iter tutum fuerit, pervenisse. *Campaniam superare ne-
quisset, septam hostium prædiis.* Deinde, ut Punicus cultus
habitusque suspectos legatos fecit Hannibalis, interro-
gatosque sermo prædixit: tum, comitibus eorum se-
ductis, ac metu territis, literæ quoque ab Hannibale

ad Philippum inventæ, & pacta inter regem Macedonum Poenumque ducem. Quibus satis cognitis, optimum visum est; captivos comitesque eorum Romanam ad senatum, aut ad consules, ubicunque essent, quam primum deportare. ad id celerrimæ quinque naves delectæ, ac L. Valerius Antias, qui præfret, missus: eique mandatum, ut in omnes naves legatos separatim custodiendos divideret, daretque operam, ne quod his colloquium inter se, neve quæ communicatio consilii esset. Per idem tempus Romæ quum A. Cornelius Mammula, ex Sardinia provincia decedens, retulisset, qui status rerum in insula esset, bellum ac defectionem omnes spectare; Q. Mucium, qui successisset sibi, gravitate cœli aquarumque advenientem exceptum, non tam in periculosum, quàm longum, morbum implicitum, diu ad belli vim sustinendam inutilem fore, exercitumque ibi ut satis ~~parvum~~ pacatæ provinciæ præsidio esse, ita parum bello, quod motum iri videretur: decreverunt Patres, ut Q. Fulvius Flaccus quinque millia peditum, quadringentos equites scriberet, eamque legionem primo quoque tempore in Sardiniam trajiciendam curaret, mitteretque cum imperio, quem ipsi videretur, qui rem gereret, quoad Mucius convaluisset. Ad eam rem missus est T. Manlius Torquatus, qui bis consul censorque fuerat, subegeratque in consulatu Sardos. Sub idem ferè tempus & à Karthagine in Sardiniam classis missa, duce Hasdrubale, cui Calvo cognomen erat, fœdâ tempestate vexata, ad Baliares insulas dejicitur. ibique (adeo non armamenta modò, sed etiam alvei navium quassati erant) subductæ naves dum reficiuntur, aliquantum temporis triverunt.

XXXV. In Italia quum post Cannensem pugnam, fractis partis alterius viribus, alterius mollitis animis, segnius bellum esset: Campani per se adorti sunt rem Cumanam suæ ditionis facere; primò sollicitantes, ut

ab Romanis deficerent. ubi id parum processit, dolum ad capiendos eos comparant. Campanis omnibus statum sacrificium ad Hamas. eò senatum Campanum venturum certiores Cumanos fecerunt: petieruntque, ut & Cumanus eò senatus veniret ad consultandum communiter, ut eosdem uterque populus socios hostesque haberet: præsidium ibi armatum sese habituros, ne quid ab Romano Pænove periculi esset. Cumani (quanquam suspecta fraus erat) nihil abnuere; ita tegi fallax consilium posse rati. Interim Ti. Sempronius consul Romanus Sinuessæ, quò ad conveniendum diem edixerat, exercitu lustrato, transgressus Vulturum flumen, circa Liternum castra posuit. Ibi, quia otiosa stativa erant, crebrò decurrere milites cogebat, ut tirones (ea maxima pars volonum erat) assuescerent signa sequi, & in acie agnoscere ordines suos. inter quæ maxima inerat cura duci, itaque legatis tribunisque præceperat, *ne qua exprobratio cuiquam veteris fortune discordiam inter ordines sereret: vetus miles tironi, liber volonem sese exæquari sineret. omnes satis honestos generososque duceret, quibus arma sua signaque populus Romanus commisisset. qua fortuna cõgisset ita fieri, eandem cogere tueri factum.* Ea non majore curâ præcepta ab ducibus sunt, quàm à militibus observata; brevique tantâ concordia cõluerant omnium animi, ut propè in oblivionem veniret, qua ex conditione quisque esset miles factus. Hæc agenti Graccho legati Cumani nunciârunt, quæ à Campanis legatio paucos ante dies venisset, & quid iis ipsi respondissent. Triduum post eum diem festum esse: non senatum solum omnem ibi futurum, sed castra etiam & exercitum Campanum. Gracchus, jussis Cumanis omnia ex agris in urbem convehere, & manere intra muros, ipse pridie, quàm statum sacrificium Campanis esset, Cumas movet, castra. Hamæ inde tria millia passuum absunt. Jam Campani eò frequentes ex composito convenerant, nec procul inde in occulto

Marius

Marius Alfius Medixtuticus (summus magistratus erat Campanis) cum quatuordecim millibus armatorum habebat castra; sacrificio apparando, & inter id instruendæ fraudi aliquanto intentior, quàm muniendis castris, aut ulli militari operi. Triduum sacrificatum ad Hamas. Nocturnum erat sacrum, ita ut ante mediam noctem compleretur. Huic Gracchus insidiandum tempori ratus, custodibus ad portas positis, ne quis enunciare posset cœpta, & ab decima diei hora coactis militibus corpora curare, somnoque operam dare, ut primis tenebris convenire ad signum possent, vigiliâ ferme primâ tolli iussit signa; silentique profectus agmine, quum ad Hamas mediâ nocte pervenisset, castra Campana, ut in pervigilio neglecta, simul omnibus portis invadit: alios somno stratos, alios perpetrato sacro inermes redeuntes obtruncat. hominum eo tumultu nocturno cæsa plus duo millia, cum ipso duce Mario Alfio. capta sunt signa militaria quatuor & triginta.

XXXVI. Gracchus, minus centum militum jacturâ castris hostium potitus, Cumas se propere recepit, ab Hannibale metuens, qui super Capuam in Tifatis habebat castra. Nec cum provida futuri fefellit opinio. nam simul Capuam ea clades est nunciata, ratus Hannibal, ab re bene gesta insolenter latum exercitum tirorum, magna ex parte, fervorumque, spoliantem viatos, prædasque agentem, ad Hamas se inventurum; citatum agmen præter Capuam rapit, obviosque ex fuga Campanorum dato præsidio Capuam duci, faucios vehiculis portari jubet. ipse Hamis vacua ab hostibus castra, nec quicquam præter recentis vestigia cædis, strataque passim corpora sociorum invenit. Austores erant quidam, ut protinus inde Cumas duceret, urbemque oppugnaret. Id quanquam haud modicè Hannibal cupiebat, ut, quia Neapolim non potuerat, Cumas saltem, maritimam urbem, haberet; tamen,

præter arma nihil secum miles, raptim acto agmine, extulerat, retro in castra supra Tifata se recepit. inde, fatigatus Campanorum precibus, sequenti die, cum omni apparatu oppugnandæ urbis, Cumas redit: perpopulatoque agro Cumano, mille passus ab urbe castra locat; quum Gracchus magis verecundiâ in tali necessitate deferendi socios, implorantes fidem suam populi que Romani, substitisset, quàm satis fidens exercitui. Nec alter consul Fabius, qui ad Cales castra habebat, Vulturnum flumen traducere audebat exercitum; occupatus primò auspiciis repetendis, dein prodigiis, quæ alia super alia nunciabantur, expiantique hæc haud facillè litari aruspices respondebant.

XXXVII. Hæ causæ quum Fabium tenerent, Serronium in obsidione erat; & jam operibus oppugnabatur. adversus lineam ingentem admotam urbi, aliam turrem ex ipso muro excitavit consul Romanus, æliquanto altiore: quia muro satis per se alto subiectis validis sublicis pro solo usus erat. inde primò saxis sudibusque, & ceteris missilibus propugnatores moenia atque urbem tuebantur: postremò, ubi promovendo adjunctam muro viderunt turrem, facibus accendentibus plurimum simul ignem conjecerunt. quo incendio trepida armatorum multitudo quum de turre sese præcipitaret, eruptio ex oppido simul duabus portis stationes hostium fudit, fugavitque in castra; ut eodie obsessio, quàm obsidenti, similior esset Pœnus. Ad mille trecenti Karthaginensium cæsi, & undesexaginta vivi capti; qui, circa muros & in stationibus solutè ac negligenter agentes, quum nihil minus, quàm eruptionem, timuissent, ex improvviso oppressi fuerant. Gracchus, priusquam se hostes ab repentino pavore colligerent, receptui signum dedit, ac suos intra muros recepit. Postero die Hannibal, lætum secundâ re consulem iusto prælio ratus certaturum, aciem inter castra atque urbem instruxit. ceterum postquam neminem
moveret

moveri ab solita custodia urbis vidit, nec committi quicquam temerariæ spei, ad Tifata redit infectâ re. Quibus diebus Cumæ liberatæ sunt obsidione, iisdem diebus & in Lucanis ad Grumentum Ti. Sempronius, cui Longo cognomen erat, cum Hannone Pœno prospere pugnat. Supra duo millia hostium occidit, & ducentos octoginta milites amisit: signa militaria ad quadraginta unum cepit. Pulsus finibus Lucanis Hannone retro in Bruttios sese recepit. Et ex Hirpinis oppida tria, quæ a populo Romano defecerant, vi recepta per M. Valerium prætorem. Vercellius Siciliusque, auctores defectionis, securi percussi. supra mille captivorum sub hasta venierunt: præda alia militi concessa, exercitus Luceriam reductus.

XXXVIII. Dum hæc in Lucanis atque in Hirpinis geruntur, quinque naves, quæ Macedonum atque Pœnorum captos legatos Romam portabant, ab supero mari ad inferum circumjectæ propè omnem Italiæ oram, quum præter Cumas velis ferrentur, neque, hostium an sociorum essent, satis sciretur, Gracchus obviam ex classe sua naves misit. Quum percunctando in vicem cognitum esset, consulem Cumis esse; naves Cumas appulsæ, captivique ad consulem deducti, & literæ datæ. Consul, literis Philippi atque Hannibalis perlectis, consignata omnia ad senatum itinere terrestri misit: navibus devehî legatos iussit. Quum eodem ferè die literæ legatique Romam venissent, & percunctatione factâ, dicta cum scriptis congruerent, primò gravis cura Patres incessit, cernentes, quanta vix tolerantibus Punicum bellum Macedonici belli moles instaret. cui tamen adeo non succubuérunt, ut extemplo agigaretur, quemadmodum ultro inferendo bello averterent ab Italia hostem. Captivis in vincula condi jussis, comitibusque eorum sub hasta venditis, ad naves viginti quinque, quibus P. Valerius Flaccus præfectus præerat, viginti paratas alias decernunt. His

comparatis deductisque, & additis quinque navibus, quæ advexerant captivos legatos, triginta naves ab Ostia Tarentum profectæ: jussusque P. Valerius, militibus Varronianis, quibus L. Apustius legatus Tarenti præerat, in naves impositis, quinquaginta navium classe non tueri modò Italiæ oram, sed explorare de Macedonico bello. si congruentia literis legatorumque indicibus Philippi consilia essent, ut M. Valerium prætorem literis certiores faceret: isque, L. Apustio legato exercitui præposito, Tarentum ad classem profectus, primo quoque tempore in Macedoniam transmitteret: daretque operam, ut Philippum in regno contineret. Pecunia ad classem tuendam bellumque Macedonicum ea decreta est, quæ Ap. Claudio in Siciliam missa erat, ut redderetur Hieroni regi: ea per L. Apustium legatum Tarentum est devesa. simul ab Hierone missa ducenta millia modiorum tritici, & hordei centum.

XXXIX. Dum hæc Romani parant aguntque, ad Philippum captiva navis, una ex iis, quæ Romam missæ erant, ex cursu refugit: inde scitum, legatos cum literis captos. itaque ignarus de iis, quæ cum Hannibale legatis suis convenissent, quæque legati ejus ad se allaturi fuissent, legationem aliam cum eisdem mandatis mittit. Legati ad Hannibalem missi, Heraclitus, cui Scotino cognomen erat, & Crito Beroæus, & Sositheus Magnes. Hi prospere tulerunt ac retulerunt mandata. sed prius se æstas circumegit, quàm movere ac moliri quicquam rex posset: tantum navis una capta cum legatis momenti fecit, ad dilationem imminentis Romanis belli. Et circa Capuam, transgresso Vulturum Fabio post expiata tandem prodigia, ambo consules rem gerebant. Compulteriam, & Trebulan, & Saticulam, urbes, quæ ad Pœnum defecerant, Fabius vi cepit; præsidiaque in iis Hannibalis, Campanique permulti capti. Et Nolæ, sicut priore anno, senatus Romanorum, plebs Hannibalis erat: consiliaque

quæ occulta de cæde principum & proditione urbis in-
ibantur. Quibus ne incepta procederent, inter Ca-
puam castraque Hannibalis, quæ in Tifatis erant, tra-
ducto exercitu, Fabius super Vesuvium in castris Clau-
dianis confedit; inde M. Marcellum proconsulem cum
iis copiis, quas habebat, Nolam in præsidium misit.

XL. Et in Sardinia res per T. Manlium prætorem
administrari cœptæ, quæ omissæ erant, postquam Q.
Mucius prætor gravi morbo est implicitus. Manlius,
navibus longis ad Carales subductis, navalibusque so-
ciis armatis, ut terrâ rem gereret, & à prætore exer-
citu accepto, duo & viginti millia peditum, mille &
ducentos equites confecit. Cum his equitum peditum-
que copiis profectus in agrum hostium, haud procul
ab Hampsicoræ castris castra posuit. Hampsicora tum
fortè profectus erat in Pellitos Sardos ad juventutem
armandam, quâ copias augeret. Filius ejus, nomine
Hiofthus, castris præerat: is, adolescentiâ ferox, temé-
re prælio inito fusus fugatusque. ad tria millia Sardo-
rum eo prælio cæsa, octingenti ferme vivi capti. A-
lius exercitus primò per agros silvasque fugâ palatus;
dein, quò ducem fugisse fama erat, ad urbem nomine
Cornum, caput ejus regionis, confugit. debellatum-
que eo prælio in Sardinia esset, ni classis Punica cum
duce Hasdrubale, quæ tempestate dejecta ad Baliæres
erat, in tempore ad spem rebellandi advenisset. Man-
lius post famam appulsæ Punicæ classis, Carales se re-
cepit: ea occasio Hampsicoræ data Pœno se jungendi.
Hasdrubal, copiis in terram expositis, & classe remis-
sâ Karthaginem, duce Hampsicorâ ad sociorum popu-
li Romani agrum populandum profectus, Carales per-
venturus erat, ni Manlius obvio exercitu ab effusa e-
um populatione continuisset. Primò castra castris mo-
dico intervallo sunt objecta, deinde procurationes le-
viaque certamina vario eventu inita: postremò de-
scensum in aciem, signisque collatis, iusto prælio per-

quatuor horas pugnatum. Diu pugnam ancipitem Pœni, Sardis facilè vinci affuetis, fecerunt : postremò & ipsi, quum omnia circà strage ac fugà Sardorum repleta essent, fusi. ceterùm terga dantes, circumducto cornu, quo pepulerat Sardos, inclusit Romanus. cædes inde magis, quàm pugna, fuit. Duodecim millia hostium cæsa Sardorum simul Pœnorumque, ferme tria millia & septingenti capti, & signa militaria septem & viginti.

XLI. Ante omnia claram & memorabilem pugnam fecit Hasdrubal imperator captus, & Hanno, & Mago, nobiles Karthaginenses. Mago ex gente Barcina, propinquà cognatione Hannibali junctus : Hanno auctor rebellionis Sardis ; bellique ejus haud dubiè concitor. Nec Sardorum duces minùs nobilem eam pugnam cladibus suis fecerunt. nam & filius Hampsicoræ Hiothus in acie cecidit : & Hampsicora, cum paucis equitibus fugiens, ut super afflictas res necem quoque filii audivit, nocte, ne cujus interventus cœpta impediret, mortem sibi conscivit. Ceteris urbs Cornus eadem, quæ antè, fugæ receptaculum fuit. quam Manlius, victore exercitu aggressus, intra paucos dies recepit. Deinde aliæ quoque civitates, quæ ad Hampsicoram Pœnosque defecerant, obsidibus datis, dediderunt sese. quibus stipendio frumentoque imperato, pro cuiusque aut viribus aut delicto, Carales exercitum reduxit. Ibi navibus longis deductis, impositoque, quem secum advexerat, milite, Romam navigat, Sardiniamque perdomitam nunciat Patribus : & stipendium quæstoribus, frumentum ædilibus, captivosque Fulvio prætori tradidit. Per idem tempus T. Otacilius prætor, quinquaginta navium ab Lilybæo classe in Africam transvectus, depopulatusque agrum Karthaginensem, quum Sardiniam inde peteret, quò fama erat Hasdrubalem à Baliaribus nuper trajecisse, classi Africam repetenti occurrit, levique certamine in alto commisso, septem inde

de naves cum sociis navalibus cepit: ceteras metus haud secus, quàm tempestas, passim disjecit. Per eodem fortè dies & Bomilcar cum militibus, ad supplementum Karthagine missis, elephantisque, & commeatu, Locros accessit. quem ut incautum opprimeret Ap. Claudius, per simulationem provinciæ circumeundæ Messanam raptim exercitu ducto, æstu secundo Locros trajecit. Jam inde Bomilcar ad Hannonem in Bruttios profectus erat, & Locrenses portas Romanis clauserunt. Appius magno conatu nullâ re gestâ, Messanam repetit. Eadem æstate Marcellus ab Nola, quam præsidio obtinebat, crebras excursiones in agrum Hirpinum & Samnites Caudinos fecit. adeoque omnia ferro atque igni vastavit, ut antiquarum cladum Samnio memoriam renovaret.

XLII. Itaque extemplo legati, ad Hannibalem missi simul ex utraque gente, ita Pœnum allocuti sunt: *Hostes populi Romani, Hannibal, fuimus primum per nos ipsi, quoad nostra arma, nostræ vires nos tutari poterant. postquam iis parum fidebamus, Pyrrho regi nos adiunximus: à quo relictæ pacem necessariam accepimus, fuimusque in ea per annos propè quinquaginta, ad id tempus, quo in Italiam venisti. Tua nos non magis virtus fortunæque, quàm unica comitas ac benignitas erga cives nostros, quos captos nobis remisisti, ita conciliavit tibi, ut, te salvo atque incolumi amico, non modò populum Romanum, sed ne Deos quidem iratos (si dici fas est) timeremus. At, Hercule, non solùm incolumi & victore, sed præsentē te, (comploratum propè conjugum ac liberorum nostrorum exaudire, & flagrantia tecta posses conspicere) ita sumus aliquoties hac æstate devastati, ut M. Marcellus, non Hannibal, vicisse ad Cannas videatur; glorienturque Romani, te, ad unum modò istum vigentem, velut aculeo emisso, torpere. Per centum propè annos cum populo Romano bellum gessimus, nulla externo adjuti nec duce, nec exercitu: nisi quòd per biennium Pyrrhus nostro magis milite suas auxit vires, quàm suis viribus nos defendit. Non ego*
secundū

secundis rebus nostris gloriabor; duos consules, ac duos consulares exercitus à nobis sub jugum missos, & si qua alia aut leta aut gloriosa nobis evenerunt. quæ aspera adversaque tunc acciderunt, minore indignatione referre possumus, quàm quæ hodie eveniunt. Magni dictatores cum magistris equitum, bini consules cum binis consularibus exercitibus ingrediebantur fines nostros; antè explorato, & subsidiis positis, & sub signis ad populandum ducebant. nunc proprii unius & parvi ad tuendam Nolam præsidii præda sumus. Jam ne manipulatim quidem, sed latronum modo, percurrant totis finibus nostris negligentius, quàm si in Romano vagarentur agro. Causa autem hæc est, quòd neque tu defendis, & nostra juvenus, quæ, si domi esset, tutaretur, omnis sub signis militat tuis. Nec te, nec exercitum tuum nòrim, nisi, à qua tot Romanas acies fusas stratasque esse sciam, ei facile esse ducam opprimere populatores nostros vagos, sine signis, palatos, quòd quemque trahit, quamvis vana, prædæ spes. Numidarum paucorum illi quidem præda erunt, præsidiumque missum nobis & Nola ademerit: si modò, quos, ut socios haberes, dignos duxisti, hæc indignos judicas, quos in fidem receptos tuearis.

XLIII. Ad ea Hannibal respondit: Omnia simul facere Hirpinos Samnitesque: & indicare clades suas, & petere præsidium, & queri indefensos se neglectosque. Indicandum autem fuisse primum, dein petendum præsidium: postremò, ni impetraretur, tum demique querendum, frustra opem imploratam. Exercitum sese non in agrum Hirpinum Samnitæmve, ne & ipse oneri esset, sed in proxima loca sociorum populi Romani adducturum. iis populandis & militem suum repleturum se, & metu procul ab iis summoturum hostes. Quod ad bellum Romanum attineret, si Trasimeni quàm Trebia, si Cannarum quàm Trasimeni pugna nobilior esset; Cannarum se quoque memoriam obscuram majore & clariore victoria facturum. Cum hoc responso muneribusque amplis legatos dimisit. ipse, præsidio modico relicto in Tifatis, profectus cetero exercitu ire Nolam pergit. Eodem Hanno ex Bruttiiis cum supplemento Karthagino

gine adveſto atque elephantis, venit. caſtris haud procul poſitis, longè alia omnia inquirenti comperta ſunt, quàm quæ à legatis ſociorum audierat. nihil enim Marcellus ita gerebat, ut aut fortunæ, aut temere hoſti commiſſum dici poſſet. explorato, cum firmiſque præſidiis, tuto receptu prædatum ierat: omniaque, velut adverſus præſentem Hannibalem cauta proviſaque fuerunt. Tum, ubi ſenſit hoſtem adventare, copias intra mœnia tenuit: per muros inambulare ſenatores Nolos juſſit, & omnia circà explorare, quæ apud hoſtes fierent. Ex iis Hanno, quum ad murum ſucceſſiſſet, Herennium Baſſum & Herium Petrium, ad colloquium evocatos, permiſſuque Marcelli egreſſos, per interpretem alloquitur. Hannibalis virtutem fortunamque extollit: populi Romani obterit ſenſcentem cum viribus majeſtatem. *Quæ ſi paria eſſent, ut quondam fuiſſent, tamen expertis, quàm grave Romanum imperium ſociis, quanta indulgentia Hannibalis etiam in captivos omnes Italici nominis fuiſſet, Punicam Romanæ ſocietatem atque amicitiam præoptandam eſſe. Si ambo conſules cum ſuis exercitibus ad Nolaſ eſſent, tamen non magis pares Hannibali futuros, quàm ad Cannas fuiſſent: nedum prætor unus, cum paucis & novis militibus, Nolaſ tutari poſſit. iſſorum, quàm Hannibalis, intereſſe, captâ an traditâ Nolaſ potiretur. potiturum enim, ut Capuâ Nuceriâque potitus eſſet: ſed, quid inter Capuæ Nuceriæque fortunam intereſſet, iſſos propè in medio ſitos Nolos ſcire. Nolle ominari, quæ capta urbi ceſſura forent: ſed potiùs ſpondere, ſi Marcellum cum præſidio ac Nolaſ tradidiſſent, neminem aliùm, quàm iſſos, legem, quâ in ſocietatem amicitiamque Hannibalis venirent, dicturum.*

XLIV. Ad ea Herennius Baſſus reſpondit: Multos annos jam inter Romanum Nolaſque populum amicitiam eſſe, cujus neutros ad eam diem pœnitere; & ſibi ſi cum fortuna mutanda fides fuerat, ſerò jam eſſe mutare eam. dedituris ſe Hannibali non fuiſſe arceſſendum Romanum præſidium:

cum iis, qui ad se tuendos venissent, omnia tibi & esse consecrata, & ad ultimum fore. Hoc colloquium abstulit spem Hannibali per prodicionem recipiendæ Nolæ. itaque oppidum coronâ circumdedit, ut simul ab omni parte mœnia aggrederetur. Quem ut successisse muris Marcellus vidit, instructâ intra portam acie, cum magno tumultu erupit. aliquot primo impetu percussî cæsique sunt; dein, concursu ad pugnantes facto, æquatisque viribus, atrox cœpit esse pugna. memorabilisque inter paucas fuisset, ni ingentibus procellis effusus imber dirimisset pugnantes. Eo die commisso modico certamine, atque irritatis animis, in urbem Romani, Pœni in castra sese receperunt. tamen Pœnorum primâ eruptione percussî ceciderunt haud plus quàm triginta, Romanorum nullus. Imber continens per noctem totam usque ad horam tertiam diei infrequentis tenuit: itaque, quanquam utraque pars avidi certaminis erant, eo die tenuerunt sese tamen munimentis. tertio die Hannibal partem copiarum prædatum in agrum Nolanum misit. Quod ubi animadvertit Marcellus, ex templo in aciem copias educit: neque Hannibal detrectavit. Mille ferè passuum inter urbem erant castraque. eo spatio (& sunt omnia campi circa Nola) concurrerunt. Clamor, ex parte utraque sublatus, proximos ex cohortibus iis, quæ in agros prædatum exierant, ad prælium jam commissum revocavit. Et Nolani aciem Romanam auxerunt: quos collaudatos Marcellus in subsidiis stare, & faucios ex acie efferre iussit; pugnam abstinere, ni ab se signum accepissent.

XLV. Prælium erat anceps: summâ vi & duces hortabantur, & milites pugnabant. Marcellus victis ante diem tertium, fugatis ante paucos dies à Cumis, pulsus priore anno ab Nola ab eodem se duce, milite alio, instare jubet. *Non omnes esse in acie: prædantes vagari in agro. sed, qui pugnent, marcere Campanâ luxuriâ, vino & scortis, omnibusque lustris per totam hiemem confectos.*

nos. Abisse illam vim vigoremque, dilapsa esse robora corporum animorumque, quibus Pyrenæi Alpiumque superata sint juga. reliquias illorum virorum, vix arma membraque sustinentes, pugnare. Capuam Hannibali Cannas fuisse. ibi virtutem bellicam, ibi militarem disciplinam, ibi præteriti temporis famam, ibi spem futuri extinctam. Quum hæc exprobrando hosti Marcellus suorum militum animos erigeret, Hannibal multo gravioribus probris increpabat: Arma signaque eadem se noscere, quæ ad Trebiam Trasimenumque, postremò ad Cannas viderit habueritque. militem alium profecto se in hiberna Capuam duxisse, alium inde eduxisse. Legatumne Romanum & legionis unius atque alio magno certamine vix toleratis pugnam, quos binæ acies consulares nunquam sustinuerunt? Marcellus, tirone milite ad Nolanis subsidiis, inultus nos jam iterum laceffit? Ubi illi meus miles est, qui erepto ex equo G. Flaminio consuli caput abstulit? ubi, qui L. Paullum ad Cannas occidit? Ferrum nunc hebet? an dextra torpent? an quid prodigii est aliud? Qui pauci plures vincere soliti estis, nunc paucis plures vix restatis. Romam vos expugnaturos, si quis duceret, fortes lingua, jactabatis. En nunc minor est res. hic experiri vim virtutemque volo. Expugnate Nolam, campestem urbem, non flumine, non mari septam: hinc vos ex tam opulenta urbe prædæ spoliisque onustos vel ducam, quod voletis, vel sequar.

XLVI. Nec bene, nec malè dicta profuerunt ad confirmandos animos. Quum omni parte pellerentur, Romanisque crescerent animi, non duce solùm adhortante, sed Nolanis etiam per clamorem, favoris indicem, accendentibus ardorem pugnae, terga Pœni dederunt, atque in castra compulsi sunt. quæ oppugnare cupientes milites Romanos Marcellus Nolam reduxit, cum magno gaudio & gratulatione etiam plebis, quæ antè inclinatiores ad Pœnos fuerat. Hostium plus quinque millia cæsa eo die, vivi capti sexcenti, & signa militaria undeviginti, & duo elephanti. quatuor in acie

cic occisi. Romanorum minùs mille interfecti. posterum diem induciis tacitis, sepeliendo utrinque cæsos in acie, consumpserunt. Spolia hostium Marcellus, Vulcano votum, cremavit. Tertio post die (ob iram credo aliquam, aut spem liberalioris militiæ) mille ducenti septuaginta duo equites, mixti Numidæ Hispanique, ad Marcellum transfugerunt. eorum forti fidelique operâ in eo bello usi sunt sæpe Romani. Ager Hispanis in Hispania, Numidis in Africa post bellum, virtutis causâ, latus datus est. Hannibal, ab Nola remisso in Bruttios Hannone, cum quibus venerat copiis, ipse Apuliæ hiberna petit, circaque Arpos confedit. Q. Fabius, ut profectum in Apuliam Hannipalem audivit, frumento ab Nola Neapolique in ea castra convector, quæ super Sueffulam erant, munitisq;ue firmatis, & præsidio, quod per hiberna ad tutandum locum satis esset, relicto, ipse Capuam propius movit castra, agrumque Campanum ferro ignique est depopulatus. donec coacti sunt Campani, nihil admodum viribus suis fidentes, egredi portis, & castra ante urbem in aperto communire. Sex millia armatorum habebant, peditem imbellem : equitatu plus poterant. itaque equestribus præliis laceſcebant hostem. Inter multos nobiles equites Campanos Cerrinus Jubellius erat, cognomine Taurea. civis indidem erat, longè omnium Campanorum fortissimus eques : adeo ut, quum apud Romanos militaret, unus eum Romanus Claudius Afellus gloriâ equestri æquaret. Hunc Taurea, quum diu perlustrans oculis obequitasset hostium turmis, tandem facto silentio, *ubi esset Claudius Afellus?* quæſivit. & *quoniam verbis secum de virtute ambigere solitus esset, cur non ferro decerneret; daretque optima spolia victus, aut victor caperet?*

XLVII. Hæc ubi Afello nunciata sunt in castra, id modò moratus, ut consulem percunctaretur, liceretne extra ordinem in provocantem hostem pugnare? per-

missu

missū ejus arma extemplo cepit: provectusque ante stationes equo, Tauream nomine compellavit, congregaque, ubi vellet, jussit. Jam Romani ad spectaculum pugnae ejus frequentes exierant; & Campani, non vallum modò castrorum, sed mœnia etiam urbis prospectantes repleverant. Quum jam antè ferocibus dictis rem nobilitassent, infestis hastis concitârunt equos, dein libero spatio inter se ludificantes, sine vulnere pugnam extrahebant. Tum Campanus Romano, *Eguorum, inquit, hoc, non equitum, erit certamen, nisi & campo in cavam hanc viam demittimus equos. ibi nullo ad evagandum spatio cominus conferentur manus.* Dicto propè citiùs equum in viam Claudius dejecit. Taurea, verbis ferocior, quàm re, *minimè sis, inquit, cantherium in fossa.* quæ vox in rusticum inde proverbium prodita. Claudius, quum ex via longè perequitàssent, nullo obvio hoste in campum rursus evectus, increpans ignaviam hostis, cum magno gaudio & gratulatione victor in castra redit. Huic pugnae equestri rem (quam satis certam, communis existimatio est) mirabilem certè, adjiciunt quidam annales: quum refugientem ad urbem Tauream Claudius sequeretur, patenti hostium portæ investum, per alteram, stupentibus miraculo hostibus, intactum evasisse.

XLVIII. Quieta inde stativa fuere, ac retro etiam consul movit castra, ut sementem Campani facerent: nec antè violavit agrum Campanum, quàm jam altæ in segetibus herbæ pabulum præbere poterant. id convexit in Claudiana castra super Sueffulam; ibique hiberna ædificavit. M. Claudio proconsuli imperavit, ut, retento Nolæ necessario ad tuendam urbem præsidio, ceteros milites dimitteret Romam, ne oneri sociis, & sumptui reipublicæ essent. Et Ti. Gracchus à Cumis Luceriam in Apuliam legiones quum duxisset, M. Valerium inde prætorem Brundisium, cum eo, quem Luceriæ habuerat, exercitu misit, tuerique oram agri Salerni

Sallentini, & providere, quod ad Philippum bellumque Macedonicum attineret, jussit. Exitu ætatis ejus, quâ hæc gesta perscripsimus, literæ à P. & Cn. Scipionibus venerunt, quantas, quàmque prosperas in Hispania res gessissent. sed pecuniam in stipendium, vestimentaue, & frumentum exercitui, & sociis navalibus omnia deesse. Quod ad stipendium attineat, si ærarium inops esset, se aliquam rationem inituros, quo modo ab Hispanis sumant. cetera utique ab Roma mittenda esse: nec aliter aut exercitum aut provinciam retineri posse. Literis recitatis, nemo omnium erat, quin, & vera scribi, & postulari æqua, fateretur: sed occurrebat animis, quantos exercitus terrestres navalesque tuerentur, quantaque nova classis mox paranda esset, si bellum Macedonicum moveretur. Siciliam ac Sardiniam, quæ ante bellum vestigales fuissent, vix præsidēs provinciarum exercitus alere: tributo sumptus suppeditari. quum ipsum tributum conferentium numerum tantis exercituum stragibus, & ad Trasimenum lacum, & ad Cannas, imminutum; tum qui superessent pauci, si multiplici gravarentur stipendio, aliâ perituros peste. Itaque, nisi fide staret res publica, opibus non staturam. Prodeundum in concionem Fulvio prætori esse, indicandas populo publicas necessitates, cohortandosque, qui redempturis auxissent patrimonia, ut reipublicæ, ex qua crevissent, ad tempus commodarent; conducerentque eâ lege præbenda, quæ ad exercitum Hispaniensem opus essent, ut, quum pecunia in ærario esset, iis primis solveretur. Hæc prætor in concione edixit, quâ die vestimenta, frumentum, Hispaniensi exercitui præbenda, quæque alia opus essent navalibus sociis, esset locaturus.

XLIX. Ubi ea dies venit, ad conducendum tres societates aderam hominum undeviginti, quorum duo postulata fuere: unum, ut militiâ vacarent, dum in eo publico

publico essent: alterum, ut, quæ in naves imposuissent, ab hostium tempestatisque vi publico periculo essent. Utroque impetrato, conduxerunt, privatæque pecuniâ respublica administrata est. Hi mores, eaque caritas patriæ per omnes ordines velut tenore uno pertinebat. Quemadmodum conducta omnia magno animo sunt, sic summâ fide præbita, nec secus quàm si ex opulento ærario, ut quondam, alerentur. Quum hi commeatus venerunt, Illiturgi oppidum ab Hasdrubale, ac Magone, & Hamilcare Bomilcaris filio, ob defectionem ad Romanos oppugnabatur. Inter hæc trina castra hostium Scipiones, quum in urbem sociorum magno certamine ac strage obsistentium pervenissent, frumentum, cujus inopia erat, advexerunt: cohortatique oppidanos, ut eodem animo mœnia tutarentur, quo pro se pugnantes Romanum exercitum vidissent, ad castra maxima oppugnanda, quibus Hasdrubal præerat, ducunt. Eodem & duo duces, & duo exercitus Karthaginensium, ibi rem summam agi cernentes, convenerunt. Itaque eruptione è castris pugnatum est. sexaginta hostium millia eo die in pugna fuerunt, sexdecim circiter Romanis. Tamen adeo haud dubia victoria fuit, ut plures numero, quàm ipsi erant, Romani hostium occiderint: ceperint amplius tria millia hominum, paulo minus mille equorum, undesexaginta militaria signa, elephantis quinque in prælio occisis. trinisque castris eo die potiti sunt. Illiturgi obsidione liberato, ad Intibili oppugnandum Punici exercitus traducti; suppletis copiis ex provincia, ut quæ maximè omnium belli avida, modò præda aut merces esset, & tum juventute abundante. Iterum signis collatis, eadem fortunâ utriusque partis pugnatum. supra tredecim millia hostium cæsa, supra duo capta, cum signis duobus & quadraginta, & novem elephantis. Tum verò omnes propè Hispaniæ populi ad Romanos defeecerunt: multoque majores est æstate in Hispania, quàm in Italia, res gestæ.

LIBER XXIV.

E P I T O M E.

IV, V, &c. **H**ieronymus, Syracusanorum rex, cujus avus Hiëro amicus populi Romani fuerat, ad Karthaginienses defecit; & propter crudelitatem superbiamque à suis interfectus est. XIV, &c. Ti. Sempronius Gracchus proconsul prospere adversus Pœnos & Hannonem ducem ad Beneventum pugnavit, servorum maximè operâ, quos liberos esse jussit. XXXIII, &c. Claudius Marcellus consul, in Sicilia, quæ propè tota ad Pœnos defecerat, Syracusas obsedit. XL. Philippo Macedonum regi bellum indictum est; qui, ad Apolloniam nocturno prælio oppressus fugatusque, in Macedoniam cum propè inermi exercitu perfugit. ad id bellum gerendum Valerius prator missus est. XLI, &c. Res præterea in Hispania à P. & Cn. Scipionibus adversus Karthaginenses gestas continet. XLVIII. Syphax, rex Numidarum, in amicitiam adscitus, & à Masinissa, rege Massylorum, pro Karthaginensibus pugnante, victus, in Maurasios cum magna manu transiit contra Gades; ubi angusto freto Africa & Hispania dirimuntur. XLIX. Celtiberi quoque in amicitiam recepti sunt: quorum auxiliis adscitis, tunc primum mercenarium militem Romana castra habuerunt.

I. **U**T ex Campania in Bruttios reditum est, Hanno, adjutoribus & ducibus Bruttiis, Græcas urbes tentavit, eo faciliùs in societate manentes Romana, quòd Bruttios, quos & oderant, & metuebant, Karthaginensium partis factos ternebant. Rhegium primum tentatum est, diesque aliquot ibi nequicquam absumpti. Interim Locrenses frumentum, lignaque, & cetera necessaria usibus ex agris in urbem rapere, etiam ne quid relictum prædæ hostibus

hostibus esset: & in dies major omnibus portis multitudo effundi. postremò ii modò relictì in urbe erant, qui reficere muros ac portas, telaque in propugnacula congerere cgebantur. In permixtam omnium ætatum ordinumque multitudinem, & vagantem in agris magna ex parte inermem, Hamilcar Pœnus equites emisit; qui, violare quemquam vetiti, tantum, ut excluderent ab urbe fugà dissipatos, turmas objecere. Dux ipse, loco superiore capto, unde agros urbemque posset conspiciere, Bruttiorum cohortem adire muros, atque evocare principes Locrensiū ad colloquium iussit, &, pollicentes amicitiam Hannibalis, adhortari ad urbem tradendam. Bruttiis in colloquio nullius rei primò fides est: deinde ut Pœnus apparuit in collibus, & refugientes pauci aliam omnem multitudinem in potestate hostium esse afferebant; tum, metu victi, consulturos se populum responderunt. advocatâque ex templo concione, quum & levissimus quisque novas res novamque societatem mallent, &, quorum propinqui extra urbem interclusi ab hostibus erant, velut obsidibus datis, pigneratos haberent animos, pauci magis taciti probarent constantem fidem, quàm probatam tueri auderent; haud dubio in speciem consensu fit ad Pœnos deditio: L. Atilio præfecto præsidii, quique cum eo milites Romani erant, clam in portum deductis, atque impositis in naves, ut Rhegium deveherentur, Hamilcarem Pœnosque eâ conditione, ut fœdus extemplo æquis legibus fieret, in urbem acceperunt. cuius rei propè non servata fides deditis est, quum Pœnus dolo dimissum Romanum incusaret; Locrenses profugisse ipsum causarentur. Insecuti etiam equites sunt, si quo casu in freto æstus morari, aut deferre naves in terram posset. & eos quidem, quos sequebantur, non sunt adepti: alias à Messana trajicientes freto Rhegium naves conspexerunt. Milites erant Romani; à Claudio prætore missi ad obtinendam urbem præsidio.

dio. itaque Rhegio extemplo abcessum est. Locrensisibus jussu Hannibalis data pax, *ut liberi suis legibus viverent: urbs pateret Pœnis, portus in potestatem Locrensiū esset: societas eo jure staret, ut Pœnus Locrensem, Locrensisque Pœnum pace ac bello juvaret.*

II. Sic à freto Pœni reducti, frementibus Bruttiiis, quòd Rhegium ac Locros, quas urbes direpturos se destinaverant, intactas reliquissent. Itaque per se ipsi, conscriptis armatisque juventutis suæ quindecim milibus, ad Crotonem oppugnandum pergunt ire; Græcam & ipsam urbem, & maritimam: plurimum accessurum opibus, si in ora maris urbem portu ac mœnibus validam tenuissent, credentes. Ea cura angebat, quòd neque non arcessere ad auxilium Pœnos satis audebant, ne quid non pro sociis egisse viderentur: &, si Pœnus rursus magis arbiter pacis, quàm adjutor belli, fuisset, ne in libertatem Crotonis, sicut ante Locrorum, frustra pugnaretur. Itaque optimum visum est, ad Hannibalem mitti legatos, caverique ab eo, ut receptus Croto Bruttiorum esset. Hannibal quum præsentium eam consultationem esse respondisset, & ad Hannonem eos rejecisset, ab Hannone nihil certi ablatum. Nec enim diripi volebant nobilem atque opulentam urbem: & sperabant, quum Bruttii oppugnaret, Pœnos nec probare, nec juvare eam oppugnationem appareret, eo maturius ad se defecturos. Crotone nec consilium unum inter populares, nec voluntas erat. unus velut morbus invaserat omnes Italiæ civitates, ut plebes ab optimatibus dissentirent: senatus Romanis faveret, plebs ad Pœnos rem traheret. Eam dissensionem in urbe perfuga nunciat Bruttiiis; Aristomachum esse principem plebis, tradendæque auctorem urbis: & in vasta urbe latèque omnibus disjectis mœnibus raras & stationes custodiasque senatorum esse. quacunque custodiant plebis homines, eâ patere aditum. Auctore ac duce perfuga, Bruttii coronâ cinxerunt-

rant urbem: acceptique à plebe, primo impetu locos omnes, præter arcem, cepere. Arcem optimates tenebant, præparato jam antè ad talem casum perfugio. Eòdem Aristomachus perfugit; tanquam Pœnis, non Brutiis, auctor urbis tradendæ fuisset.

III. Urbs Croto murum in circuitu patentem duodecim millia passuum habuit, ante Pyrrhi in Italiam adventum. post vastitatem eo bello factam vix pars dimidia habitabatur. flumen, quod medio oppido fluxerat, extra frequentia testis loca præterfluebat: & arx procul iis, quæ habitabantur. Sex millia aberat ab urbe nobili templum, (ipsâ urbe erat nobilius,) Lacinie Junonis, sanctum omnibus circà populis. Lucus ibi, frequenti silvâ & proceris abietis arboribus septus, læta in medio pascua habuit, ubi omnis generis sacrum Deæ pascebatur pecus sine ullo pastore: separatimque egressi cujusque generis greges nocte remeabant ad stabula, nunquam insidiis ferarum, non fraude violati hominum. Magni igitur fructus ex eo pecore capti, columnaque inde aurea solida facta, & sacrata est: inclitumque templum, divitiis etiam, non tantum sanctitate, fuit. Ac miracula aliqua affinguntur plerumque tam insignibus locis. Fama est, aram esse in vestibulo templi, cujus cinerem nullo unquam moveri vento. Sed arx Crotonis, unâ parte imminens mari, alterâ vergente in agrum, situ tantum naturali quondam munita, postea & muro cincta est, quâ per æversas rupes ab Dionysio Siciliae tyranno per dolum fuerat capta. Eam tum arcem, satis, ut videbatur, tutam, Crotoniatum optimates tenebant, circumfidente cum Brutiis eos etiam plebe suâ. Postremò Bruttii, quum suis viribus inexpugnabilem viderent arcem, coacti necessitate, Hannonis auxilium implorant. Is, conditionibus ad deditionem compellere Crotoniatas conatus, ut coloniam Bruttiorum eò deduci, antiquamque frequentiam eorum recipere vastam ac desertam bellis

urbem paterentur, omnium neminem, præter Aristomachum, movit. morituros se affirmabant citius, quàm, immixti Brutiis, in alienos ritus, mores, legesque, ac mox linguam etiam verterentur. Aristomachus unus, quando nec suadendo ad deditionem satis valebat, nec, sicut urbem prodiderat, locum prodendæ arcis inveniebat, transfugit ad Hannonem. Locrenses brevi post legati, quum permissu Hannonis arcem intrassent, persuadent, ut traduci se in Locros paterentur, nec ultima experiri vellent. Jam hoc ut sibi liceret, impetraverant & ab Hannibale, missis ad ipsum legatis. ita Crotone excessum est, deductique Crotoniatæ ad mare naves conscendunt. Locros omnis multitudo abeunt. In Apulia ne hiems quidem quieta inter Romanos atque Hannibalem erat. Luce-riæ Sempronius consul, Hannibal haud procul Arpis hibernabat. Inter eos levia prælia ex occasione, aut opportunitate hujus aut illius partis, oriebantur: meliorque eis Romanus, & in dies cautior tutiorque ab insidiis fiebat.

IV. In Sicilia Romanis omnia mutaverat mors Hieronis, regnumque ad Hieronymum nepotem ejus translatum: puerum, vixdum libertatem, nedum dominationem, modicè laturum. Latè id ingenium tutores atque amici ad præcipitandum in omnia vitia acceperunt: quæ ita futura cornens Hiero, ultimâ senectâ voluisse dicitur liberas Syracusas relinquere, ne sub dominatu puerili, per ludibrium, bonis artibus partum firmatumque interiret regnum. Huic consilio ejus summâ ope obstitere filiz, nomen regium penes puerum futurum ratæ, regimen rerum omnium penes se virosque suos, Andranodorum & Zoippum: nam ii tutorum primi relinquebantur. Non facile erat notagessimum jam agenti annum, circumfesso dies noctesque muliebribus blanditiis, liberare animum, & convertere ad publicam privata curam. Itaque tutores
modò

modò quindecim puero reliquit: quos precatus est moriens, ut fidem erga populum Romanum, quinquaginta annos ab se cultam, inviolatam fervarent, juvenemque suis potissimum vestigiis insistere vellent disciplinæque, in qua edoctus esset. Hæc mandata. Quum exspirasset, per tutores testamento prolato, pueroque in concionem producto, (erat autem quindecim tunc ferme annorum) paucis, qui per concionem ad excitandos clamores dispositi erant, approbantibus testamentum, ceteris, velut patre amisso, in orba civitate omnia timentibus, funus sit regium, magis amore civium & caritate, quàm curâ suorum, celebre. Deinde ceteros tutores submovet Andranodorus, juvenem jam esse dictitans Hieronymum, ac regni potentem: deponendoque tutelam ipse, quæ cum pluribus communis erat, in se unum omnium vires convertit.

V. Vix quidem ulli bono moderatoque regi facilis erat favor apud Syracusanos, succedenti tantæ caritati Hieronis. verum enim verò Hieronymus, velut suis vitiis desiderabilem efficere vellet avum, primo statim conspectu, omnia quàm dissimilia essent, ostendit. nam qui per tot annos Hieronem filiumque ejus Gelonem, nec vestis habitu, nec alio ullo insigni differentes à ceteris civibus vidissent, conspexere purpuram, ac diadema, ac satellites armatos; quadrigisque etiam alborum equorum interdum ex regia procedentem, more Dionysii tyranni. Hunc tam superbum apparatus habitumque convenientes sequebantur contemptus omnium hominum, superbæ aures, contumeliosa dicta, rari aditus, non alienis modò, sed tutoribus etiam, libidines novæ, inhumana crudelitas. Itaque tantus omnes terror invaserat, ut quidam ex tutoribus aut morte voluntariâ, aut fugâ præverterent metum suppliciorum. Tres ex iis, quibus solis aditus in domum familiarior erat, Andranodorus & Zoippus, generi Hieronis, & Thraso quidam, de aliis quidem rebus haud

magnopere audiebantur : tendendo autem duo ad Karthaginienses, Thraso ad societatem Romanam, certamine ac studiis interdum in se convertebant animura adolescentis : quum conjuratio, in tyranni caput facta, indicatur per calonem quendam, æqualem Hieronymi, & jam inde à puero in omnia familiaria jura assuetum. Index unum ex conjuratis Theodotum, à quo ipse appellatus erat, nominare potuit. qui comprehensus extemplo, traditusque Andranodoro terquendus, de se ipse haud cunctanter fassus, conscios celabat. Postremò, quum omnibus intolerandis patientiæ humanæ cruciatibus laceraretur, victum malis se simulans, avertit ab conscis in infantes indicium (Thrasonem esse auctorem consilii mentitus, nec, nisi tam potenti duce confisos, rem tantam ausuros) ab latere tyranni, quorum capita vilissima fingenti inter dolores gemitusque occurrere. Maximè animo tyranni credibile indicium Thraso nominatus fecit. Itaque extemplo traditur ad supplicium : adjectique poenæ ceteri juxtà infantes. Consciorum nemo, quum diu socius consilii torqueretur, aut latuit, aut fugit. tantum illis in virtute ac fide Theodoti fiduciæ fuit : tantumque ipsi Theodoto virium ad arcana occultanda.

VI. Ita, quod unum vinculum cum Romanis societatis erat, Thrasone sublato è medio, extemplo haud dubiè ad defectionem res spectabat ; legatique ad Hannibalem missi, ac remissi ab eo cum Hannibale nobili adolescente Hippocrates & Epicydes, nati Karthagine, sed oriundi ab Syracusis exsule avo, Poeni ipsi materno genere. Per hos juncta societas Hannibali ac Syracusano tyranno : nec invito Hannibale apud tyrannum manserunt. Ap. Claudius prætor, cujus Sicilia provincia erat, ubi ea accepit, extemplo legatos ad Hieronymum misit : qui, quum sese ad renovandam societatem, quæ cum avo fuisset, venisse dicerent, per ludibrium auditi dimissique sunt ab quærente per jocum

cum Hieronymo, *quæ fortuna eis pugna ad Cannas fuisset? vix credibilia enim legatos Hannibalis narrare. Velle, quid veri sit, scire, ut ex eo, utram spem sequatur, consilium capiat.* Romani, quum ferio legationes audire cœpisset, redituros se ad eum dicentes esse, monito magis eo, quàm rogato, ne fidem temere mutaret, proficiscuntur. Hieronymus legatos Karthaginem misit ad fœdus ex societate cum Hannibale faciendum. Pacto convenit, ut, quum Romanos Siciliâ expulissent (id autem brevi fore, si naves atque exercitum misissent) Himera amnis, qui ferme insulam dividit, finis regnâ Syracusani ac Punici imperii esset. Aliam deinde, inflatus assentationibus eorum, qui eum non Hieronis tantum, sed Pyrrhi etiam regis, materni avi, jubebant meminisse, legationem misit, quâ æquum censēbat, Siciliâ sibi omni cedi: Italiæ imperium proprium quærî Karthaginensi populo. Hanc levitatem ac jactationem animi neque mirabantur in juvene furioso, neque arguebant, dummodo averterent eum ab Romanis.

VII. Sed omnia in eo præcipitia ad exitium fuerunt. nam quum, præmissis Hippocrate atque Epicyde cum binis millibus armatorum ad tentandas urbes, quæ præsidiiis tenebantur Romanis, & ipse in Leontinos cum cetero omni exercitu (erant autem ad quindecim millia peditum equitumque) profectus esset; liberas ædes conjurati (& omnes fortè militabant) imminentes viæ angustæ, quâ descendere ad forum rex solebat, sumpserunt. ibi, quum instructi armatique ceteri transitum exspectantes starent, uni ex eis (Dinomeni fuit nomen) quia custos corporis erat, partes datæ sunt, ut, quum appropinquaret januæ rex, per causam aliquam in angustiis sustineret ab tergo agmen. Ita, ut convenerat, factum est. tanquam laxaret elatum pedem ab stricto nodo, moratus turbam Dinomenes, tantum intervalli fecit, ut, quum in prætereuntem sine arma-

tis regem impetus fieret, confoderetur aliquot prius vulneribus, quàm succurri posset. Clamore & tumultu audito, in Dinomenem, jam haud dubiè obstantem, tela conjiciuntur: inter quæ tamen, duobus acceptis vulneribus, evasit. Fuga satellitum, ut jacentem videre regem, facta est. interfectores pars in forum ad multitudinem lætam libertate, pars Syracusas pergunt, ad præoccupandâ Andranodori regionumque aliorum consilia. Incerto rerum statu, Ap. Claudius, bellum oriens ex propinquo quum cerneret, senatum literis certiore fecit, Siciliam Karthaginensi populo & Hannibali conciliari. ipse adversus Syracusana consilia, provinciam, regnique fines omnia convertit præsidia. Exitu anni ejus, Q. Fabius ex auctoritate senatûs Puteolos, per bellum cœptum frequentari emporium, communiit, præsidiumque imposuit. inde Romam comitiorum causâ veniens, in eum, quem primum diem comitalem habuit, comitia edixit; atque ex itinere præter urbem in campum descendit. Eo die quum fors prærogativæ Anienfi juniorum exisset, eaque T. Otacilium, M. Æmilium Regillum consules diceret, tum Q. Fabius, silentio facto, tali oratione est usus:

VIII. *Si aut pacem in Italia, aut bellum cum eo hoste haberemus, in quo negligentia laxior locus esset, qui vestris studiis, quæ in campum ad mandandas, quibus velitis, honores affertis, moram ullam offerret, is mihi parum meminisse videretur vestrae libertatis. sed quum in hoc bello, in hoc hoste, nunquam ab ullo duce sine ingenti nostra clade erratum sit, eadem vos curâ, quâ in aciem armati descenditis, inire suffragium ad creandos consules decet, & sibi sic quemque dicere; Hannibali imperatori parem consulem nomino. Hoc anno ad Capuam Jubellio Taurea Campano summo equiti provocanti summus Romanus eques Asellus Claudius est oppositus. Adversus Gallum, quondam provocantem in ponte Anienis, T. Manlium, fidentem & animo & viribus, misere majores nostri. Ob eandem causam haud multis annis post*

post fuisse non negaverim, cur M. Valerio non diffideretur, adversus similiter provocantem arma capienti Gallum ad certamen. Quemadmodum pedites equitesque optamus, ut validiores, si minus, ut pares hosti habeamus; ita duci hostium parem imperatorem quaramus. Quum, qui est summus in civitate dux, eum legerimus; tamen repente lectus, in annum creatus, adversus veterem ac perpetuum imperatorem comparabitur, nullis neque temporis, neque juris inclusum angustiis, quo minus ita omnia gerat administretque, ut tempora postulabunt belli. nobis autem in apparatu ipso, ac tantum inchoantibus res, annus circumagitur. Quoniam, quales viros creare vos consules deceat, satis est dictum; restat, ut pauca de eis, in quos prerogativa favor inclinavit, dicam. M. Æmilius Regillus flamen est Quirinalis, quem neque mittere ab sacris, neque retinere possumus, ut non Deum aut belli deferamus curam. Otacilius sororis meae filiam uxorem, atque ex ea liberos, habet. ceterum non ea vestra in me majoresque meas merita sunt, ut non potiore privati necessitudinibus rempublicam habeam. Quilibet nautarum vectorumque tranquillo mari gubernare potest: ubi sava orta tempestas est, ac turbato mari rapitur vento navis, tum viro & gubernatore opus est. Non tranquillo navigamus, sed jam aliquot procellis submersi penè sumus. itaque, quis ad gubernacula sedeat, summam curam providendum ac precavendum vobis est. In minore te experti, T. Otacili, re sumus. baud sane, cur ad majora tibi fidamus, documentum quicquam dedisti. Classem hoc anno, cui tu praefuisti, trium rerum causam paravimus: ut Africa oram popularetur; ut tuta nobis Italia littora essent; ante omnia, ne supplementum cum stipendio comiteatque ab Karthagine Hannibali transportaretur. Create consulem T. Otacilium, non dico, si omnia haec, sed si aliquid eorum rei-publicae praestitit. Sin autem, te classem obtinente, etiam, velut pacato mari, qualibet Hannibali tuta atque integra ab domo venerunt; si ora Italia infestior hoc anno, quam Africa, fuit; quid dicere potes, cur te potissimum ducem Hannibali hosti opponant? Si consul esses, dictatorem dicendum

exemplo majorum nostrorum censeremus. nec tu id indignari posses, aliquem in civitate Romana meliorem bello haberi, quam te. Magis nullius interest, quàm tua, T. Otacili, non imponi cervicibus tuis onus, sub quo concidas. Ego magnopere suadeo, eodem animo, quo, si stantibus vobis in acie armatis repente deligendi duo imperatores essent, quorum ducta atque auspicio dimicaretis, hodie quoque consules creetis: quibus sacramento liberi vestri dicant, ad quorum edictum conveniant, sub quorum tutela atque cura militent. Lacus Trasimenus & Canne, tristia ad recordationem exempla, sed ad precavendum simile utili documento sunt. Preco, Antistensem juniorum in suffragium revoca.

IX. Quum T. Otacilius ferociter, eum continuare consulatum velle, vociferaretur atque obstreperet, li-
tores ad eum accedere consul jussit. & quia in urbem non inierat, protinus in campum ex itinere profectus, admonuit, cum securibus sibi fasces præferri. Iterum prærogativa suffragium init; creatique in ea consules Q. Fabius Maximus quartum, M. Marcellus tertium. Eosdem consules ceteræ centuriæ sine variatione ulla dixerunt. Et prætor unus relictus Q. Fulvius Flaccus: novi alii creati, T. Otacilius Crassus iterum, Q. Fabius consulis filius, qui tum ædilis curulis erat, P. Cornelius Lentulus. Comitibus prætorum perfectis, senatusconsultum factum est, ut Q. Fulvio extra ordinem urbana provincia esset: isque potissimum, consulibus ad bellum profectis, urbi præset. Aquæ magnæ bis eo anno fuerunt: Tiberisque agros inundavit cum magna strage tectorum, pecorumque & hominum perniciæ. Quinto anno secundi Punici belli, Q. Fabius Maximus quartum, M. Claudius Marcellus tertium, consulatum ineuntes, plus solito converterant in se civitatis animos. multis enim annis tale consulum par non fuerat. Referebant senes, sic Maximum Rullum cum P. Decio ad bellum Gallicum, sic postea Papirium Carviliūque adversus Samnites, Bruttiosque, & Luca-
num

nam cum Tarentino populum, consules declaratos. Absens Marcellus consul creatus, quum ad exercitum esset; presenti Fabio, atque ipso comitia habente, consulatus continuatus. Tempus ac necessitas belli, ac discrimen summæ rerum faciebant, ne quis aut in exemplum exquireret, aut suspectum cupiditatis imperiū consulem haberet. quin laudabant potius magnitudinem animi, quod, quum summo imperatore esse opus reipublicæ sciret, seque eum haud dubiè esse, minoris invidiam suam, si qua ex re oriretur, quam utilitatem reipublicæ, fecisset.

X. Quo die magistratum inierunt consules, senatus in Capitolio est habitus: decretumque omnium primum, ut consules sortirentur, compararentve inter se, uter censoribus creandis comitia haberet, priusquam ad exercitum proficisceretur. Prorogatum deinde imperium omnibus, qui ad exercitus erant, iussique in provinciis manere, Ti. Gracchus Luceriæ, ubi cum volonum exercitu erat, C. Terentius Varro in agro Piceno, M. Pomponius in Gallico. ex prætoribus prioris anni proprætore Q. Mucius obtineret Sardiniam, M. Valerius ad Brundisium oræ maritimæ, intentus adversus omnes motus Philippi Macedonum regis, præesset. P. Cornelio Lentulo prætori Sicilia decreta provincia; T. Otacilio classis eadem, quam adversus Karthaginenses priore anno habuisset. Prodigia eò anno multa nunciata sunt. quæ quo magis credebant simplices ac religiosi homines, eo plura nunciabantur: Lanuvii in æde intus Sospitæ Junonis cervos nidum fecisse: in Apulia palmam viridem arsisse: Mantuæ stagnum effusum Mincio anni cruentum visum: & Calibus cretâ, & Romæ in foro boario sanguine pluuisse: & in vico Istrico fontem sub terra tantâ vi aquarum fluxisse, ut serias doliaque, quæ in eo loco erant, provoluta velut impetus torrentis tulerit: tacta de cælo atrium publicum in Capitolio, ædem in cam-

po Vulcani, nucem in Sabinis publicamque viam, matrum ac portam Gabiis. Jam alia vulgata miracula erant: hastam Martis Prænestæ suâ sponte promotam: bovem in Sicilia locutum: infantem in utero matris in Matrucinis, *Io triumphe!* clamasse: ex muliere Spoleti virum factum: Hadriæ aram in cœlo, speciesque hominum circum eam, cum candida veste, visas esse. Quin Romæ quoque in ipsa urbe, secundum apum examen in foro visum, affirmantes quidam, legiones se armatas in Janiculo videre, concitaverunt civitatem ad arma: qui tum in Janiculo essent, negârunt, quemquam ibi, præter assuetos collis ejus cultores, apparuisse. Hæc prodigia hostiis majoribus procurata sunt ex aruspicum responso: & supplicatio omnibus Deis, quorum pulvinaria Romæ essent, indicta est.

XI. Perpetratis, quæ ad pacem Deum pertinebant, de republica belloque gerendo, & quantum copiarum, & ubi quæque essent, consules ad senatum retulerunt. Duodeviginti legionibus bellum geri placuit: binas consules sibi sumere: binis Galliam, Siciliamque, ac Sardiniam obtineri: duabusque Q. Fabium prætorem Apuliæ, duabus volonum Ti. Gracchum circa Luceriam præesse: singulas C. Terentio proconsuli ad Picenum, & M. Valerio ad classem circa Brundisium relinqui, & duas urbi præsidio esse. Hic ut numerus legionum expleretur, sex novæ legiones erant scribendæ. eas primo quoque tempore consules scribere jussi, & classem parare: ut cum eis navibus, quæ pro Calabriz littoribus in statione essent, centum quinquaginta longarum navium classis eo anno expleretur. Delectu habito, & centum navibus novis deductis, Q. Fabius comitia censoribus creandis habuit. creati M. Atilius Regulus & P. Furius Philus. Quum increbresceret rumor, bellum in Sicilia esse, F. Otacilius eodem classe proficisci jussus est. Quum decissent nautæ, consules ex senatusconsulto edixerunt, ut, qui, *L. Æmilio,*

milio, C. Flaminio censoribus, millibus aris quinquaginta ipse aut pater ejus census fuisset, usque ad centum millia, aut cui postea res tanta esset facta, nautam unum cum sex mensium stipendio daret: qui supra centum millia, usque ad trecenta millia, tres nautas cum stipendio annuo: qui supra trecenta millia usque ad decies aris, quinque nautas: qui supra decies, septem: senatores octo nautas cum annuo stipendio darent. Ex hoc edicto dati nautæ, armati instructique ab dominis, cum triginta dierum coctis cibariis naves conscenderunt. Tum primum est factum, ut classis Romana sociis navalibus privatâ impensâ paratis compleretur.

XII. Hic major solito apparatus præcipuè contrivit Campanos, ne ab obsidione Capuæ bellum ejus anni Romani inciperent. itaque legatos ad Hannibalem oratum miserunt, ut Capuam exercitum admove-
*rét. ad eam oppugnandam novos exercitus scribi Romæ; nec ullius urbis defectioni magis infensos eorum animos esse. Id quia tam trepidi nunciabant, maturandum Hannibal ratus, ne prævenirent Romani, profectus Arpis, ad Tifata in veteribus castris super Capuam consedit. inde Numidis Hispanisque ad præsidium simul castrorum simul Capuæ relictis, cum cetero exercitu ad lacum Averni per speciem sacrificandi, re ipsâ ut tentaret Puteolos, quodque ibi præsidii erat, descendit. Maximus, postquam Hannibalem Arpis profectum, & regredi in Campaniam allatum est; nec die nec nocte intermisso itinere, ad exercitum redit: & Ti. Gracchum ab Luceria Beneventum copias admove-
 re, Q. Fabium prætorem (is filius consulis erat) Luceriam Graccho succedere jubet. In Siciliam eodem tempore duo prætores profecti, P. Cornelius ad exercitum; Otacilius, qui maritimæ oræ rei que navali præset; & ceteri in suas quisque provincias profecti. &, quibus prorogatum imperium erat, easdem, quas priore anno, regiones obtinuerunt.*

XIII. Ad Hannibalem, quum ad lacum Averni es-

set, quinque nobiles juvenes ab Tarento venerunt, partim ad Trasimenum lacum, partim ad Cannas capti, dimissique domos cum eadem comitate, quâ usus adversus omnes Romanorum socios Pœnus fuerat. Iam memores beneficiorum ejus perpulisse magnam partem se juventutis Tarentinæ, referunt, ut Hannibalis amicitiam ac societatem, quàm populi Romani, mallent; legatosque ab suis missos rogare Hannibalem, ut exercitum propius Tarentum admoveat. Si signa ejus, si castra conspecta à Tarento sint, baud ullam intercessuram moram, quin urbs dedatur. In potestate juniorum plebem, in manu plebis rem Tarentinam esse. Hannibal collaudatos eos, oneratosque ingentibus promissis, domum ad coepta maturanda redire jubet: se in tempore affuturum esse. Hac cum spe dimissi Tarentini. Ipsum ingens cupido inceserat Tarenti potitindi. Urbem esse videbat, quum opulentiam nobilemque, tum maritimam, & in Macedoniam opportunè versam: regemque Philippum hunc portum, se transiret in Italiam, quum Brundisium Romani haberent, petiturum. Sacro inde perpetrato, ad quod venerat, &, dum ibi moratur, pervastato agro Cumano usque ad Miseni promontorium, Puteolos repentè agmen convertit, ad opprimendum præsidium Romanum. Sex millia hominum erant, & locus munimento quoque, non naturâ modò, tutus. Triduum ibi moratus Pœnus, ab omni parte tentato præsidio, deinde, ut nihil procedebat, ad populandum agrum Neapolitanum, magis irâ quàm potiundæ urbis spe, processit. Adventu ejus in propinquum agrum Nolana mota est plebs, jamdiu averfa ab Romanis & infesta senatui suo. Itaque legati ad arcessendum Hannibalem, cum haud dubio promisso tradendæ urbis, venerunt. Prævenit inceptum eorum Marcellus consul, à primoribus accitus. Die uno Sueffulam à Calibus, quum Vulturis amnis trajicientem moratus esset, contenderat, inde proximâ nocte sex millia peditum, equitesque trecentos,

tos, qui præsidio senatui essent, Nolam intrömisit: & uti à consule omnia impigre facta sunt ad præoccupandam Nolam, ita Hannibal tempus terebat; bis jam antè nequicquam tentatà se, segnior ad credendum Nolanis factus.

XIV. Iisdem diebus & Q. Fabius consul ad Casilinum tentandum, quod præsidio Punico tenebatur, venit; & ad Beneventum, velut ex composito, parte alterà Hanno ex Bruttiiis cum magna peditum equitumque manu, alterà Ti. Gracchus ab Luceria accessit: qui primò oppidum intravit. Deinde, ut Hannonem tria millia ferme ab urbe ad Calorem fluvium castra posuisse, & inde agrum populari audivit, & ipse, egressus mœnibus, mille ferme passus ab hoste castra locat, ibique concionem militum habuit. Legiones magna ex parte volonum habebat; qui jam alterum annum libertatem tacitè mereri, quàm postulare palam, maluerant. Senserat tamen hibernis egrediens murmur in agmine esse quærentium, *en unquam liberi militaturi essent?* scripseratque senatui, non tam quid desiderarent, quàm quid meruissent: *bond fortique opéra eorum se ad eam diem usum: neque ad exemplum justî militis quicquam eis, præter libertatem, deesse.* De eo permissum ipsi erat, faceret, quod è republica duceret esse. Itaque priùs, quàm cum hoste manum confereret, pronunciat; *tempus venisse eis libertatis, quàm diu sperassent, potiundæ. postero die signis collatis dimicaturum puro ac patienti campo, ubi sine ullo insidiarum metu verà virtutè gerere posset.* Qui capas hostis retulisset, eum se extemplo liberum iussurum esse: qui loco cessisset, in eum servili supplicio animadversurum. *Suam cuique fortunam in manu esse: libertatis auctorem eis non se fore solum, sed consulem M. Marcellum, sed universos Patres; quos, consultos ab se de libertate eorum, sibi permisisse.* Literas inde consulis ac senatusconsultum recitavit. Ad quæ clamor cum ingenti assensu est sublatum. pugnam poscebant, signumque

ut daret extemplo, ferociter instabant. Gracchus; prælio in posterum diem pronunciato, concionem dimisit. Milites læti, præcipuè quibus merces navatae in unum diem operæ libertas futura erat, armis expediendis quod reliquum consumunt.

XV. Postero die, ubi signa cœperunt canere, primi omnium parati instructique ad prætorium conveniunt. Sole orto, Gracchus in aciem copias educit. nec hostes moram dimicandi fecerunt. Decem & septem millia peditum erant, maxima ex parte Bruttii ac Lucani. equites mille ducenti; inter quos pauci admodum Italici, ceteri Numidæ ferè omnes Maurique. Pugnatum est & acriter, & diu. quatuor horis neutrò inclinata est pugna: nec alia magis Romanum impediēbat res, quàm capita hostium pretia libertati facta. Nam ut quisque hostem impigre occiderat, primum capite ægre inter turbam tumultumque abscidendo tempus terebat: deinde, occupatâ dextrâ tenendo caput, fortissimus quisque pugnator esse desierat: segnibus ac timidis tradita pugna erat. Quod ubi tribuni militum Graccho nunciaverunt, *neminem stantem jam vulnerari hostem, carnificari jacentes, & in dextris militum pro gladiis humana capita esse: signum dari propere jussit, projicerent capita, invaderentque hostem. Claram satis & insignem virtutem esse: nec dubiam libertatem futuram strenuis viris.* Tum redintegrata pugna est, & eques etiam in hostem emissus. Quibus quum impigre Numidæ concurrissent, nec segnior equitum, quàm peditum, pugna esset, iterum in dubium adducta res. Quum utrinque duces, Romanus Bruttium Lucanumque, toties à majoribus suis victos subactosque, Pœnus mancipia Romana & ex ergastulo militem, verbis obteneret; postremò pronunciat Gracchus, *esse nihil, quod de libertate sperarent, nisi eo die fusi fugatique hostes essent.*

XVI. Ea demum vox ita animos accendit, atque

ETNO

renovato clamore, velut alii repenti facti, tantâ vi se in hostem intulerunt, ut sustineri ultrâ non possent. Primò antesignani Pœnorum, deinde signa perturbata, postremò tota impulsâ acies; inde haud dubiè terga data, ruuntque fugientes in castra, adeo pavidî trepidique, ut ne in portis quidem aut vallo quisquam restiterit, ac propè continenti agmine Romani insecuti, novum de integro prælium inclusi hostium vallo ediderint. Ibi sicut pugna impeditior in angustiis, ita cædes atrocior fuit: & adjuvare captivi, qui, rapto inter tumultum ferro, conglobati & ab tergo ceciderunt Pœnos, & fugam impediunt. Itaque minus duo millia hominum ex tanto exercitu, & ea major pars equitum, cum ipso duce effugerunt: alii omnes cæsi aut capti. capta & signa duodequadraginta. Ex victoribus duo millia ferme cecidere. præda omnis (præterquam hominum captorum) militi concessa est: & pecus exceptum est, quod intra dies triginta domini cognovissent. Quum prædâ onusti in castra redissent, quatuor millia ferme volonum militum, qui pugnaverant segniùs, nec in castra irruperant simul, metu pœnæ collem haud procul castris ceperunt. postero die per tribunos militum inde deducti, concione militum advocatâ à Graccho, superveniunt. Ubi quum proconsul veteres milites primùm, prout cûjusque virtus atque opera in ea pugna fuerat, militaribus donis donâisset; tunc quod ad volones attineret, omnes, ait, male laudatos à se, dignos indignosque, quàm quemquam eo die castigatum esse. Quod bonum, faustum, felixque reipublicæ ipsisque esset, omnes eos liberos esse jubere. Ad quam vocem quum clamor ingenti alacritate sublatus esset, ac nunc complexi inter se gratulantesque, nunc manus ad cælum tollentes, bona omnia populo Romano Gracchoque ipsi precarentur; tum Gracchus, Priusquam omnes jure libertatis aquâsssem, inquit, neminem notâ strenuū aut ignavi militis notâsse volui. Nunc, exsolutâ jam fide pu-
blica.

blida, ne discrimen omne virtutis ignaviaque pereat, nomina eorum, qui, detrectata pugna memores, secessionem paulo antè fecerunt, referri ad me jubebo: citatosque singulos jurejurando adigam, nisi quibus morbus causa erit, non aliter, quam stantes, cibum potionemque, quoad stipendia facient, capturos esse. Hanc multam ita equo animo feretis, si reputabitis, nullà ignavia notà leviori vos designari potuisse. Signum deinde colligendi vasa dedit: militesque prædam portantes agentesque, per lasciviam ac jocum, ita ludibundè Beneventum rediere, ut ab epulis per celebrem festumque diem actis, non ex acie, reverti viderentur. Beneventani omnes turbà effusà quum obviàm ad portas exissent, complecti milites, gratulari, vocare in hospitium. Apparata convivia omnibus in propatulo ædium fuerant: ad ea invitabant, Gracchumque orabant, ut epulari permetteret militibus. Et Gracchus ita permisit, in publico epularentur omnes. Ante suas quibusque fores prolata omnia. pileati, aut lanà albà velatis capitibus volones epulati sunt; alii accubantes, alii stantes, qui simul ministrabant vescebanturque. Digna res visa, ut simulacrum celebrati ejus diei Gracchus, postquam Romam rediit, pingi juberet in ædè Libertatis, quam pater ejus in Aventino ex multatitia pecunia faciendam curavit dedicavitque.

XVII. Dum hæc ad Beneventum geruntur, Hannibal, depopulatus agrum Neapolitanum, ad Nolam castra movet. quem ubi adventare consul sensit, Pomponio proprætore cum eo exercitu, qui super Sueffulam in castris erat, accito, ire obviàm hosti parat, nec moram dimicandi facere. C. Claudium Neronem cum robore equitum, silentio noctis, per averfam maximè ab hoste portam emittit: circumvectumque occultè subsequi sensim agmen hostium jubet, & quum coortum prælium videret, ab tergo se objicere. Id errore viarum, an exiguitate temporis, Nero exsequi non potuerit, incertum est. Absente eo quum prælium commissum.

missum esset, superior quidem haud dubiè Romanus erat: sed, quia equites non affuere in tempore, ratio compositæ rei turbata est. non ausus, insequi cedentes Marcellus, vincentibus suis signum receptui dedit: plus tamen duo millia hostium eo die cæsa traduntur: Romani minus quadringentis. Solis ferè occasu Nero, diem noctemque nequicquam fatigatis equis hominibusque, ne viso quidem hoste rediens, adeo graviter est ab consule inerepitus, ut per eum stetisse diceret, quo minùs accepta ad Cannas redderetur hosti clades. Postero die Romanus in aciem descendit: Pœnus, tacitâ etiam confessione victus, castris se tenuit. Tertiò die silentio noctis, omisâ spe Nolæ potiundæ, rei nunquam prospere tentatæ, Tarentum ad certiores spem proditiõis proficiscitur.

XVIII. Nec minore animo res Romana domi, quàm militiæ, gerebatur. Censores, vacui ab operum locandorum cura, propter inopiam ærarîi, ad mores hominum regendos animum adverterunt, castigandaque vitia; quæ, velut diutinis morbis ægra corpora ex se gignunt, nata bello erant. Primum eos citaverunt, qui post Cannensem pugnam rempublicam deseruisse, Italiæque excessisse velle dicebantur. princeps eorum L. Cæcilius Metellus quæstor tum fortè erat. Jusso deinde eo ceterisque ejusdem noxæ reis causam dicere, quum purgari nequissent, pronunciârunt, verba orationemque eos adversus rempublicam habuisse, quod conjuratio deferendæ Italiæ causâ fieret. Secundum eos citati nimis callidi exsolvendi jurisjurandi interpretes: qui captivorum, ex itinere regressi clam in castra Hannibalis, solutum, quod juraverant redituros, rebantur. His superioribusque illis equi adempti, qui publicum equum habebant: tribuque moti, ærarii omnes facti. Neque senatu modò aut equestri ordine regendo cura se censorum tenuit. nomina omnium ex juniorum tabulis excerpserunt, qui quadriennio non
mili-

militassent, quibus neque vacatio iusta militiæ, neque morbus causa fuisset. Et ea supra duo millia nominum in ærarios relata, tribuque omnes moti. Additumque inertis censoriæ notæ triste senatusconsultum: ut ii omnes, quos censores notassent, pedibus mererent, mitterenturque in Siciliam ad Cannensis exercitus reliquias, cui militum generi non prius, quam pulsus Italiâ hostis esset, finitum stipendiorum tempus erat. Quum censores, ob inopiam ærarii, se jam locationibus abstinere ædium sacrarum tuendarum, curuliumque equorum præbendorum, ac similibus his rerum; convenire ad eos frequentes, qui hastæ huius generis assueverant: hortatique censores, ut omnia perinde agerent, locarent, ac si pecunia in ærario esset. Neminem, nisi bello confecto, pecuniam ab ærario petiturum esse. Convenire deinde domini eorum, quos Ti. Sempronius ad Beneventum manu emiserat: arcessitosque se ab triumviris mensariis esse dixerunt, ut pretia servorum acciperent. ceterum non antè, quam bello confecto, accepturos esse. Quum hæc inclinatio animorum plebis ad sustinendam inopiam ærarii fieret; pecuniæ quoque pupillares primò, deinde viduarum, cœptæ conferri: nusquam eas tutius sanctiusque deponere credentibus, qui deferebant, quam in publica fide. inde, si quid emptum paratumque pupillis ac viduis foret, à quæstore perscribebatur. Manavit ea privatorum benignitas ex urbe etiam in castra, ut non eques, non centurio stipendium acciperent, mercenariumque increpantes vocarent, qui accepisset.

XIX. Q. Fabius consul ad Casilinum castra habebat, quod duum millium Campanorum, & septingentorum militum Hannibalis tenebatur præsidio. Præerat Staius Metius, missus ab Cn. Magio Atellano: qui eo anno Medixtuticus erat, servitiaque & plebem promiscuè armabat, ut castra Romana invaderet, intento consule ad Casilinum oppugnandum. Nihil eorum Fabium

bium fefellit. Itaque Nolam ad collegam mittit, *altero exercitu, dum Casilinum oppugnatur, opus esse, qui Campanis opponatur. Vel ipse, relicto Nola præsidio modico, veniret; vel, si cum Nola teneret, & necdum secura res ab Hannibale essent, se Ti. Gracchum proconsulem à Benevento acciturum.* Hoc nuncio Marcellus, duobus militum milibus Nola in præsidio relictis, cum cetero exercitu Casilinum venit, adventuque ejus Campani, jam moventes sese, quieverunt. Ita à duobus consulibus Casilinum oppugnari coeptum. ubi quum multa, succedentes temere mœnibus, Romani milites acciperent vulnera, neque satis inceptis succederet, Fabius omittebam rem parvam ac juxta magnis difficilem, abscedendumque inde censebat, quum res majores instarent. Marcellus, multa magnis ducibus sicut non aggredienda, ita semel aggressis non dimittenda esse, dicendo, quia magna famæ momenta in utramque partem fierent, tenuit, ne irritò incepto abiretur. Vineæ inde omniaque alia operum machinationumque genera quum admoventur, Campanique Fabium orarent, ut abire Capuam tutò liceret; paucis egressis, Marcellus portam, quâ egrediebantur, occupavit, cædesque promiscuè omnium circa portam primò, deinde, irruptione factâ, etiam in urbe fieri coepta est. Quinquaginta ferè primò egressi Campanorum, quum ad Fabium confugissent, præsidio ejus Capuam pervenerunt. Casilinum, inter colloquia cunctationemque petentium fidem, per occasionem captum est. captivi, quique Campanorum, quique Hannibalis militum erant, Romam missi, atque ibi in carcere inclusi sunt: oppidanorum turba per finitimos populos in custodiam divisa.

XX. Quibus diebus à Casilino, re bene gestâ, recessum est, eis Gracchus in Lucanis aliquot cohortes in ea regione conscriptas, cum præfecto sociorum in agros hostium prædatum misit. eos effusè palatos Hanno adortus, haud multo minorem, quàm ad Beneventum

tum acceperat, reddidit hosti cladem, atque in Bruttios raptim, ne Gracchus assequeretur, concessit. Consules, Marcellus retro, unde venerat, Nolam redit; Fabius in Samnium ad populandos agros recipiendasque armis, quæ defecerant, urbes processit. Caudinus Samnis gravius devastatus; perusti latè agri, prædæ pecudum hominumque actæ. oppida vi capta, Compulteria, Teleſia, Compſa, Melæ, Fulfulæ & Orbitanium: ex Lucanis Blandæ: Apulorum Æcæ oppugnata. Millia hostium in his urbibus viginti quinque capta, aut occisa: & recepti perfugæ trecenti septuaginta; quos quum Romam miſſet conſul, virgis in comitiis caſi omnes, ac de ſaxo dejecti. Hæc à Q. Fabio intra paucos dies geſta. Marcellum ab gerundis rebus valetudo adverſa Nolæ tenuit. Et à prætore Q. Fabio, cui circa Luceriam provincia erat, Accua oppidum per eos dies vi captum: ſtativaque ad Ardonaſ communita. Dum hæc aliis locis ab Romanis geruntur, jam Tarentum pervenerat Hannibal cum maxima omnium, quacunque ierat, clade. In Tarentino demum agro pacatum incedere agmen cœpit. nihil ibi violatum, neque uſquam viâ exceſſum eſt: apparebatque non id modeſtiâ militum aut ducis, niſi ad conciliandos Tarentinorum animos, fieri. Ceterum quum propemodo muris acceſſiſſet, nullo ad conſpectum primi agminis, ut rebatur, motu facto, caſtra ab urbe ferme paſſus mille locat. Tarenti, triduo antè, quàm Hannibal ad moenia accederet, à M. Valerio pro prætore, qui claſſi ad Brundiſium præerat, miſſus M. Livius, primore juventute conſcripta, diſpoſitiſque ad omnes portas, circaque muros, quâ res poſtulabat, ſtationibus, die ac nocte plurimum intentus, neque hoſtibus, neque dubiis ſociis loci quicquam præbuit ad tentandum. Quare diebus aliquot fruſtra ibi abſumptis, Hannibal, quum eorum nemo, qui ad lacum Averni adſſent, aut ipſi venirent, aut nuncium literaſve mitterent,

rent, vana promissa se temere secutum cernens; castra inde movit. Tum quoque, intacto agro Tarentino (quanquam simulata lenitas nihildum profuerat, tamen spe labefactandæ fidei haud abstinens) Salapiam ut venit, frumentum ex agris Metapontino atque Heracliensi (jam media æstas exacta erat, & hibernis placebat locus) comportat. Prædatum inde Numidæ Maurique per Salentinum agrum proximisque Apuliæ saltus dimissi. unde ceteræ prædæ haud multum, equorum greges maximè abacti: è quibus ad quatuor millia domanda equitibus divisa.

XXI. Romani, quum bellum nequaquam contemnendum in Sicilia oriretur, morsque tyranni duces magis impigros dedisset Syracusanis, quàm causam aut animos mutasset, M. Marcello alteri consulum eam provinciam decernunt. Secundum Hieronymi cædem primò tumultuatum in Leontinis apud milites fuerat, vociferatumque ferociter, parentandum regi sanguine conjuratorum esse. Deinde libertatis restitutæ dulce auditu nomen crebrò usurpatum, spes facta ex pecunia regia largitionis, militiæque fungendæ potioris ducibus, & relata tyranni fœda scelera fœdioresque libidines, adeo mutavere animos; ut inssepultum jacere corpus paulo antè desiderati regis paterentur. Quum ceteri ex conjuratis ad exercitum obtinendum remansissent, Theodotus & Sosis regiis equis, quanto maximo cursu poterant, ut ignaros omnium regios opprimerent, Syracusas contendunt. ceterum prævenerat non fama solum, (quâ nihil in talibus rebus est celerius) sed nuncius etiam ex regiis servis. Itaque Andranodorus & Insulam, & arcem, & alia, quæ poterat, quæque opportuna erant, præsidiis firmarat. Hexapylo Theodotus ac Sosis post solis occasum jam obscurâ luce iversti; quum cruentam regiam vestem atque insigne capitis ostentarent, travesti per Tycham, simul ad libertatem, simul ad arma vocantes, in Achradinam convenire

aire jubent. Multitudo pars procurrit in vias, pars in vestibulis stat, pars ex tectis fenestrisque prospectant, &, quid rei sit, rogitant. Omnia luminibus collucet, strepituque vario complentur. armati locis patentibus congregantur. inermes ex Olympii Jovis templo spolia Gallorum Illyriorumque, dono data Hieroni à populo Romano, fixaque ab eo, detrahunt, precantes Jovem, ut volens propitius præbeat sacra arma, pro patria, pro Deum delubris, pro libertate sese armantibus. Hæc quoque multitudo, stationibus per principes regionum urbis dispositis, adjungitur. In Insula inter cetera Andranodorus præsidii firmat horrea publica. Locus, saxo quadrato septus, atque arcis in modum emunitus, capitur ab juventute, quæ præsidio ejus loci attributa erat, mittuntque nuncios in Achradinam, horrea frumentumque in senatus potestate esse.

XXII. Luce primâ populus omnis armatus inermisque in Achradinam ad curiam convenit. ibi pro Concordiæ ara, quæ in eo sita loco erat, ex principibus unus nomine Polyænus concionem & liberam & moderatam habuit: *Servitudinis indignitatisque homines expertos, adversus notum malum irritatos esse. Discordia civilis quas importet clades, audisse magis à patribus Syracusanos, quàm ipsos vidisse. Arma quòd impigre ceperint, laudare: magis laudaturum, si non utantur, nisi ultimâ necessitate coacti.* In præsentia legatos ad Andranodorum mitti placere, qui denuncient, ut in potestate senatus ac populi sit: portæ Insule pateant; recedat præsidium. Si tutelam alieni regni suum regnum velit facere, eundem se censere, multo acrius ab Andranodoro, quàm ab Hieronymo, repeti libertatem. Ab hac concione legati missi sunt. Senatus inde haberi coëptus est. quod sicut, regnante Hierone, manserat publicum consilium, ita post mortem ejus, ante eam diem, nulla de re neque convocati, neque consulti fuerant. Ut ventum ad Andranodorum est, ipsum quidem

dem movebat & civium consensus, & quum aliæ occupatæ urbis partes, tum pars insulæ, velut munitissima, prodita atque alienata. Sed evocatum eum ab legatis Damarata uxor, filia Hieronis, inflata adhuc regiis animis ac muliebri spiritu, admonet sæpe usurpatæ Dionysii tyranni vocis: quâ, *pedibus tractum, non infidentem equo, relinquere tyrannidem, dixerit, debere. Facile esse momento, quo quis velit, cedere possessione magna fortune: facere & parare eam, difficile atque arduum esse. Paululum sumeret spatii ad consultandum ab legatis. eo uteretur ad arcessendos ex Leontinis milites: quibus si pecuniam regiam pollicitus esset, omnia in potestate ejus futura.* Hæc muliebria consilia Andranodorus neque tota aspernatus est, neque extemplo accepit: tutiorem ad opes affectandas ratus esse viam, si in præsentia temporis cessisset. Itaque legatos renunciare jussit, futurum se in senatûs ac populi potestate. Postero die luce primâ, patefactis Insulæ portis, in forum Achradinæ venit. ibi in aram Concordiæ, ex qua pridie Polyænus concionatus erat, descendit: orationemque eam orsus est, quâ primum cunctationis suæ veniam petivit. *Se enim clausas habuisse portas, non separantem suas res à publicis, sed strictis semel gladiis timentem, qui finis cadibus esset futurus: utrum, quod satis libertati foret, contenti nece tyranni essent, an, quicumque aut propinquitate, aut affinitate, aut aliquibus ministeriis regiam contigissent, alienæ culpæ rei trucidarentur.* Postquam animadvertit, eos, qui liberassent patriam, servare etiam liberatam velle, atque undique consuli in medium; non dubitasse, quin & corpus suum, & cetera omnia, quæ suæ fidei tutelæque essent, quoniam eum, qui mandasset, suus furor absumpsisset, patriâ restitueret. Conversus deinde ad interfectores tyranni, ac nomine appellans Theodotum ac Sosim: *Facinus, inquit, memorabile fecistis. Sed, mihi credite, inchoata vestra gloria, nondum perfecta, est; periculumque ingens manet, nisi paci & concordia consulitis, ne libera efferratur respublica.*

XXIII. Post hanc orationem claves portarum pecuniarque regiae ante pedes eorum posuit. atque illo quidem die dimissi ex concione laeti, circa omnia fana Deum supplicaverunt cum conjugibus ac liberis: postero die comitia praetoribus creandis habita. Creatus in primis Andranodorus; ceteri magna ex parte interfectores tyranni. duos etiam absentes, Sopatrum ac Dinomenem, fecerunt. Qui, auditis, quae Syracusis acta erant, pecuniam regiam, quae in Leontinis erat, Syracusas devectam, quaestoribus ad id ipsum creatis traderunt: & ea, quae in Insula erat & Achradina, tradita est; murique ea pars, quae ab cetera urbe nimis firmo munimento intersepiebat Insulam, consensu omnium dejecta est. secutae & ceterae res hanc inclinationem animorum ad libertatem. Hippocrates atque Epicydes, audita morte tyranni, quam Hippocrates, etiam nuncio interfecto, celare voluerat, deserti à militibus, quia id tutissimum ex praesentibus videbatur, Syracusas rediere. ubi ne suspecti obversarentur, tanquam novandi res aliquam occasionem quaerentes, praetores primum, dein per eos senatum adeunt. *Ab Hannibale se missos praedicant ad Hieronymum, tanquam amicum ac socium. paruisse imperio ejus, cujus imperator suus voluerit. velle ad Hannibalem redire. ceterum, quum iter tutum non sit, vagantibus passim per totam Siciliam Romanis armis, petere, ut praesidii dent aliquid, quo Locros in Italiam perducantur. gratiam magnam eos parvum operam apud Hannibalem inituros.* Facile res impetrata: abire enim duces regios, quum peritos militiae, tum egentes eosdem atque audaces, cupiebant: sed, quod volebant, non, quam maturato opus erat, naviter expediebant. Interim juvenes militares & assueti militibus, nunc apud eos ipsos, nunc apud transfugas, quorum maxima pars ex navalibus sociis Romanorum erat, nunc etiam apud infimae plebis homines, crimina ferebant in senatum optimateque: id moliri clam eos atque struere, ut Syracusae per speciem

cicem reconciliata societatis in ditione Romanorum sint; dein factio & pauci auctores fœderis renovati dominantur.

XXIV. His audiendis credendisque opportuna multitudo, major in dies, Syracusas confluebat: nec Epiicydi solum spem novandarum rerum, sed Andranodoro etiam, præbebat. Qui, fessus tandem uxoris vocibus, monentis, *nunc illud esse tempus occupandi res, dum turbata omnia novâ atque inconditâ libertate essent, dum regis stipendiis pastus obversaretur miles, dum ab Hannibale missi duces assueti militibus juvare possent incepta*, cum Themisto, cui Gelonis filia nupta, rem consociatam paucos post dies Aristoni cuidam tragico actori, cui & alia arcana committere assuêrat, incautè aperit. Huic & genus & fortuna honesta erant, nec ars, quia nihil tale apud Græcos pudori est, ea deformabat. itaque, fidem potiore ratus, quam patriæ debebat, indicium ad prætores desert. Qui, ubi rem haud vanam esse certis indiciis compererunt, consultis senioribus, & auctoritate eorum præsidio ad fores posito, ingressos curiam Themistum atque Andranodorum interfece-
runt: & quum tumultus ab re in speciem atrociorē, causam aliis ignorantibus, ortus esset, silentio tandem facto, indicem in curiam introduxerunt. Qui quum ordine omnia edocuisset, & principium conjurationis factum ab Harmoniæ Gelonis filiæ nuptiis, quibus Themisto juncta esset; Afrorum Hispanorumque auxiliares instructos ad eandem prætorum principumque aliorum; bonaque eorum prædæ futura intersectoribus pronunciatum; jam mercenariorum manum assuetam imperiis Andranodori paratam fuisse ad Insulam rursus occupandam; singula deinde, quæ per quosque agerentur, totamque viris armisque instructam conjurationem ante oculos posuisset; senatui quidem tam jure cæsi, quàm Hieronymus, videbantur. Antè curiam variæ atque incertæ rerum multitudinis clamor erat. quam, ferociter minitantem in vestibulo curiæ,

corpora conjuratorum eo metu compresserunt, ut silentes integram plebem in concionem sequerentur. Sopatro mandatum ab senatu & ab collegis, ut verba faceret.

XXV. Is, tanquam reos ageret, ab anteaſta vita orſus, quæcumque poſt Hieronis mortem ſceleſtè atque impiè facta eſſent, Andranodorum ac Themiftum arguit feciſſe. *Quid enim ſua ſponte feciſſe Hieronymum puerum, ac vixdam pubeſcentem facere potuiſſe? Tutores ac magiſtros ejus ſub aliena invidia regnaſſe. itaque aut ante Hieronymum, aut certè cum Hieronymo perire eos debuiſſe. At illos, debitos jam morti deſtinatosque, alia nova ſcelera poſt mortem tyranni molitos: palam primò, quum clauſis Andranodorus Inſula portis hereditatem regni creverit, quæque procurator tenuerat, pro domino poſſederit; proditus deinde ab eis, qui in Inſula erant, circumſeſſus ab univerſa civitate, qua Achradinam tenuerit, nequicquam palam atque apertè petitum regnum, clam & dolo affectare conatus ſit, & ne beneficio quidem atque honore potuerit vinci, quum inter liberatores patriæ inſidiator ipſe libertatis creatus eſſet prætor. Sed animos eis regios conjuges regias feciſſe: alteri Hieronis, alteri Gelonis, filias nuptas. Sub hanc vocem ex omnibus partibus concionis clamor oritur, nullam earum vivere debere, nec quemquam ſuperſeſſe tyrannorum ſtirpis. Hæc natura multitudinis eſt; aut ſervit humiliter, aut ſuperbè dominatur: libertatem, quæ media eſt, nec ſpernere modicè, nec habere ſciunt: & non ferme deſunt irarum indulgentes miniſtri, qui avidos atque intemperantes plebeiorum animos ad ſanguinem & cædes irritent. Sicut tum extemplo prætores rogationem promulgârunt: acceptaque penè priùs, quàm promulgata, eſt, ut omnis regia ſtirps interficeretur. miſſique à prætoribus Damaratam Hieronis, & Harmoniam Gelonis filias, conjuges Andranodori & Themifti, interfecerunt.*

XXVI. Heraclea erat filia Hieronis, uxor Zoippi;
qui,

qui, legatus ab Hieronymo ad regem Ptolemæum missus, voluntarium consciverat exsilium. Ea quum ad se quoque venire præscisset, in sacrarium ad penates confugit, cum duabus filiabus virginibus, resolutis crinibus, miserabilique alio habitu: & ad ea addidit preces, nunc per memoriam Hieronis patris, Gelonisque fratris, ne se innoxiam invidiâ Hieronymi conflagrare sinerent. Nihil se ex regno illius, præter exsilium viri, habere: neque fortunam suam eandem vivo Hieronymo fuisse, quàm sororis; neque interfecto eo causam eandem esse. Quid? quòd, si Andranodoro consilia processissent, illa cum viro fuerit regnatura; sibi cum ceteris serviendum. Si quis Zoippo nunciet, interfectum Hieronymum, ac liberatas Syracusas, cui dubium esse, quin extemplo conscensurus sit navim, atque in patriam rediturus? Quantum spes hominum fallit! In liberata patria conjugem ejus ac liberos de vita dimicare; quid obstantes libertati, aut legibus? Quod ab se cuiquam periculum, à sola ac propè vidua, & puellis in orbitate degentibus, esse? At enim periculi quidem nihil ab se timeri: invisam tamen regiam stirpem esse. Ablegarent ergo procul ab Syracusis Siciliaque, & asportari Alexandriam juberent, ad virum uxorem, ad patrem filias. Aversis auribus animisque, casse ne tempus tereretur, ferrum quosdam expedientes cernebat: tum, omissis pro se precibus, puellis ut saltem parcerent, orare institit: à qua etate etiam hostes iratos abstinere. ne, tyrannos ulciscendo, quæ odissent, scelera ipsi imitarentur. Inter hæc abstractam à penetralibus jugulant: in virgines deinde, resperfas matris cruore, impetum faciunt. quæ, alienatâ mente simul luctu metuque, velut captæ furore, eo cursu se ex sacrario proripuerunt, ut, si effugium patuisset in publicum, impleturæ urbem tumultu fuerint. Tum quoque haud magno ædium spatio, inter medios tot armatos, aliquoties integro corpore evaserunt: tenentibusque, quum tot ac tam validæ eluctandæ manus essent, sese eripuerunt: tandem, vulneribus confectæ, quum omnia replerent

plēssent sanguine, exanimēs corruerunt; eadēque per se miserabilem miserabiliorem casus fecit, quōd paulo post nūcius venit, mutatis repenti ad misericordiam animis, ne interficerentur. Ira deinde ex misericordia orta : quōd adeo festinatum ad supplicium, neque locus pœnitendi, aut regressus ab ira relictus esset. itaque fremere multitudo, & in locum Andranodori ac Themisti (nam ambo prætore fuerant) comitia poscere : quæ nequaquam ex sententia prætorum futura essent.

XXVII. Statutus est comitiis dies : quo, necopinantibus omnibus, unus ex ultima turba Epicydem nominavit, tum inde alius Hippocratem. crebriores deinde ex voces, & cum haud dubio assensu multitudinis esse. Et erat confusa concio, non populari modò, sed militari quoque turbâ, magna ex parte etiam perfugis, qui omnia novare cupiebant, permixtis. Prætores dissimulare primò, & trahendâ re esse : postremò victi consensu, & seditionem metuentes, pronunciant eos prætore. Nec illi primò statim creati nudare, quid vellent : quanquam ægre ferebant, & de induciis dierum decem legatos isse ad Ap. Claudium, & impetratis eis, alios, qui de fœdere antiquo renovando agerent, missos. Ad Murgantiam tum classē navium centum Romanus habebat, quoniam evaderent motus ex cædibus tyrannorum orti Syracusis, quove eos ageret nova atque insolita libertas, opperens. Per eodē dies quum ad Marcellum, venientem in Siciliam, legati Syracusani missi ab Appio essent, auditis conditionibus pacis, Marcellus, posse rem convenire ratus, & ipse legatos Syracusas, qui coram cum prætoribus de renovando fœdere agerent, misit. Et jam sibi nequaquam eadē quies & tranquillitas erat. postquam Punicam classē accessisse Pachynum allatum est, demto timore Hippocrates & Epicydes, nunc apud mercenarios milites, nunc apud transfugas, prodi
Roma-

Romano Syracusas, criminabantur. Ut verò Appius naves ad ostium portus, quo aliarum partis hominibus animus accederet, in statione habere coepit, ingens in speciem criminibus vanis accesserat fides. ac primò etiam tumultuosè decurrerat multitudo ad prohibendos, si in terram egrederentur.

XXVIII. In hac turbatione rerum in concionem vocari placuit. ubi quum alii aliò tenderent, nec procul seditione res esset, Apollonides principum unus orationem salutarem, ut in tali tempore, habuit: *nec spem salutis, nec perniciem propiorem unquam civitati ulli fuisse. Si enim uno animo omnes vel ad Romanos, vel ad Kartbaginienses inclinent, nullius civitatis statum fortunatorem beatiorēve fore. si alii aliò trahant res, non inter Pœnos Romanosque bellum atrocius fore, quàm inter ipsos Syracusanos; quum intra eosdem muros pars utraque suos exercitus, sua arma, suos habitura sit duces. Itaque, ut omnes idem sentiant, summâ vi agendum esse: utra societas sit utilior, eam longè minorem ac levioris momenti consultationem esse. sed tamen Hieronis potius, quàm Hieronymi, auctoritatem sequendam in sociis legendis, vel quinquaginta annis feliciter expertam amicitiam nunc incognita, quondam infidelis, præferendam. Esse etiam momenti aliquid ad consilium, quòd Kartbaginiensibus ita pax negari possit, ut non utique in præsentia bellum cum eis geratur: cum Romanis extemplo aut pacem, aut bellum habendum. Quo minus cupiditatis ac studii visa est oratio habere, eo plus auctoritatis habuit. Adjectum est prætoribus ac delectis senatorum militare etiam consilium. iussi & duces ordinum præfectique auxiliorum simul consulere. Quum sæpe acta res esset magnis certaminibus, postremò, quia belli cum Romanis gerendi ratio nulla apparebat, pacem fieri placuit, mittique cum eis legatos ad rem confirmandam.*

XXIX. Dies haud ita multi intercesserunt, quum ex Leontinis legati, præsidium finibus suis orantes, ve-

nerunt; quæ legatio peropportuna visa ad multitudinem inconditam ac tumultuosam exonerandam, ducesque ejus ablegandos. Hippocrates prætor ducere eò transfugas jussus: secuti multi ex mercenariis auxiliis, quatuor millia armatorum effecerunt. Et mittentibus & missis ea læta expeditio fuit. nam & illis, quod jam diu cupiebant, novandi res occasio data est; & hi, sentinam quandam urbis rati exhaustam, lætabantur. ceterum levaverunt modò in præsentia velut corpus ægrum, quò mox in graviores morbum recideret. Hippocrates enim finitima provinciæ Romanæ primò furtivis excursionibus vastare cœpit: deinde, quum ad tuendos sociorum agros missum ab Appio præsidium esset, omnibus copiis impetum in oppositam stationem sum cæde multorum fecit. Quæ quum essent nuntiata Marcello, legatos extemplo Syracusas misit, qui pacis fidem ruptam esse dicerent: nec belli defuturam unquam causam, nisi Hippocrates atque Epicydes non ab Syracusis modò, sed tota procul Sicilia ablegarentur. Epicydes, ne aut reus criminis absentis fratris præsens esset, aut deesset pro parte sua concitando bello, profectus & ipse in Leontinos, quia satis eos adversus populum Romanum concitatos cernebat, avertere etiam ab Syracusis cœpit. *Nam ita eos pacem pepigisse cum Romanis, ut, quicumque populi sub regibus fuissent, & sua ditionis essent; nec jam libertate contentos esse, nisi etiam regnent ac dominantur. Renunciandum igitur eis esse, Leontinos quoque æquum censere liberos esse; vel quòd in solo urbis sue tyrannus ceciderit, vel quòd ibi primum conclamatum ad libertatem, relictisque regiis ducibus Syracusas sit concursum. Itaque aut eximendum id de fœdere esse, aut legem eam fœderis non accipiendam.* Facile multitudini persuasum: legatisque Syracusanorum, & de cæde stationis Romanæ querentibus, & Hippocratem atque Epicydem abire seu Locros, seu quò aliò mallerent, dummodo Siciliâ cederent, jubentibus, ferociter responsum est:

est: Neque mandasse sese Syracusanis, ut pacem pro se cum Romanis facerent: neque teneri alienis fœderibus. Hæc ad Romanos Syracusani detulerunt, abnuentes Leontinos in sua potestate esse. itaque integro secum fœdere bellum Romanos cum iis gesturos. neque sese defuturos ei bello; ita ut in potestatem redacti suæ rursus ditionis essent, sicut pax convenisset.

XXX. Marcellus cum omni exercitu profectus in Leontinos, Appio quoque accito, ut alterâ parte aggrederetur, tanto ardore militum est usus ab ira inter conditiones pacis interfectæ stationis, ut primo impetu urbem expugnarent. Hippocrates atque Epicydes, postquam capi muros refringique portas videre, in arcem sese cum paucis recepere. inde clâm nocte Herbestium perfugiunt. Syracusanis, octo millium armorum agmine profectis domo, ad Mylam flumen nuncius occurrit, captam urbem esse; cetera falsa mixta veris ferens: eadem promiscuam militum atque oppidanorum factam, nec quenquam puberem arbitrari superesse: direptam urbem: bona locupletium donata. Ad nuncium tam atrocem constitit agmen: concitatisque omnibus, duces, (erant autem Solis ac Dinomenes) quid agerent, consultabant. Terroris speciem haud vanam mendacio præbuerant verberati ac securi percussi transfugæ ad duo millia hominum. ceterum Leontinorum militumque aliorum nemo, post captam urbem, violatus fuerat: suaque omnia eis, nisi quæ primus tumultus captæ urbis absumpserat, restituebantur. Nec ut Leontinos irent, proditos ad eadem commilitones querentes, percelli potuere, nec ut eodem loco certiores nuncium exspectarent. Quum ad defectionem inclinatos animos cernerent prætores, sed cum motum haud diuturnum fore, si duces mentis sublati essent; exercitum ducunt Megaram. ipsi cum paucis equitibus Herbestium proficiscuntur, spe, territis omnibus, per prodicionem urbis potiundæ.

quod ubi frustra eis fuit inceptum, vi agendum rati, postero die Megaris castra movent, ut Herbestum omnibus copiis oppugnarent. Hippocrates & Epicydes, non tam tutum primâ specie, quàm unum, spe undique abscissâ, consilium esse, rati, ut se militibus permitterent, & assuetis magna ex parte sibi, & tum famâ cædis commilitonum accensis, obviâ agmini procedunt. Prima fortè signa sexcentorum Cretensium erant, qui apud Hieronymum meruerant sub eis, & Hannibalis beneficium habebant, capti ad Trasimenum inter Romanorum auxilia, dimissique. quos ubi ex signis armorumque habitu cognovere Hippocrates atque Epicydes, ramos oleæ ac velamenta alia supplicum porrigentes, orare, *ut reciperent sese, receptosque tutarentur, neu proderent Syracusanis, à quibus mox ipsi trucidandi populo Romano dederentur.*

XXXI. Enimvero, conclamant, *bonum ut animam haberent : omnem se cum illis fortunam subituros.* Inter hoc colloquium signa constiterant, tenebaturque agmen : necdum, quæ moræ causa foret, pervenerat ad duces. postquam Hippocratem atque Epicydem adesse pervasit rumor, fremitusque toto agmine erat haud dubiè approbantium adventum eorum ; extemplo prætores citatis equis ad prima signa perrexerunt, *qui mos ille, quæ licentia Cretensium esset, rogitanter, colloquia ferendi cum hoste, injussuque prætorum miscendi eos agmini suo?* Comprehendi injicique catenas jusserunt Hippocrati. ad quam vocem tantus extemplo primùm à Cretibus clamor est ortus, deinde exceptus ab aliis, ut facilè, si ultra tenderent, appareret, eis timendum esse. Solliciti incertique rerum suarum Megaram, unde profecti erant, referri signa jubent, nunciosque de statu præsentis Syracusas mittunt. Fraudem quoque Hippocrates addit, inclinatis ad omnem suspensionem animis : &, Cretensium quibusdam ad itinera insidenda missis, velut interceptas literas, quas ipse composuerat, recitat :
Præto-

Prætores Syracusani consuli Marcello. secundum salutem, ut assolet, scriptum erat: Recte cum atque ordine fecisse, quod in Leontinis nulli pepercisset. Sed omnium mercenariorum militum eandem esse causam, nec unquam Syracusas quietaras, donec quicquam externorum auxiliorum, aut in urbe, aut in exercitu suo, esset. itaque daret operam, ut eos, qui cum suis prætoribus castra ad Megaram haberent, in suam potestatem redigeret, ac supplicio eorum liberaret tandem Syracusas. Hæc quum recitata essent, cum tanto clamore ad arma discursum est, ut prætores inter tumultum pavidı adequitaverint Syracusas: & ne fugā quidem eorum seditio compressa est, impetusque in Syracusanos milites fiebant. nec ab ullo temperatum foret, ni Epicydes atque Hippocrates iræ multitudinis obviā lissent: non à misericordia aut humano consilio, sed ne spem reditū præciderent sibi, & quum ipsos simul milites fidos haberent, simul obsides; tum cognatos quoque eorum atque amicos tanto merito primū, dein pignore sibi conciliarent: expertique, quā vanā aut levi aurā mobile vulgus esset, militem nācti ex eo numero, qui in Leontinis circumfessi erant, subornant, ut Syracusas perferret nuncium convenientem eis, quæ ad Mylam falsō nunciata erant; auctoremque se exhibendo, ac velut visa, quæ dubia erant, narrando, concitaret iras hominum.

XXXII. Huic non apud vulgum modō fides fuit, sed senatum quoque in curiam introductus movit. haud vani quidam homines palam ferre, *perbene detestam in Leontinis esse avaritiam & crudelitatem Romanorum. eadem, si intrāssent Syracusas, aut fœdiora etiam, quo majus ibi avaritiæ premium esset, facturos fuisse.* Itaque claudendas cuncti portas, & custodiendam urbem censere. sed non ab eisdem omnes timere, nec eosdem odisse. ad militare genus omne partemque magnam plebis invisum esse nomen Romanum. Prætores optimatumque pauci, quanquam inflammāti vano nuncio erant, tamen ad pro-

pius præsentiusque malum cautiores esse. Et jam ad Hexapylum erant Hippocrates atque Epicydes : serebanturque colloquia per propinquos popularium, qui in exercitu erant, ut portas aperirent, sinerentque communem patriam defendi ab impetu Romanorum. Jam, unis foribus Hexapyli apertis, cœpti erant recipi, quum prætores intervenerunt. & primò imperio minisque, deinde auctoritate, deterrendo, postremò, ut omnia vana erant, obliti majestatis, precibus agebant, ne proderent patriam tyranni antè satellitibus, & tum corruptoribus exercitûs. Sed surdæ ad hæc omnia aures concitatae multitudinis erant, nec minore intus vi, quàm foris, portæ effringebantur : effractisque omnibus, tutò in Hexapylo agmen receptum est. Prætores in Achradinam cum juventute popularium confugiunt. mercenarii milites perfugæque, & quicquid regionum militum Syracusis erat, agmen hostium augment. Ita Achradina quoque primo impetu capitur, prætorumque (nisi qui inter tumultum effugerunt) omnes interficiuntur. nox cædibus finem fecit. Postero die servi ad pileum vocati, & carcere vincti emissi : confusaque hæc omnis multitudo Hippocratem atque Epicydem creant prætores : Syracusæque, quum breve tempus libertas affulisset, in antiquam servitutem reciderunt.

XXXIII. Hæc nunciata quum essent Romanis, ex Leontinis mota sunt extemplo castra ad Syracusas. Et ab Appio legati per portum missi fortè in quinquerem erant. præmissa quadriremis, quum intrasset fauces portûs, capitur : legati ægre effugerunt. Et jam non modò pacis, sed ne belli quidem jura relicta erant : quum Romanus exercitus ad Olympium (Jovis id templum est) mille & quingentis passibus ab urbe castra posuit. Inde quoque legatos præmitti placuit : quibus, ne intrarent urbem, extra portam Hippocrates atque Epicydes obviam cum suis processerunt. Romanus orator, *non bellum se Syracusanis, sed opem auxiliumque as-*
ferre,

ferre, ait, & eis, qui, ex media cade elapsi, perfugerint ad se, & eis, qui, metu oppressi, fœdiorem, non exilio solum, sed etiam morte, servitutem patiantur. Nec eadem nefandam sociorum inultam Romanos passuros. Itaque si eis, qui ad se perfugerunt, tutus in patriam reditus pateret, eadē auctores dedantur, & libertas legesque Syracusanis restituantur, nihil armis opus esse. si ea non fiant, quicumque in mora sit, bello persecuturus. Ad ea Epicydes, Si qua ad se mandata haberent, responsum eis, ait, se daturus fuisse: quum in eorum, ad quos venerint, manu res Syracusana esset, tum reverterentur. Si bello laceessant, ipsā re intellecturos, nequaquam idem esse Syracusas ac Leontinos oppugnare. Ita legatis relictis, portas clausit. Inde terrā marique simul cœptæ oppugnari Syracusæ: terrā ab Hexapylo, mari ab Achradina, cujus murus fluctu alluitur. & quia, sicut Leontinos terrore ac primo impetu ceperant, non diffidebant, vastam disiectamque spatium urbem parte aliquā se invasuros, omnem apparatus oppugnandarum urbium muris admovent.

XXXIV. Et habuisset tanto impetu cœpta res fortunam, nisi unus homo Syracusis eā tempestate fuisset. Archimedes is erat, unicus spectator cœli siderumque; mirabilior tamen inventor ac machinator bellicorum tormentorum operumque, quibus ea, quæ hostes ingenti mole agerent, ipse perlevi momento ludificaretur. Murum per inæquales ductum colles, (pleraque alta & difficilia aditu, submissa quædam, & quæ planis vallibus adiri possent) ut cuique aptum visum est loco, ita omni genere tormentorum instruxit. Achradinæ murum, qui, ut antè dictum est, mari alluitur, ex quinqueremibus Marcellus oppugnabat. Ex ceteris navibus sagittarii funditoresque, & velites etiam, quorum telum inhabile ad remittendum imperitis est, vix quenquam sine vulnere consistere in muro patiebantur. Hi, quia spatium missilibus opus est, procul muro tenebant naves. junctæ aliæ binæ ad quinquerem

mes, demptis interioribus remis, ut latus lateri applicaretur, quum exteriore ordine remorum velut naves agerentur, turres contabulatas machinamentaue alia quatiendis muris portabant. Adversus hunc navalem apparatus Archimedes variaz magnitudinis tormenta in muris disposuit. in eas, quaz procul erant, naves saxa ingenti pondere mittebat: propiores levioribus, eoque magis crebris, petebat telis: postremo, ut sui vulnere intacti tela in hostem ingererent, murum ab imo ad summum crebris cubitalibus ferè cavis aperuit; per quaz cava pars sagittis, pars scorpionibus modicis ex occulto petebant hostem. Quaz propius quzdam subibant naves, quo interiores istibus tormentorum essent, in eas tollenone super murum eminente ferrea manus firmaz catenaz illigata quum injecta proraz esset, gravi libramento plumbi recellente ad solum, suspensà prorà, navim in puppim statuebat: dein, remissa subito, velut ex muro cadentem navim cum ingenti trepidatione nautarum ita undaz affligebat, ut, etiam si recta reciderat, aliquantum aquaz acciperet. ita maritima oppugnatio est elusa, omnisque vis est còversa, ut totis viribus terrà aggrederentur. Sed ea quoque pars eodem omni apparatu tormentorum instructa erat, Hieronis impensis curazque per multos annos, Archimedis unicà arte. natura etiam juvabat loci, quòd saxum, cui imposita muri fundamenta sunt, magna ex parte ita proclive est, ut non solum missa tormento, sed etiam quaz pondere suo provoluta essent, graviter in hostem inciderent. eadem causa, ad subeundum, arduum aditum instabilemque ingressum præbebat. Ita, consilio habito, quum omnis conatus ludibrio esset, absistere oppugnatione, atque obsidendo tantum arcere terrà marique commeatibus hostem placuit.

XXXV. Interim Marcellus, cum tertia ferè parte exercitus ad recipiendas urbes profectus, quaz in motu rerum,

rerum ad Karthaginenses defeccerant, Helorum atque Herbestum, deditibus ipsis, recipit. Megara vi capta diruit ac diripuit ad reliquorum, ac maximè Syracusanorum, terrorem. Per idem ferè tempus & Himilco, qui ad Pachyni promontorium classem diu tenuerat, ad Heracleam, quam vocant Minoam, quinque & viginti millia peditum, tria equitum, duodecim elephantos exposuit: nequaquam cum quantis copiis antè tenuerat ad Pachynum classem. Sed, postquam ab Hippocrate occupatæ Syracusæ erant, profectus Karthaginem, adiutusque ibi & ab legatis Hippocratis, literisque Hannibalis, qui venisse tempus aiebat Siciliæ per summum decus repetendæ, & ipse haud vanus præsens monitor faciliè perpulerat, ut, quantæ maximæ possent, peditum equitumque copiarum in Siciliam trajicerentur. Adveniens Heracleam, intra paucos dies inde Agrigentum recipit: aliarumque civitatum, quæ partis Karthaginensium erant, adeo accensæ sunt spes ad pellendos Siciliæ Romanos, ut postremò etiam, qui obsidebantur Syracusis, animos sustulerint; & parte copiarum satis defendi urbem posse rati, ita inter se munera belli partiti sint, ut Epicydes præflet custodiæ urbis, Hippocrates, Himilconi conjunctus, bellum adversus consulem Romanum gereret. Cum decem millibus peditum, quingentis equitibus nocte per intermissa custodiis loca profectus, castra circa Acrillas urbem ponebat. Munientibus supervenit Marcellus, ab Agrigento jam occupato, quum frustra eò prævenire hostem festinans tetendisset, rediens; nihil minùs ratus, quàm illo tempore ac loco Syracusanum sibi exercitum obviàm fore; sed tamen metu Himilconis Pœnorumque (ut quibus nequaquam eis copiis, quas habebat, par esset) quàm poterat maximè intentus, atque agmine ad omnes casus composito ibat.

XXXVI. Fortè ea cura, quæ erat adversus Pœnos præparata, adversus Siculos usui fuit. Castris ponendis

dis incompósitos ac dispersos nactus eos & plerisque inermes, quod peditum fuit, circumvenit: eques, levi certamine inito, cum Hippocrate Acras perfugit. Ea pugna deficientes ab Romanis quum cohibuisset Sículos, Marcellus Syracusas rediit: & post paucos dies Himilco, adjuncto Hippocrate, ad flumen Anapum, octo ferme inde millia, castra posuit. Sub idem ferè tempus & naves longæ quinque & quinquaginta Karthaginensium cum Bomilcare classis præfecto in magnum portum Syracusas ex alto decurrere: & Romana item classis, triginta quinqueres, legionem primam Panormi exposuere; versumque ab Italia bellum, adeo uterque populus in Siciliam intentus, fuisse videri poterat. Legionem Romanam, quæ exposita Panormi erat, venientem Syracusas, prædæ haud dubiè sibi futuram Himilco ratus, viâ decipitur. mediterraneo namque Pœnus itinere duxit; legio maritimis locis, classe prosequente, ad Ap. Claudium, Pachynum cum parte copiarum obviam progressum, pervenit. Nec diutius Pœni ad Syracusas morati sunt. & Bomilcar, simul parum fidens navibus suis, duplici facile numero classem habentibus Romanis, simul inutili morâ cernens nihil aliud ab suis, quàm inopiâ aggravari socios, velis in altum datis, in Africam transmissit. Et Himilco, secutus nequicquam Marcellum Syracusas, si qua, priusquam majoribus copiis juangeretur, occasio pugnandi esset, postquam ea nulla contigerat, tutumque ad Syracusas & munimento & viribus hostem cernebat, ne frustra assidendo spectandoque obsidionem sociorum tempus tereret, castra inde movit: ut, quocunque vocasset defectionis ab Romanis spes, admoveret exercitum, ac præsens suas res foventibus adderet animos. Murgantiam primùm, prodito ab ipsis præsidio Romano, recepit: ubi frumenti magna vis commeatusque omnis generis convecti erant Romanis.

XXXVII. Ad hanc defectionem erecti sunt & aliarum civitatum animi: præsidiaque Romana aut pellebantur arcibus, aut prodita per fraudem opprimebantur. Henna, excelsio loco ac prærupto undique sita, quum loco inexpugnabilis erat, tum præsidium in arce validum, præfectumque præsidii haud sanè opportunum insidiantibus habebat. L. Pinarius erat vir acer, & qui plus in eo, ne posset decipi, quàm in fide Siculorum, reponeret. & tum intenderant cum ad cavendi omnia curam tot auditæ proditiones defectionesque urbium, & clades præsidiorum. Itaque nocte dieque juxtà parata instructaque omnia custodiis ac vigiliis erant: nec ab armis aut loco suo miles abscedebat. Quod ubi Hennensium principes, jam pacti cum Himilcone de proditione præsidii, animadverterunt, nulli occasione fraudis Romanum patere, palam rentur agendum. *Urbem arcemque suæ potestatis, aiunt, debere esse, si liberi in societatem, non servi in custodiam, traditi essent Romanis. itaque claves portarum reddi sibi æquum censent. Bonis sociis fidem suam maximum vinculum esse: & ita sibi populum Romanum senatumque gratias habiturum, si volentes, ac non coacti, mansissent in amicitia. Ad ea Romanus, Se in præsidio impositum esse, dicere, ab imperatore suo: clavesque portarum & custodiam arcis ab eo accepisse, quæ nec suo nec Hennensium arbitrio haberet, sed ejus, qui commisisset. præsidio decedere apud Romanos capital esse: & nece liberorum etiam suorum eam legem parentes sanxisse. Consulem Marcellum haud procul esse: ad eum mitterent legatos, cujus juris atque arbitrii esset. Se verò negare illi missuros: testarique, si verbis nihil agerent, vindictam aliquam libertatis suæ quæsituros. Tum Pinarius: at illi, si ad consulem gravarentur mittere, sibi saltem darent populi consilium: ut sciretur, utrum paucorum ea denunciata, an universæ civitatis, essent. Consensu in postærum diem concio edicitur.*

XXXVIII. Postquam ab eo colloquio in arcem se-

se recepit, convocatis militibus, *Credo ego vos audisse, milites, inquit, quemadmodum praesidia Romana ab Siculis circumventa & oppressa sint per hos dies. Eam vos fraudem, Deum primò benignitate, dein vestrà ipsi virtute, dies noctesque perstando ac pervigilando in armis, vitastis. utinam reliquum tempus nec patiando infanda, nec faciendo, traduci possit! Hac occulta in fraude cautio est, quã usi adhuc sumus: cui quoniam parum succedit, aperte ac propalam claves portarum repossunt; quas simul tradiderimus, Kartaginiensium extemplo Henna erit, fœdusque hîc trucidabimur, quàm Murgantia praesidium interfectum est. Noctem unam agre ad consultandum sumsi, quã vos certiores periculî instantis facerem. Ortâ luce concionem habituri sunt, ad criminandum me concitandumque in vos populum. itaque crastino die, aut vestro, aut Hennensium sanguine Henna inundabitur. nec praecipiti spem ullam, nec occupantes periculî quicquam habebitis. qui prior strinxerit ferrum, ejus victoria erit. Intenti ergo omnes armatique signum expectabitis. ego in concione ero: & tempus, quoad omnia instructa sint, loquenda altercandoque trabam. Quum togâ signum dederò, tunc mihi undique clamore sublato turbam invadite, ac sternite omnia ferro: & cavete, quisquam supersit, à quibus aut vis, aut fraus timeri possit. Vos, Ceres mater ac Proserpina, precor, ceteri superi infernique Dii, qui hanc urbem, hos sacros lacus lucosque colitis, ut ita nobis volentes propitii adsitis, se vitanda, non ferenda, fraudis causâ hoc consilii capimus. Pluribus vos, milites, hortarer, si cum armatis dimicatio futura esset. inermes, incantos ad satietatem trucidabitis. Et consultis castra in propinquo sunt, ne quid ab Humilcone & Kartaginensibus timeri possit.*

XXXIX. Ab hac adhortatione dimissi corpora curant. Postero die alii aliis locis, ad obsidenda itinera claudendosque oppidanis exitus, pars maxima super theatrum circaque, assueti & antè spectaculis concionum, consistunt. Productus ad populum à magistratibus praefectus Romanus, quum consulis ea de re jus

ac potestatem esse, non suam, & pleraque eadem, quæ pridie, dixisset; primò sensim, ac plures, reddere claves, dein jam unâ voce id omnes juberent, cunctantique ac differenti ferociter minitarentur, nec viderentur ultra vim ultimam dilaturi; tum præfectus togâ signum, ut convenerat, dedit. militesque intenti dudum ac parati, alii supernè in averfam concionem clamore sublato decurrunt, alii ad exitus theatri conferti obstant. Cæduntur Hennenses cavæ inclusi: coacervanturque, non cæde solùm, sed etiam fugâ; quum alii super aliorum capita ruerent, atque integri faucibus, vivi mortuis incidentes, cumularentur. Inde passim discurritur, & urbis captæ modo fugæque & cædes omnia tenet: nihilo remissiore militum irâ, quòd urbem inermem cædebant, quàm si periculum par & ardor certaminis eos irritaret. Ita Henna, aut malo, aut necessario facinore retenta. Marcellus nec factum improbavit, & prædam Hennensium militibus concessit, ratus, timore deterritos temperaturos prodicionibus præsidiorum Siculos. Atque ea clades, ut urbis in media Sicilia sitæ, claræque vel ob insignem munimento naturali locum, vel ob sacrata omnia vestigiis raptæ quondam Proserpinæ, propè uno die omnem Siciliam pervasit. Et quia cæde infandâ rebantur, non hominum tantùm, sed etiam Deorum sedem violatam esse, tum verò, qui etiam antè dubii fuerant, defecere ad Pœnos. Hippocrates inde Murgantiam, Himilco Agrigentum sese recepit: quum acciti à proditoribus nequicquam ad Hennam exercitum admovissent. Marcellus retro in Leontinos redit: frumentoque & comestibus aliis in castra convectis, præsidio modico ibi relicto, ad Syracusas obsidendas venit, inde Ap. Claudio Romam ad consulatum petendum misso, T. Quintium Crispinum in ejus locum classi castrisque præfecit veteribus. ipse hibernacula quinque milia passuum Hexapylo (Leonta vocant locum) communiit, ædificavit.

cavitque. Hæc in Sicilia usque ad principium hiemis gesta.

XL. Eâdem æstate & cum Philippo rege, quod jam antè suspectum fuerat, motum bellum est. Legati ab Orico ad M. Valerium prætorem venerunt, præsidem classi Brundisio Calabrizque circa littoribus, nunciantes, Philippum primùm Apolloniam tentasse, lembis biremibus centum viginti flumine adverso subvectum: deinde, ut ea res tardior spe fuerit, ad Oricum clam nocte exercitum admovisse: eamque urbem, sitam in plano, neque mœnibus, neque viris atque armis validam, primo impetu oppressam esse. Hæc nunciantes orabant, ut opem ferret, hostemque haud dubium Romanis terrâ aut maritimis viribus arceret; qui ob nullam aliam causam, nisi quòd imminerent Italiæ, peterentur. M. Valerius, præsidio loci ejus relicto P. Valerio legato, cum classe instructa parataque, &, quod longæ naves militum capere non poterant, in onerariis impositis, altero die Oricum pervenit: urbemque eam, levi tenente præsidio, quod recedens inde reliquerat Philippus, haud magno certamine recepit. Legati eò ab Apollonia venerunt, nunciantes, in obsidione sese, quòd deficere ab Romanis nollent, esse: neque sustinere ultrâ vim Macedonum posse, nisi præsidium mittatur Romanum. Facturum se, quæ vellent, pollicitus, duo millia delectorum militum navibus longis mittit ad ostium fluminis, cum præfecto sociùm, Q. Nævio Crista, viro impigro & perito militiæ. Is, expositis in terram militibus, navibusque Oricum retro, unde venerat, ad ceteram classem remissis, milites præcul à flumine per viam minimè ab regiis obsessam duxit, & nocte, ita ut nemo hostium sentiret, urbem est ingressus. Die insequenti quievit, dum præfectus juventutem Apolloniati, armaque & urbis vires inspiceret. ubi ea visa inspectaque satis animorum fecere, simulque ab exploratoribus comperit, quanta concordia

cordia ac negligentia apud hostes esset ; silentio noctis ab urbe sine ullo tumultu egressus, castra hostium adeo neglecta atque aperta intravit, ut satis constaret, prius mille hominum vallum intrasse, quam quisquam sentiret: ac, si cæde abstinuissent, pervenire ad tabernaculum regium potuisse. Cædes proximorum portæ excitavit hostes. inde tantus terror pavorque omnes occupavit, ut non modò alius quisquam arma caperet, aut castris pellere hostem conaretur; sed etiam ipse rex, sicut somno excitus erat, propè seminudus fugiens, militi quoque, nedum regi, vix decoro habitu, ad flumen navesque perfugerit. eodem & alia turba effusa est. Paulo minus tria millia militum in castris aut capta, aut occisa: plus tamen hominum aliquanto captum, quàm cæsum, est. Castris direptis, Apolloniæ catapultas, ballistas, tormentaque alia, quæ oppugnandæ urbi comparata erant, ad tuenda mœnia, si quando similis fortuna venisset, Apolloniam devexere: cetera omnis præda castrorum Romanis concessa est. Hæc quum Oricum essent nunciata, M. Valerius classem extemplo ad ostium fluminis duxit, ne navibus capeffere fugam rex-possset. Itaque Philippus, neque terrestri, neque navali certamine satis fore parem se fidens, subductis aut incensis navibus, terrâ Macedoniam petiit, magna ex parte inermi exercitu spoliatoque. Romana classis cum M. Valerio Orici hibernavit.

XLI. Eodem anno in Hispania variè res gestæ. nam, priusquam Romani annem Iberum transirent, ingentes copias Hispanorum Mago & Hasdrubal fuderunt. defecissetque ab Romanis ulterior Hispania, ni P. Cornelius, raptim traducto exercitu Iberum, dubiis sociorum animis in tempore advenisset. Primò ad castrum Altum (locus est insignis cæde magni Hamilcaris) castra Romani habuere. Arx erat munita, & convexerant antè frumentum. tamen, quia omnia circà hosti-

um plena erant, agmenque Romanum impune incur-
 satum ab equitibus hostium fuerat, & ad duo millia,
 aut moratorum aut palantium per agros, interfecta,
 cessere inde Romani propius pacata loca, & ad mon-
 tem Victoriæ castra communivere. Eò Cn. Scipio
 cum omnibus copiis, & Hasdrubal Gisgonis filius, ter-
 tius Karthaginensium dux, cum exercitu justo adve-
 nit: contraque castra Romana trans fluvium omnes
 confedere. P. Scipio, cum expeditis clam profectus
 ad loca-circà visenda, haud fefellit hostes: oppressis-
 sentque eum in patentibus campis, ni tumultum in pro-
 pinquo cepisset. ibi quoque circumfessus adventu fra-
 tris obsidione eximitur. Castulo, urbs Hispaniæ vali-
 da ac nobilis, & adeo conjuncta societate Pœnis, ut
 uxor inde Hannibali esset, ad Romanos defecit. Kar-
 thaginenses Illiturgin oppugnare adorti, quia præfidi-
 um ibi Romanum erat: videbanturque inopiâ cum lo-
 cum maximè expugnaturi. Cn. Scipio, ut fociis præ-
 sidioque ferret opem, cum legione expedita profectus,
 inter bina castra cum magna cæde hostium urbem est
 ingressus, & postero die eruptione æquè felici pugna-
 vit. Supra duodecim millia hominum cæsa duobus
 præliis: plus mille capti, cum sex & triginta militari-
 bus signis. ita ab Illiturgi recessum est. Bigerra inde
 urbs (focia & hæc Romanorum erat) à Karthaginensi-
 bus oppugnari cœpta est. Eam obsidionem sine cer-
 tamine adveniens Cn. Scipio solvit.

XLII. Ad Mundam exinde castra Punica mota: &
 Romani eò confestim secuti sunt. Ibi signis collatis
 pugnatum per quatuor ferme horas: egregièque vin-
 centibus Romanis signum receptui est datum, quòd Cn.
 Scipionis femur tragulâ confixum erat: pavorque cir-
 ca eum ceperat milites, ne mortiferum esset vulnus.
 Ceterum haud dubium fuit, quin, nisi ea mora inter-
 venisset, castra eo die Punica capi potuerint. jam non
 milites solum, sed elephanti etiam usque ad vallum a-
 sti

At erant; superque ipso novem & triginta elephanti pilis confixi. Hoc quoque prælio ad duodecim millia hominum dicuntur cæsa, prope tria capta, cum signis militaribus septem & quinquaginta. Ad Auringen inde urbem Pœni recessere; &, ut territis instaret, secutus Romanus. Ibi iterum Scipio læsticulâ in aciem illatus confligit: nec dubia victoria fuit; minus tamen dimidio hostium, quàm antea, quia pauciores superfuerant, qui pugnarent, occisum. Sed gens nata instaurandis reparandisque bellis, Magone ad conquestionem militum fratre misso, brevi replevit exercitum, animosque ad tentandum de integro certamen fecit. Alii plerique milites, sicut pro parte toties intra paucos dies victa, iisdem animis, quibus priùs, eodemque eventu pugnare. plus octo millia hominum cæsa: haud multo minus quàm mille captum, & signa militaria quinquaginta octo; & spolia plurima Gallica fuisse, aurci torques, armillæque, magnus numerus. duo etiam insignes reguli Gallorum (Mœnicapto & Civismaro nomina erant) eo prælio ceciderunt. octo elephanti capti, tres occisi. Quum jam res prosperæ in Hispania essent, verecundia Romanos tandem cepit, Saguntum oppidum, quæ causa belli esset, octavum jam annum sub hostium potestate esse. Itaque id oppidum, vi pulso præsidio Punico, receperunt, cultoribusque antiquis, quos vis reliquerat belli, restituerunt: & Turdetanos, qui contraxerant eis cum Karthaginensibus bellum, in potestatem redactos sub corona vendiderunt, urbemque eorum delevere.

XLIII. Hæc in Hispania, Q. Fabio, M. Claudio consulibus, gesta. Romæ quum tribuni plebis novi magistratum inissent, extemplo censoribus, P. Furio & M. Atilio, à L. Metello tribuno plebis dies dicta ad populum est. quæstorem eum proximo anno, adempto equo, tribu moverant, atque ærarium fecerant, propter conjurationem deferendæ Italiæ ad Cannas factam.

scd

sed novem tribunorum auxilio vetiti causam in magistratu dicere, dimissique fuerant. Ne lustrum perficerent, mors prohibuit P. Furii. M. Atilius magistratu se abdicavit. Consularia comitia habita à Q. Fabio Maximo consule. creati consules ambo absentes, Q. Fabius Maximus consulis filius, & Ti. Sempronius Gracchus iterum. Prætores fiunt M. Atilius, & qui tum ædiles curules erant, P. Sempronius Tuditanus, & Cn. Fulvius Centumalus, & M. Æmilius Lepidus. Ludos scenicos per quadriduum eo anno primum factos ab curulibus ædilibus, memoriæ proditur. Ædilis Tuditanus hic erat, qui ad Cannas, pavore aliis in tanta clade torpentibus, per medios hostes evasit. Comitibus perfectis, auctore Q. Fabio consule, designati consules Romam arcessiti magistratum inierunt: senatumque de bello ac provinciis suis prætorumque, & de exercitibus, quibus quique præessent, consuluerunt.

XLIV. Itaque provinciæ atque exercitus divisi. Bellum cum Hannibale consulibus mandatum, & exercituum unus, quem ipse Sempronius habuerat; alter quem Fabius consul. eæ binæ erant legiones. M. Æmilius prætor, cujus peregrina fors erat, jurisdictione M. Atilio collegæ prætori urbano mandatâ, Luceriam provinciam haberet, legionesque duas, quibus Q. Fabius, qui tum consul erat, prætor præfuerat. P. Sempronio provincia Ariminum, Cn. Fulvio Sueffula, cum binis item legionibus, evenerunt: ut Fulvius urbanas legiones duceret, Tuditanus à M. Pomponio acciperet. Prorogata imperia provinciæque, M. Claudio Sicilia finibus eis, quibus regnum Hieronis fuisset: Lentulo proprætori provincia vetus: T. Otacilio classis. exercitus nulli additi novi. M. Valerio Græcia Macedoniæque, cum legione & classe, quam haberet: Q. Mucio cum vetere exercitu (duæ autem legiones erant) Sardinia: C. Terentio legio una, cui jam præerat, & Picenum. Scribi præterea duæ legiones urbanæ iussæ,
&

& viginti millia sociorum. His ducibus, his copiis, adversus multa simul, aut mota aut suspecta bella, munierunt Romanum imperium. Consules, duabus urbanis legionibus scriptis, supplementoque in alias lecto, priusquam ab urbe moverent, prodigia procurarunt, quæ nunciata erant. Murus ac portæ tactæ, & Ariciæ etiam Jovis ædes de cœlo tacta fuerat. Et alia ludibria oculorum auriumque credita pro veris. navium longarum species in flumine Tarracinæ, quæ nullæ erant, visæ; & in Jovis Vicilini templo, quod in Compsano agro est, arma concrepuisse: & flumen Amiterni cruentum fluxisse. His procuratis ex decreto pontificum, profecti consules, Sempronius in Lucanos, in Apuliam Fabius. Pater filio legatus ad Sueffulam in castra venit. quum obviâ filius progrediretur, lictoresque verecundiâ majestatis ejus taciti anteirent; præter undecim fasces equo prævectus senex, ut consul animadvertere proximum lictorem jussit, & is, ut descenderet ex equo, inclamavit; tum demum defiliens, *Experiri, inquit, volui, fili, satin' scires, consulem te esse.*

XLV. In ea castra Dasius Altinius Arpinus clam nocte cum tribus servis venit, promittens, si sibi præmio foret, se Arpos proditurum esse. Quum eam rem ad consilium retulisset Fabius, aliis *pro transfuga verberandus necandusque videri, ancipitis animi communis hostis. qui post Cannensem cladem, tanquam cum fortuna fidem stare oporteret, ad Hannibalem discessisset, traxissetque ad defectionem Arpos; quumque res Romana contra spem votaque ejus velut resurgeret, turpius videatur novam referre proditionem proditis olim; qui aliunde stet semper, aliunde sentiat, infidus socius, vanus hostis; ad Faleriorum Pyrrhivæ proditorem tertium transfugæ documentum esset.* Contra ea consulis pater Fabius, *temporum oblitos homines, in medio ardore belli, tanquam in pace, libera de quoque arbitria agere, aiebat: qui, quum illud potius agendum atque eis cogitandum*

tandum sit, si quo modo fieri possit, ne qui socii à populo Romano desciscant, id non cogitent; documentum autem dicant statui oportere, si quis resipiscat, et antiquam societatem respiciat. Quòd si abire ab Romanis liceat, redire ad eos non liceat; cui dubium esse, quin brevi deserta ab sociis Romana res, fœderibus Punicis omnia in Italia juncta visura sit? Se tamen non eum esse, qui Altinio fidei quicquam censeat habendum, sed mediam consecuturum consilii viam. neque eum pro hoste, neque pro socio in prasentia habitum, liberâ custodiâ ibi procul à castris placere in aliqua fida civitate servari per belli tempus: perpetrato bello, tum consultandum, utrùm desertio prior plus merita sit poena, an hic reditus venia. Fabio assensum est. catenisque ligatus, traditur & ipse & comites: & auri satis magnum pondus, quod secum tum attulerat, ei servari iussum. Calibus cum interdiu solum custodes sequebantur: nocte clausum asservabant. Arpis domi primùm desiderari quærique est coëptus: dein fama, per totam urbem vulgata, tumultum, ut principe amisso, fecit: metuque rerum novarum extemplo nuncii ad Hannibalem missi. Quibus nequaquam offensus Pœnus, quia & ipsum, ut ambiguit fidei virum, suspectum jam pridem habebat, & causam nactus erat tam ditis hominis bona possidendi vendendique; ceterùm ut iræ magis, quàm avaritiæ, datum crederent homines, crudelitati quoque gravitatem addidit: conjugemque ejus ac liberos in castra accitos, quæstione prius habitâ, primùm de fuga Altinii, dein quantum auri argentique domi relictum esset, satis cognitis omnibus, vivos combussit.

XLVI. Fabius, ab Sueffula profectus, Arpos primùm institit oppugnare. ubi quum à quingentis ferè passibus castra posuisset, contemplatus ex propinquo situm urbis mœniaque, quæ pars tutissima mœnibus erat, quâ maximè neglectam custodiam vidit, eâ potissimum aggredi statuit. Comparatis omnibus, quæ ad urbes oppugnandas usui sunt, centurionum robora ex
toto

toto exercitu delegit, tribunosque viros fortes eis præfecit, & milites sexcentos, quantum satis visum est, attribuit: eosque, ubi quartæ vigiliæ signum cecinisset, ad eum locum scalas jussit ferre. Porta ibi humilis & angusta erat, viâ infrequenti per desertam partem urbis: eam portam scalis prius transgressos ad murum pergere, & ex interiore parte vi claustra refringere jubet, & tenentes partem urbis cornu signum dare, ut ceteræ copiæ admoverentur: parata omnia atque instructa sese habiturum. Ea impigre facta: &, quod impedimentum agentibus fore videbatur, id maximè ad fallendum adjuvit. imber, ab nocte media coortus, custodes vigilesque, dilapsos è stationibus, subfugere in testa coëgit: sonituque primo largioris procellæ strepitum molientium portam exaudiri prohibuit; lentior deinde æqualiorque accidens auribus magnam partem hominum sopivit. Postquam portam tenuerunt, cornicines in via paribus intervallis dispositos canere jubent, ut consulem excitarent. Id ubi factum ex composito est, signa efferri consul jubet, ac paulo ante lucem per effractam portam urbem ingreditur.

XLVII. Tum demum hostes excitati sunt, jam & imbre conquiescente, & propinquâ luce. Præsidium in urbe erat Hannibalis, quinque millia ferme armatorum: & ipsi Arpini tria millia hominum armabant. eos primos Pœni, ne quid ab tergo fraudis esset, hosti opposuerunt. Pugnatum primò in tenebris angustisque viis est: quum Romani non vias tantum, sed testa etiam proxima portæ, occupassent, ne peti supernè ac vulnerari possent. Cogniti inter se quidam Arpinique & Romani; atque inde colloquia cœpta fieri, percunctantibus Romanis, quid sibi vellent Arpini? quam ob noxam Romanorum, quod aut meritum Pœnorum, pro alienigenis ac barbaris, Italici adversus veteres socios Romanos bellum gererent, & vestigalem ac stipendiariam Italiam A-

fricæ facerent? Arpinis purgantibus, ignaros omnium se venum à principibus datos Pœno, captos oppressosque à paucis esse. Initio orto, plures cum pluribus colloqui. postremò prætor Arpinus ab suis ad consulem deductus; fideque datà inter signa aciesque, Arpini repentè pro Romanis adversus Karthaginiensem arma verterunt. Hispani quoque, paulo minus mille homines, nihil præterea cum consule pacti, quàm ut sine fraude Punicum emitteretur præsidium, ad consulem transtulerunt signa. Karthaginienfibus portæ patefactæ, emissique cum fide incolumes ad Hannibalem Salapiam venerunt. Arpi sine clade ullius, præterquam unius veteris proditoris, novi perfugæ, restituti ad Romanos. Hispanis duplicia cibaria dari iussa: operaque eorum forti ac fideli persæpe respublica usa est. Quum consul alter in Apulia, alter in Lucanis esset; equites centum duodecim nobiles Campani, per speciem prædandi ex hostium agro, permissu magistratum ab Capua profecti, ad castra Romana, quæ super Sueffulam erant, venerunt. stationi militum, qui essent, dixerunt; colloqui sese cum prætorè velle. Cn. Fulvius castris præerat: cui ubi nunciatum est, decem ex eo numero iussis inermibus deduci ad se, ubi, quæ postularent, audivit, (nihil autem aliud petebant, quàm ut, Capuâ receptà, bona sibi restituerentur) in fidem omnes accepti. Et ab altero prætore Sempronio Tuditano oppidum Aternum expugnatum. amplius septem millia hominum capta, & æris argentique signati aliquantum. Romæ scdum incendium per duas noctes ac diem unum tenuit: solo æquata omnia inter Salinas ac portam Carmentalem, cum Æquimælio Jugarioque viro. in templis Fortunæ ac matris Matutæ & Spei extra portam, latè vagatus ignis sacra profanaque multa absumpsit.

XLVIII. Eodem anno P. & Cn. Cornelii, quum in Hispania res prosperæ essent, multosque & veteres reciperent

ciperent socios, & novos adjicerent, in Africam quoque spem extenderunt. Syphax erat rex Numidarum, subito Karthaginiensibus hostis factus: ad eum centuriones tres legatos miserunt, qui cum eo amicitiam societatemque facerent; & pollicerentur, si perseveraret urgere bello Karthaginienses, gratam eam rem fore senatui populoque Romano, & adnifuros, ut in tempore, & bene cumulatam gratiam referant. Grata ea legatio barbaro fuit: collocutusque cum legatis de ratione belli gerundi, ut veterum militum verba audivit, quàm multarum rerum ipse ignarus esset, ex comparatione tam ordinatæ disciplinæ, animum advertit. Tum, primùm ut pro bonis ac fidelibus sociis facerent, oravit, ut duo legationem referrent ad imperatores suos; unus apud sese magister rei militaris remaneret, rudem ad pedestria bella Numidarum gentem esse, equis tantùm habilem. Ita jam inde à principiis gentis majores suos bella gessisse, ita se à pueris insuetos. Sed habere hostem pedestri fidentem Marte: cui si equari robore virium velit, & sibi pedites comparandos esse; & ad id multitudine hominum regnum abundare: sed armandi, ornandique & instruendi eos artem ignorare. omnia, velut fortè congregatâ turbâ, vastâ ac temeraria esse. Facturos se in præsentia, quod vellet, legati responderunt: fide acceptâ, ut remitteret ex templo eum, si imperatores sui non comprobassent factum. Q. Statorio nomen fuit, qui ad regem remansit. Cum duobus Romanis reliquis Numida legatos in Hispaniam misit ad accipiendam fidem ab imperatoribus Romanis. iisdem mandavit, ut protinus Numidas, qui intra præsidia Karthaginiensium auxiliares essent, ad transitionem perlicerent. Et Statorius ex multa juventute regi pedites conscripsit: ordinatosque proximè morem Romanum, instruendo & decurrendo signa sequi, & servare ordines docuit: & operi aliisque justis militaribus ita assuescit, ut brevi rex non equiti magis fideret, quàm pediti; collatisque æ-

quo campo signis, iusto prœlio Karthaginiensem hostem superaret. Romanis quoque in Hispania legatorum regis adventus magno emolumento fuit. namque ad famam eorum transitiones crebræ ab Numidis cœptæ fieri. Ita cum Syphace Romanis iuncta amicitia est. Quod ubi Karthaginienſes acceperunt, extemplo ad Galam, in parte altera Numidiæ (Maſſyli ea gens vocatur) regnantem, legatos mittunt.

XLIX. Filium Gala Maſiniſſam habebat, ſeptem & decem annos natum, ceterum juvenem eâ indole, ut jam tum appareret, latius regnum opulentiſſumque, quam accepisset, facturum. Legati, *quoniam Syphax ſe Romanis junxiſſet, ut potentior ſocietate eorum adverſus reges populoſque Africa eſſet, docent; melius fore Galæ quoque, Karthaginiensibus jungi quàm primum, antequam Syphax in Hispaniam, aut Romani in Africam tranſeant; opprimi Syphacem, nihil dum præter nomen ex fœdere Romano habentem, poſſe.* Facile perſuaſum Galæ, filio depoſcente id bellum, ut exercitum mitteret: qui, Karthaginiensium legionibus conjunctis, magno prælio Syphacem devicit. Triginta millia eo prælio hominum cæſa dicuntur. Syphax cum paucis equitibus in Mauruſios ex acie Numidas (extremi prope Oceanum adverſus Gades colunt) refugit: affluentibusque ad famam ejus undique barbaris, ingentes brevi copias armavit. cum quibus antequam in Hispaniam anguſto diremptam freto traſſiceret, Maſiniſſa cum victore exercitu advenit: iſque ibi cum Syphace ingenti gloriâ per ſe, ſine ullis Karthaginiensium opibus, geſſit bellum. In Hispania nihil memorabile geſtum, præterquam quòd Celtiberum juventutem eadem mercede, quâ pacta cum Karthaginiensibus erat, imperatores Romani ad ſe perduxerunt: & nobiliſſimos Hiſpanos ſupra trecentos in Italiam ad ſollicitandos populares, qui inter auxilia Hannibalis erant, miſerunt. Id modò ejus anni in Hispania ad memoriam inſigne eſt, quòd mercenarium militem

tem in castris neminem antè, quàm tum Celtiberos, Romani habuerunt.

LIBER XXV.

E P I T O M E.

II. **P.** Cornelius Scipio, postea Africanus, ante annos ædilis factus est. VIII, &c. Hannibal urbem Tarentum, præter arcem, in quam præsidium Romanorum fugerat, per Tarentinos juvenes, qui se noctu venatum ire simulaverant, cepit. XII. Ludi Apollinares ex Marcii carminibus, quibus Cannensis clades prædicta fuerat, instituti sunt. XIII, XIV. A Q. Fulvio & Ap. Claudio consulibus adversus Hannonem Pœnorum ducem prospere pugnatum est. XVI. Ti. Sempronius Gracchus proconsul, ab hospite suo Lucano in insidias deductus, à Magone interfectus est. XIX. Centenius Penula, qui centurio militaverat, quum petisset à senatu, ut sibi exercitus daretur, pollicitusque esset, si hoc impetrasset, de Hannibale victoriam, octo millibus acceptis, militum dux factus, conflixit acie cum Hannibale, & cum exercitu casus est. XXI. Cn. Fulvius prætor male adversus Hannibalem pugnavit, in quo prælio hominum sexdecim millia ceciderunt: ipse cum equitibus ducentis effugit. XXII. Capua obsessa est à Q. Fulvio & Ap. Claudio consulibus. XXIII, &c. Claudius Marcellus Syracusas expugnavit anno tertio, & ingentem se virum gessit. in eo tumultu urbis capte Archimedes, intentus formis, quas in pulvere descripserat, interfectus est. XXXIII, &c. P. & Cn. Scipiones in Hispania tot tantarumque rerum feliciter gestarum tristem exitum tulerunt: prope cum totis exercitibus cæsi anno octavo, quàm in Hispaniam iverant: XXXVI. amissaque ejus provincia possessio foret, nisi L. Marcii equitis Romani

mani virtute & industriâ, contractis exercituum reliquis, & ejusdem hortatu, bina castra hostium expugnata essent. Ad triginta septem millia caesa, ad mille ostingentos triginta septi, praeda ingens parva. Dux Marcius appellatus est.

I. **D**UM hæc in Africa atque in Hispania geruntur, Hannibal in agro Tarentino æstatem consumpsit, spe per prodicionem urbis Tarentinorum potiundæ. ipsorum interim Sallentinorum ignobiles urbes ad eum defecerunt. Eodem tempore in Brutiis ex duodecim populis, qui anno priorē ad Pœnos desciverant, Consentini & Thurini in fidem populi Romani redierunt. Et plures rediissent, ni T. Pomponius Vejentanus præfectus socium, prosperis aliquot populationibus in agro Bruttio justī ducis speciem nactus, tumultuario exercitu coacto, cum Hannone conflixisset. Magna ibi vis hominum, sed inconditæ turbæ agrestium servorumque, cæsa aut capta est: minimumque jacturæ fuit, quod præfectus inter ceteros est captus, & tum temerariæ pugnae auctor, & antè publicanus, omnibus malis artibus & reipublicæ & societatibus infidus damnosusque. Sempronius consul in Lucanis multa prælia parva, haud ullum dignum memoratu, fecit: & ignobilia oppida Lucanorum aliquot expugnavit. Quo diutius trahebatur bellum, & variabant secundæ adversæque res non fortunam magis, quàm animos, hominum; tanta religio, & ea magna ex parte externa, civitatem incessit, ut aut homines, aut Dii repentè alii viderentur facti. nec jam in secreto modò atque intra parietes abolebantur Romani ritus; sed in publico etiam ac foro Capitolioque mulierum turba erat, nec sacrificantium, nec precantium Deos patrio more. Sacrificuli ac vates ceperant hominum mentes: quorum numerum auxit rustica plebs, ex incultis diutino bello infestisque agris egestate & metu in urbem compulsæ; & questus ex alieno

hæno errore facilis, quem velut ex concessæ artis usu exercebant. Primò secretæ bonorum indignationes exaudiebantur, deinde ad Patres etiam & ad publicam querimoniam excessit res. Inculati graviter ab senatu ædiles triumvirique capitales, quòd non prohiberent, quum emovere eam multitudinem è foro, ac disjicere apparatus sacrorum conati essent, haud procul afuit, quin violarentur. Ubi potentius jam esse id malum apparuit, quàm ut minores per magistratus sedaretur, M. Atilio prætori urbis negotium ab senatu datum est, ut his religionibus populum liberaret. Is & in concione senatusconsultum recitavit, & edixit, *Ut, quicumque libros vaticinos precationesve, aut artem sacrificandi conscriptam haberet, eos libros omnes literasque ad se ante Kalendas Apriles deferret: neu quis, in publico sacrove loco, novo aut externo ritu sacrificaret.*

II. Et aliquot publici sacerdotes mortui eo anno sunt: L. Cornelius Lentulus pontifex maximus, & C. Papirius C. F. Maso pontifex, & P. Furius Philus augur, & C. Papirius L. F. Maso decemvir sacrorum. In Lentuli locum M. Cornelius Cethegus, in Papirii Cn. Servilius Cæpio, pontifices suffecti sunt. augur creatus L. Quinctius Flaminius, decemvir sacrorum L. Cornelius Lentulus. Comitiorum consularium jam appetebat tempus; sed, quia consules à bello intentos avocare non placebat, Ti. Sempronius consul comiti-
orum causà dictatorem dixit C. Claudium Centhonem. ab eo magister equitum est dictus Q. Fulvius Flaccus. Dictator primo comitiali die creavit consules Q. Fulvium Flaccum, magistrum equitum, & Ap. Claudium Pulchrum, cui Sicilia provincia in prætura fuerat. Tum prætores creati Cn. Fulvius Flaccus, C. Claudius Nero, M. Junius Silanus, P. Cornelius Sulla. Comitiiis perfectis, dictator magistratu abiit. Ædilis curulis fuit eo anno cum M. Cornelio Cethego P. Cornelius Scipio, cui post Africano fuit cognomen. huic

petenti ædilitatem quum obsisterent tribuni plebis, negantes rationem ejus habendam esse, quòd nondum ad petendum legitima ætas esset; *Si me, inquit, omnes Quirites adilem facere volunt, satis annorum habeo.* Tanto inde favore ad suffragium ferendum in tribus discursum est, ut tribuni repenti incepto destiterint. Ædilitia largitio hæc fuit. Ludi Romani pro temporis illius copiis magnificè facti, & diem unum instaurati, & congii olei in vicos singulos dati. L. Villius Tappulus & M. Fundanius Fundulus, ædiles plebei, aliquot matronas apud populum probri accusârunt: quasdam ex eis damnatas in exsilium egerunt. Ludi plebei per biduum instaurati; & Jovis epulum fuit ludorum causâ.

III. Q. Fulvius Flaccus tertium, Ap. Claudius consulatum ineunt. Et prætores provincias sortiti sunt; P. Cornelius Sulla urbanam & peregrinam, quæ duorum antè fors fuerat; Cn. Fulvius Flaccus Apuliam, C. Claudius Nero Sueffulam, M. Junius Silanus Tuscos. Consulibus bellum cum Hannibale & binæ legiones decretæ: alter à Q. Fabio superioris anni consule, alter à Fulvio Centumalo acciperet. Prætorum, Fulvii Flacci, quæ Luceriæ sub Æmilio prætor; Neronis Claudii, quæ in Piceno sub C. Terentio fuissent, legiones essent. supplementum in eas quisque scriberet sibi. M. Junio in Tuscos legiones urbanæ prioris anni datæ. Ti. Sempronio Graccho & P. Sempronio Tuditano imperium provinciæque Lucani & Galliæ cum suis exercitibus prorogatæ: item P. Lentulo, quæ vetus provincia in Sicilia esset; M. Marcello Syracusæ, & quæ Hieronis regnum fuisset: T. Otacilio clasfis: Græcia M. Valerio: Sardinia Q. Mucio Scævola: Hispaniæ P. & Cn. Corneliis. Ad veteres exercitus duæ urbanæ legiones à consulibus scriptæ, summaque trium & viginti legionum eo anno effecta est. Delectum consulum M. Postumii Pyrgensis cum magno prope motu rerum factum impediit. Publicanus
erat

erat Postumius, qui multis annis parem fraude avaritiæque neminem in civitate habuerat, præter T. Pomponium Vejentanum, quem, populantem temere agros in Lucanis, ductu Hannonis priore anno ceperant Karthaginienſes. Hi, quia publicum periculum erat à vi tempeſtatis in iis, quæ portarentur ad exercitus, & ementiti erant falſa naufragia, & ea ipſa, quæ vera renunciaverant, fraude ipſorum facta erant, non caſu. in veteres quaſſaſque naves paucis & parvi pretii rebus impositis, quum merſiſſent eas in alto, exceptis in præparatas ſcapas nautis, multiplices fuiſſe merces ementiebantur. Ea fraus indicata M. Atilio prætori priore anno fuerat, ac per eum ad ſenatum delata, nec tamen ullo ſenatusconſulto notata: quia Patres ordinem publicanorum in tali tempore offenſum nolebant. Populus ſeverior vindex fraudis erat; excitatque tandem duo tribuni plebis Sp. & L. Carvili, quum rem inviſam infamemque cernerent, ducentum millium æris mulctam M. Poſtumo dixerunt. cui certandæ quum dies adveniſſet, conciliumque tam frequens plebis adeſſet, ut multitudinem area Capitoli vix caperet; perorata cauſa, ſpes una videbatur eſſe, ſi C. Servilius Caſca tribunus plebis, qui propinquus cognatusque Poſtumo erat, prius, quàm ad ſuffragium tribus vocarentur, interceſſiſſet. Teſtibus datis, tribuni populum ſummoverunt; ſitellaque allata eſt, ut ſortirentur, ubi Latini ſuffragium ferrent. Interim publicani Caſcæ inſtare, ut concilio diem eximeret. populus reclamare: & fortè in cornu primus ſedebat Caſca, cui ſimul metus pudorque animum verſabat. Quum in eo parum præſidii eſſet, turbandæ rei cauſa publicani per vacuum in ſummoto locum cuneo irruerunt, iurgantes ſimul cum populo tribunisque. Nec procul dimicatione res erat, quum Fulvius conſul tribunis, *Nonne videtis, inquit, vos in ordinem coactos eſſe, & rem ad ſeditionem ſpectare, ni propere dimittitis plebis concilium?*

IV. Plebe dimissa, senatus vocatur, & consules referunt de concilio plebis turbato vi atque audaciâ publicanorum. *M. Furium Camillum, cujus exilium ruinâ urbis secuta fuerit, damnari se ad iratis civibus possum esse. Decemviros ante eum, quorum legibus ad eam diem viverent, multos postea principes civitatis, judicium de se populi passos. Postumium Pyrgensem suffragium populo Romano extorsisse, concilium plebis sustulisse, tribunos in ordinem coegisse, contra populum Romanum aciem instruxisse, locum occupasse, ut tribunos à plebe intercluderet, tribus in suffragium vocari prohiberet. Nihil aliud à cade ac dimicatione continuisse dominet, nisi patientiam magistratum, quod cesserint in præsentia furori atque audacia paucorum, vincique se ac populum Romanum passi sint : & comitia, quæ reus vi atque armis prohibetur erat, ne causa quærentibus dimicationem daretur, voluntate ipsius sustulerint.* Hæc quum ab optimo quoque pro atrocitate rei acta essent, vimque eam contra rempublicam & pernicioso exemplo factam, senatus decreisset ; confestim Carvili tribuni plebis, omisâ mulctæ certatione, rei capitalis diem Postumio dixerunt : ac, ni vades daret, prehendi à viatore, atque in carcerem duci jusserunt. Postumius, vadibus datis, non adfuit. Tribuni plebem rogaverunt, plebesque ita scivit : *Sî M. Postumius ante Kalendas Maias non prodisset, citatusque eo die non respondisset, neque excusatus esset, videri eam in exilio esse : bonaque ejus venire, ipsi aqua & igni placere interdici.* Singulis deinde eorum, qui turbæ ac tumultus concitatores fuerant, rei capitalis diem dicere, ac vades poscere cœperunt. Primò non dantes, deinde etiam eos, qui dare possent, in carcerem conjiciebant : cujus rei periculum vitantes plerique in exilium abierunt.

V. Hunc fraus publicanorum, deinde fraudem audacia protegens, exitum habuit. Comititia inde pontifici maximo creando sunt habita. Ea comitia novus pontifex M. Cornelius Cethegus habuit. Tres ingenti certamine petierunt : Q. Fulvius Flaccus

CON-

consul, qui & antè bis consul & censor fuerat: & T. Manlius Torquatus, & ipse duobus consulatibus & censurâ insignis: & P. Licinius Crassus, qui & ædilitatem curulem petiturus erat. hic senes honoratosque juvenis in eo certamine vicit. Antè hunc, intra centum annos & viginti, nemo præter P. Cornelium Calussum, pontifex maximus creatus fuerat, qui sellâ curuli non sedisset. Consules quum ægrè delectum conficerent, quòd inopia juniorum non facile in utrumque, ut & novæ urbanæ legiones, & supplementum veteribus scriberetur, sufficiebat; senatus *abstinerere eos incepto vetuit, & triumviros binos creare iussit: alteros, qui citra, alteros, qui ultra quinquagesimum lapidem in pagis, forisque, & conciliabulis omnem copiam ingenuorum inspicerent: & si qui roboris satis ad ferenda arma habere viderentur, etiamsi nondum militari ætate essent, milites facerent. Tribuni plebis, si iis videretur, ad populum ferrent, ut, qui minores septem & decem annis sacramento dixissent, iis perinde stipendia procederent, ac si septem & decem annorum, aut majores, milites facti essent. Ex hoc senatusconsulto creati triumviri bini conquisitionem ingenuorum per agros habuerunt. Eodem tempore ex Sicilia literæ M. Marcelli de postulatis militum, qui cum P. Lentulo militabant, in senatu recitatae sunt. Cannensis reliquæ cladis hic exercitus erat, relegatus in Siciliam, sicut antè dictum est, ne antè Punici bellî finem in Italiam reportaretur.*

VI. Hi permissa Lentuli primores equitum centurionumque, & robora ex legionibus peditum, legatos in hiberna ad M. Marcellum miserunt, è quibus unus, potestate dicendi factâ, *Consulem, inquit, te, M. Marcelle, in Italiam adissemus, quum primum de nobis, etsi non iniquum, certè triste senatusconsultum factum est: nisi hoc sperassemus, in provinciam nos morte regum turbatam adguere bellum adversus Siculos simul Pœnosque mitti: & sanguine nostro vulneribusque nos senatui satisfacturos esse: sicut*

patrum memoriâ, qui capti à Pyrrho ad Heracleam erant, adversus Pyrrhum ipsum pugnantes satisfecerunt. Quanquam quod ob meritum nostrum succensuistis, Patres conscripti, nobis, aut succensetis? Ambo mihi consules & universum senatum intueri videor, quum te, M. Marcelle, intueor: quem si ad Cannas consulem habuissemus, melior & reipublica & nostra fortuna esset. Sine, queso, priusquam de conditione nostra queror, noxam, cujus arguimur, nos purgare. Si non Deum irâ, nec fato, cujus lege immobilis rerum humanarum ordo feritur, sed culpâ periiimus ad Cannas, cujus tandem ea culpa fuit? militum, an imperatorum? Equidem miles nihil unquam dicam de imperatore meo, cui praesertim gratias sciam ab senatu actas, quod non desperaverit de reipublica; cui post fugam ab Cannis per omnes annos prorogatum imperium. Ceteros item ex reliquiis cladis ejus, quos tribunos militum habuimus, honores petere & gerere, & provincias obtinere audivimus. An vobis vestrisque liberis ignoscitis facile, Patres conscripti, in hac vilia capita sevi? & consuli primoribusque aliis civitatis fugere, quum spes alia nulla esset, turpe non fuit; milites utique morituros in aciem missis? Ad Alliam propè omnis exercitus fugit: ad Furculas Caudinas, ne expertus quidem certamen, arma tradidit hosti, ut alias pudendas clades exercituum taceam: tamen tantum afuit ab eo, ut ulla ignominia iis exercitibus quereretur, ut & urbs Roma per eum exercitum, qui ab Allia Vejas transfugerat, reciperaretur; & Caudinae legiones, quae sine armis redierant Romam, armatae remissa in Samnium, eundem illum hostem sub jugum miserint, qui hâc suâ ignominia latatus fuerat. Cannensem verò quisquam exercitum fugae aut pavoris insimulare potest, ubi plus quinquaginta millia hominum ceciderunt? unde consul cum equitibus septuaginta fugit? unde nemo superest, nisi quem hostis cadendo fessus reliquit? Quum captivis redemptio negabatur, nos vulgò homines laudabant, quod reipublica nos reservassemus: quod ad consulem Venusiam redissimus, & speciem justî exercitus fecissemus. Nunc deteriore conditione sumus, quàm apud patres nostros fuerant captivi.

ptivi. quippe illis arma tantum atque ordo militandi, locusque, in quo tenderent in castris, est mutatus: qua tamen, semel navata reipublica opera, & uno felici praelio, recuperarunt. Nemo eorum relegatus in exilium est: nemini spes emerendi stipendia adempta: hostis denique est datus, cum quo dimicantes, aut vitam semel, aut ignominiam finirent. Nos, quibus (nisi quod commisimus, ut quisquam ex Cannensi acie miles Romanus superesset) nihil objici potest, non solum a patria procul Italiaque, sed ab hoste etiam, relegati sumus. ubi senestamus in exilio, ne qua spes, ne qua occasio abolenda ignominia, ne qua placanda civium ira, ne qua denique bene moriendi sit. Neque ignominia finem, nec virtutis praeonium petimus; modò experiri animum, & virtutem exercere liceat. laborem & periculum petimus, ut virorum, ut militum officio fungamur. Bellum in Sicilia jam alterum annum ingenti dimicatione geritur: urbes alias Pænus, alias Romanus expugnat: peditum, equitum acies concurrunt: ad Syracusas terramque res geritur: clamorem pugnantium crepitumque armorum exaudimus resides ipsi ac segnes, tanquam nec manus, nec arma habeamus. Servorum legionibus Ti. Sempronius consul toties jam cum hoste signis collatis pugnavit. Opera pretium habent, libertatem civitatemque. Pro servis saltem ad hoc bellum emptis vobis sumus. congregari cum hoste liceat, & pugnando querere libertatem. Vis tu mari, vis terrâ, vis acie, vis urbibus oppugnandis experiri virtutem? asperissima quæque ad laborem periculumque deposcimus, ut, quod ad Cannas faciendum fuit, quamprimum fiat; quoniam, quicquid postea viximus, id omne destinatum ignominia est.

VII. Sub hæc dicta, ad genua Marcelli procubuerunt. Marcellus id nec juris, nec potestatis suæ esse dixit. senatui scripturum se, omniaque de sententia Patrum facturum esse. Hæ literæ ad novos consules allatæ, ac per eos in senatu recitatæ sunt: consultusque de his literis ita decrevit senatus: Militibus, qui ad Cannas commilitones suos pugnantes deseruissent, senatum nihil videre, cur respublica committenda sit. Si M. Claudio pro-

consuli

consuli aliter videretur, faceret, quod è republica fideque sua duceret: dam ne quis eorum munere vacaret, neu dono militari virtutis ergò donaretur, neu in Italiam reportaretur, donec hostis in terra Italia esset. Comitia deinde à prætore urbano de senatûs sententia plebisque scitu sunt habita: quibus creati sunt quinqueviri muris turribusque reficiendis: & triumviri bini; uni sacris conquirendis, donisque persignandis; alteri reficiendis ædibus Fortunæ & matris Matutæ intra portam Carmentalem, sed & Spei extra portam, quæ priorè anno incendio consumptæ fuerant. Tempestates fœdæ fuere. In Albano monte biduum continenter lapidibus pluit. tacta de cœlo multa: duæ in Capitolio ædes: vallum in castris multis locis supra Sueffulam, & duo vigiles exanimati. murus turesque quædam Cumis non istæ modò fulminibus, sed etiam decussæ: Reate saxum ingens visum volitare: sol rubere solito magis, sanguineoque similis. Horum prodigiorum causâ diem unum supplicatio fuit, & per aliquot dies consules rebus divinis operam dederunt: & per eosdem dies sacrum novemdiale fuit. Quum Tarentinorum defectio jam diu & in spe Hannibali, & in suspitione Romanis esset, causa fortè extrinsecus maturandæ ejus intervenit. Phileas Tarentinus, diu jam per speciem legationis Romæ quum esset, vir inquieti animi, & minimè otium, quo tum diutino senescere videbatur, patientis, aditum sibi ad obsides Tarentinos invenit. Custodiebantur in atrio Libertatis minore curâ, quia nec ipsis, nec civitati eorum fallere Romanos expediebat. Hos, crebris colloquiis sollicitatos, corruptis æditulis duobus, quum primis tenebris custodiâ eduxisset; ipse comes occulti itineris factus profugit. Luce primâ vulgata per urbem fuga est: missique, quæ sequerentur, ab Tarracina comprehensos omnes retraxerunt. deducti in comitio, virgisque, approbante populo, cæsi de saxo dejiciuntur.

VIII. Hujus atrocitas pœnæ duarum nobilissimarum in Italia Græcarum civitatum animos irritavit, quum publicè, tum etiam singulos privatim, ut quisque tam fœdè interemptos aut propinquitate, aut amicitia contingebat. Ex iis tredecim ferè nobiles juvenes Tarentini conjuraverunt, quorum principes Nico & Philemenus erant. Hi, priùs, quàm aliquid moverent, colloquendum cum Hannibale rati, nocte per speciem venandi urbe egressi, ad eum proficiscuntur. &, quum haud procul castris abessent, ceteri silvâ propè viam sese occuluerunt: Nico & Philemenus, progressi ad stationes comprehensique, ultro id petentes, ad Hannibalem deducti sunt. Qui quum & causas consilii sui, & quid pararent, exposuissent; collaudati, oneratique promissis, jubentur, ut fidem popularibus facerent prædandi causâ se urbe egressos, pecora Karthaginensium, quæ pastum propulsa essent, ad urbem agere. tutò ac sine certamine id facturos, promissum est. Conspecta ea præda juvenum est: minúsque, iterum ac sapius id eos audere, miraculo fuit. Congressi cum Hannibale rursus, fide sanxerunt, liberos Tarentinos leges suaque omnia habituros, neque ullum vestigal Pœno pensuros, præsidiumve invitos recepturos: prodita præsidia Karthaginensium fore. Hæc ubi conveniunt, tunc verò Philemenus consuetudinem nocte egrediendi redeundique in urbem frequentiore facere: (& erat venandi studio insignis) canesque & alius apparatus sequebatur; captumque ferme aliquid, aut ab hoste ex præparato ablatum reportando, donabat aut præfecto, aut custodibus portarum. nocte maximè commutare propter metum hostium, credebant. Ubi jam eò consuetudinis adducta res est, ut, quocunque noctis tempore sibile dedisset signum, porta aperiretur, tempus agendæ rei, Hannibali visum est. Tridui viam aberat: ubi, quo minús mirum esset, uno eodemque loco stativa eum tamdiu habere, agrum simulabat. Ro-

manis

manis quoque, qui in præsidio Tarenti erant, suspecta esse jam segnis mora ejus desierat.

IX. Ceterum postquam Tarentum ire constituit, decem millibus peditum atque equitum, quos in expeditione velocitate corporum ac levitate armorum aptissimos esse ratus est, electis, quartâ vigiliâ noctis signa movit. præmissisque octoginta ferè Numidis equitibus præcepit, ut discurrerent circa vias, perlustrarentque omnia oculis, ne quis agrestium procul spectator agminis falleret; prægressos retraherent, obvios occiderent, ut prædonum magis, quàm exercitus, accolis species esset. ipse, raptim agmine acto, quindecim ferme millium spatio castra ab Tarento posuit: & ne ibi quidem nunciato, quò pergerent, tantum convocatos milites monuit, viâ omnes irent; nec divertì quenquam, aut excedere ordinem agminis paterentur, & in primis intenti ad imperia accipienda essent; neu quid nisi ducum jussu facerent: se in tempore editurum, quæ vellet agi. Eadem ferme horâ Tarentum fama pervenerat, Numidas equites paucos populari agros, terroremque latè agrestibus injecisse. Ad quem nuncium nihil ultra motus præfectus Romanus, quàm ut partem equitum postero die luce primâ juberet exire ad arcendum populationibus hostem. in cetera adeo nihil ob id intenta cura est, ut contrâ pro argumento fuerit illa procurratio Numidarum, Hannibalem exercitumque castris non movisse. Hannibal concubiâ nocte movit. dux Philemenus erat, cum solito captæ venationis onere. ceteri proditores ea, quæ composita erant, exspectabant. Convenerat autem, ut Philemenus, portulâ assuetâ venationem inferens, armatos induceret: parte aliâ portam Temenida adiret Hannibal. Ea mediterraneâ regione orientem spectabat. aliquantum intra mœnia includuntur. Quum portæ appropinquaret, editus ex composito ignis ab Hannibale est, resulsitque idem redditum ab Nicone signum: extinctæ deinde utrinque

trinque flammæ sunt. Hannibal silentio ducebat ad portam. Nico ex improvise adortus sopitos vigiles in cubilibus suis obtruncat, portamque aperit. Hannibal cum peditum agmine ingreditur, equites subsistere jubet: ut, quò res postulet, occurrere libéro campo possent. Et Philemenus portulæ parte aliâ, quâ com-meare assuérat, appropinquabat. nota vox ejus & familiare jam signum quum excitasset vigilem, dicentis, vix sustinere grandis bestię onus, portula aperitur. inferentes aprum duos juvenes secutus ipse cum expedito venatore, vigilem, incautiùs miraculo magnitudinis in eos, qui ferebant, versum, venabulo trajicit: ingressi deinde triginta ferè armati, ceteros vigiles obtruncant, refringuntque portam proximam: & agmen sub signis confestim irrupit. inde cum silentio in forum ducti, Hannibali sese conjunxerunt. Cum duobus millibus Gallorum Pœnus, in tres divisas partes, per urbem dimittit Tarentinos, & itinera quàm maximè frequentia occupare jubet: tumultu orto, Romanos passim cædi, oppidanis parci. sed, ut fieri id posset, præcipit juvenibus Tarentinis, ut, ubi quem suorum procul vidissent, quiescere & silere, ac bono animo esse juberent.

X. Jam tumultus erat clamorque, qualis esse in capta urbe solet: sed, quid rei esset, nemo satis pro certo scire. Tarentini Romanos ad diripiendam urbem credere coortos: Romanis seditio aliqua cum fraude videri ab oppidanis mota. Præfectus primò excitatus tumultu, in portum effugit: inde, acceptus scaphâ in arcem circumvehitur. Terrorem & tuba audita ex theatro faciebat. nam & Romana erat, à proditoribus ad hoc ipsum præparata: & inscianter à Græco inflata, quis, aut quibus signum daret, incertum efficiebat. Ubi illuxit, & Romanis Punica & Gallica arma cognita, tum dubitationem excemerunt; & Græci, Romanos passim cæde stratos cernentes, ab Hannibale captam

ptam urbem senferunt. Postquam lux certior erat, & Romani, qui cædibus superfuerant, in arcem confugerant, conticescebatque paulatim tumultus; tum Hannibal Tarentinos sine armis convocare jubet. Convenire omnes, præterquam qui, cedentes in arcem, Romanos ad omnem adeundam simul fortunam profecuti fuerant. Ibi Hannibal, benignè allocutus Tarentinos, testatusque, quæ præstitisset civibus eorum, quos ad Trasimenum aut ad Cannas cepisset, simul in dominationem superbam Romanorum investus, recipere se in domos suas quemque jussit, & foribus nomen suum inscribere: se domos eas, quæ inscriptæ non essent, signo extemplo dato, diripi jussurum. Si quis in hospitio civis Romani (vacuas autem tenebant domos) nomen inscripisset, eum se pro hoste habiturum. Concione dimissâ, quum titulis notatæ fores discrimen patatæ ab hostili domo fecissent, signo dato, ad diripienda hospitia Romana passim discursus est. & fuit prædæ aliquantum.

XI. Postero die ad oppugnandam arcem ducit: quam quum & mari, quo in peninsulæ modum pars major circumluitur, præaltis rupibus, & ab ipsa urbe muro & fossâ ingenti septam videret, eoque nec vi, nec operibus expugnabilem esse; ne aut seipsum curâ tuendi Tarentinos à majoribus rebus moraretur; aut in relictos sine valido præsidio Tarentinos impetum ex arce, quum vellent, Romani facerent, vallo urbem ab arce intersepire statuit: non sine illa etiam spe, cum prohibentibus opus Romanis manum posse conferi; & si ferocius procucurrissent, magnâ cæde ita attenuari præsidii vires, ut facilè per se ipsi Tarentini urbem ab iis tueri possent. Ubi coeptum opus est, patefactâ repente portâ, in munientes impetum fecerunt Romani: pellicque se statio passa est, quæ pro opere erat, ut successu cresceret audacia, pluresque & longius pulsos persequerentur. Tum signo dato coorti undique Peni
sunt,

sunt, quos instructos ad hoc Hannibal tenuerat; nec sustinere impetum Romani, sed ab effusa fuga loci angustiae eos, impeditaque alia opere jam coepto, alia apparatu operis, morabantur. plurimi in fossam praecipitavere, occisique sunt plures in fuga, quam in pugna. Inde & opus nullo prohibente fieri coeptum. Fossa ingens ducta, & vallum intra eam erigitur: modicoque post intervallo murum etiam eadem regione addere parat, ut vel sine praesidio tueri se adversus Romanos possent. Reliquit tamen modicum praesidium, ut simul in faciendo muro adjuvaret. ipse, profectus cum ceteris copiis, ad Galesum flumen (quinque milia ab urbe abest) posuit castra. Ex iis stativis regressus ad inspicendum opus (quod aliquantum opinione ejus celerius creverat) spem cepit, etiam arcem expugnari posse. Et est non altitudine, ut cetera, tuta, sed loco plano posita, & ab urbe muro tantum ac fossa divisa. Quum jam machinationum omni genere & operibus oppugnaretur, missum à Metaponto praesidium Romanis fecit animum, ut nocte ex improvviso opera hostium invaderent. Alia disjecerunt, alia igni corruerunt. isque finis Hannibali fuit eâ parte arcem oppugnandi. Reliqua erat in obsidione spes, nec ea satis efficax, quia arcem tenentes, quae in peninsula posita imminet faucibus portus, mare liberum habebant: urbs contra exclusa maritimis com meatibus, propiusque inopiam erant obsidentes, quam obsessi. Hannibal, convocatis principibus Tarentinorum, omnes praesentes difficultates exposuit: *neque arcis tam munita expugnanda viam cernere, neque in obsidione quicquam habere spei, donec mari potiantur hostes. Quod si naves sint, quibus com meatus inveni prohibeant, extemplo aut abscissuros, aut dedituros se hostes.* Assentiebantur Tarentini; ceterum ei, qui consilium afferret, opem quoque in eam rem afferendam esse, censebant: *Punicas enim naves ex Sicilia accitas id posse facere: suas, quae sinu exiguo intus inclusae essent,*

essent, quum claustra portus hostis haberet, ecquem ad modum inde in apertum mare evasuras? Evadent, inquit Hannibal. Multa, quae impedita naturâ sunt, consilio expediuntur. Urbem in campo sitam habetis. plana & satis lata via patent in omnes partes. Vid, quae in portum per mediam urbem ad mare transmissa est, plaustris transueham naves baud magnâ mole. & mare nostrum erit, quo nunc hostes potiuntur: & illinc mari, hinc terrâ circumsidebimus arcem. immo brevi, aut relictam ab hostibus, aut cum ipsis hostibus capiemus. Hæc oratio non spem modò effectûs, sed ingentem etiam ducis admirationem fecit. Contracta extemplo undique plaustra, junctaque inter se: & machinæ ad subducendas naves admotæ, munitumque iter, quo faciliora plaustra minorque moles in transitu esset. Jumenta inde & homines contracti, & opus impigre cœptum: paucosque post dies classis instructa ac parata circumvehitur arcem, & ante os ipsum portus anchoras jacet. Hunc statum rerum Hannibal Tarenti reliquit, regressus ipse in hiberna. Ceterum, defectio Tarentinorum utrûm priore anno, an hoc, facta sit, in diversum auctores trahunt. plures propioresque ætate memoriæ rerum hoc anno tradunt factum.

XII. Romæ consules prætoresque usque ante diem quintum Kalendas Maias Latinæ tenuerunt. eo die perpetrato sacro in monte, in suas quisque provincias profiscuntur. Religio deinde nova objecta est ex carminibus Marcianis. Vates hic Marcius illustris fuerat, &, quum conquisitio priore anno ex senatusconsulto talium librorum fieret, in M. Atilii prætoris urbani, qui eam rem agebat, manus venerant. is protinus novo prætori Sullæ tradiderat. Ex hujus Marcii duobus carminibus, alterius post rem actam editi cum rato auctoritas eventu, alteri quoque, cujus nondum tempus venerat, afferbat fidem. Priore carmine Cannensis prædicta clades in hæc ferme verba erat: *Annem Trojugena Cannam Romane fuge: ne te alienigena cogant in campo*

campo Diomedis conferere manus. Sed neque credes tu mihi, donec compleris sanguine campum; multaque millia occisa tua deferet amnis in pontum magnum ex terra frugifera; piscibus atque avibus ferisque, quæ incolunt terras, iis fuit esca caro tua. nam mihi ita Jupiter fatus est. Et Diomedis Argivi campos & Cannam flumen, qui militaverant in iis locis, juxta atque ipsam cladem agnoscebant: Tum alterum carmen recitatum, non eo tantum obscurius, quia incertiora futura præteritis sunt, sed perplexius etiam scripturæ genere. Hostem, Romani, si expellere vultis, vomeremque, quæ gentium venit longè, Apollini votendos censeo ludos, qui quotannis comiter Apollini fiant: quum populus dederit ex publico partem, privati uti conferant pro se suisque. Iis ludis faciendis prærit prætor is, qui jus populo plebeique dabit summum. Decemviri Græco ritu hostiis sacra faciant. Hæc si rectè faxitis, gaudebitis semper, fietque res vestra melior. nam is Divus exstinguet perduelles vestros, qui vestros campos pascunt placide. Ad id carmen explanandum diem unum sumpserunt. postero die senatusconsultum factum est, ut decemviri libros, de ludis Apollini reque divina faciunda, inspicerent. Ea quum inspecta relataque ad senatum essent, censuerunt Patres: Apollini ludos votendos faciundosque: & quando ludi facti essent, duodecim millia æris prætori ad rem divinam, & duas hostias majores dandas. Alterum senatusconsultum factum est, Ut decemviri sacra Græco ritu facerent, iisque hostiis. Apollini bove aurato & capris duabus albis auratis, Latona bove feminâ auratâ. Ludos prætor in circo maximo quum facturus esset, edixit, ut populus per eos ludos stipem Apollini, quantam commodum esset, conferret. Hæc est origo ludorum Apollinarii, victoriæ, non valetudinis, ergo, ut plerique rentur, votorum factorumque. populus coronatus spectavit; matronæ supplicavere: vulgò apertis januis in propatulis epulati sunt, celeberrime dies omni ceremoniarum genere fuit.

XIII. Quum

XIII. Quum Hannibal circa Tarentum, consules ambo in Samnio essent, sed circumfessuri Capuam viderentur; quod malum diuturnæ obsidionis esse solet, jam famem Campani sentiebant; quia sementem facere prohibuerant eos Romani exercitus. Itaque legatos ad Hannibalem miserunt, orantes, ut prius, quàm consules in agros suos educerent legiones, viæque omnes hostium præsiidiis insiderentur, frumentum ex propinquis locis conveyi juberet Capuam. Hannibal, Hannonem ex Brutiis cum exercitu in Campaniam transire, & dare operam, ut frumenti copia fieret Campanis, jussit. Hanno, ex Brutiis profectus cum exercitu, vitabundus castra hostium consulesque, qui in Samnio erant, quum Benevento jam appropinquaret, tria passuum millia ab ipsa urbe loco edito castra posuit. inde ex sociis circa populis, quò æstate comportatum erat, conveyi frumentum in castra jussit; præsiidiis datis, quæ commeatus eos prosequerentur. Capuam inde nuncium misit, quâ die in castris ad accipiendum frumentum præsto essent, omni undique genere vehiculorum jumentorumque ex agris contracto. Id pro cetera sollicitudine negligentiaque à Campanis actum. paulo plus quadringenta vehicula missa, & pauca præterea jumenta. ob id castigatis ab Hannone, quòd ne fames quidem, quæ mutas accenderet bestias, curam eorum stimulare possiet, alia prodita dies ad frumentum majore apparatu petendum. Ea omnia, sicut acta erant, quum enunciata Beneventanis essent, legatos decem ex templo ad consules (circa Bovianum castra Romanorum erant) miserunt. Qui quum, auditis, quæ ad Capuam agerentur, inter se comparassent, ut alter in Campaniam exercitum duceret; Fulvius, cui ea provincia obvenerat, profectus, nocte Beneventi mœnia est ingressus. Ex propinquo cognoscit, Hannonem cum exercitus parte profectum frumentatum: per quæstorem Campanis datum frumentum: duò millia plau-

stro-

strorum, inconditam inermemque aliam turbam, advenisse: per tumultum ac trepidationem omnia agi, castrorumque formam & militarem ordinem, immixtis agrestibus iis ex terris, sublatum. His satis compertis, consul militibus edicit, signa tantum armaque in proximam noctem expedirent: castra Punica oppugnanda esse. Quartâ vigiliâ profecti, sarcinis omnibus impedimentisque Beneventi relictis, paulo ante lucem quum ad castra pervenissent, tantum pavoris iniecerunt, ut, si in plano castra posita essent, haud dubiè primo impetu capi potuerint. altitudo loci & munita defenderunt, quæ nulla ex parte adiri, nisi arduo ac difficili ascensu, poterant. Luce primâ prælium ingens accensum est, nec vallum modò tutantur Pœni, sed, ut quibus locus æquior esset, deturbant nitentes per ardua hostes.

XIV. Vicit tamen omnia pertinax virtus, & aliquot simul partibus ad vallum ac fossas perventum est; sed cum multis vulneribus ac militum pernicië. Itaque convocatis tribunis militum consul, *abstendum temerario incepto*, ait: *tutius sibi videri, reduci eo die exercitum Beneventum: dein postero castris se hostium jungi, ne exire inde Campani, neve Hanno regredi posset. Id quo facilius obtineatur, collegam quoque & exercitum ejus se accitum, totumque eò versuros bellum.* Hæc consilia ducis, quum jam receptui caneret, clamor militum aspernantium tam segne imperium disjecit. Proxima portæ hostium erat cohors Peligna: cujus præfectus Vibius Accuzus arreptum vexillum trans vallum hostium trajecit. Exsecratus inde seque & cohortem, si ejus vexilli hostes potiti essent, princeps ipse per fossam vallumque in castra irrumpit. Jamque intra vallum Peligni pugnabant, quum alterâ parte, Valerio Flacco tribuno militum tertiæ legionis exprobrante Romanis ignaviam, qui sociis captorum castrorum concederent decus, T. Pedanius, princeps primus centurio, quum
signi-

signifero signum ademisset, *Jam hoc signum, & hic centurio*, inquit, *intra vallum hostium erit. Sequantur, qui capi signum ab hoste prohibebuntur sunt.* Manipulares sui primum transcendentem fossam, dein legio tota secuta est. Jam & consul, ad conspectum transgredientium vallum mutato consilio, ab revocando ad incitandos hortandosque versus milites, ostendere, in quanto discrimine ac periculo fortissima cohors sociorum & civium legio esset. Itaque pro se quisque omnes per æqua atque iniqua loca, quum undique tela conjicerentur, armaque & corpora hostes objicerent, pervadunt, irrum-puntque. multi vulnerati, etiam quos vires sanguisque desereret, ut intra vallum hostium caderent, nitebantur. Capta itaque momento temporis, velut in plano sita, nec permunita castra. Cædes inde, non jam pugna erat, omnibus intra vallum permixtis. supra sex millia hostium occisa, supra septem millia capitum, cum frumentatoribus Campanis omnique plaustrorum & jumentorum apparatu, capta. & alia ingens præda fuit, quam Hanno, populabundus passim quum isset, ex sociorum populi Romani agris traxerat. Inde, dejectis hostium castris, Beneventum reditum est, prædamque ibi ambo consules (nam & Ap. Claudius eò post paucos dies venit) vendiderunt, diviseruntque. & donati, quorum operâ castra hostium capta erant: ante alios Accuzus Pelignus, & T. Pedanius princeps tertie legionis. Hanno ab Cominio Cerito, quò nunciata castrorum clades est, cum paucis frumentatoribus, quos fortè secum habuerat, fugæ magis, quàm itineris, modo in Bruttios rediit.

XV. Et Campani, auditâ suâ pariter sociorumque clade, legatos ad Hannibalem miserunt, qui nunciarent, *duos consules ad Beneventum esse, dici iter à Capua; tantum non ad portas & muros bellum esse. ni propere subveniat, celerius Capuam, quàm Arpos, in potestatem hostium venturam. Ne Tarentum quidem, non modò arcem, tanti debere*

debere esse, ut Capuam, quam Karthagini equare sit solitus, desertam indefensamque populo Romano tradat. Hannibal, curæ sibi fore rem Campanam pollicitus, in præsentia duo millia equitum cum legatis mittit, quo præsidio agros populationibus possent prohibere. Romanis interim, sicut aliarum rerum, arcis Tarentinæ, præsidii-que, quod ibi obsideretur, cura esse. C. Servilius legatus, ex auctoritate Patrum à P. Cornelio prætore in Etruriam ad frumentum cœmendum missus, cum aliquot navibus onustis in portum Tarentinum inter hostium custodias pervenit. Cujus adventu, qui antè, in exigua spe, vocati sæpe ad transitionem ab hostibus per colloquia erant, ultro ad transeundum hostes vocabant sollicitabantque. & erat satis validum præsidium, traductis ad arcem Tarenti tuendam, qui Metaponti erant, militibus. Itaque Metapontini extemplo, metu, quo tenebantur, liberati, ad Hannibalem decedere. Hoc idem eadem orâ maris & Thurini fecerunt. movit eos non Tarentinorum magis defectio, Metapontinorumque, quibus, indidem ex Achaia oriundi, etiam cognatione juncti erant, quàm ira in Romanos propter obsides nuper interfectos. Eorum amici cognatique literas ac nuncios ad Hannonem Magonemque, qui in propinquo in Bruttiis erant, miserunt, si exercitum ad mœnia admovissent, se in potestatem eorum urbem tradituros esse. M. Atinius Thurius cum modico præsidio præerat, quem facile elici ad certamen temere incundum rebantur posse; non militum, quos per paucos habebat, fiduciâ, quàm juventutis Thurinæ. eam ex industria centuriaverat armaveratque ad tales casus. Divisis copiis inter se, duces Pœni quum agrum Thurinum ingressi essent, Hanno cum peditum agmine infestis signis ire ad urbem pergit. Mago cum equitatu, tectus collibus, ad regendas insidias oppositis, subsistit. Atinius, peditum tantum agmine per exploratores comperto, in aciem copias educit, & frau-

dis intestinæ & hostium insidiarum ignarus. Pedestre prælium fuit persegne, paucis in prima acie pugnantibus Romanis; Thurinis expectantibus magis, quam adjuvantibus, eventum: & Karthaginensium acies de industria pedem referebat, ut ad terga collis ab equite suo infessi hostem incautum pertraheret. Quò ubi ventum est, coorti cum clamore equites, propere inconditam Thurinorum turbam, nec satis-fido animo, unde pugnabat, stantem, extemplo in fugam avertunt. Romani, quanquam circumventos hinc pedes, hinc eques urgebat, tamen aliquandiu pugnam traxere. postremò & ipsi terga vertunt, atque ad urbem fugiunt. Ibi proditores conglobati, quum popularium agmen patentibus portis accepissent, ubi Romanos fusos ad urbem ferri viderunt, conclamant, *instare Pænum, permixtosque & hostes urbem invasuros, ni propere portas claudant*. Ita exclusos Romanos præbuere hosti ad eandem. Atinius tamen cum paucis receptus. Seditio inde paulisper tenuit; quum alii urbem tuendam, inde alii cedendum fortunæ, & tradendam urbem victoribus censerent. ceterum, ut plerumque, fortuna & consilia mala vicerunt: Atinio cum suis ad mare ac naves deducto, magis quia ipsi, ob imperium in se mite ac justum, consultum volebant, quam respectu Romanorum, Karthaginenses in urbem accipiunt. Consules à Benevento in Campanum agrum legiones ducunt, non ad frumenta modò, quæ jam in hibernis erant, corrumpenda, sed ad Capuam oppugnandam; nobilem se consulatum tam opulentæ urbis excidio rati facturos, simul & ingens flagitium imperio dempturos, quòd urbi tam propinquæ tertium annum impunita defectio esset. Ceterum, ne Beneventum sine præsidio esset, & ut ad subita belli, si Hannibal (quòd facturum haud dubitabant) ad opem ferendam fociis Capuam venisset, equites vim sustinere possent, Ti. Gracchum ex Lucanis cum equitatu ac levi armatura Beneventum venire jubent:

erant: legionibus stativisque ad obtinendas res in Lucanis aliquem præficeret

XVI. Graccho, priusquam ex Lucanis moveret, sacrificanti triste prodigium factum est. ad exta, sacrificio perpetrato, angues duo ex occulto allapsi, edere jecur, conspectique repentè ex oculis abierunt. id quum aruspicum monitu sacrificium instauraretur, atque intentius exta referata servarentur: iterum ac tertium venisse tradunt, libatoque jocinore intactos angues abisse. Quum aruspices, ad imperatorem id pertinere prodigium, præmonuissent, & ab occultis cavendum hominibus consultisque; nullà tamen providentià factum imminens moveri potuit. Flavius Lucanus fuit, caput partis ejus Lucanorum, quum pars ad Hannibalem defecisset, quæ cum Romanis stabat: & jam anno in magistratu erat; ab eisdem illis creatus prætor. Is, mutatà repentè voluntate, locum gratiæ apud Pœnum quærens, neque transire ipse, neque trahere ad defectionem Lucanos satis habuit, nisi imperatoris & ejusdem hospitis proditi capite ac sanguine foedus cum hostibus sanxisset. ad Magonem, qui in Brutiis præerat, clam in colloquium venit: fideque ab eo acceptà, si Romanum iis imperatorem tradidisset, liberos cum suis legibus venturos in amicitiam Lucanos; deducit Pœnum, in locum pacis Gracchum adducturus. Magonem ibi pedites equitesque armare, & capere eas latebras, ubi ingentem numerum occùleret, jubet. Loco satis inspecto atque undique explorato, dies composita gerendæ rei est. Flavius ad Romanum imperatorem venit: *Rem se, ait, magnam inchoasse, ad quam perficiendam ipsius Gracchi operâ opus esse. omnium populorum prætoribus, qui ad Pœnum in illo communi Italiæ motu descissent, persuasisse, ut redirent in amicitiam Romanorum: quando res quoque Romana, quæ propè exitium clade Cannensi venisset, in dies melior atque auctior fieret; Hannibalis vis senesceret; ac propè ad pibulum venisset. Veteri delicto baud implacabiles fore Ro-*

maius: nullam unquam gentem magis exorabilem, promptioremque venia danda fuisse. quoties rebellionem etiam majorum suorum ignotum? Hec ab se, ait, dicta: ceterum ab ipso Graccho eadem hac audire malle eos, presentisque contingere dextram: id pignus fidei secum ferre. Locum se consciscis dixisse à conspectu amotum, haud procul à castris Romanis. Ibi paucis verbis transigi rem posse, ut omne nomen Lucanum in fide ac societate Romana sit. Gracchus, fraudem & sermoni & rei abesse ratus, ac similitudine veri captus, cum listoribus ac turma equitum è castris profectus, duce hospite in insidias præcipitatur. Hostes subito exorti: &, ne dubia proditio esset, Flavius his se adiungit. tela undique in Gracchum atque equites conjiciuntur. Gracchus ex equo desilit. idem ceteros facere jubet, hortaturque, Ut, quod unum reliquum fortuna fecerit, id cobonestent virtute. Reliquum autem quid esse paucis, à multitudine in valle silvæ ac montibus septa circumventis, præter mortem? id referre, utrum præbentes corpora pecorum modo inulti trucidentur, an, toto animo à patiendo expectandoque eventu in impetum atque iram verso, agentes audacesque, perfusi hostium cruore, inter expirantium inimicorum cumulata armaque & corpora cadant. Lucanum proditorem ac transfugam omnes peterent. qui cum viliſsimam præ se ad inferos misisset, eum decus eximium egregiumque solatium suæ morti inventurum. Inter hæc dicta, paludamento circum lævum brachium intorto, (nam ne scuta quidem secum extulerant) in hostes impetum fecit. Major, quàm pro numero hominum, editur pugna. jaculis maximè aperta corpora Romanorum, & quum undique ex altioribus locis in cavam vallem coniectus esset, transfiguntur. Gracchum, jam nudatum præsidio, vivum capere Pœni nituntur. ceterum ille, conspicatus Lucanum hospitem inter hostes, adeo infestus confertos invasit, ut parti ei sine multorum perniciæ non posset. Exanimem eum Mago extemplo ad Hannibalem misit, ponique cum captis simul fascibus

bus ante tribunal imperatoris iussit. Hæc vera fama est. Gracchus in Lucanis ad campos, qui Veteres vocantur, perijt.

XVII. Sunt, qui in agro Beneventano, prope Calorem fluvium, ostendant à castris cum lictoribus ac tribus servis lavandi causâ progressum, quum fortè inter saxista innata ripis laterent hostes, nudum atque incernem, saxisque, quæ volvit amnis, propugnantem, interfectum. Sunt, qui aruspicum monitu quingentos passus à castris progressum, uti loco puro ea, quæ antè dicta prodigia sunt, procuraret, ab insidentibus fortè locum duabus turmis Numidarum circumventum scribant. adeo nec locus, nec ratio mortis in vico tam claro & insigni constat. Funeris quoque Gracchi varia est fama. Alii in castris Romanis sepultum ab suis, alii ab Hannibale (& ea vulgatioꝝ fama est) tradunt in vestibulo Punicorum castrorum rogam exstructum esse. armatum exercitum decucurrisse cum triplidiis Hispanorum, motibusque armorum & corporum suæ cuique genti assuetis, ipso Hannibale omni rerum verborumque honore exsequias celebrante. Hæc tradunt, qui in Lucanis rei gestæ auctores sunt. Si illis, qui ad Calorem fluvium interfectum memorant, credere velis, capitis tantum Gracchi hostes potiti sunt: eo delato ad Hannibalem, missus ab eo confestim Carthago, qui in castra Romana ad Cn. Cornelium quæstorem deferret. is funus imperatoris in castris, celebrantibus cum exercitu Beneventanis, fecit.

XVIII. Consules, agrum Campanum ingressi, quum passim popularentur, eruptione oppidanorum & Magonis cum equitatu territi & trepidi, ad signa milites palatos passim revocarunt: &, vixdum instructâ acie fusi, supra mille & quingentos milites amiserunt. Inde ingens ferocia superbæ suopte ingenio genti crevit, multisque proeliis laceſcebant Romanos: sed intentiones ad cavendum consules una pugna fecerat, incaute

atque inconsultè inita. Restituit tamen his animos, & illis minuit audaciam, parva una res. sed in bello nihil tam leve est, quod non magnæ interdum rei momentum faciat. T. Quintio Crispino Badius Campanus hospes erat, perfamiliari hospitio junctus. creverat consuetudo, quod æger Romæ apud Crispinum Badius ante defectionem Campanam liberaliter comiterque curatus fuerat. Tum Badius, progressus ante stationes, quæ pro porta stabant, vocari Crispinum iussit. quod ubi est Crispino nunciatum, ratus colloquium amicum ac familiare quæri, manente memoriâ, etiam in discidio publicorum fœderum, privati juris, paulum à ceteris processit. Postquam in conspectum venire, *Provoco te, inquit, ad pugnam, Crispine, Badius. Conscendamus equos, summotisque aliis, uter bello melior sit, decernamus.* Ad ea Crispinus, *nec sibi, nec illi, ait, hostes deesse, in quibus virtutem ostendant: se, etiamsi in acie occurrat, declinaturum, ne hospitali cade dextram violet.* conversusque abibat. Enimvero ferocius tum Campanus increpare mollitiem ignaviamque, & se digna probra in insontem jacere, *hospitalem hostem appellans, simulantemque parcere, cui sciat parem se non esse. si parum publicis fœderibus ruptis dirempta simul & privata jura esse putet, Badium Campanum, T. Quintio Crispino Romano palam, duobus exercitibus audientibus, renunciare hospitium. Nihil sibi cum eo confociatum, nihil fœderatum hosti cum hoste, cujus patriam ac penates publicos privatosque oppugnatum venisset. Si vir esset, congregederetur.* Diu cunctantem Crispinum perpulere turmales, ne impune insultare Campanum pateretur. itaque tantum moratus, dum imperatores consuleret, permitterentne sibi extra ordinem in provocantem hostem pugnare, permissu eorum arma cepit, equumque conscendit, & Badium, nomine compellans, ad pugnam evocavit. Nulla mora à Campano facta est. infestis equis concurrerunt. Crispinus supra scutum sinistrum humerum Badio hastâ transfixit.

xit, superque delapsus cum vulnere ex equo desiluit, ut pedes jacentem conficeret. Badius, priusquam opprimeretur, parmâ atque equo relicto, ad suos aufugit. Crispinus, equum, armaque capta, & cruentam cuspidem insignis spoliis ostentans, cum magna laude & gratulatione militum, ad consules est deductus, laudatusque ibi magnificè, & donis donatus.

XIX. Hannibal ex agro Beneventano castra ad Capuam quum movisset, tertio post die, quàm venit, copias in aciem eduxit: haudquaquam dubius, quòd Campanis, absente se, paucos antè dies secunda fuisset pugna, quin multo minùs se suumque toties victorem exercitum sustinere Romani possent. Ceterum, postquam pugnari cœptum est, equitum maximè incursum, quum jaculis obrueretur, laborabat Romana acies: donec signum equitibus datum est, ut in hostem admitterent equos. ita equestre prœlium erat; quum procul visus Sempronianus exercitus, cui Cn. Cornelius quæstor præerat, utrique parti parem metum præbuit, ne hostes novi adventarent. Velut ex composito utrinque signum receptui datum: reductique in castra propè æquo Marte discesserunt. plures tamen ab Romanis primo incursum equitum ceciderunt. Inde consules, ut averterent Capuâ Hannibalem, nocte, quæ secuta est, diversi, Fulvius in agrum Cumanum, Claudius in Lucanos abiit. Postero die, quum vacua castra esse Romanorum nunciatum Hannibali esset, & duobus agminibus diversos abiisse; incertus primò, utrùm sequeretur, Appium institit sequi. Ille, circumducto hoste, quâ voluit, alio itinere ad Capuam rediit. Hannibali alia in his locis bene gerendæ rei fortuna oblata est. M. Centenius fuit cognomine Pœnula, insignis inter primipili centuriones & magnitudine corporis & animo. is, perfunctus militiâ, per P. Cœnелиum Sullam prætorem in senatum introductus, petit à Patribus, uti sibi quinque millia militum darentur. *Se, peritum &*

hostis & regionum, brevi opera pretium facturum; & quibus artibus ad id locorum nostri & duces & exercitus capere forent, iis adversus inventorem usum. Id non promissum magis stolidè, quàm stolidè creditum: tanquam eadem militares & imperatoriae artes essent. data, pro quinque, octo millia militum; pars dimidia cives, pars socii: & ipse aliquantum voluntariorum itinere in agris concivit, ac, propè duplicato exercitu, in Lucanos pervenit; ubi Hannibal, nequicquam secutus Claudium, substiterat. Haud dubia res est, quippe inter Hannibalem ducem & centurionem, exercitusque, alteram vincendo veteranum, alteram novum totum, magna ex parte etiam tumultuarium ac semiermem. Ut conspecta inter se agmina sunt, & neutra pars detestavit pugnam, extemplo instructae acies. pugnatum tamen, ut in nulla pari re, duas amplius horas, concitata & donec dux stetisset, Romanâ acie. Postquam is, non pro vetere fama solum, sed etiam metu futuri dedecoris, si suâ temeritate contractae cladi superesset, obestans se hostium telis, cecidit, fusa extemplo est Romana acies. sed adeo ne fugae quidem iter patuit, omnibus viis ab equite infestis, ut ex tanta multitudinem vix mille evaserint; ceteri passim, alii aliâ peste, absumpti sunt.

XX. Capua à consulibus iterum summâ vi obsideri coepta est: quaeque in eam rem opus erant, comportabantur parabanturque. Casilinum frumentum convectum: ad Vulturii ostium, ubi nunc urbs est, castellum communitum: (antè Fabius Maximus munierat) praesidium impositum, ut mare proximum & flumen in potestate essent. In ea duo maritima castella frumentum, quod ex Sardinia nuper missum erat, quodque M. Junius praetor ex Etruria coëmerat, ab Ostia convectum est, ut exercitui per hiemem copia esset. Ceterum super eam cladem, quae in Lucanis accepta erat, volonum quoque exercitus, qui, vivo Graccho, summâ

ma fide stipendia fecerat, velut exauctoratus morte ducis, ab signis discessit. Hannibal non Capuam neglectam, neque, ut tanto discrimine, desertos volebat socios: sed, prospero ex temeritate unius Romani duceis successu, in alterius ducis exercitūque opprimendæ occasionem imminebat. Cn. Fulvium prætorem Apulii legati nunciabant, primò, dum urbes quasdam Apuliorum, quæ ad Hannibalem descivissent, oppugnaret, intentius rem egisse: postea nimio successu & ipsum & milites, prædâ impletos, in tantam licentiam socordiamque effusos, ut nulla disciplina militiæ esset. Quum sæpe alias, tum paucis diebus antè expertus, qualis sub inscio duce exercitus esset, in Apuliam castra movit.

XXI. Circa Herdoneam Romanæ legiones & prætor Fulvius erant. quò ubi allatum est, hostes adventare, propè est factum, ut injussu prætoris signis convulsis in aciem exirent. nec res ulla magis tenuit; quàm spes, haud dubia, suo id arbitrio, ubi vellent, acturos. Nocte insequenti Hannibal, quum tumultuatum in castris, & plerosque ferociter, signum ut daret, institisse ducem ad arma vocantes sciret, haud dubius prosperæ pugnæ occasionem dari, tria millia expeditorum militum in villis circà, vepribusque, & silvis disponit; qui, signo dato, simul omnes è latebris existerent: & Magonem ac duo ferme millia equitum, quâ fugam inclinaturam credebat; omnia itinera insidere jubet. his nocte præparatis, primâ luce in aciem copias educit. Nec Fulvius est cunctatus; non tam suâ ullâ spe, quàm militum impetu fortuito tractus. itaque eadem temeritate, quâ processum in aciem est, instruitur ipsa acies ad libidinem militum fortè procurentium consistentiumque, quò loco ipsorum tulisset animus, deinde per libidinem aut metum deserentium locum. prima legio & sinistra ala in primo instructæ, & in longitudinem porrecta acies. clamantibus tribunis, *nihil introrsus ro-*
boris ac virium esse, & quicumque impetum fecisset hostis,

perreptures: nihil, quod salutare esset, non modò ad animum, sed ne ad aures quidem admittebant. Et Hannibal, haudquaquam similis dux, neque simili exercitu, neque ita instructo aderat. ergo ne clamorem quidem atque impetum primum eorum Romani sustinuerunt. Dux, stultitiâ & temeritate Centenio par, animo nequaquam comparandus, ubi rem inclinâtam ac trepidantes suos vidit, equo arrepto cum ducentis ferme equitibus effugit: cetera à fronte pulsa, à tergo atque alis circumventa acies, eò usque est cæsa, ut ex duodeviginti millibus hominum duo millia haud amplius evaserint. castris hostes potiti sunt.

XXII. Hæ clades, super aliam alia, Romam quum essent nunciatae, ingens quidem & luctus & pavor civitatem cepit. sed tamen, quia consules, ubi summa rerum esset, ad id locorum prospere rem gererent, minus his cladibus commovebantur. Legatos ad consules mittunt C. Lætorium, M. Metilium, qui nunciarent, ut reliquias duorum exercituum cum cura colligerent: darentque operam, ne per metum ac desperationem hosti se dederent, (id quod post Cannensem accidisset cladem) & ut desertores de exercitu volonum conquirerent. Idem negotii P. Cornelio datum, cui & delectus mandatus erat: isque per fora conciliabulaque edixit, ut conquisitio volonum fieret, iique ad signa reducerentur. Hæc omnia intentissimâ curâ acta. Ap. Claudius consul, D. Junio ad ostium Vulturii, M. Aurelio Cottâ Puteolis præposito, qui, ut quæque naves ex Etruria ac Sardinia accessissent, ex templo in castra mitterent frumentum; ipse ad Capuam regressus, Q. Fulvium collegam invenit Casilini, omnia inde portantem molientemque ad oppugnandam Capuam. Tum ambo circumfoderunt urbem, & Claudium Neronem prætorem ab Sueffula ex Claudianis castris exciverunt. Is quoque, modico ibi præsidio ad tenendum locum relicto, ceteris omnibus copiis
ad

ad Capuam descendit. ita tria prætoria circa Capuam erecta, tres & exercitus diversis partibus opus aggressi, fossâ valloque circumdare urbem parant, & castella excitant modicis intervallis: multisque simul locis cum prohibentibus opera Campanis eo eventu pugnant, ut postremò portis muroque se contineret Campanus. Prius tamen, quàm hæc continuarentur opera, legati ad Hannibalem missi, qui quererentur, desertam ab eo Capuam, ac propè redditam Romanis: obtestarenturque, ut tunc saltem opem non circumfessis modò, sed etiam circumvallatis, ferret. Consulibus literæ à P. Cornelio prætore missæ, *Ut, priusquam clauderent Capuam operibus, potestatem Campanis facerent, ut, qui eorum vellent, exirent ab Capua, suasque res secum auferrent. Liberos fore suaque omnia habituros, qui ante Idus Martias exissent. post eam diem quique exissent, quique ibi mansissent, hostium futuros numero.* ea pronunciata Campanis, atque ita prædicta, ut ultro dicerent contumelias, minarenturque. Hannibal ab Herdonea Tarentum duxerat legiones; spe, aut vi, aut dolo, arcis Tarentinæ potiundæ. Quod ubi parum processit, ad Brundisium flexit iter, prodi id oppidum ratus. ibi quoque quum frustra tereret tempus, legati Campani ad eum venerunt, querentes simul, orantesque. quibus Hannibal magnificè respondit, & antea solvisse obsidionem, & nunc adventum suum consules non laturos. Cum hac spe dimissi legati, vix regredi Capuam, jam duplici fossâ valloque cinctam, potuerunt.

XXIII. Quum maximè Capua circumvallaretur, Syracusarum oppugnatio ad finem venit, præterquam vi ac virtute ducis exercitûsque, intestinâ etiam prodicione adjuta. Namque Marcellus initio veris incertus, utrùm Agrigentum ad Himilconem & Hippocratem verteret bellum, an obsidione Syracusas premeret, quanquam nec vi capi videbat posse inexpugnabilem: terrestri ac maritimo situ urbem, nec fame, quam pro-

pe liberi ab Karthagine commeatus alerent, tamen, ne quid inexpertum relinqueret, transfugas Syracusanos (erant autem apud Romanos aliqui nobilissimi viri, inter defectionem ab Romanis, quia ab novis consiliis abhorrebant, pulsi) colloquiis suæ partis tentare hominum animos iussit, & fidem dare, si traditæ forent Syracusæ, liberos eos ac suis legibus victuros esse. Non erat colloquii copia, quia multorum animi suspecti omnium curam oculosque converterant, ne quid falleret tale admissum. Servus unus exsulum, pro transfuga intromissus in urbem, conventis paucis, initium colloquendi de tali re fecit. deinde in piscatoria quidam navi, retibus operiti, circumvestique ita ad castra Romana, collocutique cum transfugis: & idem sæpius eodem modo alii atque alii. postremò ad octoginta facti. Et, quum jam composita omnia ad præditionem essent, indicio delato ad Epicydem per Attalum quendam, indignantem sibi rem creditam non esse, necati omnes cum cruciatu sunt. Alia subinde spes, postquam hæc vana evaserat, excepit. Damippus quidam Lacedæmonius, missus ab Syraculis ad Philippum regem, captus ab Romanis navibus erat. hujus utique redimendi & Epicydæ cura erat ingens; nec abnuvit Marcellus, jam tum Ætolorum, cujus gentis socii Lacedæmonii erant, amicitiam affectantibus Romanis. Ad colloquium de redemptione ejus missis, medius maximè atque utrisque opportunus locus, ad portum Trogiliorum, propter turrin, quam vocant Galeagram, est visus. quò quum sæpius commearent, unus ex Romanis, ex propinquo murum contemplatus, numerando lapides, æstimandoque ipse secum, quid in fronte paterent singuli, altitudinem muri, quantum proximè conjecturâ poterat, permensus, humilioremque aliquanto pristinâ opinione suâ & ceterorum omnium ratus esse, & vel mediocribus scalis superabilem, ad Marcellum rem desert. Haud spernenda visa. sed, quum adiri locus,

locus, qui ob idipsum intentius custodiebatur, non posset, occasio quærebatur: quam obtulit transfuga, nuncians, diem festum Dianæ per triduum agi, &, quia alia in obsidione desint, vino largius epulas celebrari, & ab Epicyde præbito universæ plebei, & per tribus à principibus diviso. Id ubi accepit Marcellus, cum paucis tribunorum militum collocutus, electisque per eos ad rem tantam agendam audendamque idoneis centurionibus militibusque, & scalis in occulto comparatis, ceteris signum dari jubet, ut maturè corpora curarent, quietique darent. nocte in expeditionem eundum esse. Inde ubi id temporis visum, quo de die epulatis jam vini satias principiumque somni esset, signi unius milites ferre scalas jussit; & ad mille ferè armati tenui agmine per silentium eò deducti. Ubi sine strepitu ac tumultu primi evaserunt in murum, secuti ordine alii; quum priorum audacia dubiis etiam animum faceret.

XXIV. Jam mille armatorum ceperant partem, quum ceteræ admotæ, pluribusque scalis in murum evadebant, signo ab Hexapylo dato; quò per ingentem solitudinem erat perventum, quia magna pars, in turribus epulati, aut sopiti vino erant, aut semigraves potabant. paucos tamen eorum oppressos in cubilibus interfecerunt. Prope Hexapylon est portula magna vi refringi cœpta; & è muro ex composito tuba datum signum erat. Et jam undique, non furtim, sed vi aperta, gerebatur res. quippe ad Epipolas, frequentem custodiis locum, perventum erat, terrendique magis hostes erant, quàm fallendi; sicut territi sunt. nam simul ac tubarum est auditus cantus, clamorque tenentium muros partemque urbis; omnia teneri custodes rati, alii per murum fugere, alii salire de muro, præcipitarique turba paventium. Magna pars tamen ignara tantæ mali erat, & gravatis omnibus vino somnoque, &, in vastæ magnitudinis urbe, partium sensu non satis per-

ticiente

tinente in omnia. Sub luce, Hexapylo effracto, Marcellus, omnibus copiis urbem ingressus, excitavit convertitque omnes ad arma capienda, opemque, si quam possent, jam captæ propè urbi ferendam. Epicydes, ab Insula, quam ipsi Nason vocant, citato profectus agmine, haud dubius, quin paucos, per negligentiam custodum transgressos murum, expulsurus foret, occurrentibus pavidis, tumultum augere eos, dictitans, & majora ac terribiora vero afferre, postquam conspexit omnia circa Epipolas armis completa, laceffito tantum hoste paucis missilibus, retro in Achradinam agmen convertit: non tam vim multitudinemque hostium metuens, quàm ne qua intestina fraus per occasionem oriretur, clausasque inter tumultum Achradinæ atque Insulæ inveniret portas. Marcellus, ut, moenia ingressus, ex superioribus locis urbem, omnium ferme illâ tempestate pulcherrimam, subjectam oculis vidit, illacrymâsse dicitur, partim gaudio tantæ perpetratæ rei, partim vetustâ gloriâ urbis. Atheniensium classes demersæ, & duo ingentes exercitus cum duobus clarissimis ducibus deleti, occurrebant, & tot bella cum Karthaginensibus tanto cum discrimine gesta; tot tam opulenti tyranni regesque; præter ceteros Hiero, quum recentissimæ memoriæ rex, tum ante omnia, quæ virtus ei fortunaque sua dederat, beneficiis in populum Romanum insignis. ea quum universâ occurrerent animo, subiretque cogitatio, jam illa momento horæ arfura omnia, & ad cineres reditura; priusquam signa Achradinam admoveret, præmittit Syracusanos, qui intra præsidia Romana, ut antè dictum est, fuerant, ut alloquio leni perlicerent hostes ad dedendam urbem.

XXV. Tenebant Achradinæ portas murosque maximè transfugæ, quibus nulla erat per conditiones veniæ spes: ii nec adire muros, nec alloqui quenkum passî. Itaque Marcellus, postquam id inceptum irritum fuit, ad Euryalum signa, referri jussit. tumulus est
in.

in extrema parte urbis versus à mari, viæque imminens ferenti in agros mediterraneaue insulæ, percommodè situs ad commeatus excipiendos. Præerat huic arci Philodemus Argivus, ab Epicyde impositus, ad quem missus à Marcello Sosus, unus ex intersectoribus tyranni, quum, longo sermone habito, dilatus per frustrationem esset, retulit Marcello, tempus cum ad deliberandum sumsisse. Quum is diem de die differret, dum Hippocrates atque Himilco admoverent castra legionisque, haud dubius, si in arcem accepisset eos, deleri Romanum exercitum inclusum muris posse; Marcellus, ut Euryalum neque tradi, neque capi vidit posse, inter Neapolim & Tycham (nomina partium urbis, & instar urbium sunt) posuit castra, timens, ne, si frequentia intrasset loca, contineri ab discursu miles avidus prædæ non posset. Legati eò ab Tycha & Neapoli cum insulis & velamentis venerunt, precantes, ut à cædibus & ab incendiis parceretur. De quorum precibus, quàm postulatis, magis consilio habito, Marcellus ex omnium sententia edixit militibus, *ne quis liberum corpus violaret. cetera præda futura.* castraque tectis parietum pro muro septa. portis regione platearum patentibus stationes præsidiaque disposuit, ne quis in discursu militum impetus in castra fieri posset. Inde, signo dato, milites discurrerunt: refractisque foribus, quum omnia terrore ac tumultu streperent, à cædibus tamen temperatum est. rapinis nullus antè modus fuit, quàm omnia diuturnâ felicitate cumulata bona egressere. Inter hæc & Philodemus, quum spes auxilii nulla esset, fide acceptâ, ut inviolatus ad Epicyden rediret, deducto præsidio, tradidit tumultum Romanis. Aversis omnibus ad tumultum ex parte captæ urbis, Bomilcar, noctem eam nactus, quâ propter vim tempestatis stare ad anchoram in salo Romana classis non posset, cum triginta quinque navibus ex portu Syracusano profectus, libero mari vela in altum dedit,

quin.

quinque & quinquaginta navibus Epicydæ & Syracusanis relictis: edoctisque Karthaginensibus, in quanto res Syracusana discrimine esset, cum centum navibus post paucos dies redit, multis (ut fama est) donis ex Hieronis gaza ab Epicyde donatus.

XXVI. Marcellus, Euryalo recepto præsidioque addito, unâ curâ erat liber, ne qua ab tergo vis hostium in arcem accepta inclusos impeditosque moenibus suos turbaret. Achradinam inde, trinis castris per idonea dispositis loca, spe ad inopiam omnium rerum inclusos redacturum, circumfedit. Quum per aliquot dies quietæ stationes utrinque fuissent, repente adventus Hippocratis & Himilconis, ut ultro undique oppugnantur Romani, fecit. nam & Hippocrates, castris ad magnum portum communitis, signoque iis dato, qui Achradinam tenebant, castra vetera Romanorum adortus est, quibus Crispinus præerat; & Epicydes eruptionem in stationes Marcelli fecit: & classis Punica littori, quod inter urbem & castra Romana erat, appulsa est; ne quid præsidii Crispino submitti à Marcello posset. Tumultum tamen majorem hostes præbuerunt, quàm certamen. nam & Crispinus Hippocratem non repulit tantùm munimentis, sed insecutus etiam est trepidè fugientem: & Epicydem Marcellus in urbem compulit. satisque jam etiam in posterum videbatur provisum, ne quid ab repentinis eorum excursionibus periculi foret. Accessit & pestilentia, commune malum, quod facîle utrorumque animos averteret à belli consiliis. nam tempore autumnii, & locis naturâ gravibus, multo tamen magis extra urbem, quàm in urbe, intoleranda vis æstûs per utraque castra omnium ferme corpora movit. Et primò temporis ac loci vitio & ægri erant, & moriebantur: postea curatio ipsa & contactus ægrorum vulgabat morbos: ut aut neglecti desertique, qui incidissent, morerentur, aut affidentes curantesque eadem vi morbi repletos secum trahe-

traherent: quotidianaque funera & mors ob oculos esset, & undique dies noctesque ploratus audirentur. postremò ita assuetudine mali efferaverant animos, ut non modò lacrimis iustoque comploratu prosequerentur mortuos, sed ne efferrent quidem, aut sepelirent, jacerentque strata exanima corpora in conspectu similem mortem exspectantium; mortuique ægros, ægri validos, cum metu, tum tabe ac pestifero odore corporum, conficerent. &, ut ferro potius morerentur, quidam invadebant soli hostium stationes. Multo tamen vis major pestis Pœnorum castra, quàm Romana, (diu circumsedendo Syracusas, cœlo aquisque adsuerant magis) affecerat. Ex hostium exercitu Siculi, ut primùm videre ex gravitate loci vulgari morbos, in suas quisque propinquas urbes dilapsi sunt. at Karthaginenses, quibus nusquam receptus erat, cum ipsis ducibus Hippocrate atque Himilcone, ad internecionem omnes perierunt. Marcellus, ut tanta vis ingruerat mali, traduxerat in urbem suos: infirmaque corpora testa & umbræ recreaverant. multi tamen ex Romano exercitu eadem peste absumpti sunt.

XXVII. Deleto terrestri Punico exercitu, Siculi, qui Hippocratis milites fuerant, in haud magna oppida, ceterum & situ & munimentis tuta, (tria millia alterum ab Syracusis, alterum quindecim abest) eò & commeatus è civitatibus suis comportabant, & auxilia arcessebant. Interea Bomilcar, iterum cum classe profectus Karthaginem, ita exposità fortunà sociorum, ut spem faceret, non ipsis modò salutarem opem ferri posse, sed Romanos quoque in capta quodammodo urbe capi, perpulit, ut onerarias naves quamplurimas omni copiâ rerum onustas secum mitterent, classemque suam augerent. igitur, centum triginta navibus longis & septingentis onerariis profectus à Karthagine, satis prosperos ventos ad trajiciendum in Siciliam habuit. sed iidem venti superare cum Pachynum prohibebant.

Bomil-

Bomilcaris adventus, famâ primò, dein præter spem morâ, quum gaudium & metum in vicem Romanis Syracusanisque præbuisset; Epicydes metuens, ne, si pergerent iidem, qui tum tenebant, ab ortu solis flare per dies plures venti, classis Punica Africam repeteret, traditâ Achradinâ mercenariorum militum ducibus, ad Bomilcarem navigat, classem in statione versâ in Africam habentem, atque timentem navale prælium, non tam quòd impar viribus aut numero navium esset, (quippe etiam plures habebat) quàm quòd venti aptiores Romanæ, quàm suæ, classi flarent, perpulit tandem, ut fortunam navalis certaminis experiri vellet. Et Marcellus, quum & Siculum exercitum ex tota insula conciri videret, & cum ingenti comœatu classem Punicam adventare, ne simul terrâ marique inclusus urbe hostium urgeretur, quanquam impar numero navium erat, prohibere aditu Syracusarum Bomilcarem constituit. Duæ classes infestæ circa promontorium Pachynum stabant, ubi prima tranquillitas maris in altum evexisset, concursuræ: Itaque, cadente jam Euro, qui per dies aliquot sævierat, prior Bomilcar movit: cujus prima classis petere altum visa est, quo faciliùs superaret promontorium. ceterum, postquam tendere ad se Romanas naves vidit, incertum quâ subitâ territus re, Bomilcar vela in altum dedit, missisque nunciis Heracleam, qui onerarias retro in Africam repetere juberent, ipse, Siciliam prætervectus, Tarentum petit. Epicydes, à tanta repenti destitutus spe, ne in obsidionem magna ex parte captæ urbis rediret, Agrigentum navigat, exspectaturus magis eventum, quàm inde quicquam moturus.

XXVIII. Quæ ubi in castra Siculorum sunt nunciata, Epicydem Syracusis excessisse, à Karthaginienſibus relictam insulam, & propè iterum Romanis traditam; legatos de conditionibus dedendæ urbis, exploratâ priùs per colloquia voluntate eorûm, qui obsidebantur,
ad

ad Marcellum mittunt. Quum haud ferme discreparet, quin, quæ ubique regum fuissent, Romanorum essent; Siculis cetera cum libertate ac legibus suis servarentur; evocatis ad colloquium his, quibus ab Epicyde creditæ res erant, *missos se simul ad Marcellum, simul ad eos ab exercitu Siculorum*, aiunt, *ut una omnium, qui obsiderentur, quique extra obsidionem essent, fortuna esset; neve alteri propriè sibi paciscerentur quicquam*. Recepti deinde ab iis, ut necessarios hospitesque alloquerentur, expositis, quæ pacta jam cum Marcello haberent, oblatà spe salutis perpulere eos, ut secum præfectos Epicydis, Polyclitum, & Philistionem, & Epicydem, cui Sindon cognomen erat, aggredierentur. interfectis iis, & multitudine ad concionem vocatà, & inopiam, quâ ipsi inter se fremere occultè soliti erant, conquesti, *quanquam tot mala urgerent, negârunt, fortunam accusandam esse, quodd in ipsorum esset potestate, quamdiu ea paterentur*. Romanis causam oppugnandi Syracusas fuisse caritatem Syracusanorum, non odium: nam, ut occupatas res ab satellitibus Hannibalis, deinde Hieronymi, Hippocrate atque Epicyde audierint, tum bellum movisse, & obsidere urbem cœpisse, ut crudeles tyrannos ejus, non ut ipsam urbem, expugnarent. Hippocrate verò interempto, Epicyde intercluso ab Syracusis, & præfectis ejus occisis, Karthaginensibus omnî possessione Sicilia terrâ marique pulsîs, quam superesse causam Romanis, cur non, perinde ac si Hiero ipse viveret, unus Romanae amicitia cultor, incolumes Syracusas esse velint? Itaque nec urbi nec hominibus aliud periculum, quàm ab semet ipsis, esse, si occasionem reconciliandi se Romanis prætermisissent. eam autem, qualis illo momento hora sit, nullam deinde fore, simul liberatos ab impotentibus tyrannis apparuisset.

XXIX. Omnium ingenti assensu audita ea oratio est. Prætores tamen priùs creari, quàm legatos nominari, placuit. ex ipsorum deinde prætorum numero missi oratores ad Marcellum. quorum princeps, *Neque primò, inquit, Syracusani à vobis defecimus, sed Hieronymus,*

mus, nequaquam tam in vos impius, quàm in nos : nec postea pacem, tyranni cade compositam, Syracusanus quisquam, sed satellites regii Hippocrates atque Epicydes, oppressis nobis hinc metu, hinc fraude, turbaverunt. nec quisquam dicere potest, aliquando nobis libertatis tempus fuisse, quod pacis vobiscum non fuerit. Nunc certe cade eorum qui oppressas tenebant Syracusas, quum primùm nostri arbitrii esse cœpimus, extemplo venimus ad tradenda arma; dedendos nos, urbem, mœnia : nullam recusandam fortunam, quæ imposita à vobis fuerit. Gloriam capta nobilissima pulcherrimaque urbis Græcarum Dei tibi dederunt, Marcelle. quicquid unquam terræ marique memorandum gessimus, id tui triumphi titulo accedit. Famane credi velis, quanta urbs à te capta sit, quàm posteris quoque eam spectaculo esse, (quò quisque terrâ, quisque mari venerit, nunc nostra de Atheniensibus Karthaginensibusque tropæa, nunc tua de nobis ostendat) incolumesque Syracusas familiæ vestræ sub clientela nominis Marcellorum tutelaque habendas tradas? Ne plus apud vos Hieronymi, quàm Hieronis, memoria momenti faciat. diutius ille multo amicus fuit, quàm hic hostis : & illius etiam benefacta persensistis ; hujus amentia ad perniciem tantum ipsius valuit. Omnia & impetrabilia & tuta erant apud Romanos. inter ipsos plus belli ac periculi erat. Namque transfugæ, tradi se Romanis ratî, mercenariorum quoque militum auxilia in eundem compulere metum : arreptisque armis prætores primùm obtruncant, inde ad eandem Syracusanorum discurrunt : quosque fors obtulit, irati interfecere, atque omnia, quæ in promptu erant, diripuerunt. tum, ne sine ducibus essent, sex præfectos creavere, ut terni Achradinæ ac Naso præessent. Sedato tandem tumultu, exsequentibus sciscitando mercenariis, quæ acta cum Romanis essent, dilucere, id quod erat, cœpit ; aliam suam ac perfugarum causam esse.

XXX. In tempore legati à Marcello redierunt, falsâ eos suspitione incitatos memorantes, nec causam
expe-

expetendæ pœnæ eorum ullam Romanis esse: Erat ex tribus Achradinæ præfectis Hispanus, Mericus nomine. ad eum inter comites legatorum de industria unus ex Hispanorum auxiliaribus est missus: qui, sine arbitris Mericum nactus, primum, quo in statu reliquisset Hispaniam, (& nuper inde venerat) exponit. *Omnia Romanis ibi obtineri armis. posse eum, si opera pretium faciat, principem popularium esse: seu militare cum Romanis, seu in patriam reverti libeat. Contrà, si malle obsideri pergat, quam spem esse terrâ marique clauso?* Motus his Mericus, quum legatos ad Marcellum mitti placuisset, fratrem inter eos mittit: qui, per eundem illum Hispanum secretus ab aliis ad Marcellum deductus, quum fidem accepisset, composuissetque agendæ rei ordinem, Achradinam redit. Tum Mericus, ut ab suspicione prodicionis averteret omnium animos, negat, *sibi placere, legatos commeatu ultro citroque, neque recipiendum quenquam, neque mittendam: &, quo intentius custodie ferventur, opportuna loca dividenda præfectis esse, ut suæ quisque partis tutandæ reus sit.* Omnes assensi sunt partibus dividendis: ipsi regio evenit ab Arethusa fonte usque ad ostium magni portûs. id ut scirent Romani, fecit. Itaque Marcellus nocte navim onerariam cum armatis remulco quadriremis trahi ad Achradinam iussit, exponique milites regione portæ, quæ prope fontem Arethusam est. Hoc quum quartâ vigiliâ factum esset, expositosque milites portâ, ut convenerat, recepisset Mericus; luce primâ Marcellus omnibus copiis mœnia Achradinæ aggreditur: ita ut non eos solum, qui Achradinam tenebant, in se convertêret, sed ab Naso etiam agmina armatorum concurrerent, relictis stationibus suis, ad vim & impetum Romanorum arcendum. In hoc tumultu æstuariæ naves, instructæ jam antè circumvestæque, ad Nasum armatos exponunt, qui, improvisò adorti semiplenas stationes & adapertas fores portæ, quâ paulo antè excurrerant armati,

mati, haud magno certamine Nasum cepere, desertam trepidatione & fugâ custodum. neque ullis minus præsidii aut pertinaciæ ad manendum, quàm transfugis, fuit: quia, ne suis quidem satis credentes se, medio certamine effugerunt. Marcellus ut captam esse Nasum didicit, & Achradinæ regionem unam teneri, Mericumque cum præsidio suis adjunctum, receptui cecinit: ne regiæ opes, quarum fama major, quàm res, erat, diriperentur.

XXXI. Suppresso impetu militum, & iis, qui in Achradina erant, transfugis spatium locusque fugæ datus est; & Syracusani, tandem liberi metu, portis Achradinæ apertis, oratores ad Marcellum mittunt, nihil petentes aliud, quàm incolumitatem sibi liberisque suis. Marcellus, concilio advocato, & adhibitis etiam Syracusanis, qui per seditiones pulsi ab domo intra præsidia Romana erant, respondit: *non plura per annos quinquaginta benefacta Hieronis, quàm paucis his annis maleficia eorum, qui Syracusas tenuerint, erga populum Romanum esse. sed pleraque eorum, quò debuerint, recidisse; fœderumque ruptorum ipsos ab se graviores multo, quàm populus Romanus voluerit, pœnas exegisse. Se quidem tertium annum circumfedere Syracusas: non ut populus Romanus servam civitatem haberet, sed ne transfugarum duces captam & oppressam tenerent. Quid potuerint Syracusani facere, exemplo vel eos Syracusanorum esse, qui intra præsidia Romana fuerint, vel Hispanum ducem Mericum, qui præsidium tradiderit, vel ipsorum Syracusanorum postremo, serum quidem, sed forte consilium. Omnium sibi laborum periculorumque, circa mœnia Syracusana terrâ marique tam diu exhaustorum, nequaquam tantum fructum esse, quàm capere Syracusas potuisse. Inde quæstor cum præsidio ad Nasum ad accipiendam pecuniam regiam custodiendamque missus. urbs diripienda militi data est, custodibus divisus per domos eorum, qui intra præsidia Romana fuerant. Quum multa iræ, multa avaritiæ, fœda exempla ederentur, Archime-*

chimedon, memoriæ proditum est, in tanto tumultu, quantum capta urbs in discursu diripientium militum ciere poterat, intentum formis, quas in pulvere descripserat, ab ignaro milite, quis esset, interfectum. ægre id Marcellum tulisse, sepulturæque curam habitam: & propinquis etiam inquisitis honori præsidioque nomen ac memoriam ejus fuisse. Hoc maxime modo Syracusæ captæ: in quibus prædæ tantum fuit, quantum vix captâ Karthagine tum fuisset, cum qua viribus æquis certabatur. Paucis antè diebus, quàm Syracusæ caperentur, T. Otacilius cum quinquere milibus octoginta Uticam ab Lilybæo transmisit: &, quum ante lucem portum intrasset, onerarias frumento onustas cepit: egressusque in terram, depopulatus est aliquantum agri circa Uticam, prædamque omnis generis retro ad naves egit. Lilybæum tertio die, quàm inde profectus erat, cum centum triginta onerariis navibus frumento prædæque onustis rediit: idque frumentum extemplo Syracusas misit. quod ni tam in tempore subvenisset, victoribus victisque pariter perniciosa famæ instabat.

XXXII. Eadem æstate in Hispania, quum biennio ferme nihil admodum memorabile factum esset, consiliisque magis, quàm armis, bellum gereretur, Romani imperatores egressi hibernis copias conjunxerunt. ibi concilium advocatum, omniumque in unum congruerunt sententiæ; quando ad id locorum id modò actum esset, ut Hasdrubalem tendentem in Italiam retinerent; tempus esse id jam agi, ut bellum in Hispania finiretur: & satis ad id virium credebant accessisse, viginti millia Celtiberorum eâ hieme ad arma excitata. Tres exercitus erant. Hasdrubal Gisgonis filius & Mago, conjunctis castris, quinque ferme dierum inter ab Romanis aberant. Propior erat Hamilcaris filius Hasdrubal, vetus in Hispania imperator. ad urbem nomine Anitorgin exercitum habebat. Eum volebant

lebant prius opprimi duces Romani : & spes erat satis superque ad id virium esse. illa restabat cura, ne, fuso eo perculsi, alter Hasdrubal & Mago, in avios saltus montesque recipientes sese, bellum extraherent. Optimum igitur rati, divisas bifariam copiis, totius simul Hispaniæ amplecti bellum : ita inter se diviserunt, ut P. Cornelius duas partes exercitus Romanorum sociorumque adversus Magonem duceret atque Hasdrubalem ; Cn. Cornelius cum tertia parte veteris exercitus, Celtiberis adjunctis, cum Hasdrubale Barcino bellum gereret. Unâ profecti ambo duces exercitusque, Celtiberis prægredientibus, ad urbem Anitorgin in conspectu hostium, dirimente amni, ponunt castra. Ibi Cn. Scipio, cum quibus antè dictum est copiis, subsistit, & P. Scipio profectus ad destinatam belli partem.

XXXIII. Hasdrubal postquam animadvertit, exiguum Romanum exercitum in castris, & spem omnem in Celtiberorum auxiliis esse ; peritus omnis barbaricæ, & præcipuè omnium earum gentium, in quibus per tot annos militabat, perfidiæ, facili linguæ commercio, quum utraque castra plena Hispanorum essent, per occulta colloquia paciscitur magnâ mercede cum Celtiberorum principibus, ut copias inde abducant. Nec atrox visum facinus. non enim, ut in Romanos verterent arma, agebatur : & merces, quanta vel pro bello satis esset, dabatur, ne bellum gererent : & quum quies ipsa, tum reditus domum fructusque videndi suos suæque, grata vulgo erant. Itaque non ducibus facilius, quàm multitudini, persuasum est : simul ne metus quidem ab Romanis erat, quippe tam paucis, si vi retinerent. Id quidem cavendum semper Romanis ducibus erit, exempla quæ hæc verè pro documentis habenda, ne ita externis credant auxiliis, ut non plus sui roboris suarumque propriè virium in castris habeant. Signis repente sublati, Celtiberi abeunt, nihil aliud querentibus causam obtestantibusque, ut manerent, Romanis

manis respondentes, quàm domestico se àvocari bello. Scipio, postquam socii nec precibus, nec vi retineri poterant, nec se aut parem sine illis hosti esse, aut fratri rursus conjungi vidit posse, nec ullum aliud salutare consilium in promptu esse, retro, quantum posset, cedere statuit; in id omni curà intentus, necubi hosti æquo se committeret loco; qui, transgressus flumen, propè vestigiis abeuntium insistebat.

XXXIV. Per eosdem dies P. Scipionem par terror, periculum majus ab novo hoste, urgebat. Masinissa erat juvenis, eo tempore socius Karthaginensium, quem deinde clarum potentemque Romana fecit amicitia. is tum cum equitatu Numidarum & adveniēti P. Scipioni occurrit, & deinde assidue dies noctesque infestus aderat, ut non vagos tantum, procul à castris lignatum pabulatumque progressos, exciperet, sed ipsis obequitaret castris, investusque in medias sæpe stationes, omnia ingenti tumultu turbaret. noctibus quoque sæpe incursu repentino in portis valloque trepidatum est: nec aut locus, aut tempus ullum vacuum à metu ac sollicitudine erat Romanis: compulsisque intra vallum, adempto rerum omnium usu, quum propè justa obsidio esset, futuramque arctiorem eam appareret, si se Indibilis, quem cum septem millibus & quingentis Sueffetanorum adventare fama erat, Pœnis conjunxisset; dux cautus & providens Scipio, victus necessitatibus, temerarium capit consilium, ut nocte Indibili obviam iret: &, quocunque occurrisset loco, prælium confereret. Relicto igitur modico præsidio in castris, præpositoque T. Fontejo legato, medià nocte profectus, cum obviis hostibus manus conferuit. Agmina magis, quàm acies, pugnabant: superior tamen, ut in tumultuaria pugna, Romanus erat. ceterum & equites Numidæ repente, quos fefellisse se dux ratus erat, ab lateribus circumfusi, magnum terrorem intulere. Contrastò adversus Numidas certamine novo, ter-

TOM. II. S tius

tius insuper advenit hostis, duces Pœni affecuti ab tergo jam pugnantes: ancepsque prælium Romanos circumsteterat, incertos in quem potissimum hostem, quamve in partem conferti eruptionem facerent. Pugnantibus hortantique imperatori, & offerenti se ubi plurimus labor erat, latus dextrum lanceâ trajicitur: cuneusque is hostium, qui in confertos circa ducem impetum fecerat, ut exanimem labentem ex equo Scipionem vidit, alacres gaudio cum clamore per totam aciem nunciantes discurrunt, imperatorem Romanum cecidisse. Hæc pervagata passim vox, ut & hostes haud dubiè pro victoribus, & Romani pro victis essent, fecit. Fuga confestim ex acie, duce amisso, fieri coëpta est. ceterum ut ad erumpendum inter Numidas leviumque armorum alia auxilia haud difficilis res erat; ita effugere tantum equitum, æquantiumque equos velocitate peditum, vix poterant: cæsi que propè plures in fuga, quàm in pugna, sunt. nec superfuisset quisquam, ni præcipiti jam ad vesperum die nox intervenisset.

XXXV. Haud segniter inde duces Pœni fortunâ usi, confestim è prælio, vix necessariâ quiete datâ militibus, ad Hasdrubalem Hamilcaris citatum agmen rapiunt, non dubiâ spe quum juncti essent, debellari posse. Quò ubi est ventum, inter exercitus ducesque, victoriâ recenti lætos, gratulatio ingens facta, imperatore tanto cum omni exercitu deleta, & alteram pro haud dubio parem victoriam exspectantes. Ad Romanos nondum quidem fama tantæ cladis pervenerat, sed mœstum quoddam silentium erat, & tacita divinatîo; qualis jam præsagientibus animis imminentis mali esse solet. Imperator ipse, præterquam quòd ab sociis se desertum, hostium tantum auctas copias sentiebat, conjecturâ etiam & ratione ad suspicionem acceptæ cladis, quàm ad ullam bonam spem, pronior erat. *Quonam modo enim Hasdrubalem ac Magonem, nisi defunctos*

Etos suo bello, sine certamine adducere exercitum potuisse? Quomodo autem non obstitisse, aut ab tergo secutum fratrem? ut, si prohibere, quo minùs in unum coirent & duces & exercitus hostium, non posset, ipse certe cum fratre conjungere copias. His anxius curis id modò esse salutare in præsens credebat, cedere inde, quantum posset: & inde unà nocte, ignaris hostibus, & ob id quietis, aliquantum emensus est iter. Luce, ut senserunt profectos hostes, præmissis Numidis, quàm poterant maximè citato agmine sequi cœperunt: ante noctem assecuti Numidæ, nunc ab tergo, nunc in latera incurstantes. Consistere cœperunt, ac tutari agmen, quantum possent; tamen, tutò ut simul pugnarent procederentque, Scipio hortabatur, priusquam pedestres copię assequerentur.

. XXXVI. Ceterùm nunc agendo, nunc sustinendo agmen, quum aliquandiu haud multum procederetur, & nox jam instaret, revocat è prælio suos Scipio: & collectos in tumulum quendam, non quidem satis tutum, (præsertim agmini perculso) editiorem tamen, quàm cetera circà erant, subducit. Ibi primò, impedimentis & equitatu in medium receptis, circumdati pedites haud difficulter impetus incurfantium Numidarum arcebant: dein, postquam toto agmine tres imperatores cum tribus jussis exercitibus aderant, apparebatque, parum armis ad tuendum locum sine munimento valituros esse; circumspectare atque agitare dux cœpit, si quo modo posset vallum circuminjicere. sed erat adeo nudus tumulus & asperi soli, ut nec virgulta vallo cædendo, nec terrâ cespiti faciendo, aut ducendæ fossæ, aliive ulli operi apta inveniri posset: nec naturâ quicquam satis arduum aut abscisum erat, quod hosti aditum ascensumve difficilem præberet; omnia fastigio leni subvexa. Ut tamen aliquam imaginem valli objicerent, clitellas illigatas oneribus, velut struentes ad altitudinem solitam, circumdabant; cumulo farinarum omnis generis objecto, ubi ad moliendum cli-

tellæ defuerant. Punici exercitus postquam advenere, in tumulum quidem perfacile agmen erexere, muniti-
onis verò facies nova primò eos velut miraculo quo-
dam tenuit, quum duces undique vociferarentur, *Quid
starent? & non ludibrium illud, vix feminis puerisve moran-
dis satis validum, distraberent diriperentque?* Captum ho-
stem teneri, latentem post sarcinas. Hæc contemptim du-
ces increpabant. ceterum, neque transilire, neque mo-
liri onera objecta, nec cedere stipatas clitellas, ipsisque
obrutas sarcinis, facile erat. Tardatis diu quum a-
molita objecta onera armatis dedissent viam, pluribus-
que idem partibus fieret, capta jam undique castra e-
rant: pauci ab multis, perculsi que à victoribus passim
cædebantur. Magna pars tamen militum, quum in
propinquas refugisset silvas, in castra P. Scipionis, qui-
bus T. Fonteius legatus præerat, perfugerunt. Cn.
Scipionem alii in tumulo primo impetu hostium cæsum
tradunt: alii cum paucis in propinquam castris turrim
perfugisse. hanc igni circumdatam, atque ita exustis
foribus, quas nullà moliri potuerunt vi, captam; o-
mnesque intus cum ipso imperatore occisos. Anno
octavo, postquam in Hispaniam venerat, Cn. Scipio,
undetrigesimo die post fratris mortem, est interfectus.
Luctus ex morte eorum non Romæ major, quàm per
totam Hispaniam, fuit. Quin apud cives partem do-
loris & exercitus amissi, & alienata provincia, & pu-
blica trahebat clades. Hispaniæ ipsos lugebant deside-
rabantque duces: Cnæum tamen magis, quo diutius
præfuerat iis, priorque & favorem occupaverat, & spe-
cimen justitiæ temperantiæque Romanæ primus dede-
rat.

XXXVII. Quum deletus exercitus amissæque Hispa-
niæ viderentur, vir unus res perditas restituit. Erat in
exercitu L. Marcius Septimi filius, eques Romanus,
impiger juvenis, animique & ingenii aliquanto, quàm
pro fortuna, in qua erat natus, majoris. ad summam
indo-

indolem accesserat Cn. Scipionis disciplina : sub qua per tot annos omnes militiæ artes edoctus fuerat. Hic, & ex fuga collectis militibus, & quibusdam de præsidiiis deductis, haud contemnendum exercitum fecerat, junxeratque cum T. Fontejo P. Scipionis legato. Sed tantum præstitit eques Romanus auctoritate inter milites atque honore, ut, castris citra Iberum communitis, quum ducem exercituum comitiis militaribus creari placuisset, subeuntes alii aliis in custodiam valli stationesque, donec per omnes suffragium iret, ad L. Marcium cuncti summam imperii detulerint. Omne inde tempus (exiguum id fuit) muniendis castris convehendisque com meatibus consumptum : & omnia imperia milites, quum impigre, tum haudquaquam abjecto animo, exsequebantur. Ceterum postquam Hasdrubalem Gisgonis, venientem ad reliquias belli delendas, transisse Iberum, & appropinquare allatum est, signumque pugnae propositum ab novo duce milites viderunt; recordati, quos paulo antè imperatores habuissent, quibusque & ducibus & copiis freti prodire ad pugnam soliti essent, flere omnes repente & offensare capita : & alii manus ad cælum tendere, Deos incusantes : alii, strati humi, suum quisque nominatim ducem implorare. neque sedari lamentatio poterat, excitantibus centurionibus manipulares, & ipso mulcente & increpante Marcio, *quid in muliebres & inutiles se projecissent fletus potius, quam ad tutandos semet ipsos & rempublicam secum acuerent animos, & ne inultos imperatores suos jacere sinerent?* Quum subito clamor tubarumque sonus (jam enim prope vallum hostes erant) exauditur. inde, verso repente in iram luctu, discurrere ad arma : ac, velut accensi rabie, discurrunt ad portas, & in hostem, negligenter atque in compositè vententem, incurrunt. Extemplo improvisa res pavorem incutit Pœnis : mirabundique unde tot hostes tam subito exorti propè deleti exercitu forent, unde tanta

audacia, tanta fiducia sui victis ac fugatis, quis imperator duobus Scipionibus cæsis extitisset, quis castris præesset, quis signum dedisset pugnae; ad hæc tot tam necopinata, primò omnium incerti stupentesque referunt pedem: dein, validâ impressione pulsî, terga vertunt. Et aut fugientium cædes foeda fuisset, aut temerarius periculosusque sequentium impetus, ni Marcius propere receptui dedisset signum, obsistensque ad prima signa, quosdam & ipse retinens, concitatam repressisset aciem. inde in castra avidos adhuc cædisque & sanguinis reduxit. Karthaginenses, trepidè primò ab hostium vallo acti, postquam neminem insequi viderunt, metu substitisse rati, contemptim rursus & sedato gradu in castra abeunt. Par negligentia in castris custodiendis fuit. nam, etsi propinquus hostis erat, tamen reliquias eum esse duorum exercituum ante paucos dies deletorum succurrebat. Ob hoc quum omnia neglecta apud hostes essent, exploratis iis, Marcius ad consilium, primâ specie temerarium magis, quàm audax, animum adiecit, ut ultro castra hostium oppugnaret: facilius esse ratus, unius Hasdrubalis expugnari castra, quàm, si se rursus tres exercitus ac tres duces junxissent, sua defendi: simul aut, si successisset coeptis, recepturum se afflictas res: aut, si pulsus esset, tamen ultro inferendo arma, contemptum sui denturum.

XXXVIII. Ne tamen subita res & nocturnus terror etiam non suæ fortunæ consilium perturbaret, alloquendos adhortandosque sibi milites ratus, concione advocatâ ita disseruit: *Vel mea erga imperatores nostros vivos mortuosque pietas, vel præsens omnium nostrum, milites, fortuna fidem cuivis facere potest, mihi hoc imperium, ut amplum iudicio vestro, ita re ipsâ grave ac sollicitum esse. Quo enim tempore, nisi metus marorem obstupesceret, vix ita compos mei essem, ut aliqua solatia invenire agro animo possem; cogor vestram omnium vicem (quod difficillimum*

num in luctu est) unus consulere. & ne tum quidem, ubi, quonam modo has reliquias duorum exercituum patriæ conseruare possim, cogitandum est, avertere animum ab assiduo mœrore libet. Presto est enim acerba memoria, & Scipiones me ambo dies noctesque caris insomniisque agitant, & excitant sæpe somno; neu se, neu inuictos per octo annos in his terris milites suos, commilitones vestros, neu rempublicam patiar insultam, & suam disciplinam suaque instituta sequi iubent: & ut imperiis vivorum nemo obedientior me uno fuerit, ita post mortem suam, quod quaque in re facturos illos fuisse maxime censeam, id optimum ducere. Vos quoque velim, milites, non lamentis lacrimisque tanquam extinctos prosequi, (vivunt vigentque famâ rerum gestarum) sed, quotiescunque occurreret memoria illorum, velut si adhortantes signumque dantes videatis eos, ita prælia inire. Nec alia profectò species, hesterno die oculis animisque vestris oblata, memorabile illud edidit prælium: quo documentum dedistis hostibus, non cum Scipionibus extinctum esse nomen Romanum; & cujus populi vis atque virtus non obruta sit Caduensi clade, ex omni profectò savitia fortune emergsuram esse. Nunc, quia tantum ausi estis sponte vestrà, experiri libet, quantum audeatis duce vestro victore. non enim hesterno die, quam signum receptui dedi sequentibus effusè vobis turbatum hostem, frangere audaciam vestram, sed differre in maiorem gloriam atque opportunitatem, volui: ut postmodo preparati incautos, armati inermes, atque etiam sopitos, per occasionem aggredi possetis. Nec huius occasionis spem, milites, fortè temere, sed ex re ipsa conceptam habeo. A vobis quoque profectò si quis querat, quonam modo pauci à multis, victi à victoribus castra tutati sitis; nihil aliud respondeatis, quàm idipsum timentes vos omnia & operibus firmata habuisse, & ipsos paratos instructosque fuisse. Et ita se res habet. ad id, quod ne timeatur, fortuna facit, minimè tuti sunt homines: quia, quod neglexeris, incautum atque apertum habeas. Nihil omnium nunc minùs metuumus hostes, quàm ne obsessi modò ipsi atque oppugnati castra sua ultro oppugnemus. Audeamus, quod credi non potest ausuros

nos. eo ipso, quod difficillimum videtur, facillimum erit. Tertiâ vigiliâ noctis silenti agmine ducam vos. exploratum habeo, non vigiliarum ordinem, non stationes justas esse. Clamor in portis auditus & primus impetus castra ceperit. tum inter torpidos somno, paventesque ad necopinatum tumultum, & inermes in cubilibus suis oppressos, illa cades edatur, à qua vos hosterno die revocatos agre ferebatis. Scio, audax videri consilium: sed in rebus asperis & tēnui spe fortissima quæque consilia tutissima sunt. quia, si in occasionis momento, cujus prætervolat opportunitas, cunctatus paulum fueris, nequicquam mox omissum queras. Unus exercitus in propinquo est: duo baud procul absunt. nunc aggredientibus spes aliqua est: & jam tentâstis vestras atque illorum vires. Si diem proferimus, & besternæ eruptionis famâ contemni desierimus, periculum est, ne omnes duces, omnes copię convenient. Tres deinde duces, tres exercitus sustinebimus hostium, quos Cn. Scipio incolumi exercitu non sustinuit? Ut dividendo copias perire duces nostri, ita separati ac divisi opprimi possunt hostes. alia belli gerendi via nulla est.* proinde nihil, præter noctis proximæ opportunitatem, expectemus. Ite, Deis bene juvantibus, corpora curate, ut integri vigentesque eodem animo in castra hostium irrumpatis, quo vestra tutati estis. Læti & audire ab novo duce novum consilium, & quo audacius erat, magis placebat. reliquum diei expediendis armis & curatione corporum consumptum: & major pars noctis quieti data est. quartâ vigiliâ movere.

XXXIX. Erant ultra proxima castra sex millium intervallo distantes aliæ copię Pœnorum. Vallis cava intererat, condensâ arboribus. in hujus silvæ medio ferme spatium cōhōrs Romana arte Punicâ abditur, & equites. Ita medio itinere intercepto, ceteræ copię silenti agmine ad proximos hostes ductæ. & quum statio nulla pro portis, neque in vallo custodiæ essent, velut in sua castra, nullo usquam obsistente, penetrare. Inde signa canunt, & tollitur clamor. Pars se-

mi-

misomnos hostes cædunt: pars ignes casis, stramento
 arido testis, injiciunt: pars portas occupant, ut fu-
 gam intercludant. Hostes simul ignis, clamor, cædes,
 velut alienatos sensibus, nec audire, nec providere
 quicquam sinunt. incidunt inermes inter catervas ar-
 matorum; alii ruunt ad portas, alii obseptis itineribus
 super vallum saliant: &, ut quisque evaserat, proti-
 nus ad castra altera fugiunt: ubi ab cohorte & equiti-
 bus ex occulto procurrentibus circumventi, cæsi que
 ad unum omnes sunt. quanquam, etiam si quis ex ea
 cæde effugisset, adeo raptim captis propioribus castris
 in altera transcursum castra ab Romanis est, ut præve-
 nire nuncius cladis non posset. Ibi verò, quo longius
 ab hoste aberant, & quia sub lucem pabulatum, ligna-
 tum, & prædatum quidam dilapsi fuerant, neglecta
 magis omnia ac soluta invenere: arma tantum in sta-
 tionibus posita: milites inermes, aut humi sedentes
 accubantesque, aut obambulantes ante vallum portas-
 que. Cum his tam securis solutisque Romani, calen-
 tes adhuc ab recenti pugna, ferocesque victoriâ, præ-
 lium ineunt. Itaque nequaquam resisti in portis po-
 tuit. intra portas, concursu ex totis castris ad primum
 clamorem & tumultum facto, atrox prælium oritur:
 diuque tenuisset, ni cruenta scuta Romanorum visa,
 indicium alterius cladis Pœnis, atque inde pavorem in-
 jecissent. Hic terror in fugam avertit omnes: effusi-
 que, quâ iter est, nisi quos cædes oppressit, exuuntur
 castris. Ita nocte ac die bina castra hostium expugna-
 ta ductu L. Marcii. Ad triginta septem millia hosti-
 um cæsa, auctor est Claudius, qui annales Acilianos ex
 Græco in Latinum sermonem vertit: captos ad mille
 octingentos triginta: prædam ingentem partam. in ea
 fuisse clypeum argenteum pondo centum triginta octo,
 cum imagine Barcini Hasdrubalis. Valerius Antias u-
 na castra Magonis capta tradit, septem millia cæsa ho-
 stium: altero prælio, eruptione pugnatum cum Has-
 drubalẽ.

drubale: decem millia occisa, quatuor millia trecentos triginta captos. Piso quinque millia hominum, quum Mago cedentes nostros effusè sequeretur, casu ex insidiis scribit. Apud omnes magnum nomen Marcii ducis est. & veræ gloriæ ejus etiam miracula addunt: flammam ei concionanti fuscā ē capite, sine ipsius sensu, cum magno pavore circumstantium militum. monumentumque victoriæ ejus de Pœnis, usque ad incensum Capitolium, fuisse in templo clypeum, Marcium appellatum, cum imagine Hasdrubalis. Quæ etiam deinde aliquandiu in Hispania res fuere, utrisque, post tantas acceptas in vicem illatasque clades, cunctantibus periculum summæ rerum facere.

XL. Dum hæc in Hispania geruntur, Marcellus, captis Syracusis, quum cetera in Sicilia tantâ fide atque integritate composuisset, ut non modò suam gloriam, sed etiam majestatem populi Romani, augeret; ornamenta urbis, signa, tabulasque, quibus abundabant Syracusæ, Romam devexit. Hostium quidem illa spolia, & parta belli jure: ceterum inde primum initium mirandi Græcarum artium opera, licentiæque huic facra profanaque omnia vulgò spoliandi factum est: quæ postremò in Romanos Deos, templum id ipsum primum, quod à Marcello eximie ornatum est, vertit. Visabantur enim ab externis ad portam Capenam dedicata à Marcello templa, propter excellentia ejus generis ornamenta, quorum perexigua pars comparet. Legationes omnium ferme civitatum Siciliæ ad eum conveniebant. Dispar ut causa earum, ita conditio erat. qui ante captas Syracusas aut non desciverant, aut redierant in amicitiam, ut focii fideles accepti cultique: quos metus post captas Syracusas dediderat, ut victi à victore leges acceperunt. Erant tamen haud parvæ reliquæ belli circa Agrigentum Romanis: Epicydes & Hanno duces reliqui prioris belli, & tertius novus ab Hannibale in locum Hippocratis missus, Libyphœnicum

cum generis Hipponiates, (Mutinem populares vocabant) vir impiger, & sub Hannibale magistro omnes belli artes edoctus. Huic ab Epicyde & Hannone Numidæ dati auxiliares: cum quibus ita pervagatus est hostium agros, ita socios ad retinendos in fide animos eorum, ferendoque in tempore cuique auxilium, adiit, ut brevi tempore totam Siciliam impletet nominis sui, nec spes alia major apud faventes rebus Karthaginensium esset. Itaque inclusi ad tempus moribus Agrigenti dux Pœnus Syracusanusque, non consilio Mutinis, quàm fiduciâ, magis ausi egredi extra muros, ad Himeram amnem posuerunt castra. Quod ubi perlaturum ad Marcellum est, extemplo copias movit; & ab hoste quatuor ferme millium intervallo confedit, quid agerent pararentve expectaturus. Sed nullum neque locum, neque tempus cunctationi consiliove dedit Mutines, transgressus amnem, ac stationibus hostium cum ingenti terrore ac tumultu investus. Postero die propè justo prælio compulit hostem intra munimenta. inde revocatus seditione Numidarum in castris factâ, quum trecenti ferme eorum Heracleam Minoam concessissent, ad mitigandos revocandosque eos profectus, magnopere monuisse duces dicitur, ne absente se cum hoste manus confererent. Id ambo ægre passi duces, magis Hanno, jam antè anxius gloriâ ejus: *Mutinem sibi modum facere, degenerem Afrum imperatori Karthaginensi, misso ab senatu populoque.* Is perpulit cunctantem Epicyden, ut, transgressi flumen, in aciem exirent. nam si Mutinem opperirentur, & secunda pugne fortuna evenisset, haud dubiè Mutinis gloriam fore.

XLI. Enimvero indignum ratus Marcellus se, quæ Hannibalem subnifum victoriâ Cannensi ab Nola repulisset, his terrâ marique victis ab se hostibus cedere, arma propere capere milites, & efferri signa jubet. Instruenti exercitum decem effusis equis advolant ex hostium acie Numidæ, nunciantes, populares suos, pri-

mum eâ seditione motos, quâ trecenti ex numero suo concesserint Heracleam, dein quod præfectum suum ab obtrestantibus ducibus gloriæ ejus, sub ipsam certaminis diem, ablegatum videant, quieturos in pugna. Gens fallax promissi fidem præstitit. itaque & Romanis crevit animus, nuncio celeri per ordines misse, destitutum ab equite hostem esse, quem maximè timebant : & territi hostes, præterquam quod maximâ parte virium suarum non juvabantur, timore etiam incusso, ne ab suo & ipsi equite oppugnarentur. Itaque haud magni certaminis fuit. primus clamor atque impetus rem decrevit. Numidæ, quum in concursu quieti stetissent in cornibus, ut terga dantes suos viderunt, fugæ tantum parumper comites facti, postquam omnes Agrigentum trepido agmine petentes viderunt, ipsi metu obsidionis passim in civitates proximas dilapsi. Multa millia hominum cæsa captaque, & octo elephantum. Hæc ultima in Sicilia Marcelli pugna fuit. victor inde Syracusas rediit. Jam serme in exitu annus erat. itaque senatus Romæ decrevit, ut P. Cornelius prætor literas Capuam ad consules mitteret; dum Hannibal procul abesset, nec ulla magni discriminis res ad Capuam gereretur, alter eorum, si ita videretur, ad magistratus subrogandos Romam veniret. Literis acceptis, inter se consules compararunt, ut Claudius comitia perficeret, Fulvius ad Capuam maneret. Consules Claudius creavit Cn. Fulvium Centumalum & P. Sulpicium Servii filium Galbam, qui nullum antea curulem magistratum gessisset. Prætores deinde creati, L. Corneliæ Lentulus, M. Corneliæ Cethegus, C. Sulpicius, C. Calpurnius Piso. Pisoni jurisdictio urbana, Sulpicio Sicilia, Cethego Apulia, Lentulo Sardinia evenit. Consulibus prorogatum in annum imperium est.

LIBER XXVI.

EPI-TOME.

X. **H** Annibal ad tertium ab urbe Roma lapidem super Anienem castra posuit. ipse verò cum duobus milibus equitum usque ad ipsam Capenam portam, ut urbis situm exploraret, obequitavit. **XI.** & quum per triduum in aciem utrinque exercitus omnis descendisset, certamen tempestas diremit: nam quum in castra rediissent, statim serenitas erat. **XIV.** Capua capta est à Q. Fulvio & Ap. Claudio Consulibus. Principes Campanorum veneno sibi consciverant mortem. **XV.** Quum senatus Campanorum deligatus esset ad palos, ut securi feriretur; literas à senatu missas Q. Fulvius consul, quibus jubebatur parcere, antequam legeret; in sinu posuit, & lege agi iussit, & supplicium peregit. **XVIII, XIX.** Quum in comitiis apud populum quareretur, cui manderetur Hispaniarum imperium; nullo id volente suscipere, P. Scipio, P. filius, qui in Hispania ceciderat, professus est se iturum: &, suffragio populi consensuque omnium missus, Novam Karthaginem uno die expugnavit, quum ageret vigesimum quartum annum, videreturque divinâ stirpe creatus: quoniam & ipse, postquam togam acceperat, quotidie in Capitolio erat; & in cubiculo matris ejus anguis saepenumero videbatur. **XXI, &c. XL.** Res præterea in Sicilia gestas continet, **XLI, &c.** & amicitiam cum Ætolis junctam, **XXIV.** bellumque gestum adversum Acarnanas & **XXV.** Philippum Macedonia regem.

I. **C** N. Fulvius Centumalus, P. Sulpicius Galba consules, quum Idibus Martiis magistratum inissent, senatu in Capitolium vocato, de republica, de administratione belli, de provinciis exercitibusque Patres consuluerunt. Q. Fulvio, Ap. Clau-

Claudio, prioris anni consulibus, prorogatum imperium est; atque exercitus, quos habebant, decreti. adjectumque, ne à Capua, quam obsidebant, abscederent, priusquam expugnassent. Ea tum cura maxime intentos habebat Romanos: non ab ira tantum, quæ in nullam unquam civitatem justior fuit, quam quod urbs tam nobilis ac potens, sicut defectione suâ traxerat aliquot populos, ita recepta inclinatura rursus animos videbatur ad veteris imperii respectum. Et prætoribus prioris anni, M. Junio in Etruria, P. Sempronio in Gallia, cum binis legionibus, quas habuerant, prorogatum est imperium. prorogatum & M. Marcello, ut pro consule in Sicilia reliqua belli perficeret eo exercitu, quem haberet. si supplemento opus esset, suppleret de legionibus, quibus P. Cornelius proprætor in Sicilia præesset: dum ne quem militem legeret ex eo numero, quibus senatus missionem redditumque in patriam negasset ante belli finem. C. Sulpicio, cui Sicilia evenerat, duæ legiones, quas P. Cornelius habuisset, decretæ: & supplementum de exercitu Cn. Fulvii, qui priore anno in Apulia sedē cæsus fugatusque erat. Huic generi militum senatus eundem, quem Cannensibus, finem statuerat militiæ: additum etiam utrorumque ignominia est, ne in oppidis hibernarent, neve hiberna propius ullam urbem decem millibus passuum ædificarent. L. Cornelio in Sardinia duæ legiones datæ, quibus Q. Mucius præfuerat. supplementum, si opus esset, consules scribere iussit. T. Otacilio & M. Valerio Siciliae Græciæque ora cum legionibus classibusque, quibus præerant, decretæ. Quinquaginta Græci cum legione una, centum Siculi cum duabus legionibus habebant naves. Tribus & viginti legionibus Romanis eo anno bellum terræ marique est gestum.

II. Principio ejus anni quum de literis L. Marcii referretur, res gestæ magnificæ senatui visæ: ritulus hono-

honoris (quodd, imperio non populi jussu, non ex auctoritate Patrum dato, *Proprator senatui*, scripserat) magnam partem hominum offendebat. Rem mali exempli esse, imperatores legi ab exercitibus: & solenne auspicatorum comitiorum in castra & provincias, procul ab legibus magistratibusque, ad militarem temeritatem transferri. &, quum quidam referendum ad senatum censerent, melius visum differri eam consultationem, donec proficiscerentur equites, qui ab Marcio literas attulerant. Rescribi de frumento & vestimentis exercitus placuit: *eam utramque rem cura fore senatui*, adscribi autem, *Propratori L. Marcio*, non placuit: ne id ipsum, quod consultationi reliquerant, pro præjudicato ferret. Dimissis equitibus, de nulla re prius consules retulerunt, omniumque in unum sententiæ congruebant, agendum cum tribunis plebis esse, primo quoque tempore ad plebem ferrent, quem cum imperio mitti placeret in Hispaniam ad eum exercitum, cui Cn. Scipio imperator præfuisset. Ea res cum tribunis acta promulgataque est. Sed aliud certamen occupaverat animos. C. Sempronius Blæsus die dictâ, Cn. Fulvium, ob exercitum in Apulia amissum, in concionibus vexabat: *multos imperatores temeritate atque inscientiâ exercitum in locum præcipitem perduxisse dictitans: neminem, præter Cn. Fulvium, antè corrupisse omnibus vitis legionibus suas, quàm proderet. itaque verè dici posse, prius eos perisse, quàm viderent hostem; nec ab Hannibale, sed ab imperatore suo, victos esse. Neminem, quon suffragium inerat, satis cernere, cui imperiam, cui exercitum permittat. Quid interfuisse inter Ti. Sempronium? Quum ei servorum exercitus datus esset, brevi effecisse disciplinâ atque imperio, ut nemo eorum generis ac sanguinis sui memor in acie esset, presidio sociis, hostibus terrori essent: Cumas, Beneventum, aliasque urbes eos velut ex faucibus Hannibalis creptas populo Romano restituisse. Cn. Fulvium Quiritium Romanorum exercitum, honestè genitos, liberaliter educatos, servilibus vitis imbuisse.*

imbuisse. ergo efferisse, ut feroces & inquieti inter socios, ignavi & imbelles inter hostes essent; nec impetum modò Paenorum, sed ne clamorem quidem sustinere possent. Nec, Hercale, mirum esse, milites in acie non stetisse, quum primus omnium imperator fugeret. magis mirari se, aliquos stantes cecidisse, & non omnes comites Cn. Fulvii fuisse pavoris ac fugæ. C. Flaminium, L. Paullum, L. Postumium, Cn. ac P. Scipiones cadere in acie maluisse, quàm deserere circumventos exercitus. Cn. Fulvium propè unum nuncium delicti exercitus Romam redisse. Facinus indignum esse, Cannensem exercitum, quodd ex acie fugerit, in Siciliam deportatum, ne prius inde dimittatur, quàm hostis ex Italia decesserit, & hoc idem in Cn. Fulvii legionibus nuper decretum: Cn. Fulvio fugam ex prælio, ipsius temeritate commisso, impunitam esse: & cum in ganea lustrisque, ubi juventam egerit, senectutem acturum: milites, qui nihil aliud peccaverint, quàm quodd imperatoris similes fuerint, relegatos propè in exsilium, ignominiosam pati militiam. adeo imparem libertatem Romæ diti ac pauperi, honorato atque inonorato esse.

III. Reus ab se culpam in milites transferebat: Eos ferociter pugnam poscentes productos in aciem, non eo, quo voluerint, (quia serum dici fuerit) sed postero die, & tempore & loco æquo instructos, seu famam, seu vim hostium non sustinuisse. Quum effusè omnes fugerent, se quoque turbâ ablatum; ut Varronem Cannensi pugna, ut multos alios imperatores. Quis autem solum se restantem predesse reipublicæ, nisi si mors sua remedio publicis cladibus futura esset, potuisse? Non se inopiâ commatûs, non in loca iniqua incautè deductum, non agmine inexplorato euntem insidiis circumventum. vi apertâ, armis, acie victum: nec suorum animos, nec hostium, in potestate habuisse. suum cuique ingenium audaciam aut pavorem facere. Bis est accusatus, pecuniâque antiquis. tertio, testibus datis, quum, præterquam quodd omnibus probris onerabatur, iurati permulti dicerent, fugæ pavorisque initium à prætore ortum; ab eo desertos milites, quum haud vanum timorem ducis crede-

crederent, terga dedisse; tanta ira accensa est, ut capite anquirendum concio fucclamaret. De eo quoque novum certamen ortum. nam, quum tribunus bis pecuniâ anquisisset, tertio capitis se anquirere diceret; tribuni plebis appellati, *collega*, negârunt, *se in mora esse, quo minùs, quod ei more majorum permissum esset, seu legibus, seu moribus mallet, anquireret, quoad vel capitis, vel pecuniæ judicâisset privato*. Tum Sempronius, *perduellionis se judicare Cn. Fulvio*, dixit, diemque comitiis ab C. Calpurnio prætore urbis petit. Inde alia spes ab reo tentata est: si adesse in judicio Q. Fulvius frater posset, florens tum & famâ rerum gestarum, & propinquâ spe Capuæ potiundæ. Id quum per literas miserabiliter pro fratris capite scriptas petisset Fulvius, negâssentque Patres è republica esse, abscedi à Capua; postquam dies comitorum aderat, Cn. Fulvius exsulatum Tarquinius abiit. id ei justum exilium esse, scivit plebs.

IV. Inter hæc vis omnis belli versa in Capuam erat. obsidebatur tamen acriùs, quàm oppugnabatur: nec aut famem tolerare servitia ac plebs poterant, aut mittere nuncios ad Hannibalem per custodias tam artas. Inventus est Numida, qui, acceptis literis, evasurum se professus, ut promissum præstaret, per media Romana castra nocte egressus, spem accendit Campanis, dum aliquid virium superesset, ab omni parte eruptionem tentandi. Ceterùm in multis certaminibus equestria prælia ferme prospera faciebant: pedites superabantur. sed nequaquam tam lætum vincere, quàm triste vinci ullâ parte erat ab obsesso & propè expugnato hoste. Inita tandem ratio est, ut, quod viribus deerat, arte æquaretur. ex omnibus legionibus electi sunt juvenes, maximè vigore ac levitate corporum veloces: eis palmæ breviores, quàm equestres, & septena jacula quaternos longa pedes data, præfixa ferro, quale hastis velitaribus inest. eos singulos in equos suos acci-

accipientes equites assuesecerunt, & vehi post sese, & desilire perneciter, ubi signum datum esset. Postquam assuetudine quotidianâ satis intrepidè visum est fieri, in campum, qui medius inter castra murumque erat, adversus instructos Campanorum equites processerunt. &, ubi ad conjectum teli ventum est, signo dato velites desiliunt. pedestris inde acies ex equitatu repentè in hostium equites incurrit: jaculaque cum impetu alia super alia emittunt. Quibus plurimis in equos virosque passim conjectis permultos vulneraverunt: pavoris tamen plus ex re nova atque inopinata injectum est, & in perculsum hostem equites inveci, fugam stragemque eorum usque ad portas fecerunt. Inde equitatu quoque superior Romana res fuit. Institutum, ut velites in legionibus essent. Auctorem peditum equiti immiscendorum centurionem Q. Navium serunt, honorique id ei apud imperatorem fuisse.

V. Quum in hoc statu ad Capuam res essent, Hannibalem diversum Tarentinæ arcis potius Capuæque retinendæ trahebant curæ. vicit tamen respectus Capuæ, in quam omnium sociorum hostiumque conversos videbat animos; documento futuræ, qualemcunque eventum defectio ab Romanis habuisset. Igitur, magnâ parte impedimentorum relicta in Bruttis, & omni graviore armatû, cum delectis peditum equitumque, quàm poterat aptissimis ad maturandum iter, in Campaniam contendit. secuti tamen tam raptim euntem tres & trīginta elephanti. In valle occulta post Tifata montem imminentem Capuæ confedit. Adveniens quum castellum Galatiam, præsidio vi pulso, cepisset, in circumfidentes Capuam se vertit. præmissis antè nunciis Capuam, quo tempore castra Romana aggressurus esset, ut eodem & illi, ad eruptionem parati, portis omnibus sese effunderent, ingentem præbuit terrorem. nam aliâ parte ipse adortus est; aliâ Campani omnes, pedites equitesque, & cum iis Punicum præsidium,

clium, cui Bostar & Hanno præerant, erupit. Romanî, ut in re trepida, ne ad unam concurrento partem aliquid indefensi relinquerent, ita inter se copias partiti sunt. Ap. Claudius Campania, Fulvius Hannibali est oppositus. C. Nero proprætor cum equitibus sextæ legionis viâ, quæ Sueffulam fert; C. Fulvius Flaccus legatus cum sociali equitatu constitit è regione Vulturni amnis. Proelium non solito modò clamore ac tumultu est cœptum, sed, ad alium virorum, equorum, armorumque sonum, disposita in muris Campanorum imbellis multitudo tantum cum æris crepitu, qualis in defectu lunæ silenti nocte cieri solet, edidit clamorem, ut averteret etiam pugnantium animos. Campanos facilè à vallo Appius arcebat. Major vis ab altera parte Fulvium, Hannibal & Pœni, urgebant. legio ibi sexta loco cessit: quâ pulsâ, cohors Hispanorum cum tribus elephantis usque ad vallum pervasit: ruperatque mediam aciem Romanorum, & in ancipiti spe ac periculo erat, utrùm in castra perumperet, an intercluderetur à suis. Quem pavorem legionis periculumque castrorum Fulvius ubi vidit, Q. Navium primoresque alios centurionum hortatur, ut cohortem hostium sub vallo pugnantem invadant. in summo discrimine rem verti: aut viam dandam iis esse, & minore conatu, quàm condensam aciem irrupissent, in castra irrupturos: aut conficiendos sub vallo esse. Nec magni certaminis rem fore: paucos esse, & ab suis interclusos; & quæ, dum paveat Romanus, interrupta acies videatur, eam, si se utrinque in hostem vertat, ancipiti pugna medios circumventuram. Navius ubi hæc imperatoris dicta accepit, secundi hastati signum ademptum signifero in hostes infert; iacturum in medios eos minitans, ni se propere sequantur milites, & partem capeßant pugnæ. Ingens corpus erat, & arma honestabant; & sublatum altè signum converterat ad spectaculum cives hostesque. ceterùm, postquam jam ad signa pervenerat Hispanorum, tum undique

que in eum tragulæ coniecit, & propè tota in unum acies versa : sed neque hostium multitudo, neque telorum vis arcere impetum ejus viri potuerunt.

VI. Et M. Atilius legatus, primi principis ex eadem legione signum inferri in cohortem Hispanorum coëgit. Et, qui castris præerant, L. Porcius Licinus & T. Popillius legati pro vallo acriter propugnant, elephantosque transgredientes in ipso vallo conficiunt. quorum corporibus quum oppleta esset fossa, velut aggere aut ponte injecto, transitum hostibus dedit. Ibi per stragem jacentium elephantorum atrox edita cædes. Altera in parte castrorum jam impulsæ erant Campani Punicumque præsidium, & sub ipsa porta Capuæ, quæ Vulturum fert, pugnabatur : neque tam armati irrumpentibus Romanis resistebant, quàm quòd porta, ballistis scorpionibusque instructa, missilibus procul hostes arcebat. & suppressit impetum Romanorum vulnus imperatoris Ap. Claudii : cui, suos ante prima signa adhortanti, sub lævo humero summum pectus gæso ictum est. Magna tamen vis hostium ante portam est cæsa : ceteri trepidi in urbem compulsi. Et Hannibal, postquam cohortis Hispanorum stragem vidit, summæque vi castra hostium defendi, omisâ oppugnatione, recipere signa, & convertere agmen perditum, objecto à tergo equitatu, ne hostis instaret, cœpit. Legionum ardor ingens ad hostem insequendum fuit : sed Flaccus receptui cani jussit ; satis ad utrumque profectum ratus, ut & Campani, quàm haud multum in Hannibale præsidii esset, & ipse Hannibal sentiret. Cæsa eo die, qui hujus pugnæ auctores sunt, octo millia hominum de Hannibalis exercitu, tria ex Campanis tradunt : signaque Karthaginensibus quindecim adempta, duodeviginti Campanis. Apud alios nequaquam tantam molem pugnæ inveni, plusque pavoris, quàm certaminis, fuisse : quum inopinatò in castra Romana Numidæ Hispanique cum elephantis irrupissent ;

piſſent; elephanti, per media caſtra vadentes, ſtragem tabernaculorum ingenti ſonitu ac fugam abruptentium vincula jumentorum facerent; fraudem quoque ſuper tumultum adjectam, immiſſis ab Hannibale, qui (habuit aliquot) gnari Latinæ linguæ juberent conſulum verbis, quoniam amiſſa caſtra eſſent, pro ſe quemque militum in proximos montes fugere: ſed eam celeriter cognitam fraudem, oppreſſamque magnâ cæde hoſtium; elephantos igni è caſtris exactos. Hoc ultimum (utcunque initum finitumque eſt) ante deditiōnem Capuæ prælium fuit. Medixtuticus, qui ſummus magiſtratus apud Campanos eſt, eo anno Seppius Leſius erat, loco obſcuro tenuique fortunâ ortus. Matrem ejus quondam, pro pupillo eo procurantem familiare oſtentum, quum reſpondiſſet aruſpex, ſummum quod eſſet imperium Capuæ, perventurum ad eum puerum, nihil ad eam ſpem agnoſcentem, dixiſſe ferunt, *Ne tu perditas res Campanorum narras, ubi ſummus honos ad filium meum perveniet!* Ea ludificatio veri, & ipſa in verum vertit. nam quum fame ferroque urgerentur, nec ſpes ulla ſupereſſet, iis, qui nati in ſpem honorum erant, honores detrectantibus; Leſius, querendo deſertam ac proditam à primoribus Capuam, ſummum magiſtratam ultimus omnium Campanorum cepit.

VII. Ceterum Hannibal, ut nec hoſtes elici amplius ad pugnam vidit, nec per caſtra eorum perrumpi ad Capuam poſſe, ne ſuos quoque commeatus intercluderent novi conſules, abſcedere irritò incepto, & movere à Capua ſtatuit caſtra. Multa ſecum, quoniam inde ire pergeret, volventi ſubiit animum impetus, caput ipſum belli Romam petendi: cujus rei ſemper cupitæ prætermiſſam occaſionem poſt Camenſem pugnam & alii vulgò fremebant, & ipſe non diſſimulabat. *necopinato pavore ac tumultu, non eſſe deſperandum, aliquam partem urbis occupari poſſe; & ſi Roma in discrimine eſſet,*

esset, Capuam extemplo omisuros aut ambo imperatores Romanos, aut alterum ex iis: Et, si divisissent copias, utrumque infirmiore factum aut sibi, aut Campanis, bene gerenda rei fortunam daturus esse. Una ea cura urgebat, ne, ubi abcessisset, extemplo dederentur Campani. Numidam promptum ad omnia audenda donis perlicit, ut, literis acceptis, specie transfugæ castra Romana ingressus, alterâ parte Capuam clam pervadat. Literæ autem erant adhortatione plenæ. Professionem suam, quæ salutaris illis foret, abstracturam ad defendendam Romam ab appugnanda Capua duces atque exercitus Romanos. Ne desponderent animos: tolerando paucos dies, totam soluturos obsidionem. Inde naves in flumine Vulturno comprehensas subigi ad id, quod jam antè præsidii causâ fecerat, castellum iussit. Quarum ubi tantam copiam esse, ut unâ nocte trajici posset exercitus, allatum est, cibariis decem dierum præparatis, deductas nocte ad flumen legiones ante lucem trajecit.

VIII. Id priusquam fieret, ita futurum compertum ex transfugis, Fulvius Flaccus senatui Romam quum scripsisset, variè hominum animi pro cuiusque ingenio affecti sunt. Ut in re tam trepida, senatu extemplo vocato, P. Cornelius, cui Asinæ cognomen erat, omnes duces exercitusque ex tota Italia, neque Capuæ, neque ullius alterius rei memor, ad urbis præsidium revocabat. Fabius Maximus, abscedi à Capua, terrerique & circumagi ad nutus comminationesque Hannibalis, flagitiosum ducebat. *Qui ad Cannas victor ire tamen ad urbem ausus non esset, eum, à Capua repulsum, spem potiunda urbis Romæ cepisse? Non ad Romam obsidendam, sed ad Capuam liberandam obsidionem, ire. Romam cum eo exercitu, qui ad urbem esset, Jovem, fœderum ruptorum ab Hannibale testem, Deosque alios defensuros esse. Has diversas sententias media sententia P. Valerii Flacci vicit: qui, utriusque rei memor, imperatoribus, qui ad Capuam essent, scribendum censuit, Quid ad urbem præsi-*

Præsidii esset, quantas autem Hannibal copias duceret, aut quanto exercitu ad Capuam obsidendam opus esset, ipsos scire. Si & Romam è ducibus alter, & exercitus pars mitti posset, ut ab reliquo & duce & exercitu Capua rectè obsideretur; inter se compararent Claudius Fulviusque, utri obsidenda Capua, utri, ad prohibendam obsidione patriam, Romam veniundum esset. Hoc senatusconsulto Capuam perlato, Q. Fulvius proconsul, cui, collegâ ex vulnere ægro, eundem Romam erat, è tribus exercitibus milite electo, ad quindecim millia peditum, mille equites, Vulturum traducit. inde quum Hannibalem Latinâ viâ iturum satis comperisset, ipse per Appiæ municipia, quæque propter eam viam sunt, Setiam, Coram, Lanuvium præmisit, ut commeatus paratos & in urbibus haberent, & ex agris deviis in viam proferrent, præsidiaque in urbes contraherent, ut sua cuique respublica in manu esset.

IX. Hannibal, quo die Vulturum est transgressus, haud procul à flumine castra posuit. Postero die præter Cales in agrum Sidicinum pervenit. ibi diem unum populando moratus, per Sueffulam Alifanumque & Casinatem agrum viâ Latinâ ducit. sub Casinum bi-duo stativa habita & passim populationes factæ. Inde præter Interamnâ Aquinumque, in Fregellanum agrum ad Lirim fluvium ventum. ubi intercisum pontem à Fregellanis morandi itineris causâ invenit. Et Fulvium Vulturum tenuerat amnis, navibus ab Hannibale incensis, rates ad trajiciendum exercitum, in magna inopia materiæ, ægre comparantem. trajecto ratibus exercitu, reliquum Fulvio expeditum iter, non per urbes modò, sed circa viam, expositis benignè commeatibus, erat: alacresque milites alius alium, ut adderet gradum, memor ad defendendam ire patriam, hortabantur. Romam Fregellanus nuncius, diem noctemque itinere continuato, ingentem attulit terrorem. tumultuosius, quàm allatum erat, cursus hominum, as-

fingen-

lingentium vana auditis, totam urbem conciverat. ploratus mulierum non ex privatis solum domibus exaudiebatur; sed undique matronæ, in publicum effusæ, circa Deum delubra discurrunt, crinibus passis aras verrentes, nixæ genibus, supinas manus ad cælum ac Deos tendentes, orantesque, ut urbem Romanam e manibus hostium eriperent; matresque Romanas & liberos parvos inviolatos servarent. Senatus magistratibus in foro præsto est, si quid consulere velint. Alii accipiunt imperia, disceduntque ad suas quisque officiorum partes: alii offerunt se, si quo usus operæ sit. præsidia in arce, in Capitolio, in muris, circa urbem, in monte etiam Albano atque arce Æsulana ponuntur. Inter hunc tumultum, Q. Fulvium proconsulem profectum cum exercitu à Capua affertur; cui ne minueretur imperium, si in urbem venisset, decernit senatus, ut Q. Fulvio par cum consulibus imperium esset. Hannibal, infestius perpopulato agro Fregellano propter intercisos pontes, per Frusinatem Ferentinatēque & Anagninum agrum in Lavicanum venit. inde Algidō Tusculum petiit: nec receptus mœnibus, infra Tusculum dextrorsus Gabios descendit. inde in Pupiniam exercitu demisso, octo millia passuum ab Roma posuit castra. Quo propius hostis accedebat, eo major cædes fiebat fugientium, præcedentibus Numidis: pluresque omnium generum atque ætatum capiebantur.

X. In hoc tumultu Fulvius Flaccus, portā Capenā cum exercitu Romam ingressus, mediā urbe per Carinas Æsquilias contendit. inde egressus, inter Æsquilinam Collinamque portam posuit castra. Ædiles plebis commeatum eò comportarunt. Consules senatusque in castra venerunt. ibi de summa republica consultatum. Placuit, consules circa portas Collinam Æsquilinamque ponere castra: C. Calpurnium prætorem urbanum Capitolio atque arci præesse! & senatum frequentem in foro contineri, si quid in tam subitis rebus consulto

Sulto opus esset. Inter hæc Hannibal ad Anienem fluvium, tria millia passuum ab urbe, castra admovit. ibi stativis positis, ipse cum duobus millibus equitum à porta Collina usque ad Herculis templum est progressus; atque, unde proximè poterat, mœnia situmque urbis obequitans contemplabatur. Id cum tam licenter atque otiosè facere, Flacco indignum visum est. itaque immisit equites, summo verique atque in castra redigi hostium equitatum iussit. Quum commissum prælium esset, consules transfugas Numidarum, qui tum in Aventino ad mille & ducentos erant, mediâ urbe transire Æsquiliâs jusserunt: nullos aptiores, inter convalles testaque hortorum & sepulchra aut cavas undique vias, ad pugnandum futuros rati. quos quum ex arce Capitolioque clivo publico in equis decurrentes quidam vidissent, captum Aventinum conclamaverunt. Ea res tantum tumultum ac fugam præbuit, ut, nisi castra Punica extra urbem fuissent, effusura se omnis pavida multitudo fuerit. tunc in domos atque in testâ refugiebant: vagosque in viis suos pro hostibus lapidibus telisque incescebant. Nec comprimere tumultus aperiri error poterat, refertis itineribus agrestium turbâ pecorumque, quæ repentinus pavor in urbem compulerat. Equestre prælium secundum fuit, summotique hostes sunt: &, quia multis locis comprimendi tumultus erant, qui temereoriebantur, placuit, omnes, qui dictatores, consules, censesve fuissent, cum imperio esse, donec recessisset à muris hostis. Et diei quod reliquum fuit, & nocte insequenti, multi temere excitati tumultus sunt, compressique.

XI. Postero die transgressus Anienem Hannibal in aciem omnes copias eduxit: nec Flaccus consulesque certamen detrectare. Instructis utrinque exercitibus in ejus pugnae casum, in qua urbs Roma victori præmium esset, imper ingens grandine mixtus ita utram-

tramque aciem turbavit, ut vix armis retentis in castra sese receperint, nullius rei minore, quam hostium, metu. Et postero die eodem loco acies instructas eadem tempestas diremit. ubi recepissent se in castra, mira serenitas cum tranquillitate oriebatur. In religionem ea res apud Pœnos versa est: auditaque vox Hannibalis fertur, *potiunda sibi urbis Roma modò mentem non dari, modò fortunam.* Minuere etiam spem ejus & aliz, parva magnaue, res: magna illa, quòd, quum ipse ad mœnia urbis Romæ armatus federet, milites sub vexillis in supplementum Hispaniæ profectos audivit: parva autem, quòd per eos dies cum fortè agrum, in quo ipse castra haberet, venisse, nihil ob id deminuto pretio, cognitum ex quodam captivo est. Id verò adeo superbum atque indignum visum, ejus soli, quod ipse bello captum possideret haberetque, inventum Romæ emptorem; ut, extemplo vocato præcone, tabernas argentarias, quæ circa forum Romanum tunc essent, jussu venire. His motus ad Tutiam fluvium castra retulit, sex millia passuum ab urbe. inde ad lucum Feroniæ pergit ire, templum eà tempestate inclitum divitiis. Capenates aliqui accolæ ejus erant; primitias frugum eò donaque alia pro copia portantes, multo auro argentoque id exornatum habebant. His omnibus donis tum spoliatum templum. æris acervi, quum rudera milites religione inducti jacerent, post profectiorem Hannibalis magni inventi. Hujus populatio templi haud dubia inter scriptores est. Coelius, Romam euntem ab Ereto divertisse eò Hannibalem, tradit: iterque ejus ab Reate, Cutiliisque, & ab Amiterno orditur. ex Campania in Samnium, inde in Pefignos pervenisse; præterque oppidum Sulmonem in Marrucinos transisse; inde Albeni agro in Marfos, hinc Amiternum, Forulosque vicum venisse. Neque ibi error est, quòd tanti exercitus vestigia intra tam brevis ævi memoriâ potuerint confundi. Ille enim

ea constat. Tantum id interest, veneritne eo itinere ad urbem, an ab urbe in Campaniam redierit.

XII. Ceterum non quantum pertinaciz ad premedam obsidione Capuam Romanis fuit, tantum ad defendendam Hannibali. namque ex Lucanis in Bruttium agrum, ad fretum verò ac Rhegium eo cursu contendit, ut propè repentino adventu incautos opprimeret. Capua etsi nihilo segnius obsessa per eos dies fuerat, tamen adventum Flacci sensit: & admiratio orta est, non simul regressum Hannibalem. Inde per colloquia intellexerunt, relictos se desertosque, & spem Capuæ retinendæ deploratam apud Pœnos esse. Accessit edictum proconsulis ex senatusconsulto propositum, vulgatumque apud hostes: *ut, qui civis Campanus ante certam diem transisset, sine fraude esset.* Nec ulla facta est transitio, metu magis eos, quàm fide, continente; quia majora in defectione deliquerant, quàm quibus ignosci posset. Ceterum quemadmodum nemo privato consilio ad hostem transibat, ita nihil salutare in medium consulebatur. Nobilitas rempublicam deseruerat, neque in senatum cogi poterant. in magistratu autem erat, qui non sibi honorem adjecisset, sed indignitate suâ vim ac jus magistratui, quem gerebat, dempsisset. Jam ne in foro quidem, aut publico loco, principum quisquam apparebat: domibus inclusi patriæ occasum cum suo exitio in dies exspectabant. summa curæ omnis in Bostarem Hannonemque præfectos præsidii Punici versa erat, suo, non sociorum, periculo sollicitos. Hi, conscriptis ad Hannibalem literis, non libere modò, sed etiam aspere, quibus, *non Capuam solum traditam in manum hostibus, sed se quoque & præsidium in omnes cruciatus proditos, incusabant: abiisse eum in Bruttios, velut avertentem sese, ne Capua in oculis ejus caperetur.* at, Hercule, Romanos ne oppugnatione quidem urbis Romanæ abstrahi ab Capua obsidenda potuisse. tanto constantiorem inimicum Romanum, quàm amicum Pœnum esse. Si

videat Capuam, bellumque omne eò vertat, & se & Campanos paratos eruptioni fore. Non cum Rheginis, neque Tarentinis bellum gesturos transisse Alpes. ubi Romanae legiones sunt, ibi & Karthaginensium exercitus debere esse. Sic ad Cannas, sic ad Trasimenum rem bene gestam; cœtando, conferendo cum hoste castra, fortunam tentando. In hanc sententiam literæ conscriptæ Numidis, propositâ mercede jam professis operam, dantur. Hi specie transfugarum quum ad Flaccum in castra venissent, ut inde tempore capto abirent; famesque, quæ tam diu Capuæ erat, nulli non probabilem causam transitionis faceret, mulier repentè Campana in castra venit, scortum transfugarum unius; indicatque imperatori Romano, Numidas fraude compositâ transisse, literasque ad Hannibalem ferre. id unum ex iis, qui sibi rem aperuisset, arguere sese paratam esse. Productus primò satis constanter ignorare se mulierem simulabat: paulatim dein convictus veris, quum tormenta posci & parari videret, fassus id ita esse. literæque prolatae; & additum etiam indicio, quod celabatur, & alios specie transfugarum Numidas vagari in castris Romanis. hi supra septuaginta comprehensi, & cum transfugis novis mulcati virgis, manibusque præcisis, Capuam rediguntur. Conspectum tam triste supplicium fregit animos Campanorum.

XIII. Concursum ad curiam populi factus coëgit Lesium senatum vocare: & primoribus, qui jam diu publicis consiliis aberant, propalam minabantur, nisi venirent in senatum, circa domos eorum ituros se, & in publicum omnes vi extracturos esse. Is timor frequentem senatum magistratui præbuit. Ibi quum ceteri de legatis mittendis ad imperatores Romanos agerent, Vibius Virrius, qui defectionis ab Romanis auctor fuerat, interrogatus sententiam, negat, eos, qui de legatis & de pace ac deditione loquantur, meminisse, nec quid facturi fuerint, si Romanos in potestate habuissent; nec quid ipsis
 patien-

patiendum sit. Quid? vos, inquit, eam deditionem fore censetis, quā quondam, ut adversus Samnites auxilium impetraremus, nos nostraque omnia Romanis dedidimus? Jam et memoria excessit, quo tempore, et in qua fortuna à populo Romano defecerimus? jam, quemadmodum in defectione praesidium, quod poterat emitti, per cruciatum et ad contumeliam necārimus? quoties in obsidentes, quā inimicē eruperimus, castra oppugnārimus? Hannibalem vocaverimus ad opprimēdos eos? hoc quod recentissimum est, ad oppugnandam Romam hinc eum miserimus? Age contra, quae illi infestē in nos fecerint, repetite: ut ex eo, quid speretis, habeatis. Quum hostis alienigena in Italia esset, et Hannibal hostis, et cuncta bello arderent, omissis omnibus, omisso ipso Hannibale, ambo consules et duo consulares exercitus ad Capuam oppugnandam miserunt. Alterum annum circumvallatos inclusosque nos fame macerant, et ipsi nobiscum ultima pericula ac gravissimos labores perpeSSI, circa vallam ac fossas saepe trucidati, et propē ad extremum castris exuti. Sed omitto haec. vetus atque usitata res est, in oppugnanda hostium urbe labores ac pericula pati. illud ira atque odii execrabilis indicium est. Hannibal ingentibus copiis peditum equitumque castra oppugnavit, et ex parte cepit: tanto periculo nihil moti sunt ab obsidione. Profectus trans Vulturnum, pervenit Calenum agrum: nihil tantā sociorum clade advocati sunt. Ad ipsam urbem Romam infesta signa ferri iussit. eam quoque tempestatem imminentem spreverunt. Transgressus Anienem, tria millia passuum ab urbe castra posuit: postremū ad moenia ipsa et ad portas accessit. Romam se adepturum eis, nisi omitterent Capuam, ostendit. non omiserunt. Feras bestias, caco impetu ac rabie concitatas, si ad cubilia et catulos earum ire pergas, ad opem suis ferendam avertas. Romanos Roma circumfessa, conjuges, liberi, quorum ploratus hinc propē exaudiebantur, aet, foci, Deūm delubra, sepulchra majorum temerata ac violata, à Capua non avertunt. tanta aviditas supplicii expetendi, tanta sanguinis nostri hauriendi est sitis. Nec injuria forsitan. nos quoque idem fecissemus.

cissemus, si data fortuna esset. Itaque quando aliter Diis immortalibus visum est, quam mortem ne recusare quidem debeam; cruciatus contumeliasque, quas sperat hostis, dum liber, dum mei potens sum, effugere morte, praterquam honesta, etiam leni, possum. Non videbo Ap. Claudium & Q. Fulvium, victoriâ insolenti subnisos, neque vinctus per urbem Romanam triumphî spectaculum trahar, ut deinde in carcere, aut ad palum deligatus, lacerato virgis tergo, cervicem securi Romanæ subjiciam: nec dirui incendiique patriam videbo: nec rapi ad stuprum matres Campanas, virginesque, & ingenuos pueros. Albam, unde ipsi oriundi erant, à fundamentis proruerunt, ne stirpis, ne memoria originum suarum exstaret: nedum eos Capuæ parsuros credam, cui infestiores, quam Karthagini, sunt. Itaque quibus vestrum antè fato cedere, quam hæc tot tam acerba videant, in animo est; iis apud me hodie epula instructa parataque sunt. Satiatis vino ciboque poculum idem, quod mihi datum fuerit, circumferetur: capotio corpus ab cruciatu, animum à contumeliis, oculos, aures, à videndis audiendisque omnibus acerbis indignisque, quæ manent victos, vindicabit. parati erunt, qui magno rogo in propatulo adium accenso corpora exanimâ injiciant. Hæc una via & honesta & libera ad mortem. & ipsi virtutem mirabuntur hostes, & Hannibal fortes socios sciet ab se desertos ac proditos esse.

XIV. Hanc orationem Virrii plures audierunt cum assensu, quam forti animo id, quod probabant, exsequi potuerunt. Major pars senatûs, multis sæpe bellis expertam populi Romani clementiam haud diffidentes sibi quoque placabilem fore, legatos ad dedendam Romanis Capuam decreverunt, miseruntque. Vibulum Virrium septem & viginti ferme senatores domum secuti sunt, epulatique cum eo; &, quantum facere potuerant, alienatis mentibus vino ab imminenti sensu mali, venenum omnes sumserunt: inde misso convivio, dextris inter se datis, ultimoque complexu, collacrimantes suum patriæque casum, alii, ut eodem
rogo

rogo cremarentur, manserunt; alii domos digressi sunt. Impletæ cibus vinoque venæ minùs efficacem in maturanda morte vim veneni fecerunt. itaque noctem totam plerique eorum, & diei insequentis partem quum animam egissent; omnes tamen, priusquam aperirentur hostibus portæ, exspirârunt. Postero die porta Jovis, quæ adversus castra Romana erat, jussu proconsulis aperta est. eâ intromissa legio una & duæ alæ, cum C. Fulvio legato. Is, quum omnium primùm arma telaque, quæ Capuæ erant, ad se conferenda curâset, custodiis ad omnes portas dispositis, ne quis exire aut emitti posset, præsidium Punicum comprehendit, senatum Campanum ire in castra ad imperatores Romanos jussit. quò quum venissent, extemplo his omnibus catenæ injectæ, jussique ad quæstores deferre, quod auri argentique haberent. auri pondo septuaginta fuit, argenti tria millia pondo & ducenta. senatores quinque & viginti Cales in custodiam, duodetriginta Teanum missi: quorum de sententia maximè descriptum ab Romanis constabat.

XV. De supplicio Campani senatûs haudquaquam inter Fulvium Claudiumque conveniebat. Facilis impetrandæ veniæ Claudius, Fulvio durior sententia erat. Itaque Appius Romam ad senatum arbitrium ejus rei totum rejiciebat: percunctandi etiam æquum esse potestatem fieri Patribus, num communicassent consilia cum aliquibus sociorum Latini nominis municipiorum: & num ope eorum in bello forent & municipiorum adjuti. *Id verò minime committendum esse, Fulvius dicere, ut sollicitarentur criminibus dubiis sociorum fidelium animi: & subjicerentur indicibus, quæis, neque quid facerent, neque quid dicerent, quicquam unquam pensi fuisset: itaque se eam questionem oppressurum extincturumque.* Ab hoc sermone quum digressi essent, & Appius, quamvis ferociter loquentem, collegam, non dubitaret, tamen literas super tanta re ab Roma expectaturum; Fulvi-

us, ne id ipsum impedimentum incepto foret, dimit-
tens prætorium, tribunis militum ac præfectis socium
imperavit, uti duobus millibus equitum delectis de-
nunciarent, ut ad tertiam buccinam præstò essent. Cum
hoc equitatu nocte Teanum profectus, primâ luce por-
tam intravit, atque in forum perrexit: concursuque
ad primum equitum ingressum facto, magistratum Si-
dicinum citari jussit, imperavitque, ut produceret Cam-
panos, quos in custodia haberet. Producti omnes, vir-
gisque cæsi, ac securi percussi. Inde citato equo Ca-
les percurrit: ubi quum in tribunali consedisset, pro-
ductique Campani deligarentur ad palum, eques citus
ab Roma venit, literasque à C. Calpurnio prætore Ful-
vio & senatusconsultum tradidit. murmur ab tribuna-
li totam concionem pervasit, differri rem integram ad
Patres de Campanis. & Fulvius, id ita esse ratus, ac-
ceptas literas, neque resolutas, quum in gremio repo-
suisset, præconi imperavit, ut lictorem lege agere ju-
beret. Ita de iis quoque, qui Calibus erant, sumptum
supplicium. Tum literæ lectæ senatûsque consultum,
serum ad impediendam rem actam; quæ summâ ope
approperata erat, ne impediri posset. Confurgentem
jam Fulvium Taurea Jubellius Campanus, per medi-
am vadens urbem turbamque, nomine inclamavit: &
quum, mirabundus quidnam sese vellet, resedisset Flac-
cus, *Me quoque, inquit, jube occidi, ut gloriari possis, mul-
to fortio rem, quàm ipse es, virum abs te occisum esse.* Quum
Flaccus negaret, *profectò satis compotem mentis esse: mo-
dò, prohiberi etiam se, si id vellet, senatusconsulto,* diceret:
tum Jubellius, *Quandoquidem, inquit, captâ patriâ, pro-
pinquis amicisque amissis, quum ipse manu meâ conjugem li-
berosque interfecerim, ne quid indigni paterentur, mihi ne
mortis quidem copia eadem est, quæ his civibus meis; petatur
à virtute invise hujus vitæ vindicta.* atque ita gladio, quem
veste texerat, per adversum pectus transfixus, ante pe-
des imperatoris moribundus procubuit.

XVI. Quia,

XVI. Quia, & quod ad supplicium attinet Campanorum, & pleraque alia, de Flacci unius sententia acta erant; mortuum Ap. Claudium sub deditionem Capuz, quidam tradunt. hunc quoque ipsum Taureanem neque suâ sponte venisse Cales, neque suâ manu interfectum: sed, dum inter ceteros ad palum deligatur, quia parum inter strepitus exaudiri possent, quæ vociferabatur, silentium fieri Flaccum iussisse: tum Tauream illa, quæ antè memorata sunt, dixisse, *virum se fortissimum ab nequaquam pari ad virtutem occidi.* Sub hæc dicta, iussu proconsulis præconem ita pronunciâsse, *Lictor, viro forti adde virgas, & in eum primum lege age.* Lectum quoque senatusconsultum, priusquam securi feriret, quidam auctores sunt. sed, quia adscriptum in senatusconsulto fuerit, *si ei videretur, integram rem ad senatum rejiceret,* interpretatum esse, quid magis è re publica duceret, æstimationem sibi permissam. Capuam à Calibus redditum est, Atellaque & Calatia in deditionem acceptæ: ibi quoque in eos, qui capita rerum erant, animadversum. Ita ad septuaginta principes senatûs interfecti; trecenti ferme nobiles Campani in carcerem conditi: alii, per sociorum Latini nominis urbes in custodias dati, variis casibus interierunt: multitudo alia civium Campanorum venundata. De urbe agroque reliqua consultatio fuit, quibusdam delendam consentibus urbem prævalidam, propinquam, inimicam. Ceterum præsens utilitas vicit. nam propter agrum, quem omni fertilitate terræ satis constabat primum in Italia esse, urbs servata est, ut esset aliqua aratorum sedes. urbi frequentandæ multitudo incolarum libertinorumque & institorum opificumque retenta: ager omnis & tecta publica populi Romani facta. Ceterum habitari tantum, tanquam urbem, Capuam, frequentarique placuit: corpus nullum civitatis, nec senatûs, nec plebis concilium, nec magistratus esse. sine consilio publico, sine imperio multitudi-

nem, nullius rei inter se sociam, ad consensum inhabilem fore. præfectum ad jura reddenda ab Roma quotannis missuros. Ita ad Capuam res compositæ, consilio ab omni parte laudabili. severè & celeriter in maximè noxios animadversum: multitudo civium dissipata in nullam spem reditûs: non sævitum incendiis ruinisque in testa innoxia murosque: & cum emolumento quaesita etiam apud socios lenitatis species, incolumitate urbis nobilissimæ opulentissimæque, cujus ruinis omnis Campania, omnes, qui Campaniam circâ accolunt, populi ingemuissent: confessio expressa hosti, quanta vis in Romanis ad expetendas pœnas ab infidelibus sociis, & quàm nihil in Hannibale auxilii ad receptos in fidem tuendos esset.

XVII. Romani Patres, perfuncti, quod ad Capuam attinebat, curâ, C. Neroni ex iis duabus legionibus, quas ad Capuam habuerat, sex millia peditum, & trecentos equites, quos ipse legisset, & socium Latini nominis peditum numerum parem, & octingentos equites decernunt. cum exercitum Puteolis in naves impositum Nero in Hispaniam transportavit. Quum Tarræonem navibus venisset, expositisque ibi copiis, & navibus subductis, socios quoque navales multitudinis augendæ causâ armâset; profectus ad Iberum flumen, exercitum ab T. Fontejo & L. Martio accepit. inde pergit ad hostes ire. Hasdrubal Hamilcaris ad Lapidem atros castra habebat in Aufetanis. is locus est inter oppida Illiturgin & Mentissam. Hujus saltûs fauces Nero occupavit. Hasdrubal, ne in arto res esset, caduceatorem misit, qui promitteret, si inde missus foret, se omnem exercitum ex Hispania deportaturum. Quam rem quum læto animo Romanus accepisset, diem posterum Hasdrubal colloquio petivit, ut Romani leges conscriberent de tradendis arcibus urbium, diæque statuenda, ad quam præsidia deducerentur, suæque omnia sine fraude Pœni deportarent. Quod ubi impetravit,

travit, extemplo primis tenebris, atque inde tota nocte, quod gravissimum exercitus erat, Hasdrubal, quacunque posset, evadere è saltu jussit. data sedulò opera est, ne multi eà nocte exirent, ut ipsa paucitas, quum ad hostem silentio fallendum aptior, tum ad evadendum per artas semitas ac difficiles esset. Ventum insequenti die ad colloquium est: sed loquendo plura scribendoque, dedita operà, quæ in rem non essent; die consumpto, in posterum dilatum est. Addita insequens nox spatium dedit & alios emittendi: nec postero die res finem invenit. ita aliquot dies disceptando palam de legibus, noctesque emittendis clam è castris Karthaginensibus, absumptæ: & postquam major pars emissâ exercitus erat, jam ne iis quidem, quæ ultro dicta erant, stabatur: minúsque ac minùs (cum timore simul fide decresciente) conveniebat. Jam ferme pedestres omnes copiae evaserant è saltu: quum primâ luce densa nebula saltum omnem camposque circumintexit. quod ubi sensit Hasdrubal, mittit ad Neronem, qui in posterum diem colloquium differret. illum diem religiosum Karthaginensibus ad agendum quicquam rei seriæ esse. Ne tum quidem suspecta fraus. quum data esset venia ejus diei, extemplo Hasdrubal, cum equitatu elephantisque castris egressus, sine ullo tumultu in tutum evasit. Horâ ferme quartâ dispulsa sole nebula aperuit diem, vacuaque hostium castra conspexerunt Romani. Tum demum Claudius, Punicam fraudem agnoscens, ut se dolo captum sensit, proficiscentem institit sequi, paratus configere acie: sed hostis detrectabat pugnam, levia tamen prælia inter extremum Punicum agmen præcursoresque Romanorum fiebant.

XVIII. Inter hæc Hispaniæ populi; nec qui post cladem acceptam defecerant, redibant ad Romanos, nec ulli novi deficiebant. Et Romæ senatui populoque, post receptam Capuam, non Italiæ jam major,

quàm Hispaniæ, cura erat: & exercitum augeri, & imperatorem mitti placebat. nec tamen, quem mitterent, satis constabat; quàm illud, ubi duo summi imperatores intra dies triginta cecidissent, qui in locum duorum succederet, extraordinariâ curâ deligendum esse. Quum alii alium nominarent, postremum eò decursum est, ut populus proconsuli creando in Hispaniam comitia haberet: diemque comitiis consules edixerunt. Primò expectaverant, ut, qui se tanto imperio dignos crederent, nomina profiterentur. quæ ut destituta expectatio est, redintegratus luctus acceptæ cladis, desideriumque imperatorum amissorum. Mæsta itaque civitas, propè inops consilii, comitiorum die tamen in campum descendit: atque in magistratus versi circumspectant ora principum, aliorum alios intuentium, fremuntque, adeo perditas res desperatumque de republica esse, ut nemo audeat in Hispaniam imperium accipere. Quum subitò P. Cornelius, Publii, qui in Hispania ceciderat, filius, quatuor & viginti ferme annos natus, professus se petere, in superiore, unde conspici posset, loco constitit. In quem postquam omnium ora conversa sunt, clamore ac favore ominati extemplo sunt felix faustumque imperium. iussi deinde inire suffragium, ad unum omnes non centuriæ modò, sed etiam homines, P. Scipioni imperium esse in Hispania iusserunt. Ceterum post rem actam, ut jam refederat impetus animorum ardorque, silentium subitò ortum & tacita cogitatio, quidnam egissent? num favor plus valuisset, quàm ratio? ætatis maximè pœnitebat: quidam fortunam etiam domus horrebant, nomenque, ex funestis duabus familiis, in eas provincias, ubi inter sepulchra patris patruisque res gerendæ essent, proficiscentis.

XIX. Quam ubi ab re tanto impetu acta sollicitudinem curamque hominum animadvertit, advocatâ concione, ita de ætate sua imperioque mandato, & bello,

bello, quod gerendum esset, magno elatoque animo differuit, ut ardorem eum, qui resederat, excitaret rursus novaretque: & impleret homines certioris spei, quam quantam fides promissi humani, aut ratio ex fiducia rerum subjicere solet. Fuit enim Scipio non veris tantum virtutibus mirabilis, sed arte quoque quâdam ab juvenia in ostentationem earum compositus: pleraque apud multitudinem, aut per nocturnas visa species, aut velut divinitus mente monita, agens: sive & ipse capti quâdam superstitione animi, sive ut imperia consiliaque, velut sorte oraculi missa, sine cunctatione exsequerentur. Ad hoc jam inde ab initio præparans animos, ex quo togam virilem sumpsit, nullo die prius ullam publicam privatamque rem egit, quam in Capitolium iret, ingressusque ædem consideret: & plerumque solus in secreto ibi tempus tereret. Hic mos, qui per omnem vitam servabatur, seu consulto, seu temere, vulgatæ opinioni fidem apud quosdam fecit, stirpis eum divinæ virum esse; retulitque famam, in Alexandro Magno prius vulgatam, & vanitate & fabulâ parem, anguis immanis concubitu conceptum, & in cubiculo matris ejus persæpe visam prodigii ejus speciem, interventuque hominum evolutam repente, atque ex oculis elapsam. His miraculis nunquam ab ipso elusa fides est: quin potius aucta arte quâdam, nec abnuendi tale quicquam, nec palam affirmandi. Multa alia ejusdem generis, alia vera, alia assumulata, admirationis humanæ in eo juvene excesserant modum: quibus freta tunc civitas, ætati haudquaquam maturæ tantam molem rerum, tantumque imperium permisit. Ad eas copias, quas ex vetere exercitu Hispania habebat, quæque à Puteolis cum C. Nerone trajectæ erant, decem millia militum & mille equites adduntur. & M. Junius Silanus proprætor adjutor ad res gerendas datus est. Ita cum triginta navium classe (omnes autem quinqueremes erant) ostiis Tiberinis profectus præ-

ter

ter oram Tusci maris, Alpes atque Gallicum sinum, & deinde Pyrenæi circumvectus promontorium, Emporiis, urbe Græcâ (oriundi & ipsi à Phocæa sunt) copias exposuit: inde sequi navibus jussis, Tarraconem pedibus profectus, conventum omnium sociorum (etenim legationes ad famam adventus ejus ex omni se provincia effuderant) habuit. naves ibi subduci jussit, remissis quatuor triremibus Massiliensium, quæ officii causâ ab domo profectæ fuerant. Responsa inde legationibus suspensis varietate tot casuum dare cœpit. ita elato ab ingenti virtutum suarum fiducia animo, ut nullum ferox verbum excideret; ingensque omnibus, quæ diceret, quum majestas inesset, tum fides.

XX. Profectus ab Tarracone, & civitates sociorum & hiberna exercitus adiit: collaudavitque milites, quod, duabus tantis cladibus deinceps icti, provinciam obtinissent: nec fructum secundarum rerum sentire hostes passi, omni eis Iberum agro eos arcuissent, sociosque cum fide tutati essent. Marcium secum habebat cum tanto honore, ut facile appareret, nihil minus, quàm vereri, ne quis obstitet gloriæ suæ. Successit inde Neroni Silanus, & in hiberna novi milites deducti. Scipio, omnibus, quæ ad eunda agendaque erant, maturè aditis peractisque, Tarraconem concessit. Nihilo minor fama apud hostes Scipionis erat, quàm apud cives sociosque, & divinatio quædam futuri; quo minus ratio timoris reddi poterat oborti temere, majorem inferens metum. In hiberna diversis concesserant: Hasdrubal Gisgonis usque ad Oceanum & Gades: Mago in mediterranea, maximè supra Castellonensem saltum: Hasdrubal Hamilcaris filius proximus Ibero circa Saguntum hibernavit. Æstatis ejus extremo, quo capta est Capua, & Scipio in Hispaniam venit, Punica classis, ex Sicilia Tarentum accita ad arcendos com meatus præsidii Romani, quod in arce Tarentina erat, clauserat quidem omnes ad arcem à mari

mari aditus; sed assidendo diutius artiozem annonam fociis, quàm hosti, faciebat. non enim tantum subvehi oppidanis per pacata littora apertosque portus præsidio navium Punicarum poterat, quantum frumenti classis ipsa turbâ navali mixta ex omni genere hominum absumebat. ut arcis præsidium etiam sine investito (quia pauci erant) ex antè præparato sustentari posset; Tarentinis classique ne investum quidem sufficeret. Tandem majore gratiâ, quàm venerat, classis dimissa est. annona haud multum laxaverat: quia, remoto maritimo præsidio, subvehi frumentum non poterat.

XXI. Eiusdem ætatis exitu, M. Marcellus ex Sicilia provincia quum ad urbem venisset, à C. Calpurnio prætore senatus ei ad ædem Bellonæ datus est. ibi quum de rebus à se gestis differuisset, questus leniter non suam magis, quàm militum, vicem, quod provinciâ confectâ exercitum deportare non licuisset, postulavit, ut triumphanti urbem inire liceret. id non impetravit. Quum multis verbis actum esset, utrum minùs conveniret, cuius nomine absentis, ob res prospere ductu ejus gestas, supplicatio decreta foret, & Diis immortalibus habitus honos, ei præsentì negare triumphum: an, quem tradere exercitum successorì iussissent, (quod, nisi manente in provincia bello, non decerneretur) eum quasi debellato triumphare, quum exercitus, testis meriti atque immeriti triumphì, abesset; medium visum, ut ovans urbem iniret. Tribuni plebis ex auctoritate senatûs ad populum tulerunt, ut M. Marcello, quo die urbem ovans iniret, imperium esset. Pridie, quàm urbem iniret, in monte Albano triumphavit. inde ovans multam præ se prædam in urbem intulit. Cum simulacro captarum Syracusarum, catapultæ ballistæque, & alia omnia instrumenta belli lata, & pacis diuturnæ regiæque opulentiz ornamenta, argenti ærisque fabrefacti vis, alia supellex, pretiosa-
quo

que vestis, & multa nobilia signa, quibus inter primas Græciæ urbes Syracusæ ornatae fuerant. Punica quoque victoriæ signum, octo ducti elephantī. Et non minimum fuit spectaculum cum coronis aureis præcedentes Sosius Syracusanus, & Mericus Hispanus. quorum altero duce nocturno Syracusas introitum erat; alter Nasum, quodque ibi præsidii erat, prodiderat. His ambobus civitas data, & quingena jugera agri. Sosius in agro Syracusano, qui aut regius, aut hostium populi Romani fuisset, & ædes Syracusis cujus vellet eorum, in quos belli jure animadversum esset: Merico Hispanisque, qui cum eo transierant, urbs agerque in Sicilia ex iis, qui à populo Romano defecissent, iussu dari. Id M. Cornelio mandatum, ut, ubi ei videretur, urbem agrumque eis assignaret. In eodem agro Belligeni, per quem illectus ad transitionem Mericus erat, quadringenta jugera agri decreta. Post profectiōnem ex Sicilia Marcelli, Punica classis octo millia pedatum, tria Numidarum equitum exposuit. Ad eos Murgantinæ desciverunt terræ. fecuta defectionem earum Hybla & Macella sunt, & ignobiliores quædam aliz. Et Numidæ, præfecto Mutine, vagi per totam Siciliam, sociorum populi Romani agros urebant. Super hæc exercitus Romanus iratus, partim quod cum imperatore non devectus ex provincia esset, partim quod in oppidis hibernare vetiti erant, segni fungebantur militiâ: magisque eis auctor ad seditionem, quam animus, deerat. Inter has difficultates M. Cornelius prætor & militum animos, nunc consolando, nunc castigando, sedavit, & civitates omnes, quæ defecerant, in ditionem redegit: atque ex his Murgantiâ Hispanis, quibus urbs agerque debebatur, ex senatusconsulto attribuit.

XXII. Consules, quum ambo Apuliam provinciam haberent, minusque jam terroris à Pœnis & Hannibale esset, sortiri iussu Apuliam Macedoniamque provinci-

as. Sulpicio Macedonia evenit, isque Lævino successit. Fulvius, Romam comitiorum causâ arcessitus, quum comitia consulibus rogandis haberet, prærogativa Veturia juniorum declaravit T. Manlium Torquatum, & T. Otacilium. Manlius, qui præsens erat, gratulandi causâ quum turba cõret, nec dubius esset consensus populi, magnâ circumfusus turbâ ad tribunal consulis venit; petitque, ut pauca sua verba audiret, centuriamque, quæ tulisset suffragium, revocari juberet. Erectis omnibus exspectatione, quidnam postulaturus esset, oculorum valetudinem excusavit. *Impudentem & gubernatorem & imperatorem esse, qui, quum alienis oculis ei omnia agenda sint, postulet sibi aliorum capita ac fortunas committi. proinde, si videretur, & redire in suffragium Veturiam juniorum juberet, & meminisset in consulibus creandis belli, quod in Italia sit, temporumque rei-publicæ. Vixdum requiesse aures à strepitu & tumultu hostili, quo paucos antè menses assederint prope mœnia Romana.* Post hæc quum centuria frequens succelamasset, nihil se mutare sententia, eosdemque consules dicturos esse; tum Torquatus, *Neque ego vestros, inquit, mores consul ferre poterò, neque vos imperium meum. Redite in suffragium, & cogitate bellum Punicum in Italia, & hostium ducem Hannibalem esse.* Tum centuria, & auctoritate mota viri, & admirantium circâ fremitu, petit à consule, ut Veturiam seniorum citaret: *velle se cum majoribus natu colloqui, & ex auctoritate eorum consules dicere.* Citatis Veturia senioribus, datum secretò in Ovili cum his colloquendi tempus. Seniores de tribus consulendum dixerunt esse, duobus jam plenis honorum, Q. Fabio & M. Marcello; &, si utique novum aliquem adversus Pœnos consulem creari vellent, M. Valerium Lævinum egregiè adversus Philippum regem terrâ marique res gessisse. Ita de tribus consultatione datâ, senioribus dimissis, juniores suffragium incunt. M. Claudium Marcellum, fulgentem tum Siciliâ domitâ, & M. Va-

lerium

lerium absentes consules dixerunt. auctoritatem prerogativæ omnes centuriæ secutæ sunt. Eludant nunc antiqua mirantes. non equidem, si qua sit sapientium civitas, quam docti fingunt magis, quam norunt, aut principes graviores temperantioresque à cupidine imperii, aut multitudinem melius moratam censeam fieri posse. Centuriam verò juniorum seniores consulere voluisse, quibus imperium suffragio mandaret, vix ut verisimile sit, parentum quoque hoc seculo vilis levisque apud liberos auctoritas fecit.

XXIII. Prætoria inde comitia habita. P. Manlius Vulso, & L. Manlius Acidinus, & C. Lætorius, & L. Cincius Alimentus creati sunt. Fortè ita incidit, ut comitiis perfectis nunciaretur, T. Otacilium, quem T. Manlio, nisi interpellatus ordo comitiorum esset, collegam absentem daturus fuisse videbatur populus, mortuum in Sicilia esse. Ludi Apollinares & priore anno fuerant, & eo anno ut fierent, referente Calpurnio prætore, senatus decrevit, ut in perpetuum voverentur. Eodem anno prodigia aliquot visa nuntiataque sunt. In æde Concordiæ Victoria, quæ in culmine erat, fulmine icta decussaque, ad Victorias, quæ in antefixis erant, hæsit, neque inde procidit. Et Anagninæ & Fregellis nunciatum est, murum portasque de cælo tactas: & in foro Sudertano sanguinis rivos per diem totum fluxisse, & Ereti lapidibus pluuisse, & Reate mulam peperisse. Ea prodigia hostiis majoribus sunt procurata, & obsecratio in unum diem populo indicta, & novemdiale sacrum. Sacerdotes publici aliquot eo anno demortui sunt, novique suffecti: in locum M. Æmilii Numidæ decemviri sacrorum M. Æmilius Lepidus: in locum M. Pomponii Mathonis pontificis C. Livius: in locum Sp. Carvili Maximi auguris M. Servilius. T. Otacilius Crassus pontifex quia exacto anno mortuus erat, ideo nominatio in locum ejus non est facta.

Faſta. C. Claudius flamen Dialis, quòd exta perperam cederat, flaminio abiit.

XXIV. Per idem tempus M. Valerius Lævinus, tentatis priùs per ſecreta colloquia principum animis, ad indiſtum antè ad id ipſum concilium Ætolorum claſſe expedità venit. Ubi quum Syraeuſas Capuamque captam, in fidem in Sicilia Italiaque rerum ſecundarum, oſtentàſſet, adjeciſſetque, jam inde à majoribus traditum morem Romanis colendi ſocios, ex quibus alios in civitatem atque æquum ſecum jus accepiſſent, alios in ea fortuna haberent, ut ſocii eſſe, quàm cives, mallet. Ætolos eo in majore futuros honore, quòd gentium tranſmarinarum in amicitiam primi veniſſent. Philippum eis & Macedonas graves accolas eſſe; quorum ſe vim ac ſpiritus & jam fregiſſe, & eò redacturum eſſe, ut non his modò urbibus, quas per vim ademiſſent Ætolis, excedant, ſed ipſam Macedoniam infeſtam habeant. Et Acarnanas, quos egre ferrent Ætoli à corpore ſuo diremptos, reſtituturum ſe in antiquàm formulam jurisque ac ditionis eorum. Hæc, dicta promiſſaque ab Romano imperatore, Scopas, qui tum prætor gentis erat, & Dorymachus, princeps Ætolorum, affirmaverunt auctoritate ſuà, minore cum verecundia & majore cum fide vim majestatemque populi Romani extol-
lentes. maximè tamen ſpes potiundæ movebat Acarnaniæ. Igitur conſcriptæ conditiones, quibus in amicitiam ſocietatemque populi Romani venirent: additumque, ut, ſi placeret vellentque, eodem jure amicitia Elei, Lacedæmonique, & Attalus, & Pleuratus, & Scerdilæus eſſent. (Aſiæ Attalus, hi Thracum & Illyriorum reges.) Bellum ut extemplo Ætoli cum Philippo terrâ gererent. Navibus ne minùs viginti quinquereſibus adjuvaret Romanus. Urbium Corcyra tenus ab Ætolia incipienti ſolum teſtaque, & mari cum agris, Ætolorum; alia omnis præda populi Romani eſſet. Darentque operam Romani, ut Acarnaniam Ætoli haberent. Si Ætoli pacem cum Philippo facerent, fœderi adſcriberent, ita ratam eorum pacem, ſi

Phi-

Philippus arma ab Romanis sociisque, quique eorum ditionis essent, abstinuisset. Item, si populus Romanus fœdere jungeretur regi, ut caveret, ne jus ei belli inferendi Ætolis sociisque eorum esset. Hæc convenerunt, conscriptaque biennio post Olympiæ ab Ætolis, in Capitolio ab Romanis, ut testata sacratæ monumentis essent, sunt posita. Moræ causâ fuerant retenti Romæ diutius legati Ætolorum. Nec tamen impedimento id rebus gerendis fuit. & Ætoli extemplo moverunt adversus Philippum bellum, & Lævinus Zacynthum (parva insula est propinqua Ætoliz: urbem unam eodem, quo ipsa est, nomine habet; eam præter arcem vi cepit) & Oeniadas Nasumque Acarnanum captas Ætolis contribuit. Philippum quoque fatis implicatum bello finitimo ratus, ne Italiam Pœnosque & pacta cum Hannibale posset respicere, Corcyram ipse se recepit.

XXV. Philippo Ætolorum defectio Pellæ hibernanti allata est. itaque, quia primo vere moturus exercitum in Græciam erat, Illyrios finitimasque eis urbes alterno metu quietas ut Macedonia haberet, expeditionem subitam in Oricinorum atque Apolloniatarum fines fecit: egressosque Apolloniatas, cum magno terrore atque pavore, compulit intra muros. Vastatis proximis Illyrici, in Pelagoniam eadem celeritate vertit iter: inde Dardanorum urbem, sitam in Macedonia, transitum Dardanis facturam, cepit. His raptim actis, memor Ætolici junctique cum eo Romani belli, per Pelagoniam, & Lyncum, & Bottizam, in Thessaliam descendit. Ad bellum secum adversus Ætolos capessendum incitari posse homines credebat: &, relicto ad fauces Thessaliæ Perseo cum quatuor millibus armatorum ad arcendos aditu Ætolos, ipse, priusquam majoribus occuparetur rebus, in Macedoniam, atque inde in Thraciam exercitum ac Mædos duxit. Incurrere ea gens in Macedoniam solita erat; ubi regem occupatum externo bello, ac sine præsidio esse regnum sen-

sensisset. Ad Phragandas igitur vastare agros, & urbem
 Jamphorinam, caput arcemque Mædicæ, oppugnare
 cœpit. Scopas, ubi profectum in Thraciam regem,
 occupatumque ibi bello audivit, armatâ omni juven-
 tute Ætolorum, bellum inferre Acarnaniæ parat. Ad-
 versus quod Acarnanum gens & viribus impar, & jam
 Oeniadas Nasumque amissa cernens, Romanaque in-
 super arma ingruere, irâ magis instruit, quàm consi-
 lio, bellum. Conjugibus liberisque & senioribus su-
 pra sexaginta annos in propinquam Epirum missis, ab
 quindecim ad sexaginta annos conjurant, nisi victores,
 se non redituros. Qui victus acie excessisset, eum ne
 quis urbe, tecto, mensâ, lare reciperet, diram exse-
 crationem in populares, obtestationem quàm sanctissi-
 mam potuerunt adversus hospites, composuerunt. pre-
 catique simul Epirotas sunt, ut, qui suorum in acie ce-
 cidissent, eos uno tumulo contegerent, adhiberentque
 humatis titulum: **HIC SITI SUNT ACARNANES, QUI,
 ADVERSUS VIM ATQUE INJURIAM ÆTOLORUM PRO PA-
 TRIA PUGNANTES, MORTEM OCCUBUERUNT.** Per hæc in-
 citatis animis, castra in extremis finibus suis obvia
 hosti posuerunt. nunciis ad Philippum missis, quanto
 res in discrimine esset, omittere Philippum, id quod
 in manibus erat, coegerunt bellum, Jamphorinâ per
 deditionem receptâ, & prospere alio successu rerum.
 Ætolorum impetum tardaverat primò conjurationis fa-
 ma Acarnanicæ: deinde auditus Philippi adventus, re-
 gredi etiam in intimos coëgit fines. Nec Philippus,
 quanquam, ne opprimerentur Acarnanes, itineribus
 magnis ierat, ultra Diu est progressus. inde, quum
 audisset reditum Ætolorum ex Acarnania, & ipse Pel-
 lam rediit.

XXVI. Lævinus, veris principio à Corcyra profec-
 tus navibus, superato Leucatâ promontorio, quum
 venisset Naupactum, Anticyram inde se petiturum e-
 dixit, ut præsto ibi Scopas Ætoli que essent. Sita An-
 ticyra

ticyra est in Locride lævâ parte sinum Corinthiacum
 intransibis. breve terrâ iter eò, brevis navigatio ab
 Naupacto est. Tertio ferme post die utrinque oppu-
 gnari cœpta est. Gravior à mari oppugnatio erat;
 quia & tormenta machinæque omnis generis in navi-
 bus erant, & Romani inde oppugnabant. Itaque in-
 tra paucos dies recepta urbs per deditionem Ætolis
 traditur, præda ex pacto Romanis cessit. Literæ Læ-
 vino redditæ, consulem cum absentem declaratum, &
 successorem venire P. Sulpicium. ceterum, diuturno
 ibi morbo implicitus, serius spe omnium Romam ve-
 nit. M. Marcellus, quum Idibus Martiis consulatum
 inisset, senatum eo die, moris modò causâ, habuit, pro-
 fectus, *nihil se, absente collegâ, neque de republica, neque de*
provinciis, acturum. Scire se, frequentes Siculos prope ur-
bem in villis obrectatorum suorum esse. quibus, tantum ab-
esse, ut per se non liceat palam Romæ crimina edita flectaque ab
inimicis vulgare, ut, ni simularent, aliquem sibi timorem, ab-
sente collegâ, dicendi de consule esse, ipse eis extemplo daturus
senatum fuerit. Ubi quidem collega venisset, non passurum
quicquam prius agi, quàm ut Siculi in senatum introducân-
tur. Delectum propè à M. Cornelio per totam Siciliam ba-
bitum, ut quamplurimi questum de se Romam venirent. eum-
dem literis falsis urbem implèsse, bellum in Sicilia esse, ut
suam laudem minuat. Moderati animi gloriam eo die
 adeptus consul, senatum dimisit; ac propè iustitium
 omnium rerum futurum videbatur, donec alter consul
 ad urbem venisset. Otium, ut solet, excitavit plebis
 rumores: belli diuturnitate, & vastatos agros circa urbem,
 quâ infesto agmine iisset Hannibal, & exhaustam delectibus I-
 talias, & propè quotannis exercitus casos querebantur; &
 consules bellicosos ambo, viros acres nimis & feroces, crea-
 tos, qui vel in pace tranquilla bellum excitare possent, nedum
 in bello respirare civitatem forent passuri.

XXVII. Interrupit hos sermones nocte, quæ pridie
 Quinquatrus fuit, pluribus simul locis circa forum in-
 tendium

incendium ortum. eodem tempore septem tabernæ, quæ postea quinque, & argentariæ, quæ nunc novæ appellantur, arserunt. Comprehensa postea privata ædificia: neque enim tum basilicæ erant: comprehensæ lautuminiæ, forumque piscatorium, & atrium regium. Ædes Vestæ vix defensa est tredecim maximè servorum operâ, qui in publicum redempti ac manumissi sunt. nocte ac die continuatum incendium fuit. Nec ulli dubium erat, humanâ id fraude factum esse, quod plurimis simul locis, & iis diversis, ignes coorti essent. Itaque consul ex auctoritate senatûs pro concione edixit, qui, quorum operâ id conflatum incendium, profiteretur, præmium fore, libero pecuniam, servo libertatem. Eo præmio inductus Campanorum Calaviorum servus (Mannus ei nomen erat) indicavit, *dominos & quinque præterea juvenes nobiles Campanos, quorum parentes à Q. Fulvio securi percussi erant, id incendium fecisse; vulgòque facturos alia, ni comprehendantur.* Comprehensi ipsi familiæque eorum. & primò elevabatur index indiciumque: *pridie eum verberibus castigatum ab dominis discessisse, per iram ac levitatem ex re fortuita crimen commentum.* ceterum ut coram coarguebantur, & questio ex ministris facinoris foro medio haberi cœpta est, fassi omnes, atque in dominos servosque confcios animadversum est. indici libertas data, & viginti milia æris. Consuli Lævino Capuam prætereunti circumfusa multitudo Campanorum est, obsecrantium cum lacrimis, ut sibi Romam ad senatum ire liceret, oratum, si quâ misericordiâ tandem flecti possent, ne se ad ultimum perditum irent, nomenque Campanorum à Q. Flacco deleri sinerent. Flaccus, *sibi privatam simultatem cum Campanis, negare, ullam esse: publicas inimicitias & hostiles esse, & futuras, quoad eo animo esse erga populum Romanum sciret.* nullam enim in terris gentem esse, nullum infestiorum populum nomini Romano. Idcirco se manibus inclusos tenere eos: quia, si qui evasissent aliquâ,

quâ, velut feras bestias per agros vagari, & laniare, & trucidare, quodcunque obvium datur. Alios ad Hannibalem transfugisse, alios ad Romam incendendam profectos. inventurum in seminato foro consulem vestigia sceleris Campanorum. Vesta adem petitam, & aternos ignes, & conditum in penetrali fatale pignus imperii Romani. Se minimè censere tutum esse, Campanis potestatem intrandi Romana mœnia fieri. Lævinus Campanos, jurejurando à Flacco adæctos, quinto die, quàm ab senatu responsum accepissent, Capuam redituros, sequi se Romam jussit. Hæc circumfusis multitudine, simul Siculis obviâ egressis Ætolisque Romam prævit, clarissimarum urbium exsidio celeberrimis viris victos bello accusatores in urbem adducens. De republica tamen primum ac de provinciis ambo consules ad senatum retulere.

XXVIII. Ibi Lævinus, quo statu Macedonia & Græcia, Ætoli, Acarnanes Locrique essent, quasque ibi res ipse egisset terrâ marique, exposuit. Philip-pum, inferentem bellum Ætolis, in Macedoniam retro ab se compulsum, ad intima penitus regni abisse, legionemque inde deduci posse. classem satis esse ad arcendum Italiâ regem. Hæc de se deque provincia, cui præfuerat. Consul-lum de provinciis communis relatio fuit. decrevere Patres, Ut alteri consulum Italia bellumque cum Hannibale provincia esset: alter classem, cui T. Otacilius præfuisset, Siciliamque provinciam cum L. Cincio pratore obtineret. Exercitus eis duo decreti, qui in Etruria Galliaque essent. eæ quatuor erant legiones. urbanæ duæ superioris anni in Etruriam; duæ, quibus Sulpicius consul præfuisset, in Galliam mitterentur. Galliz & legionibus præfesset, quem consul, cujus Italia provincia esset, præfecisset. In Etruriam C. Calpurnius, post præturam prorogato in annum imperio, missus; & Q. Fulvio Capua provincia decreta, prorogatumque in annum imperium. Exercitus civium sociorumque minui jussus, ut ex duabus legionibus una legio, quinque millia

millia peditum, & trecenti equites essent; dimissis, qui plurima stipendia haberent: & sociorum septem millia peditum & trecenti equites relinquerentur, eadem ratione stipendiorum habitâ in veteribus militibus dimittendis. Cn. Fulvio consuli superioris anni, nec de provincia Apulia, nec de exercitu, quem habuerat, quicquam mutatum. tantum in annum prorogatum imperium est. P. Sulpicius collega ejus omnem exercitum, præter socios navales, jussus dimittere est. Item ex Sicilia exercitus, cui M. Cornelius præset, ubi consul in provinciam venisset, dimitti jussus. L. Cincio prætori ad obtinendam Siciliam Cannenses milites dati, duarum instar legionum. Totidem legiones in Sardiniam P. Manlio Vulsoni prætori decretæ, quibus L. Cornelius in eadem provincia priore anno præfuerat. Urbanas legiones ita scribere consules jussi, ne quem militem facerent, qui in exercitu M. Claudii, M. Valerii, Q. Fulvii, fuissent; neve eo anno plures, quam una & viginti, Romanæ legiones essent.

XXIX. His senatusconsultis perfectis, sortiti provincias consules. Sicilia & classis Marcello, Italia cum bello adversus Hannibalem Lævino evenit. Quæ fors, velut iterum captis Syracusis, ita exanimavit Siculos, expectatione fortis in consulum conspectu stantes, ut comploratio eorum flebilesque voces & extemplo oculos hominum converterent, & postmodo sermones præbuerint. Circumibant enim senatum cum veste sordida, affirmantes, *se non modò suam quisque patriam, sed totam Siciliam, relicturos, si eò Marcellus iterum cum imperio redisset. Nullo suo merito eam antè implacabilem in se fuisse: quid iratum; quòd Romam de se questum venisse Siculos sciat, facturum? Obrui Ætna ignibus, aut mergi fretò, satius illi insule esse, quàm velut dedi noxæ inimico.* Hæ Siculorum querelæ, domos primùm nobilium circumlatæ, celebratæque sermonibus, quos partim misericordia Siculorum, partim invidia Marcelli excitabat,

in senatum etiam pervenerunt. Postulatum à consulibus est, ut de permutandis provinciis senatum consulerent. Marcellus, si jam auditi ab senatu Siculi essent, etiam forsitan futuram fuisse sententiam suam, dicere. nunc, ne quis timore frenari eos dicere posset, quo minùs de eo libere querantur, in cujus potestate mox futuri sint, si collega nihil interfit, mutare se provinciam paratum esse. deprecari senatus præjudicium; nam, quoniam extra sortem collega optionem dari provincia iniquum fuerit, quanto majorem injuriam, imò contumeliam esse, sortem suam ad eum transferri? Ita senatus, quum, quid placeret, magis ostendisset, quàm decreisset, dimittitur. inter ipsos consules permutatio provinciarum, rapiente fato Marcellum ad Hannibalem, facta est: ut, ex quo primus adversæ pugnae gloriam ceperat, in ejus laudem postremus Romanorum imperatorum, prosperis tum maximè bellicis rebus, caderet.

XXX. Permutatis provinciis, Siculi, in senatum introducti, multa de Hieronis regis fide perpetua erga populum Romanum verba fecerunt, in gratiam publicam avertentes, Hieronymum ac postea Hippocraten & Epicyden tyrannos, quum ob alia, tum propter defectionem ab Romanis ad Hannibalem, invisos fuisse sibi. ob eam causam & Hieronymum à principibus juventutis prope publico consilio interfectum: & in Epicydis Hippocratisque eadem septuaginta nobilissimorum juvenum conjurationem factam; quos, Marcelli morâ destitutos, quia ad prædictum tempus exercitum ad Syracusas non admovisset, indicio facto, omnes ab tyrannis interfectos. Eam quoque Hippocratis atque Epicydis tyrannidem Marcellum excitasse, Leontinis crudeliter direptis. Nunquam deinde principes Syracusanorum desisse ad Marcellum transire, pollicerique, se urbem, quum vellet, ei tradituros. sed eum primò vi capere maluisse. dein, quum id neque terrâ, neque mari, omnia expertus, potuisset, auctores traditarum Syracusarum fabrum ararium Sosin, & Mericum Hispanum, quàm principes Syracusanorum habere, toties id nequis-

nequicquam ultro offerentes, praoptasse: quo scilicet justiorē de causa vetustissimos socios populi Romani trucidaret, ac diriperet. Si non Hieronymus ad Hannibalem defecisset, sed populus Syracusanus & senatus, si portas Marcello Syracusani publicè, & non, oppressis Syracusanis, tyranni eorum Hippocrates & Epicydes, clausissent, si Karthaginensium animis bellum cum populo Romano gessissent; quid ultra, quàm quod fecerit, nisi ut deleret Syracusas, facere hostiliter Marcellum potuisse? Certè præter mœnia & tecta exhausta urbis, & refracta ac spoliata Deum delubra, Diis ipsis ornamentisque eorum ablatis, nihil relictum Syracusis esse. Bona quoque multis adempta, ita ut ne nudo quidem solo, reliquiis direpta fortuna, alere sese ac suos possent. Orare se Patres conscriptos, ut, si nequeant omnia, saltem, quæ compareant cognoscique possint, restitui dominis jubeant. Talia conquestos quum excedere extemplo, ut de postulatis eorum Patres consuli possent, Lævinus jussisset, Maneant imò, inquit Marcellus, ut coram his respondeam, quando eā conditione pro vobis, Patres conscripti, bella gerimus, ut victos armis accusatores habeamus. Duæ capta hoc anno urbes Capua Fulvium reum, Marcellum Syracusæ habeant.

XXXI. Reductis in curiam legatis, tum consul, Non adeo majestatis, inquit, populi Romani imperiique hujus oblitus sum, Patres conscripti, ut, si de meo crimine ambigetur, consul dicturus causam, accusantibus Græcis, fuerim. sed non, quid ego fecerim, in disquisitionem venit, quàm quid isti pati debuerint. qui si non fuerunt hostes, nihil interest, nunc, an vivo Hierone, Syracusas violaverim. Sin autem desciverunt, legatos nostros ferro atque armis petierunt, urbem ac mœnia clauserunt, exercituque Karthaginensium adversus nos tutati sunt; quis passos esse hostilia, quum fecerint, indignatur? Tradentes urbem principes Syracusanorum aversatus sum: Sosin & Mericum Hispanum, quibus tantum crederem, potiores habui. Non estis extremi Syracusanorum, quippe qui aliis humilitatem objiciatis. Quis est vestrum, qui se mihi portas aperturum, qui armatos milites meos in urbem ac-

ceptarum promiserit? Odistis & execramini eos, qui fecerunt, & ne hic quidem contumeliis in eos dicendis parcitis: tantum abest, ut & ipsi tale quicquam facturi fueritis. Ipsa humilitas eorum, Patres conscripti, quam isti objiciunt, maximo argumento est, me neminem, qui navatam operam rei publicae nostrae velit, aversum esse. Et, antequam obsiderem Syracusas, nunc legatis mittendis, nunc ad colloquium eundo, tentavi pacem: & postquam neque legatos violandi verecundia erat, nec mihi ipsi congresso ad portas cum principibus responsum dabatur, multis terrâ marique exhaustis laboribus, tandem vi atque armis Syracusas cepi. Quae captis attiderint, apud Hannibalem & Karthaginenses victosque justius, quam apud victoris populi senatum, quererentur. Ego, Patres conscripti, Syracusas spoliatas si negaturus essem, nunquam spoliis earum urbem Romam exornarem. Quae autem singulis victor aut ademi, aut dedi; quum belli jure, tum ex cujusque merito, satis scio me fecisse. Ea vos rata habeatis, Patres conscripti, ne magis rei publicae interest, quam mea. Mea quippe fides exsoluta est: ad rempublicam pertinet, ne acta mea rescindendo, alias in posterum segniores duces faciat. Et quoniam coram & Siculorum & mea verba audistis, Patres conscripti, simul templo excedemus, ut, me absente, liberius consuli senatus possit. Ita dimissis Siculis, & ipse in Capitolium ad delectum discessit.

XXXII. Consul alter de postulatis Siculorum ad Patres retulit. Ibi quum diu de sententiis certatum esset, & magna pars senatus, principe ejus sententiae T. Manlio Torquato, cum tyrannis bellum gerendum fuisse, censerent, hostibus & Syracusanorum & populi Romani: & urbem recipi, non capi: & receptam legibus antiquis & libertate stabiliri, non fessam miserandâ servitute bello affligi. Inter tyrannorum & ducis Romani certamina, praeium victoris in medio positam urbem pulcherrimam ac nobilissimam pernisse, horreum atque ararium quondam populi Romani: cujus munificentia ac donis multis tempestatibus, hoc denique ipso Punico bello, adjuta ornatque respublica esset. Si ob inferis existat

existat rex Hiero, fidissimus imperii Romani cultor, quo ore aut Syracusas, aut Romam ei ostendi posse? quum, ubi semirutam ac spoliatam patriam respexisset, ingrediens Romam in vestibulo urbis, propè in porta, spolia patriæ suæ visurus sit? Hæc taliaque quum ad invidiam consulis miserationemque Siculorum dicerentur, mitius tamen decreverunt Patres causâ Marcelli: Quæ is gerens bellum victorque egisset, ratâ habenda esse. in reliquum curæ senatui fore rem Syracusanam, mandaturosque consuli Lavino, quod sine jactura reipublicæ fieri posset, fortunis ejus civitatis consuleret. Missis duobus senatoribus in Capitolium ad consulem, uti rediret in curiam, & introductis Siculis, senatusconsultum recitatum est: legatique, benignè appellati ac dimissi, ad genua se Marcelli consulis projecerunt, obsecrantes, ut, quæ deplorandæ ac levandæ calamitatis causâ dixissent, veniam eis daret, & in fidem clientelamque se urbemque Syracusas acciperet. post hæc consul clementer appellatos dimisit.

XXXIII. Campanis deinde senatus datus est, quorum oratio miserabilior, causa durior erat. neque enim meritas pœnas negare poterant, nec tyranni erant, in quos culpam conferrent: sed satis pensum pœnarum, tot veneno absumptis, tot securi percussis senatoribus, credebant. *Paucos nobilium superstites esse, quos nec sua conscientia, ut quicquam de se gravius consulerent, impulerit, nec victoris ira capitis damnaverit; eos libertatem sibi suisque, & bonorum aliquam partem orare, cives Romanos, affinitatibus plerosque & propinquis jam cognationibus ex connubio vetustò junctos. Summotis deinde è templo, paulisper dubitatum, an arcessendus à Capua Q. Fulvius esset. (mortuus enim post captam Claudius consul erat) ut coram imperatore, qui res gessisset, sicut inter Marcellum Siculosque disceptatum fuerat, disceptaretur: dein, quum M. Atilium, C. Fulvium fratrem Flacci, legatos ejus, ac Q. Minucium & L. Veturium Philonem, item Claudii legatos, qui omnibus gerendis*

rebus adfuerant, in senatu viderent, nec Fulvium advocari à Capua, nec differri Campanos vellent; interrogatus sententiam M. Atilius Regulus, cujus ex iis, qui ad Capuam fuerant, maxima auctoritas erat; *In consilio, inquit, arbitror me fuisse consulibus, Capuam captam, quum quaereretur, exquis Campanorum de republica nostra bene meritus esset; duas mulieres compertum est, Vestiam Oppiam Atellanam Capue habitantem, & Fauculam Cluviam, quae quondam questum corpore fecisset; illam quotidie sacrificasse pro salute & victoria populi Romani; hanc captivis egentibus alimenta clam suppeditasse. Ceterorum omnium Campanorum eundem erga nos animum, quem Karthaginensium, fuisse: securique percussos à Q. Fulvio esse magis, quorum dignitas inter alios, quam quorum culpa, eminebat. Per senatum agi de Campanis, qui cives Romani sunt, injussu populi non video posse. idque & apud majores nostros in Satricanis factum est, quum defecissent, ut M. Antistius tribunus plebis prius rogationem ferret, sciretque plebs, uti senatui de Satricanis sententia dicenda jus esset. Itaque censeo, cum tribunis plebis agendum esse, ut eorum unus pluresve rogationem ferant ad plebem, quod nobis statuendi de Campanis jus fiat. L. Atilius tribunus plebis ex auctoritate senatus plebem in hæc verba rogavit: Omnes Campani, Atellani, Calatini, Sabatini, qui se dediderunt in arbitrium ditionemque populi Romani Fulvio proconsuli, quaque una secum dediderunt, agrum urbemque, divina, humanaque, utensiliaque, sive quid aliud dediderunt; de iis rebus quid fieri velitis, vos rogo, Quirites. Plebes sic jussit, Quod senatus juratus, maxima pars, censeat, qui assidetis, id volumus jubemusque.*

XXXIV. Ex hoc plebiscito senatus consultus, Oppia Cluviaque primum bona ac libertatem restituit. si qua alia premia petere ab senatu vellent, venire eas Romam. Campanis in familias singulas decreta facta, quæ non operæ pretium est omnia enumerare. Aliorum bona publicanda: ipsos liberosque eorum & conjuges vendendas, extra
filias,

filias, quæ enupsissent prius, quàm in populi Romani potestatem venirent. Alios in vincula condendos, ac de his posterius consulendum. Aliorum Campanorum summam etiam censûs distinxerunt, publicanda necne bona essent; pecua captiva, præter equos, & mancipia, præter puberes virilis sexûs, & omnia, quæ solo non continerentur, restituenda, censuerunt, dominis. Campanos omnes, Atellanos, Calatinos, Sabatinos, extra quàm, qui eorum, aut ipsi aut parentes eorum, apud hostes essent, liberos esse, iusserunt, ita ut nemo eorum civis Romanus, aut Latini nominis esset: neve quis eorum, qui Capuæ fuissent, dum porta clausa essent, in urbe agrove Campano intra certam diem maneret. Locus, ubi habitarent, trans Tiberim, qui non contingeret Tiberim, daretur. qui nec Capua, nec in urbe Campana, quæ à populo Romano defecisset, per bellum fuissent, eos cis Lirim amnem Romam versus; qui ad Romanos transissent prius, quàm Hannibal Capuam veniret, cis Vulturnum emovendos, censuerunt. ne quis eorum propius mare quindecim millibus passuum agrum adificiumve haberet. Qui eorum trans Tiberim emoti essent, ne ipsi posterive eorum uspiam pararent haberentve, nisi in Vejente, aut Sutрино, Nepešinove agro: dum ne cui major, quàm quinquaginta iugerum, agri modus esset. Senatorum omnium, quique magistratus Capuæ, Atellæ, Calatie gessissent, bona venire Capuæ, iusserunt. libera corpora, quæ venundari placuerat, Romam mitti, ac Romæ venire. Signa, statuas aneas, quæ capta de hostibus dicerentur, quæ eorum sacra ac profana essent, ad pontificum collegium rejecerunt. Ob hæc decreta mœstiores aliquanto, quàm Romam venerant, Campanos dimiserunt. nec jam Q. Fulvii sævitiam in sese, sed iniquitatem Deûm atque execrabilem fortunam suam incusabant.

XXXV. Dimissis Siculis Campanisque, delectus habitus. scripto deinde exercitu, de remigum supplemento agi cœptum. in quam rem quum neque hominum satis, nec, ex qua pararentur, stipendiumque acciperent, pecuniæ quicquam eâ tempestate in publico

effet; edixerunt consules, ut privati ex censu ordinibusque, sicut antea, remiges darent cum stipendio cibariisque dierum triginta. Ad id edictum tantus fremitus hominum, tanta indignatio fuit, ut magis dux, quàm materia, seditioni deesset. *Secundùm Siculos Campanosque plebem Romanam perdendam lacerandamque sibi consules sumpsisse. per tot annos tributo exhaustos nil reliqui, præter terram nudam ac vastam, habere. Tecta hostes incendisse, servos agri cultores rempublicam abduxisse, nunc ad militiam parvo ære emendo, nunc remiges imperando. Si quid eni argenti ærisve fuerit, stipendio remigum & tributis annuis ablatum. Se, ut dent, quod non habeant, nullâ vi, nullo imperio cogi posse. Bona sua venderent: in corpora, quæ reliqua essent, favirent. Ne unde redimantur quidem, quicquam superesse.* Hæc non in occulto, sed propalam in foro atque oculis ipsorum consulum ingens turba circumfusi fremebant: nec eos sedare consules, nunc castigando, nunc consolando, poterant. Spatium deinde his tridui se date ad cogitandum dixerunt: quo ipsi ad rem inspiciendam expediendamque usi sunt. Senatui postero die habuerunt de remigum supplemento: ubi quum multa differuissent, cur æqua plebis recusatio esset, verterunt orationem eò, ut dicerent, *Privatis id, seu æquum, seu iniquum, onus injungendum esse. Nam unde, quum pecunia in arario non esset, paraturos navales socios? Quomodo autem sine classibus aut Siciliam obtineri, aut Italiâ Philippum arceri posse, aut tuta Italia littora esse?*

XXXVI. Quum in hac difficultate rerum consilium hæreret, ac propè torpor quidam occupasset hominum mentes, tum Lævinus consul, *Magistratus senatui, & senatum populo, sicut honore præstent, ita ad omnia, quæ dura atque aspera essent, subeunda dūces debere esse. Si quid injungere inferiori velis, id prius in te ac tuos si ipse juris statueris, facilius omnes obediētes habeas. nec impensa gravis est, quam ex ea plus quàm pro virili parte sibi quemque capere principum vident.* Itaque classes habere atque ornare volumus

Tunus populum Romanum? privatos sine recusatione remiges dare? nobismet ipsis primum imperemus. Aurum, argentum, æs signatum omne senatores crastino die in publicam conferamus: ita ut annulos sibi quisque, & conjugibus, & liberis, & filio bullam, & quibus uxor filiaque sunt, singulas uncias pondi auri relinquunt; argenti, qui curuli sella sederunt, equi ornamenta & libras pondi, ut salinum patellamque Deorum causâ habere possint. ceteri senatores libram argenti tantum, æris signati quina millia in singulos patresfamilie relinquamus. Ceterum omne aurum, argentum, æs signatum, ad triumviros mensarios extemplo deferamus, nullo antè senatusconsulto facto: ut voluntaria collatio & certamen adjuvanda reipublice excitet ad emulandum animos primum equestris ordinis, dein reliquæ plebis. hanc unam viam, multa inter nos collocuti, consules invenimus. Ingremini, Diis bene juvantibus. Res publica incolumis & privatas res facile salvas præstat. publica prodendo, tua nequicquam serves. In hæc tanto animo consensum est, ut gratiæ ultro consulibus agerentur. senatu inde misso, pro se quisque aurum, argentum & æs in publicum conferunt, tanto certamine injecto, ut prima inter primos nomina sua vellent in publicis tabulis esse; ut nec triumviri accipiundo, nec scribæ referendo sufficerent. Hunc consensum senatus equestris ordo est secutus: equestris ordinis, plebes. ita sine edicto, sine coërcitione magistratus, nec remige in supplementum, nec stipendio respublica eguit: paratissimeque omnibus ad bellum, consules in provincias profecti sunt.

XXXVII. Neque aliud magis tempus belli fuit, quo Karthaginienses Romanique pariter variis casibus immixtis magis in ancipiti spe ac metu fuerint. Nam Romanis & in provinciis, hinc in Hispania adversæ res, hinc prosperæ in Sicilia, luctum & lætitiâ miscuerant: & in Italia, quum Tarentum amissum damno & dolori, tum arx cum præsidio retenta præter spem gaudio fuit: & terrorem subitum pavoremque

urbis Romæ obsessæ & oppugnatz Capua post dies paucos capta in lætitiā vertit. Transmarinæ quoque res quādam vice pensatz. Philippus hostis tempore haud satis opportuno factus; Ætoli novi adsciti socii, Attalusque Asiæ rex, jam velut despondente fortunā Romanis imperium Orientis. Karthaginenses quoque Capuam amissam & Tarentum captum æquabant: &, ut ad mœnia urbis Romæ nullo prohibente se pervenisse in gloria ponebant, ita pigebat irriti incepti; pudebatque adeo se spretos, ut, sedentibus ipsis ad Romanā mœnia, aliā portā exercitus Romanus in Hispaniam duceretur. Ipsæ quoque Hispaniæ, quo propius spem venerant, tantis duobus ducibus exercitibusque cæsis, debellatum ibi, ac pulsos inde Romanos esse; eo plus, ab L. Marcio tumultuario duce ad vanum & irritum victoriam redactam esse, indignationis præbebant. Ita æquante fortunā, suspensa omnia utrinque erant, integrā spe, integro metu, velut illo tempore primum bellum inciperent.

XXXVIII. Hannibalem ante omnia angebat, quod Capua, pertinacius oppugnata ab Romanis, quā de-
fensa ab se, multorum Italiæ populorum animos aver-
terat: quos neque omnes tenere præsidia, nisi vellet
in multas parvasque partes carpere exercitum, quod
minimè tum expediebat, poterat: nec, deductis præsi-
diis, spei liberam vel obnoxiam timori sociorum re-
linquere fidem. Præceps in avaritiam & crudelitatem
animus ad spolianda, quæ tueri nequibat, ut vastatā
hosti relinquerentur, inclinavit. Id foedum consilium,
quum incepto, tum etiam exitu fuit, neque enim in-
digna patientium modò abalienabantur animi, sed ce-
terorum etiam. quippe ad plures exemplum, quā
calamitas, pertinebat. Nec consul Romanus tentan-
dis urbibus, sicunde spes aliqua se ostendisset, de-
crat. Salapiæ principes erant Dasius & Blattius: Dasius Han-
nibali amicus; Blattius, quantum ex tuto poterat, rem
Roma-

Romanam fovebat, & per occultos nuncios spem proditionis fecerat Marcello; sed sine adiutore Dasio res transigi non poterat. Multum ac diu cunctatus, & tum quoque magis inopiâ consilii potioris, quàm spe effectus, Dasium appellabat. at ille, quum ab re aversus, tum æmulo potentatûs inimicus, rem Hannibali aperit. Arcessito utroque, Hannibal quum pro tribunali quædam ageret, mox de Blattio cogniturus, starentque summoto populo accusator & reus; Blattius de prodicione Dasium appellabat. *Enimvero, ille, velut in manifesta re, exclamat, sub oculis Hannibalis secum de prodicione agi.* Hannibali atque eis, qui aderant, quo audacior res erat, minûs similis veri visa est. *emulationem profectò atque odium esse: & id crimen afferri, quod, quia testem habere non posset, liberius fingenti sit.* Ita inde dimissi sunt. nec Blattius antè abstitit tamen tam audaci incepto, quàm idem obtundendo, docendoque, quàm ea res ipsis patriæque salutaris esset, pervicit, ut præsidium Punicum (quingenti autem Numidæ erant) Salapiaque traderetur Marcello. Nec sine cædè multa tradi potuit. longè fortissimi equitum totò Punico exercitu erant. Itaque, quanquam improvisa res fuit, nec usus equorum in urbe erat, tamen, armis inter tumultum captis, & eruptionem tentaverunt, &, quum evadere nequirent, pugnantes ad ultimum occubuerunt. nec plus quinquaginta ex his in potestatem hostium vivi venerunt. plusque aliquanto damni hæc ala equitum amissa Hannibali, quàm Salapia, fuit: nec deinde unquam Pœnus (quo longè plurimum valuerat) equitatu superior fuit.

XXXIX. Per idem tēpus, quum in arce Tarentina vix inopia tolerabilis esset, spem omnem præsidium, quod ibi erat, Romanum præfectusque præsidii atque arcis M. Livius in com meatibus ab Sicilia missis habebant. qui ut tutò præterveherentur oram Italiæ, classis viginti ferme navium Rhegii stabat. Præerat

classi commeatibusque D. Quinctius, obscuro genere ortus, ceterum multis fortibus factis gloriâ militari illustis. Primò quinque naves, quarum maximæ duæ triremes à Marcello ei traditæ erant, habuit: postea rem impigre sæpe gerenti tres additæ quinqueres: postremò ipse à sociis, Rheginisque, & à Velia, & à Pæsto, debitas ex fœdere exigendo, classem viginti navium, sicut antè dictum est, effecit. Huic ab Rhegio profectæ classi Democrates, cum pari classe navium Tarentinarum numero, quindecim millia ferme ab urbe ad Sacriportum obvius fuit. Velis tum fortè, improvidus futuri certaminis, Romanus veniebat. sed circa Crotonem Sybarimque suppleverat remigio naves, instructamque & armatam egregiè pro magnitudine navium classem habebat: & tum fortè sub idem ferè tempus & venti vis omnis cecidit, & hostes in conspectu fuere, ut ad componenda armamenta, expediendumque remigem ac militem ad imminens certamen satis temporis esset. Rarò aliàs tantis animis justæ concurrerunt classes: quippe quum in majoris discrimen rei, quàm ipsæ erant, pugnarent. Tarentini, ut, recuperatâ urbe ab Romanis post centesimum propè annum, arcem etiam liberarent; spe commeatus quoque hostibus, si navali prælio possessionem maris ademissent, interclusuros: Romani, ut, retentâ possessione arcis, ostenderent, non vi aut virtute, sed proditione ac furto, Tarentum amissum. Itaque ex utraque parte signo dato quum rostris concurrissent, neque retro navem inhiherent, nec dirimi ab se hostem paterentur, quàm quis indeptus navem erat, ferreâ injectâ manu; ita conserebant ex propinquo pugnam; ut non missilibus tantum, sed gladiis etiam propè collato pede gereretur res. Proræ inter se junctæ hærebant, puppes alieno remigio circumagebantur. ita in arto stipatæ erant naves, ut vix ullum telum in mari vanum intercideret. frontibus velut pedestris acies

urge-

urgebant, perviæque naves pugnantibus erant. Insignis tamen inter ceteras pugna fuit duarum, quæ primæ agminis concurrerant inter se. In Romana nave ipse Quinctius erat, in Tarentina Nico, cui Perconus fuit cognomen, non publico modò, sed privato etiam odio invisus atque infestus Romanis: quòd ejus factionis erat, quæ Tarentum Hannibali prodiderat. Hic Quinctium, simul pugnantem hortantemque suos, incantum hastâ transfigit. ille atque præceps cum armis procidit ante proram. victor Tarentinus, in turbatam duce amisso navem impigre transgressus, quum summovisset hostes, & prora jam Tarentinorum esset, puppim malè conglobati tuerentur Romani; repentè & alia à puppi triremis hostium apparuit. Ita in medio circumventa Romana navis capitur. hinc ceteris terror injectus, ut prætoriam navem captam videre: fugientesque passim, aliæ in alto mersæ, aliæ in terram remis abreptæ, mox prædæ fuere Thurinis Metapontinisque. ex onerariis, quæ cum commeātu sequebantur, perpaucae in potestatem hostium venire: aliæ, ad incertos ventos hinc atque illinc obliqua transferentes vela, in altum evectæ sunt. Nequaquam pari fortunâ per eos dies Tarenti res gesta. nam ad quatuor millia hominum frumentatum egressa, quum in agris passim vagarentur; Livius, qui arcis præsidioque Romano præerat, intentus in omnes occasiones gerendæ rei, C. Persium, impigrum virum, cum duobus millibus armatorum ex arcè emisit. qui, vagè effusos per agros palatosque adortus, quum diu passim cecidisset, paucos ex multis, trepidâ fugâ incidentes semiapertis portarum foribus, in urbem compulit, ne urbs eodem impetu caperetur. Ita æquata res ad Tarentum; Romanis victoribus terrâ, Tarentinis mari. frumenti spes, quæ in oculis fuerat, utrosque frustrata pariter.

XL. Per idem tempus Lævinus consul, jam magnâ parte anni circumactâ, in Siciliam, veteribus novisque

visque sociis expectatus, quum venisset, primum ac potissimum omnium ratus, Syracusis novâ pace inconditis componere res. Agrigentum inde (quod belli reliquum erat, tenebaturque à Karthaginensium valido præsidio) duxit legiones. & adfuit fortuna incepto. Hanno erat imperator Karthaginensium, sed omnem in Mutine Numidisque spem repositam habebant. Per totam Siciliam vagus prædas agebat ex sociis Romanorum: neque intercludi ab Agrigento vi aut arte ullâ, nec, quin erumperet, ubi vellet, prohiberi poterat. Hæc ejus gloria, quia jam imperatoris quoque famæ officiebat, postremò in invidiam vertit; ut ne bene gestæ quidem res jam Hannoni propter auctorem satis lætæ essent. propter quæ postremò præfecturam ejus filio suo dedit, ratus, cum imperio auctoritatem quoque ei inter Numidas crepturum. quod longè aliter evenit. Nam veterem favorem ejus sua insuper invidia auxit. neque ille indignitatem injuriæ tulit, confestimque ad Lævinum occultos nuncios misit de tradendo Agrigento. Per quos ut est facta fides, compositusque rei gerendæ modus, portam ad mare ferentem Numidæ quum occupassent, pulsus inde custodibus, aut cæsis, Romanos ad id ipsum missos in urbem acceperunt. Et quum agmine jam in media urbis ac forum magno tumultu iretur, ratus Hanno non aliud, quàm tumultum ac secessionem (id quod & antè acciderat) Numidarum esse, ad comprimendam seditionem processit. atque ille, quum ei multitudo major, quàm Numidarum, procul visa, & clamor Romanus haudquaquam ignotus ad aures accidisset, priùs, quàm ad ictum teli veniret, cepisset fugam. per averfam portam emissus, assumpto comite Epicyde, cum paucis ad mare pervenit: nâstique opportunè parvum navigium, relictâ hostibus Siciliâ, de qua per tot annos certatum erat, in Africam trajecerunt. alia multitudo Pœnorum Siculorumque, ne tentato quidem certamine, quum cæci in fugam

nam ruerent, clausique exitus essent, circa portas caesa. Oppido recepto Lævinus, qui capita rerum Agrigenti erant, virgis caesos securi percussit: ceteros prædamque vendidit. omnem pecuniam Romam misit. Fama Agrigentinorum cladis Siciliam quum pervasisset, omnia repente ad Romanos inclinaverunt. Proditæ brevi sunt viginti oppida: sex vi capta: voluntariâ deditiōne in fidem venerunt ad quadraginta. quarum civitatum principibus quum pro cuiusque merito consul pretia pœnasque exsolvisset, coëgissetque Sículos, positis tandem armis, ad agrum colendum animos convertere, ut esset non incolarum modò alimentis frugifera insula, sed urbis Romæ atque Italiæ (id quod multis sæpe tempestatibus fecerat) annonam levaret; ab Agathyrna inconditam multitudinem secum in Italiam transvexit. quatuor millia hominum erant, mixti ex omni colluvione exsules, obæratī, capitalia ausi plerique; & quum in civitatibus suis ac sub legibus vixerant, & postquam eos ex variis causis fortuna similis conglobaverat Agathyrnam, per latrocinia ac rapinam tolerantes vitam. hos neque relinquere Lævinus in insula, tum primùm novâ pace coalescente, velut materiam novandis rebus, satis tutum ratus est: & Rheginis usui futuri erant ad populandum Bruttium agrum, assuetam latrociniiis quærentibus manum. Et, quod ad Siciliam attinet, eo anno debellatum est.

XLI. In Hispania principio veris P. Scipio, navibus deductis, evocatisque edicto Tarraconem sociorum auxiliis, classem onerariasque ostium inde Iberi fluminis petere jubet. Eodẽ legiones ex hibernis convenire quum jussisset: ipse cum quinque millibus sociorum ab Tarracone profectus ad exercitum est: quod quum venisset, alloquendos maximè veteres milites, qui tantis superfuērant cladibus, ratus, concione advocatâ, ita disseruit: *Nemo ante me novus imperator militibus suis prius, quàm operâ eorum usus esset, gratias agere.*

gere jure ac merito potuit. Me vobis prius, quam provinciam aut castra viderem, obligavit fortuna: primum, quod ea pietate erga patrem patruumque meum vivos mortuosque fuisset: deinde, quod amissam tantâ clade provincia possessionem, integram, & populo Romano & successori mihi, virtute vestra obtinuistis. Sed quum jam benignitate Deam id parimus atque agamus, non ut ipsi maneamus in Hispania, sed ne Peni maneant, nec ut pro ripa Iberi stantes arceamus transitu hostes, sed ut ultro transeamus, transferamusque bellum; vereor, ne cui vestrum majus id audaciusque consilium, quam aut pro memoria cladum nuper acceptarum, aut pro etate mea, videatur. Adversa pugna in Hispania nullius in animo, quam meo, minus obliterari possunt. Quippe cui pater & patruus intra triginta dierum spatium, ut aliud super aliud cumlaretur familie nostra funus, interfecti sunt. Sed ut familiaris penè orbitas ac solitudo frangit animum; ita publica quum fortuna tum virtus desperare de summa rerum prohibet. Ea fato quodam data nobis sors est, ut magnis omnibus bellis victi vicerimus. Vetera omitto, Porsenam, Gallos, Samnites: à Punicis bellis incipiam. Quot classes, quot duces, quot exercitus priore bello amissi sunt? Jam quid hoc bello memorem? Omnibus aut ipse adfui cladibus: aut, quibus afui, maximè unus omnium eas sensi. Trebia, Trasimenus, Canna, quid aliud sunt, quam monumenta occisorum exercituum consulumque Romanorum? Adde defectionem Italiae, Siciliae majoris partis, Sardiniae. Adde ultimum terrorem ac pavorem, castra Punica inter Anienem & mœnia Romana posita, & visum propè in portis victorem Hannibalem. In hac ruina rerum stetit una integra atque immobilis virtus populi Romani. Hæc omnia strata humi erexit ac sustulit. Vos omnium primi, milites, post Cannensem cladem vadenti Hasdrubali ad Alpes Italiamque, qui si se cum fratre conjunxisset, nullum jam nomen esset populi Romani, dum auspicioque patris mei obstististis. & hæc secunda res illas adversas sustinuerunt. Nunc, benignitate Deum, omnia secunda, prospera, in dies letiora ac meliora in Italia Siciliaque.

que geruntur. In Sicilia Syracusæ, Agrigentum captum, pulsi totâ insulâ hostes, receptaque provincia in ditione populî Romani est. In Italia Arpi recepti, Capua capta. Iter omne ab urbe Roma trepidâ fugâ emensus Hannibal, in extremum angulum agri Bruttii compulsus, nihil jam majus precatur Deos, quàm ut incolumi cedere atque abire ex hostium terra liceat. Quid igitur minùs conveniat, milites, quàm, quum aliæ super alias clades cumlarentur, ac Dii propè ipsi cum Hannibale starent, vos hîc cum parentibus meis (æquentur enim etiam honore nominis) sustinuisse labantem fortunam populî Romani; nunc eosdem, quia illic omnia secunda lataque sunt, animis deficere? Nuper quoque quâ acciderunt, utinam tam sine meo luctu, quàm vestro, transissent! Nunc Dii immortales imperiî Romani præsides, qui centuriis omnibus, ut mihi imperium juberent dari, fuere auctores, iidem auguriis auspiciisque, & per nocturnos etiam visus omnia lata ac prospera portendunt. Animus quoque meus, maximus mihi ad hoc tempus vates, præagit, nostram Hispaniam esse brevi extorre hinc omne Punicum nomen, maria terrasque fœdâ fugâ impleturum. Quod mens suâ sponte divinat, idem subjicit ratio baud fallax. Vexati ab iis socii nostram fidem per legatos implorant. tres duces discrepantes, propè ut deserint alii ab aliis, trifariam exercitum in diversissimas regiones distraxere. Eadem in illos ingruit fortuna, quæ nuper nos afflixit. nam & deseruntur ab sociis, ut priùs ab Celtiberis nòs: & diduxerunt exercitus; quæ patri patruoque meæ causa exitiî fuit. Nec discordia intestina cõire eos in unum sinet, neque singuli nobis resistere poterunt. Vos modò, milites, favete nomini Scipionum, soboli imperatorum vestrorum, velut accisis retrescenti stirpibus. Agite, milites veteres, novum exercitum novumque ducem traducite Iberum, traducite in terras cum multis fortibus factis sæpe à vobis peragratas. Brevi faciam, ut, quemadmodum nunc noscitis in me patris patruique similitudinem oris vultusque, & lineamenta corporis; ita ingenii, fidei, virtutisque exemplum expressam

pressam ad effugiem vobis reddam, ut revixisse, aut renatum sibi quisque Scipionem imperatorem dicat.

XLII. Hâc oratione accensis militum animis, relicto ad præsidium regionis ejus M. Silano, cum tribus millibus peditum & trecentis equitibus, ceteras omnes copias (erant autem viginti quinque millia peditum, duo millia & quingenti equites) Iberum trajecit. Ibi quibusdam suadentibus, ut, quoniam in tres tam diversas regiones discessissent Punici exercitus, proximum aggrederetur, periculum esse ratus, ne eo facto in unum omnes contraheret, nec par esset unus tot exercitibus, Karthaginem. Novam interim oppugnare statuit; urbem quum ipsam opulentam suis opibus, tum hostium omni bellico apparatu plenam; (ibi arma, ibi pecunia, ibi totius Hispaniæ obsides erant) sitam præterea quum opportunè ad trajiciendum in Africam, tum super portum satis amplum quantævis classi, & nescio an unum in Hispaniæ ora, quâ nostro adjacet mari. Nemo omnium, quò iretur, sciebat, præter C. Lælium. Is, classe circummissus, ita moderari cursum navium jussus erat, ut eodem tempore exercitus ostenderetur, & classis portum intraret. Septimo die ab Ibero Karthaginem ventum est simul terrâ marique. castra ab regione urbis, quâ in Septentrionem versa est, posita: his ab tergo (nam frons naturâ tuta erat) vallum objectum. Ceterum sita Karthago sic est. Sinus est maris mediâ ferè Hispaniæ orâ, maximè Africo vento oppositus, & quingentos passus introrsus retractus, paululo plus passuum in latitudinem patens. hujus in ostio sinûs parva insula objecta ab alto portum ab omnibus ventis, præterquam Africo, tutum facit. ab intimo sinu peninsula excurrit, tumulus is ipse, in quo condita urbs est, ab ortu solis & à meridie cincta mari: ab occasu stagnum claudit, paulum & ad septentrionem fufum; incertæ altitudinis, ut eumque exæstuat aut deficit mare. Continenti urbem jugum

gum ducentos ferè & quinquaginta passus patens conjungit. unde, quum tam parvi operis munitio esset, non objecit vallum imperator Romanus : seu fiduciam hosti superbè ostentans, sive ut subeunti sæpe ad moenia urbis recursus pateret.

XLIII. Cetera, quæ munienda erant, quum perfecisset, naves etiam in portu, velut maritimam quoque ostentans obsidionem, instruxit : circumvectusque classem, quum monuisset præfectos navium, ut vigilias nocturnas intenti servarent, omnia ubique primò obfessum hostem conari : regressus in castra, ut consiliū sui rationem, quòd ab urbe potissimum oppugnanda bellum orsus esset, militibus ostenderet, & spem potiundæ cohortando faceret, concione advocatà ita disciavit : *Ad urbem unam oppugnandum si quis vos adductos credit, is magis operis vestri, quàm emolumentum rationem exactam, milites, habet. Oppugnabitis enim verè moenia unius urbis, sed in una urbe universam ceperitis Hispaniam. Hic sunt obsides omnium nobilium regum populorumque : qui, simul in potestate vestra erunt, extemplo omnia, quæ nunc sub Karthaginensibus sunt, in ditionem tradent. Hic pecunia omnis hostium, sine qua neque illi gerere bellum possunt, quippe qui mercenarios exercitus alant ; & quæ nobis maximo usus ad conciliandos animos barbarorum erit. Hic tormenta, arma, armamenta, & omnis apparatus belli est, qui simul & vos instruet, & hostes nudabit. Potiemur præterea quum pulcherrimam opulentissimamque urbem, tum opportunissimam portum egregium, unde terram marique, quæ belli usus poscunt, suppeditentur. quæ quum magna ipsi habebimus, tum demperimus hostibus multo majora. Hæc illis arx, hoc horreum, ararium, armamentarium, hoc omnium rerum receptaculum est. Hinc rectus in Africam cursus est : hæc una inter Pyrenæum & Gades statio : hinc omni Hispaniæ imminet Africa. Sed, quoniam vos instructos & ordinatos cognosco, ad Karthaginem novam oppugnandam totis viribus & bono animo transeamus. Quumque omnes unà voce, hoc faciendum, succlamant.*

clamarent, eos Karthaginem duxit. tum terrâ marique eam oppugnari jubet.

XLIV. Contra Mago Pœnorum dux, quum terrâ marique instrui oppugnationem videret, & ipse copias ita disponit. Oppidanorum duo millia ab ea parte, quâ castra Romana erant, opponit: quingentis militibus arcem insedit: quingentos tumulo urbis in orientem verso imponit: multitudinem aliam, quod clamor, quod subita vocâisset res, intentam ad omnia occurrere jubet. Patefactâ deinde portâ, eos, quos in via ferente ad castra hostium instruxerat, mittit. Romani, duce ipso præcipiente, parumper cessere, ut propiores subsidiis in certamine ipso submittendis essent. Et primò haud impari stetero acie: subsidia deinde, identidem submissa è castris, non averterunt solum in fugam hostes, sed adeò effusis insisterunt, ut, nisi receptui cecinisset, permixti fugientibus irrupturi fuisse in urbem viderentur. Trepidatio verò non in prælio major, quàm totâ urbe fuit. multæ stationes pavore atque fugâ desertæ sunt, reliquæ muri; quum, quâ cuique erat proximum, defluissent. Quod ubi egressus Scipio in tumulum, quem Mercurii vocant, animadvertit, multis partibus nudata defensoribus mœnia esse; omnes è castris excitos ire ad oppugnandam urbem, & ferre scalas jubet. ipse, trium præ se juvenum validorum scutis oppositis, (ingens enim jam vis omnis generis telorum è muris volabat) ad urbem succedit, hortatur, imperat, quæ in rem sunt: quodque plurimum ad accendendos militum animos intererat, testis spectatorque virtutis atque ignaviæ cujusque adest. Itaque in vulnera ac tela ruunt; neque illos muri, neque superstantes armati arcere queunt, quin certatim ascendant. Et ab navibus eodem tempore ea, quæ mari alluitur, pars urbis oppugnari cœpta est. Ceterum tumultus inde major, quàm vis, adhiberi poterat. dum applicant, dum partim exponunt scalas militesque,

litesque, dum, quâ cuique proximum est, in terram evadere properant, ipsâ festinatione & certamine alii alios impediunt.

XLV. Inter hæc repleverat jam Pœnus armatis muros, & vis magna, ex ingenti copia congesta, telorum suppeditabat. Sed neque viri, nec tela, nec quicquam aliud æquè, quàm mœnia ipsa sese, defendebant. raræ enim scalz altitudini æquari poterant: &, quo quæque altiores, eo infirmiores erant. Itaque, quum summus quisque evadere non posset, subirent tamen alii, onere ipso frangebantur: quidam, stantibus scalis, quum altitudo caliginem oculis offudisset, ad terram delati sunt. Et quum passim homines scalæque ruerent, & ipso successu audacia atque alacritas hostium cresceret, signum receptui datum est; quod spem non præsentis modò ab tanto certamine ac labore quietis obsessis, sed etiam in posterum dedit, scalis & coronâ capi urbem non posse. opera & difficilia esse, & tempus datura, ad ferendam opem, imperatoribus suis. Vix prior tumultus conticuerat, quum Scipio ab defessis jam vulneratisque recentes integrosque alios accipere scalas jubet, & vi majore aggredi urbem. Ipse, ut ei nunciatum est, æstum decedere, quòd per piscatores Tarraconenses, nunc levibus cymbis, nunc, ubi eæ siderent, vadis pervagatos stagnum, compertum habebat, facilem pedibus ad murum transitum dari, eò secum armatos duxit. Mediū ferme diei erat: & ad id, quòd suâ sponte cedente in mare æstu trahebatur aqua, acer etiam Septentrio ortus inclinatum stagnum eodem, quò æstus, ferebat, & adeo nudaverat vada, ut alibi umbilico tenuis aqua esset, alibi genua vix superaret. Hoc, curâ ac ratione compertum, in prodigium ac Deos vertens Scipio, qui ad transitum Romanis mare vertent, & stagno auferrent, viasque antè nunquam initas humano vestigio aperirent, Neptunum jubebat ducem itineris sequi, ac medio stagno evadere ad mœnia.

XLVI. Ab

XLVI. Ab terra ingens labor succedentibus erat : nec altitudine tantum mœnium impediabantur, sed quod euntes ad ancipites utrinque ictus subiectos habebant Romanos ; ut latera infestiora subeuntibus, quam adversa corpora, essent. At parte in alia quintis & per stagnum facilis transitus, & in murum ascensus inde fuit. nam neque opere emunitus erat, ut ubi ipsius loci ac stagni præsidio satis creditum foret ; nec ulla armatorum statio aut custodia opposita, intentis omnibus ad opem eò ferendam, unde periculum ostendebatur. Ubi urbem sine certamine intravere, pergunt inde, quanto maximo cursu poterant, ad eam portam, circa quam omne contractum certamen erat. in quod adeo intenti omnium non animi solum fuere, sed etiam oculi auresque pugnantium spectantiumque & adhortantium pugnautes, ut nemo antè ab tergo senserit captam urbem, quam tela in averfos inciderunt, & utrinque ancipitem hostem habebant. tunc, turbatis defensoribus metu, & mœnia capta, & porta intus forisque pariter refringi cœpta : & mox cædendo confractis, ne iter impediretur, foribus, armati impetum fecerunt. Magna multitudo & muros transcendebat, sed hi passim ad cædem oppidanorum versi. illa, quæ portam ingressa erat, iusta acies, cum ducibus, cum ordinibus, mediâ urbe in forum processit. Inde quum duobus itineribus fugientes videret hostes, alios ad tumulum in orientem versum, qui tenebatur quingentorum militum præsidio, alios in arcem, in quam & ipse Mago cum omnibus ferè armatis, qui muris pulsi fuerant, refugerat ; partim copiarum ad tumulum expugnandum mittit, partim ipse ad arcem ducit. & tumulus primò impetu est captus, & Mago, arcem conatus defendere, quum omnia hostium plena videret, neque spem ullam esse, se arcemque & præsidium dedit. Quoad dedita arx est, cædes totâ urbe passim factæ ; nec ulli puberum, qui obvius fuit, parcebatur. rum,
signo

Signo dato, cædibus finis factus. ad prædam victores versi, quæ ingens omnis generis fuit.

XLVII. Liberatorum capitum virile secus ad decem millia capta. inde, qui cives Novæ Karthaginis erant, dimisit: urbemque & sua omnia, quæ reliqua eis bellum fecerat, restituit. Opifices ad duo millia hominum erant, eos publicos fore populi Romani edixit, cum spe propinqua libertatis, si ad ministeria belli enisè operam navassent. Ceteram multitudinem incolarum juvenum, ac validorum servorum, in classem ad supplementum remigum dedit. & auxerat navibus octo captivis classem. Extra hanc multitudinem Hispanorum obsides erant: quorum perinde, ac si sociorum liberi essent, cura habita. Captus & apparatus ingens belli; catapultæ maximæ formæ centum viginti, minores ducentæ octoginta & una: ballistæ majores viginti tres, minores quinquaginta duæ: scorpionum majorum minorumque, & armorum telorumque, ingens numerus: signa militaria septuaginta quatuor. Et auri argentique relata ad imperatorem magna vis: patere aureæ fuerunt ducentæ septuaginta sex, libras ferme omnes pondo: argenti facti signatique decem & octo millia & trecenta pondo: vasorum argenteorum magnus numerus. Hæc omnia C. Flaminio quaestori appensa annumerataque sunt. tritici quadraginta millia modium, hordei ducenta septuaginta. Naves onerariæ sexaginta tres in portu expugnatae captæque: quædam cum suis oneribus, frumento, armis, ære præterea, ferroque, & linteis, & sparto, & navali alia materia ad classem ædificandam: ut minimum omnium, inter tantas opes belli captas, Karthago ipsa fuerit.

XLVIII. Eo die Scipio, C. Lælio cum sociis navibus urbem custodire jussu, ipse in castra legiones reduxit: fessosque milites omnibus uno die belli operibus (quippe qui & acie dimicassent, & capiendâ urbe tantum

tantum laboris periculique adissent, & captà, cum iis, qui in arcem confugerant, iniquo etiam loco pugnassent) curare corpora iussit. Postero die, militibus navalibusque sociis convocatis, primum Diis immortalibus laudesque & grates egit, qui se non urbis solum opulentissimæ omnium in Hispania uno die compotem fecissent, sed antè eò concessissent omnis penè Africæ atque Hispaniæ opes: ut neque hostibus quicquam relinqueretur, & sibi ac suis omnia superessent. Militum deinde virtutem collaudavit, quòd eos non eruptio hostium, non altitudo mœnium, non inexplorata stagni vada, non castellum in alto tumulto situm, non munitissima arx deterruisset, quo minùs transcenderent omnia perrumperentque. Itaque, quanquam omnibus omnia deberet, præcipuum muralis coronæ decus ejus esse, qui primus murum ascendisset. profiteretur, qui se dignum eo duceret dono. Duo professi sunt: Q. Trebellius centurio legionis quartæ, & Sex. Digitius socius navalis. nec ipsi tam inter se acriter contendebant, quàm studia excitaverant uterque sui corporis hominum. Sociis C. Lælius præfectus classis; legionariis M. Sempronius Tuditanus aderat. Ea contentio quum prope seditionem veniret, Scipio tres recuperatores quum se daturum pronuntiasset, qui, cognitâ causâ testibusque auditis, judicarent, uter prior in oppidum transcendisset; C. Lælio & M. Sempronio advocatis partis utriusque P. Cornelium Caudinum de medio adjecit; eosque tres recuperatores confidere, & causam cognoscere iussit. Quum res eo majore ageretur certamine, quòd amoti tantæ dignitatis non tam advocati, quàm moderatores studiorum fuerant; C. Lælius, relicto concilio, ad tribunal ad Scipionem accedit, eumque docet, *rem sine modo ac modestia agi: ac propè esse, ut manus inter se conferant. Ceterum, etiamsi vis absit, nihilominus detestabili exemplo rem agi; quippe ubi fraude ac perjurio decus petatur virtutis. Stare hinc legionarios*

gionarios milites, hinc classicos, per omnes Deos paratos jurare, magis quæ velint, quàm quæ sciant, vera esse, & obstringere perjurio non se solum suumque caput, sed signa militaria, & aquilas, sacramentique religionem. Hac se ad eum de sententia P. Cornelii & M. Sempronii deferre. Scipio, collaudato Lælio, ad concionem advocavit, pronunciavitque, Se satis compertum habere, Q. Trebellium & Sex. Digitium pariter in murum ascendisse: seque eos ambos, virtutis causâ, coronis muralibus donare. Tum reliquos, prout cuique meritum virtusque erat, donavit. ante omnes C. Lælium præfectum classis & omni genere laudis sibi met ipsi æquavit, & coronâ aureâ ac triginta bubus donavit.

XLIX. Tum obsides civitatum Hispaniæ vocari jussit: quorum quantus numerus fuerit, piget scribere, quippe quum alibi trecentos ferme, alibi septingentos viginti quinque fuisse inveniam. Æquè & alia inter auctores discrepant. Præsidium Punicum alius decem, alius septem, alius haud plus quàm duum millium fuisse scribit. Capta alibi decem millia capitum, alibi supra quinque & viginti invenias. Scorpiones majores minoresque ad sexaginta captos scripserim, si auctorem Græcum sequar Silenum: si Valerium Antiatem, majorum scorpionum sex millia, minorum tredecim: adeo nullus mentiendi modus est. Ne de ducibus quidem convenit. plerique Lælium præfuisse classis; sunt, qui M. Junium Silanum dicant. Arinem præfuisse Punico præsidio, deditumque Romanis, Antias Valerius; Magonem alii scriptores tradunt. Non de numero navium captarum, non de pondere auri atque argenti, & redactæ pecuniæ, convenit. Si aliquibus assentiri necesse est, media simillima veris sunt. Ceterum Scipio, vocatis obsidibus, primum universos bonum animum habere jussit. *Venisse eos in populi Romani potestatem, qui beneficio, quàm metu, obligare homines malit; ceterasque gentes fide ac societate junctas habere,*

TOM. II. X quàm

quàm triffi fubjectas fcrvitio. Deinde, acceptis nominibus civitatum, recensuit captivos, quot cujusque populi effent: & nuncios domum mifit, ut ad fuos quifque recipiendos veniret. Si quarum fortè civitatum legati aderant, eis præfentibus fuos reftituit: ceterorum curam benignè tuendorum C. Flaminio quæftori attribuit. Inter hæc è media turba obfidum mulier magno natu, Mandonii uxor, qui frater Indibilis Ilergetum reguli erat, flens ad pedes imperatoris procubuit, obteftarique cœpit, ut curam cultumque feminarum impenfius cuftodibus commendaret. quum Scipio, *nihil profectò defuturum*, diceret; tum rurfus mulier, *Haud magni ifta facimus*, inquit. *quid enim huic fortune non fatis eft?* *Alia me cura, etatem hanc intuentem*, (nam ipfa jam extra periculum injuria muliebris fuam) *ftimulat.* *Ætate & formâ florentes circâ erant Indibilis filia, aliaque nobilitate pari, quæ omnes eam pro parente colebant.* Tum Scipio, *Meæ populique Romani difciplina caufâ facerem*, inquit, *ne quid, quod fanctum ufquam effet, apud nos violaretur. nunc, ut id curem impenfius, veftra quoque virtus dignitasque facit: quæ ne in malis quidem oblita decoris matronalis eftis.* Spectatæ deinde integritatis viro tradidit eas, tuerique haud fecus verecundè ac modèftè, quàm hofpitum conjuges ac matres, juffit.

L. Captiva deinde à militibus adducitur ad eum adulta virgo, adeo eximiâ formâ, ut, quacunque incebat, converteret omnium oculos. Scipio, percunſtus patriam parentesque, inter cetera accepit, deſponſam eam principi Celtiberorum adoleſcenti: Alucio nomen erat. Extemplo igitur parentibus ſponſoque ab domo accitis, quum interim audiret, deperire eum ſponſæ amore, ubi primùm venit, accuratiore eum ſermone, quàm parentes, alloquitur. *Juvenis*, inquit, *juvenem appello, quo minor fit inter nos hujus ſermonis verecundia.* *Ego, quum ſponſa tua capta à militibus*

*bas nostris ad me ducta esset, audiremque, eam tibi cordi esse, & forma faceret fidem, quia ipse, si frui liceret ludo atatis, (præsertim recto & legitimo amore) & non respublica animum nostrum occupasset, veniam mihi dari sponsam impensius amanti vellem: tuo, cujus possum, amori faveo. Fuit sponsa tua apud me eadem, quæ apud soceros tuos parentesque suos, verecundiâ: servata tibi est, ut inviolatum & dignum me teque dari tibi donum posset. Hanc mercedem unam pro eo munere paciscor: amicus populo Romano sis. &, si me virum bonum credis esse, quales patrem patruumque meum jam antea gentes narrant, scias multos nostri similes in civitate Romana esse; nec ullum in terris populum hodie dici posse, quem minus tibi hostem tuisque esse velis, aut amicum malis. Adulescens, simul pudore & gaudio perfusus, dextram Scipionis tenens, Deos omnes invocare ad gratiam illi pro se referendam, quoniam sibi nequaquam satis facultatis, pro suo animo atque illius erga se merito, esset. Parentes inde cognatique virginis appellati. qui, quoniam gratis sibi redderetur virgo, ad quam redimendam satis magnum attulissent auri pondus, orare Scipionem, ut id ab se donum acciperet, cœperunt: haud minorem ejus rei apud se gratiam futuram esse, affirmantes, quàm redditæ inviolatæ foret virginis. Scipio, quando tanto opere peterent, accepturum se pollicitus, poni ante pedes jussit: vocatoque ad se Alucio, *Super dotem, inquit, quam accepturus à socero es, hæc tibi à me dotalia dona accedent: aurumque tollere, ac sibi habere jussit.* His lætus donis honoribusque dimissus domum, implevit populares laudibus meritis Scipionis: *Venisse Diis simillimum juvenem, vincentem omnia, quum armis, tum benignitate ac beneficiis.* Itaque, delectu clientium habito, cum delectis mille & quadringentis equitibus intra paucos dies ad Scipionem revertit.*

LI. Scipio retentum secum Lælium, dum captivos obsidesque & prædam ex consilio ejus disponderet, satis

omnibus compositis, datâ quinquereme, captivisque, Magone & quindecim ferè senatoribus, qui simul cum eo capti erant, in navem impositis, nuncium victoriæ Romam mittit. ipse paucos dies, quibus morari Karthagine statuerat, exercendis navalibus pedestribusque copiis absumpsit. Primo die legiones in armis quatuor millium spatio decurrerunt: secundo die arma curare & tergere ante tentoria iussit: tertio die rudibus inter se in modum justæ pugnæ concurrerunt, præpitatisque missilibus jaculati sunt: quarto die quies data: quinto iterum in armis decursus est. Hunc ordinem laboris quietisque, quoad Karthagine morati sunt, servârunt. Remigium classiciquæ milites, tranquillo in altum eVecti, agilitatem navium simulacris navalis pugnæ experiebantur. Hæc extra urbem terræ marique corpora simul animosque ad bellum acuebant. urbs ipsa strepebat apparatu belli, fabris omnium generum in publica officina inclusis. dux cuncta pari curâ obibat. nunc in classe ac navali erat: nunc cum legionibus decurrebat; nunc operibus aspiciendis tempus dabat, quæque in officinis, quæque in armentario ac navalibus fabrorum multitudo plurima in singulos dies certamine ingenti faciebat. His ita inchoatis, refectisque, quâ quassæ erant, muris, dispositisque præfidiis ad custodiâ urbis, Tarraconem est profectus, à multis legationibus protinus in via aditus. quas partim dato responso ex itinere dimisit, partim distulit Tarraconem, quò omnibus novis veteribusque sociis edixerat conventum. Et cuncti ferè, quicis Iberum incolunt, populi, multi etiam ulterioris provinciæ convenerunt. Karthaginensium duces primò ex industria famam captæ Karthaginis compresse-runt: deinde, ut clarior res erat, quàm ut regi ac dissimulari posset, elevabant verbis. *Necopinato adventu ac propè furto unius diei urbem unam Hispania interceptam. cujus rei tam parvæ premio elatam insolentem juvenem, im-*
modico

modico gaudio speciem magna victoria imposuisse. At, ubi appropinquare tres duces, tres victores hostium exercitus audisset, occursum ei extemplo domesticorum funerum memoriam. Hæc in vulgus jactabant, haudquaquam ipsi ignari, quantum sibi ad omnia virium, Karthagine amissa, decessisset.

LIBER XXVII.

EPI TOME.

I. **C**N. Fulvius proconsul cum exercitu ab Hannibale ad Herdoneam casus est. **II.** Meliore eventu à Claudio Marcello consule adversus eundem ad Numistronem pugnatum est. inde Hannibal noctu recessit. **XII, &c.** Marcellus insecutus est, & subinde cedentem pressit, donec confingeret. **XIV.** priore pugna Hannibal superior fuit, Marcellus insequenti. **XV, XVI.** Fabius Maximus pater consul Tarentinos per proditionem recepit. **XVIII, XIX.** In Hispania ad Beculam Scipio cum Hasdrubale Hamilcaris conflixit, & vicit. inter alia captum puerum regalem eximia forma ad avunculum Masinissam cum donis dimisit. **XXVII.** Claudius Marcellus, T. Quinctius Crispinus consules, speculandi causâ progressi è castris, insidiis ab Hannibale circumventi sunt. Marcellus occisus fuit, Crispinus fugit. **XXX, &c.** Res præterea à P. Sulpicio prætore adversus Philippum & Achaos gestas continet. **XXXVI.** Lustrum à censoribus conditum est: censa sunt civium capita centum triginta septem millia centum & octo: ex quo numero apparuit, quantum hominum tot præliorum adversa fortuna populo Romano abstulisset. **XXXIX, &c.** Hasdrubal, qui cum exercitu novo transcenderat Alpes, ut se Hannibali conjungeret, cum

millibus hominum quinquaginta sex casus est, M. Livii consulis ductu, sed non minore operâ Claudii Neronis consulis, XLIII. qui, quum Hannibali oppositus esset, relictis castris, ita ut hostem falleret, cum electa manu profectus, Hasdrabalem circumvenit.

I. **H**IC status rerum Hispaniæ erat. In Italia consul Marcellus, Salapiâ per proditionem receptâ, Maroneam & Meles de Samnitibus vi cepit. Ad tria millia militum ibi Hannibalis, quæ præsidii causâ relictæ erant, oppressa. Præda (& aliquantum ejus fuit) militi concessa. tritici quoque ducenta quadraginta millia modjûm, & centum decem millia hordei inventa. Ceterum nequaquam inde tantum gaudium fuit, quanta clades intra paucos dies accepta est, haud procul ab Herdonea urbe. Castra ibi Cn. Fulvius proconsul habebat, spe recipiendæ Herdoneæ, quæ post Cannensem cladem ab Romanis defecerat, nec loco satis tuto posita, nec præditiis firmata. Negligentiam insitam ingenio ducis augebat spes ea, quod labare iis adversus Pœnum fidem senserat, postquam, Salapiâ amissâ, excessisse his locis in Brutios Hannibalem auditum est. Ea omnia ab Herdonea per occultos nuncios delata Hannibali, simul curam sociæ retinendæ urbis, & spem fecere incautum hostem aggrediendi. exercitu expedito, ita ut famam propè præveniret, magnis itineribus ad Herdoneam contendit, & quo plus terroris hosti objiceret, acie instructâ accessit. Par audaciâ Romanus, consilio & viribus impar, copiis raptim eductis, conflixit. quinta legio & sinistra ala acriter pugnam inierunt. Ceterum Hannibal, signo equitibus dato, ut, quum pedestres acies occupassent præsentî certamine oculos animosque, circumvesti, pars castra hostium, pars terga trepidantium invaderent, ipse in Fulvii similitudinem nominis, quod Cn. Fulvium prætorem biennio antè in
iisdem

Hisdem devicerat locis, increpans, similem eventum pugnae fore affirmabat. Neque ea spes vana fuit. nam, quum comminus acie & peditum certamine multi cecidissent Romanorum, starent tamen ordines signaque, equestris à tergo tumultus, simul à castris clamor hostilis auditus, sextam antè legionem, quæ, in secunda acie posita, prior ab Numidis turbata est; quintam deinde atque eos, qui ad prima signa erant, avertit. Pars in fugam effusa, pars in medio cæsi: ubi & ipse Cn. Fulvius cum undecim tribunis militum cecidit. Romanorum sociorumque quot cæsa in eo prælio milia sint, quis pro certo affirmet? quum tredecim milia alibi, alibi haud plus, quàm septem, inveniam. Castris prædæque victor potitur. Herdoneam, quia & defecturam fuisse ad Romanos comperit, nec mansuram in fide, si inde abcessisset, multitudine omni Metapontum ac Thurios traductâ, incendit: occidit principes, qui cum Fulvio colloquia occulta habuisse comperti sunt. Romani, qui ex tanta clade evaserant, diversis itineribus semerme ad Marcellum consulem in Samnium perfugerunt.

II. Marcellus, nihil admodum tantâ clade territus, literas Romam ad senatum de duce & exercitu ad Herdoneam amisso scribit. *ceterum, eundem se, qui post Cannensem pugnam ferocem victoriâ Hannibalem contudisset, ire adversus eum, brevem illi latitiam, quâ exsultet, facturum.* Et Romæ quidem quum luctus ingens ex præterito, tum timor in futurum erat. Consul, ex Samnio in Lucanos transgressus, ad Numistrone in conspectu Hannibalis loco plano, quum Pœnus collem teneret, posuit castra. Addidit & aliam fidentis speciem, quod prior in aciem eduxit. nec detrectavit Hannibal, ut signa portis efferi vidit. Ita tamen aciem instruxerunt, ut Pœnus dextrum cornu in collem erigeret, Romani sinistram ad oppidum applicarent. Ab hora tertia quum ad noctem pugnam extendissent, fessæque pu-

quando primæ acies essent, ab Romanis prima legio & dextera ala, ab Hannibale Hispani milites & funditor Baliaris, elephanti quoque, commisso jam certamine in prælium acti. Diu pugna neutro inclinata stetit. Primæ legioni tertia, dexterae alae sinistra subiit, & apud hostes integri à seffis pugnam accēpere. Novum atque atrox prælium ex tam segni repente exarsit, recentibus animis corporibusque : sed nox incertā victoriā diremit pugnantes. Postero die Romani ab sole orto in multum dici stetero in acie : ubi nemo hostium adversus prodiit, spolia per otium legere, & congestos in unum locum cremavere suos. Nocte insequenti Hannibal silentio movit castra, & in Apuliam abiit : Marcellus, ubi lux fugam hostium aperuit, faucis cum præsidio modico Numistrone relictis, præpositoque his L. Furio Purpureone tribuno militum, vestigiis institit sequi. Ad Venusiam adeptus cum est. Ibi per dies aliquot quum ab stationibus procurfaretur, mixta equitum peditumque tumultuosa magis prælia, quàm magna, & ferme omnia Romanis secunda fuerunt. Inde per Apuliam ducti exercitus sine ullo memorando certamine ; quum Hannibal nocte signa moveret, locum insidiis quærens ; Marcellus, nisi certā luce, & explorato antè, non sequeretur.

III. Capuæ interim Flaccus dum bonis principum vendendis, agro, qui publicatus fuerat, locando (locavit autem omnem frumento) tempus terit ; ne deesset materia in Campanos sæviendi, novum in occulto gliscens per indicium protractum est facinus. Milites ædificiis emotos, simul ut cum agro testa urbis fruenda locarentur, simul metuens, ne suum quoque exercitum, sicut Hannibalis, nimia urbis amenitas emolli-
set, in portis murisque sibimet ipsos testa militariter coëgerat ædificare. erant autem pleraque ex cratibus aut tabulis facta, alia arundine texta, stramento intersta omnia, velut de industria, alimentis ignis. Hæc
noctis

noctis unâ horâ ut omnia incenderent, centum septuaginta Campani, principibus fratribus Blofiis, conjuraverant. indicio ejus rei ex familia Blofiorum facto, portis repentè juffu proconsulis claufis, quum ad arma figno dato milites concurriffent; comprehenfi omnes, qui in noxa erant, & quæftione acriter habitâ, damnati necatique: indicibus libertas, & æris dena millia data. Nucerinos & Acerranos querentes, ubi habitarent, non effe, Acerris ex parte incenfis, Nuceriâ deletâ, Romam Fulvius ad fenatum mifit. Acerranis permiffum, ut ædificarent, quæ incenfa erant: Nucerini Atellam, quia id maluerant, (Atellanis Calatiam migrare juffis) traducti. Inter multas magnasque res, quæ, nunc secundæ, nunc adverfæ, occupabant cogitationes hominum, ne Tarentinæ quidem arcis excidit memoria. M. Ogulnius & P. Aquillius in Etruriam legati ad frumentum coëmendum, quod Tarentum portaretur, profecti: & mille milites de exercitu urbano, par numerus Romanorum fociorumque, eodẽ in præfidium cum frumento miffi funt.

IV. Jam æftas in exitu erat, comitiorumque confularium instabat tempus. fed literæ Marcelli, negantis è republica effe, veftigium abfcedi ab Hannibale, cui cedenti certamenque abnuenti gravis ipfe instaret, curam injecerant; ne aut confulem, tum maximè res agentem, à bello avocarent, aut in annum confules deciffent: Optimum vifum eft, quanquam extra Italiam effet, Valerium potiùs confulem ex Sicilia revocari. Ad eum literæ juffu fenatûs ab L. Manlio prætore urbis miffæ, cum literis confulis M. Marcelli: ut ex iis nofceret, quæ caufa Patribus eum potiùs, quàm collegam, revocandi ex provincia effet. Eo ferè tempore legati ab rege Syphace Romam venerunt, quæ: ii profpera prælia cum Karthaginiensibus feciffet, memorantes. *Regem nec inimiciorem ulli populo, quàm Karthaginiensi, nec amiciorem, quàm Romano, affirmabant*

esse. misisse eum antea legatos in Hispaniam ad Ca. & P. Cornelios, imperatores Romanos. nunc ab ipso velut fonte petere Romanam amicitiam voluisse. Senatus non legatis modo benignè respondit, sed & ipse legatos cum donis ad regem misit, L. Genucium, P. Poetelium, P. Popillium. Dona tulere, togam, & tunicam purpuream, sellam eburneam, pateram ex quinque pondo auri factam. Protinus & alios Africæ regulos iussi adire, iis quoque quæ darentur, portata, togæ prætextæ, & terna pondo patere aureæ. Et Alexandriam ad Ptolemæum Cleopatramque reges M. Atilius & M. Acilius legati, ad commemorandam renovandamque amicitiam missi, dona tulere, regi togam & tunicam purpuream cum sella eburnea: reginæ pallam pictam cum amiculo purpureo. Multa eâ æstate, quâ hæc facta sunt, ex propinquis urbibus agrisque nunciata sunt prodigia; Tusculi agnum cum ubere lactenti natum: Jovis ædis culmen fulmine ictum, ac propè omni testis nudatum: iisdem ferme diebus, Anagninæ terram ante portam istam, diem ac noctem sine ullo ignis alimento arsisse: & aves, ad compitum Anagninum, in luco Dianæ nidos in arboribus reliquisse: Tarracinæ in mari haud procul portu angues magnitudinis miræ, lascivientium piscium modo exsultasse: Tarquiniiis porcum cum ore humano genitum: & in agro Capenate, ad lucum Feroniæ, quatuor signa sanguine multo diem ac noctem sudasse. Hæc prodigia hostiis majoribus procurata decreto pontificum: & supplicatio diem unum Romæ ad omnia pulvinaria, alterum, in Capenate agro, ad Feroniæ lucum, indicta.

V. M. Valerius consul literis excitus, provinciâ exercituque mandato Cincio prætori, M. Valerio Messallâ præfecto classis cum parte navium in Africam prædatum simul speculatumque, quæ populus Karthaginienſis ageret pararetque, misso, ipse decem navibus Romam profectus quum prospere pervenisset, senatum

atum extemplo habuit. ibi de suis rebus gestis commemoravit. *Quum annos prope sexaginta in Sicilia terra marique saepe magnis cladibus bellatum esset, se eam provinciam confecisse. neminem Karthaginensem in Sicilia esse: neminem Siculum, qui metu inde fugati afuerint, non esse: omnes in urbes, in agros suos reductos, arare, serere: desertam recoli tandem terram, frugiferam ipsis cultoribus, populoque Romano pace ac bello fidissimum annonae subsidium.* Exiit Mutine, & si quorum aliorum merita erga populum Romanum erant, in senatum introductis, honores omnibus, ad exsolvendam fidem à consule, habiti. Mutines etiam civis Romanus factus, rogatione ab tribuno plebis, ex auctoritate Patrum, ad plebem latâ. Dum hæc Romæ geruntur, M. Valerius Messalla quinquaginta navibus quum ante lucem ad Africam accessisset, improvisò in agrum Uticensem exscensionem fecit: cumque latè depopulatus, multis mortalibus cum alia omnis generis præda captis, ad naves rediit, atque in Siciliam transmisit: tertiodécimo die, quàm profectus inde erat, Lilybæum revertis. Ex captivis, quaestione habitâ, hæc comperta, consuli que Lævino omnia ordine perscripta, ut sciret, quo in statu res Africæ essent. *Quinque millia Numidarum cum Masinissa, Gala filio, acerrimo juvene, Karthagine esse; & alios per totam Africam milites mercede conduci, qui in Hispaniam ad Hasdrubalem trajicerentur: ut is, quàm maximo exercitu primo quoque tempore in Italiam transgressus, jungeret se Hannibali. in eo positam victoriam credere Karthaginenses. Classem præterea ingentem apparari: ad Siciliam repetendam, eamque se credere brevi trajecturam.* Hæc recitata à consule ita movere senatum, ut non expectanda comitia consuli censerent, sed dictatorem comitiorum habendorum causâ dici, & extemplo in provinciam redeundum. Illa disceptatio tenebat, quòd consul in Sicilia se M. Valerium Messallam, qui tum classi præesset, dictatorem dicturum esse aiebat: Patres extra Romanum

agrum (cum autem in Italia terminari) negabant dictatorem dici posse. M. Lucretius tribunus plebis quum de ea re consuleret, ita decrevit senatus, *Ut consul prius, quàm ab urbe discederet, populum rogaret, quem dictatorem dici placeret; eumque, quem populus jussisset, diceret dictatorem. Si consul non habuisset, prætor populum rogaret: si ne is quidem vellet, tum tribuni ad plebem ferrent.* Quum consul se populum rogaturum negasset, quod suæ potestatis esset, prætoremque vetuisset rogare; tribuni plebis rogârunt, plebesque scivit, ut Q. Fulvius, qui tum ad Capuam erat, dictator diceretur. sed, quo die id plebis concilium futurum erat, consul clam nocte in Siciliam abiit: destitutique Patres litteras ad M. Claudium mittendas censuerunt, ut desertæ ab collega reipublicæ subveniret, diceretque, quem populus jussisset, dictatorem. Ita à M. Claudio consule Q. Fulvius dictator dictus, & ex eodem plebiscito & ab Q. Fulvio dictatore P. Licinius Crassus pontifex maximus magister equitum dictus.

VI. Dictator postquam Romam venit, Cn. Sempronius Blæsum legatum, quem ad Capuam habuerat, in Etruriam provinciam ad exercitum misit, in locum C. Calpurnii prætoris; quem, ut Capuæ exercituique suo præficeret, literis excivit. Ipse comitia, in quem diem primum potuit, edixit: quæ, certamine inter tribunos dictatoremque injecto, perfici non potuerunt. Galeria juniorum, quæ sorte prærogativa erat, Q. Fulvium & Q. Fabium consules dixerat, eodemque jure vocatæ inclinassent, ni tribuni plebis C. & L. Arennii se interposuissent: qui, *neque magistratum continuari satis civile esse, aiebant; & multo fædioris exempli, eum ipsum creari, qui comitia haberet.* Itaque, si suum nomen dictator acciperet, se comitiis intercessuros: si aliorum, præterquam ipsius, ratio haberetur, comitiis se moram non facere. Dictator causam comitiorum auctoritate senatûs, plebiscito, exemplis tutabatur. Namque, Cn. Servilio consule, quum

G. Fla-

C. Flaminius alter consul ad **Trasimenum** cecidisset, ex auctoritate Patrum ad plebem latum, plebemque scivisse, ut, quoad bellum in Italia esset, ex iis, qui consules fuissent, quos & quoties vellet, reficiendi consules populo jus esset. exemplumque eam in rem se habere vetus **L. Postumii Megelli**, qui interrex iis comitiis, quæ ipse habuisset, consul cum **G. Junio Bubulco** creatus esset; recens **Q. Fabii**, qui sibi continuari consulatum, nisi id bono publico fieret, profectum nunquam svisset. His orationibus quum diu certatum esset, postremo ita inter dictatorem ac tribunos convenit, ut eo, quod censuisset senatus, staretur. Patribus id tempus reipublicæ visum est, ut per veteres, & expertos, bellique peritos imperatores respublica gereretur. itaque moram fieri comitiis non placere. Concedentibus tribunis, comitia habita. Declarati consules **Q. Fabius Maximus** quintum, **Q. Fulvius Flaccus** quartum. Prætores inde creati, **L. Veturius Philo**, **T. Quinctius Crispinus**, **C. Hostilius Tubulus**, **C. Aurunculeius**. Magistratibus in annum creatis, **Q. Fulvius** dictaturam se abdicavit. Extremo ætatis hujus classis **Punica** navium quadraginta, cum præfecto **Hamilcare** in **Sardiniam** trajecta, **Olbiensem** primò, dein, postquam ibi **P. Manlius Vulso** prætor cum exercitu apparuit, circumacta inde ad alterum insulæ latus, **Caraliæ** agrum vastavit, & cum præda omnis generis in **Africam** rediit. Sacerdotes Romani eo anno mortui aliquot suffectique. **C. Servilius** pontifex factus in locum **T. Otacilii Crassi**. **Ti. Sempronius Ti. F. Longus** augur factus in locum **T. Otacilii Crassi**. Decemvir item sacris faciundis in locum **Ti. Sempronii C. F. Longi Ti. Sempronius Ti. F. Longus** suffectus. **M. Marcius** rex sacrorum mortuus est, & **M. Æmilius Pa-pus maximus curio**. neque in eorum locum sacerdotes eo anno suffecti. Et censores hic annus habuit **L. Veturium Philonem** & **P. Licinium Crassum**, maximum ponti-

pontificem. Crassus Licinius nec consul, nec prætor antè fuerat, quàm censor est factus. ex ædilitate gradum ad censuram fecit. Sed hi censores nèque senatum legerunt, nec quicquam publicæ rei egerunt: mors diremit L. Veturii. inde & Licinius censurâ se abdicavit. Ædiles curules L. Veturius & P. Licinius Varus ludos Romanos diem unum instaurârunt. Ædiles plebis Q. Catius & L. Porcius Licinus ex multatio argento signa ænea ad Cereris dedere: & ludos, pro temporis ejus copia, magnifici apparatus fecerunt.

VII. Exitu anni hujus, die quarto & tricesimo, quàm ab Tarracone profectus erat, C. Lælius legatus Scipionis Romam venit: isque, cum agmine captivorum ingressus urbem, magnum concursum hominum fecit. Postero die in senatum introductus, captam Karthaginem, caput Hispaniæ, uno die, receptasque aliquot urbes, quæ defecissent, novasque in societatem adscitas, exposuit. Ex captivis comperta his ferè congruentia, quæ in luteris fuerant M. Valerii Messallæ. Maximè movit Patres Hasdrubalis transitus in Italiam, vix Hannibali atque ejus armis subsistentem. Productus & in concionem Lælius eadem edisseruit. Senatus ob res feliciter à P. Scipione gestas supplicationem in unum diem decrevit. C. Lælium primo quoque tempore, cum quibus venerat navibus, redire in Hispaniam jussit. Karthaginis expugnationem in hunc annum contuli, multis auctoribus; haud nescius, quosdam esse, qui anno insequenti captam tradiderint: quod mihi minùs simile veri visum est, annum integrum Scipionem nihil gerendo in Hispania consumpsisse. Q. Fabio Maximo quintum, Q. Fulvio Flacco quartum consulibus, Idibus Martiis, quo die magistratum inierunt, Italia ambobus provincia decreta; regionibus tamen partitum imperium: Fabius ad Tarentum, Fulvius in Lucanis ac Brutijs rem gereret. M. Claudio prorogatum in annum imperium. Prætores

res sortiti provincias: C. Hostilius Tubulus urbanam, L. Veturius Philo peregrinam cum Gallia, T. Quinctius Crispinus Capuam, C. Aurunculeius Sardiniam. Exercitus ita per provincias divisi. Fulvio duæ legiones, quas in Sicilia M. Valerius Lævinus haberet: Q. Fabio, quibus in Etruria C. Calpurnius præfuisset, decretæ. Exercitus urbanus ut in Etruriam succederet: C. Calpurnius eidem præset provinciae exercituique: Capuam exercitumque, quem Q. Fulvius habuisset, T. Quinctius obtineret. C. Hostilius ab C. Lætorio proprætoris provinciam exercitumque, qui tum jam Arimini erat, acciperet. M. Marcello, quibus cōsul bene rem gesserat, legiones decretæ. M. Valerio cum L. Cincio (his quoque est enim prorogatum in Sicilia imperium) Cannensis exercitus datus: eumque supplere ex militibus, qui ex legionibus Cn. Fulvii superessent, iussi. Conquisitos eos consules in Siciliam miserunt: additaque eadem militiæ ignominia, sub qua Cannenses militabant, quique ex prætoris Cn. Fulvii exercitu, ob similis iram fugæ, missi eò ab senatu fuerant. C. Aurunculeio eadem in Sardinia legiones, quibus P. Manlius Vulso eam provinciam obtinuerat, decretæ. P. Sulpicio, eadem legione, eademque classe Macedoniam obtinere iusso, prorogatum in annum imperium. triginta quinqueremes ex Sicilia Tarentum ad Q. Fabium consulem mitti iussæ: cetera classe prædatum in Africam aut ipsum M. Valerium Lævinum trajicere; aut mittere, seu L. Cincium, seu M. Valerium Messallam. Nee de Hispania quicquam mutatum, nisi quòd non in annum Scipioni Silanoque, sed donec revocati ab senatu forent, prorogatum imperium est. Ita provinciae exercitumque in eum annum partita imperia.

VIII. Inter majorum rerum curas comitia maximæ curionis, quum in locum M. Æmilii sacerdos crearetur, vetus excitaverunt certamen; patriciis negantibus

bus C. Mamili Vituli, qui unus ex plebe petebat, habendam rationem esse, quia nemo ante eum, nisi ex Patribus, id sacerdotium habuisset. Tribuni appellati ad senatum rejecerunt. Senatus populi potestatem fecit. Ita primus ex plebe creatus maximus curio C. Mamilius Vitulus. Et flaminem dialem invitum inaugurari coëgit P. Licinius pontifex maximus C. Valerium Flaccum. Decemvir sacris faciundis creatus in locum Q. Mucii Scævolæ demortui C. Lætorius. Causam inaugurati coacti flaminis libens reticuissem, ni ex mala fama in bonam vertisset. Ob adolescentiam negligentem luxuriosamque C. Flaccus flamen captus à P. Licinio pontifice maximo erat, L. Flacco fratri germano cognatisque aliis ob eadem vitia invisus. Is, ut animum ejus cura sacrorum & ceremoniarum cepit, ita repente exiit antiquos mores, ut nemo totâ juventute haberetur prior, nec probator primoribus Patrum, suis pariter alienisque, esset. Hujus famæ consensu elatus ad justam fiduciam sui, rem intermissam per multos annos ob indignitatem flaminum priorum repetivit, ut in senatum introiret. Ingressum eum curiam quum L. Licinius prætor inde eduxisset, tribunos plebis appellavit flamen. Vetustum jus sacerdotii petebat: datum id cum toga prætexta, & sella curuli, & flaminio esse. Prætor, non exoletis vetustate annalium exemplis stare jus, sed recentissimæ cujusque consuetudinis usu, volebat: nec patrum nec avorum memoriâ dialem quenquam id jus usurpasse. Tribuni, rem inertiam flaminum oblitteratam ipsis, non sacerdotio, damno fuisse, quum æquum censuissent, ne ipso quidem contrâ tendente prætore, magno assensu Patrum plebisque, flaminem in senatum introduxerunt; omnibus ita existimantibus, magis sanctitate vitæ, quam sacerdotii jure, rem eam flaminem obtinuisse. Consules prius, quàm in provincias irent, duas urbanas legiones; in supplementum, quantum opus erat ceteris

exercitibus militum, scripserunt. Urbanum veterem exercitum Fulvius consul C. Fulvio Flacco legato (frater hic consulis erat) in Etruriam dedit ducendum, & legiones, quæ in Etruria erant, Romam deducendas. Et Fabius consul reliquias exercitus Fulviani conquistæ (fuere autem ad tria millia trecenti triginta sex)

Q. Maximum filium ducere in Siciliam ad M. Valerium proconsulem iussit : atque ab eo duas legiones & triginta quinquereces accipere. Nihil hæc eductæ ex insula legiones minuerunt nec viribus nec specie ejus provinciæ præsidium. nam quum, præter egregiè suppletas duas veteres legiones, transfugarum etiam Numidarum equitum peditumque magnam vim haberet, Siculos quoque, qui in exercitu Epicydis aut Pœnorum fuerant, belli peritos viros, milites scripsit. Ea externa auxilia quum singulis Romanis legionibus adjunxisset, duorum speciem exercituum servavit : altero L. Cincium partem insulæ, quâ regnum Hieronis fuerat, tueri iussit ; altero ipse ceteram insulam tuebatur, divisam quondam Romani Punicique imperii finibus ; classe quoque navium septuaginta partitâ, ut omni ambitu littorum præsidia oræ maritimæ essent. Ipse cum Mutinis equitatu provinciam peragrabat, ut visceret agros, cultaque ab incultis notaret, & perinde dominos laudaret castigaretque. Ita tantum eâ curâ frumenti provenit, ut & Romam mitteret, & Catanam conveheret, unde exercitui, qui ad Tarentum æstiva acturus esset, posset præberi.

IX. Ceterum transportati milites in Siciliam (& erant major pars Latini nominis sociorumque) prope magni motûs causa fuere : adeo ex parvis sæpe magnarum momenta rerum pendent. Fremitus enim inter Latinos sociosque in conciliis ortus : *Decimum annum delectibus, stipendiis exhaustos esse. quotannis ferme clade magnâ pugnare. Alios in acie occidi, alios morbo absu-
mi : magis perire sibi civem, qui ab Romano miles lectus sit,*
quàm

quàm qui à Pano captus. quippe ab hoste gratis remitti in patriam; ab Romanis extra Italiam in exsilium verius, quàm in militiam, ablegari. Octavum jam ibi annum senescere Campanensem militem, moriturum autè, quàm Italiâ hostis (quippe nunc quum maximè florens viribus) excedat. Si veteres milites non redeant in patriam, novi legantur, brevi neminem supersuturum. Itaque, quod propediem res ipsa negatura sit, priusquam ad ultimam solitudinem atque egestatem perveniant, negandum populo Romano esse. Si consentientes in hoc socios videant Romani, profectò de pace cum Kartaginensibus jungenda cogitaturos. aliter nunquam, vivo Hannibale, sine bello Italiam fore. Hæc acta in conciliis. Tringenta tum coloniarum populi Romani erant. ex iis duodecim, quum omnium legationes Romæ essent, negaverunt consulibus esse, unde milites pecuniamque darent. Ez fuere Ardea, Nepete, Sutrium, Alba, Carseoli, Cora, Sueffa, Circeji, Setia, Cales, Narnia, Interamna. Novâ re consules isti, quum abstertere eos à tam detestabili consilio vellent, castigando increpandoque plus, quàm leniter agendo, profecturos rati, eos ausos esse consulibus dicere, aiebant, quod consules, in senatu ut promissarent, in animum inducere non possent. non enim detractionem eam munerum militia, sed apertam defectionem à populo Romano esse. Redirent itaque propere in colonias, et, tanquam integrâ re, locuti magis, quàm ausi, tantum nefas, cum suis consulerent. admonerent, non Campanos, neque Tarentinos eos esse, sed Romanos; inde oriundos, inde in colonias atque in agrum bello captum stirpis augenda causâ missos: qua liberi parentibus deberent, ea illos Romanis debere, si ulla pietas, si memoria antiqua patriæ esset. Consulerent igitur da integro. nam, tum quidem qua temere agitassent, ea prodendi imperii Romani, tradenda Hannibali victoria esse. Quum alternis hæc consules diu jactassent, nihil moti legati, neque se, quod domum renunciarent, habere dixerunt, neque senatum suum, quid novi consuleret, ubi nec miles, qui legeretur, nec pecunia, qua daretur in stipendium, esset. Quum obli-

obstinatos eos viderent consules, rem ad senatum detulerunt. ubi tantus pavor animis omnium est injectus, ut magna pars, *actum de imperio*, diceret. *idem alias colonias facturas; idem socios consensisse omnes, ad prodendam Hannibali urbem Romanam.*

X. Consules hortari & consolari senatum, & dicere, *Alias colonias in fide atque officio pristino fore, eas quoque ipsas, quæ officio decessissent, si legati circa eas colonias mittantur, qui castigent, non qui precentur, verecundiam imperii habituras esse.* Permissum ab senatu iis quum esset, agerent, facerentque, ut è republica ducerent; pertentatis prius aliarum coloniarum animis, citaverunt legatos, quæsiweruntque ab iis, *ecquid milites ex formula paratos haberent?* Pro duodeviginti coloniis M. Sextilius Fregellanus respondit: & *milites ex formula paratos esse: & si pluribus opus esset, plures daturus: & quicquid aliud imperaret velletque populus Romanus, enisè facturum.* ad id sibi neque opes deesse, animum etiam superesse. Consules, sibi parum videri, præfati, pro merito eorum, suâ voce collaudari eos, nisi universi Patres iis in curia gratias egissent, sequi in senatum iusserunt. Senatus, quàm poterat honoratissimo decreto allocutus eos, mandat consulibus, ut ad populum quoque eos producerent, & inter multa alia præclara, quæ ipsis majoribusque suis præstitissent, recens etiam meritum eorum in rempublicam commemorarent. Ne nunc quidem post tot secula sileantur, fraudenturve laude suâ, Signini fuere, & Norbani, Saticulanique, & Brundisini, & Fregellani, & Lucerini, & Venusini, & Hadriani, & Firmani, & Ariminenses: & ab altero mari, Pontiani, & Pæstani, & Cosani: & mediterranei, Beneventani, & Æterni, & Spoletini, & Placentini, & Cremonenses. Harum coloniarum subsidio tum imperium populi Romani stetit: iisque gratiæ & in senatu, & ad populum actæ. Duodecim aliarum coloniarum, quæ detrectaverunt imperium, mentionem fieri Patres veterunt,

tuerunt, neque illos dimitti, neque retineri, neque appellari à consulibus. ea tacita castigatio maximè ex dignitate populi Romani visa est. Cetera expedienti-
bus, quæ ad bellum opus erant, consulibus, aurum vi-
cesimarium, quod in sanctiore ærario ad ultimos casus
servabatur, promi placuit. Prompta ad quatuor mil-
lia pondo auri. inde quingena pondo data consulibus,
& M. Marcello, & P. Sulpicio proconsulibus, & L. Ve-
turio prætori, qui Galliam provinciam sortitus erat;
additumque Fabio consuli centum pondo auri præci-
puum, quod in arcem Tarentinam portaretur. cetero
usû sunt ad vestimenta præsentî pecuniâ locanda exer-
citui, qui in Hispania bellum secundâ suâ famâ ducif-
que gerebat.

XI. Prodigia quoque, priusquam ab urbe consules
proficiscerentur, procurari placuit. In Albano mon-
te tacta de cœlo erant signum Jovis, arborque templo
propinqua, & Ostiæ lacus, & Capuæ murus, Fortunæ-
que ædes, & Sinuessæ murus portaque. Hæc de cœlo
tacta. Cruentam etiam fluxisse aquam Albānam, qui-
dam auctores erant. Et Romæ intus cellam ædis For-
tis Fortunæ de capite signum, quod in corona erat, in
manus sponte suâ prolapsum. Et Priverni satis con-
stabat bovem locutum, volturiumque frequenti foro
in tabernam devolasse, & Sinuessæ natum ambiguo in-
ter marem ac feminam sexu infantem: quos androgy-
nos vulgus (ut pleraque, faciliore ad duplicanda ver-
ba Græco sermone) appellat: & lacte pluisse, & cum
elephanti capite puerum natum. Ea prodigia hostiis
majoribus procurata, & supplicatio circa omnia pul-
vinaria, & obsecratio in unum diem indicta: & de-
cretum, ut C. Hostilius prætor ludos Apollini, sicut
his annis voti fastique erant, voveret faceretque. Per
eos dies & censoribus creandis Q. Fulvius consul co-
mitia habuit. Creati censores, ambo qui nondum con-
sules fuerant, M. Cornelius Cethegus, P. Sempronius
Tudic

Tuditanus. Hi censores, ut agrum Campanum fruentum locarent, ex auctoritate Patrum latum in plebem est, plebesque scivit. Senatus lectionem contentio inter censores de principe legendo tenuit. Sempronii lectio erat: ceterum Cornelius *morem traditum à patribus sequendum* aiebat. *ut, qui primus censor ex iis, qui viverent, fuisset, eum principem legerent*: is T. Manlius Torquatus erat. Sempronius, cui Diī sortem legendi dedissent, ei *jus liberum eosdem dedisse Deos. Se id suo arbitrio facturum: lecturumque Q. Fabium Maximum, quem tum principem Romane civitatis esse, vel Hannibale judice, victurus esset.* Quum diu certatum verbis esset, concedente collegā, lectus à Sempronio princeps in senatu Q. Fabius Maximus consul: inde alius lectus senatus, octo præteritis, inter quos L. Cæcilius Metellus erat, infamis auctor deferendæ Italiæ post Cannensem cladem. In equestribus quoque notis eadem servata causa. sed erant perpauca, quos ea infamia attingeret. Illis omnibus (& multi erant) adempti equi, qui Cannensium legionum equites in Sicilia erant. addiderunt acerbitati etiam tempus, ne præterita stipendia procederent iis, qui equo publico emeruerant, sed dena stipendia equis privatis facerent. Magnum præterea numerum eorum conquiverunt, qui equo merere deberent: atque ex iis, qui principio ejus belli septemdecim annos nati fuerant, neque militaverant, omnes ærarios fecerunt. Locaverunt inde reficienda, quæ circa forum incendio consumpta erant, septem tabernas, macellum, atrium regium.

XII. Transactis omnibus, quæ Romæ agenda erant, consules ad bellum profecti. Prior Fulvius prægressus Capuam. Post paucos dies consecutus Fabius; qui & collegam coram obtestatus, & per literas Marcellum, ut quàm acerrimo bello detineret Hannibalem, dum ipse Tarentum oppugnaret: eā urbe ademptā hosti jam undique pulso, nec ubi consisteret, nec quid fidum respiceret

spiceret habenti, ne remorandi quidem causam in Italia fore. Rhegium etiam nuncium mittit ad præfectum præsidii, quod ab Lavino consule adversus Brutios ibi locatum erat, octo millia hominum: pars maxima ab Agathyrna (sicut antea dictum est) ex Sicilia traducta, rapto vivere hominum adfectorum. additi erant Bruttiorum indidem perfugæ, & audaciâ & audendi omnia necessitatibus pares. Hanc manum ad Bruttium primum agrum depopulandum duci iussit, inde ad Cauloniam urbem oppugnandam. Imperata non impigre solum, sed etiam avidè, exsecuti, direptis fugatisque cultoribus agri, summâ vi urbem oppugnabant. Marcellus, & consulis literis excitus, & quia ita in animum induxerat, neminem ducem Romanum tam parem Hannibali, quàm se, esse, ubi primum in agris pabuli copia fuit, ex hibernis profectus, ad Canusium Hannibali occurrit. Sollicitabat ad defectionem Canusinos Pœnus. ceterum, ut appropinquare Marcellum audivit, castra inde movit. Aperta erat regio, sine ullis ad insidias latebris; itaque in loca saltuosa cedere inde cœpit. Marcellus vestigiis instabat, castraque castris conferebat: &, opere perfecto, extemplo in aciem legiones educebat. Hannibal, turmatim per equites peditumque jaculatores levia certamina ferens, casum universæ pugnæ non necessarium ducebat. tractus est tamen ad id, quod vitabat, certamen. Nocte prægressum assequitur locis planis ac patentibus Marcellus. castra inde ponentem, pugnando undique in munitores, operibus prohibet. Ita signa collata, pugnatumque totis copiis: &, quum jam nox instaret, Marte æquo discessum est. castra, exiguo distantia spatio, raptim ante noctem permunita. Postero die luce primâ Marcellus in aciem copias eduxit. nec Hannibal detrectavit certamen, multis verbis adhortatus milites, *ut, memores Trasimeni Cannarumque, contenderent ferociam hostis. urgere atque instare eum. non iter quietos*

quietos facere, non castra ponere pati, non respirare aut circumspicere. quotidie simul orientem solem & Romanam aciem in campis videndam esse. Si uno praelio haud incruentus abeat, quietius deinde tranquilliusque eum bellaturum. His iritati adhortationibus, simulque tædio ferociæ hostium quotidie infantium lacescentiumque, acriter praelium ineunt. Pugnatum amplius duabus horis est. cedere inde ab Romanis dextra ala & extraordinarii coepere. Quod ubi Marcellus vidit, duodevicesimam legionem in primam aciem inducit. Dum alii trepidi cedunt, alii segniter subeunt, turbata tota acies est, dein prorsus fusa; &, vincente pudorem metu, terga dabant. Cecidere in pugna fugaque ad duo millia & septingenti civium sociorumque: in his quatuor Romani centuriones, duo tribuni militum, M. Licinius & M. Helvius. Signa militaria quatuor de ala, prima quæ fugit; duo de legione, quæ cedentibus sociis successerat, amissa.

XIII. Marcellus, postquam in castra reditum est, concionem adeo sævam atque acerbam apud milites habuit, ut praelio, per diem totam infelicitè tolerato, tristior iis irati ducis oratio esset. *Diis immortalibus, ut in tali re, laudes grateque, inquit, ago, quòd victor hostis, cum tanto pavore incidentibus vobis in vallum portasque, non ipsa castra est aggressus. deseruissetis profectò eodem terrore castra, quo omisistis pugnam. Qui pavor hic? qui terror? quæ repente, qui, & cum quibus pugnaretis, oblivio animos cepit? nempe iidem sunt hi hostes, quos vincendo & victos sequendo priorem astatem absumpsistis; quibus dies noctesque fugientibus per hos dies institistis; quos levibus praeliis fatigastis; quos hesterno die nec iter facere, nec castra ponere passi estis. Omitto ea, quibus gloriari potestis: cuius & ipsius pudere ac pænitere vos oportet, referam. nempe, aquis manibus hesterno die diremistis pugnam. Quid hac nox, quid hic dies attulit? vestra his copia imminuta sunt, an illorum aucta?*

ante? Non equidem mihi cum exercitu meo loqui videor, nec cum Romanis militibus. corpora tantum atque arma eadem sunt. An, si eosdem animos habuissetis, terga vestra vidisset hostis? signa alicui manipulo aut cohorti abstulisset? Adhuc casis Romanis legionibus gloriabatur. vos illi hodierno die primum fugati exercitus dedistis decus. Clamor inde ortus, ut veniam ejus dici daret; ubi vellet, deinde experiretur militum suorum animos. Ego verò experiar, inquit, milites: & vos crastino die in aciem educam, ut virores potius, quàm vultu, veniam impetretis, quam petitis. Cohortibus, quæ signa amiserant, hordeum dari jussit: centurionesque manipulorum, quorum signa amissa fuerant, destrixis gladiis discinctos destituit; & ut postero die omnes, equites, pedites, armati adessent, edixit. Ita concio dimissa fatentium, jure ac meritò sese increpitos; neque illo die virum quenquam in acie Romana fuisse, præter unum ducem: cui aut morte satisfaciendum, aut egregià victorià esset. Postero die ornati armatique ad edictum aderant. Imperator eos collaudat, pronunciatque, à quibus orta pridie fuga esset, cohortesque, quæ signa amississent, se in primam aciem inducturum. edicere jam sese, omnibus pugnandum ac vincendum esse: & adnitendum singulis universisque, ne prius hesternæ fuge, quàm hodiernæ victoriæ, fama Romam perveniat. Inde cibo corpora firmare jussit, ut, si longior pugna esset, viribus sufficerent. Ubi omnia dicta factaque sunt, quibus excitarentur animi militum, in aciem procedunt.

XIV. Quod ubi Hannibali nunciatum est: Cum eo nimirum, inquit, hoste res est, qui nec bonam, nec malum ferre fortunam potest. Seu vicit, ferociter inflat victis: seu victus est, instaurat cum victoribus certamen. Signa inde canere jussit, copias educit. Pugnatum utrinque aliquanto, quàm pridie, acrius est: Poenis ad obtinendum hesternum decus adnitentibus, Romanis ad demendam ignominiam. Sinistra ala ab Romanis & cohortes,

Hortes, quæ amiserant signa, in prima acie pugnabant, & legio vicefima ab dextro cornu instructa. L. Cornelius Lentulus & C. Claudius Nero legati cornibus præerant, Marcellus mediam aciem, hortator testisque præsens, firmabat. Ab Hannibale Hispani primam obtinebant frontem, & id roboris in omni exercitu erat. Quum anceps diu pugna esset, Hannibal elephantos in primam aciem induci iussit, si quem injicere ea res tumultum ac pavorem posset. Et primò turbârunt signa ordinesque, & partim occulcatis, partim dissipatis terrore, qui circà erant, nudaverant unâ parte aciem. latiusque fuga manâisset, ni C. Decimius Flavus tribunus militum, signo arrepto primi hastati, manipulum ejus signi se sequi jussisset. duxit, ubi maximè tumultum conglobatæ belluæ faciebant, pilaque in eas conjici jussit. Hædere omnia tela haud difficili ex propinquo in tanta corpora ictu, & tam confertâ turbâ. sed ut non omnes vulnerati sunt; ita, in quorum tergis infixæ steteræ pila, (ut est genus anceps) in fugam versi etiam integros avertère. Tum jam non unus manipulus, sed pro se quisque miles, qui modò assequi agmen fugientium elephantorum poterat, pila conjicere. eo magis ruere in suos belluæ; tantoque majorem stragem edere, quàm inter hostes ediderant, quanto acrius pavor consternatam agit, quàm insidentis magistri imperio regitur. In perturbatam transcursu belluarum aciem signa inferunt Romani pedites: & haud magno certamine dissipatos trepidantesque avertunt. Tum in fugientes equitatum immittit Marcellus, nec antè finis sequendi est factus, quàm in castra paventes compulsi sunt. Nam super alia, quæ terrorem trepidationemque facerent, elephantique quoque duo in ipsa porta corruerant, coactique erant milites per fossam vallumque ruere in castra. ibi maxima hostium cædes facta: cæsa ad octo millia hominum, quinque elephantique. Nec Romanis incruenta victoria fuit. mille ferme & septin-

genti de duabus legionibus, & sociorum supra mille & trecentos occisi: vulnerati permulti civium sociorumque. Hannibal nocte proximâ castra movit. Cupientem insequi Marcellum prohibuit multitudo fauciorum.

XV. Speculatores, qui prosequerentur agmen, missi, postero die retulerunt, Bruttios Hannibalem petere. Iisdem serè diebus & ad Q. Fulvium consulem Hirpini, & Lucani, & Volscentes, traditis præsidis Hannibalis, quæ in urbibus habebant, dediderunt sese, clementerque à consule, cum verborum tantum castigatione ob errorem præteritum, accepti. Et Bruttius similis spes veniæ facta est: quum ab iis Vibius & Pactius fratres, longè nobilissimi gentis ejus, eandem, quæ data Lucanis erat, conditionem deditiois petentes venissent. Q. Fabius consul oppidum in Salentinis Manduriam vi cepit, ibi ad quatuor millia hominum capta, & ceteræ prædæ aliquantum. Inde Tarentum profectus, in ipsis faucibus portus posuit castra. naves, quas Livius tutandis comitatibus habuerat, partim machinationibus onerat apparatuque mœnium oppugnandorum, partim tormentis & saxis omniq[ue] missilium telorum genere instruit, onerarias quoque, non eas solum, quæ remis agerentur; ut alii machinas scaldasque ad muros ferrent, alii præcul ex navibus vulnerarent mœnium propugnatores. Ex naves, ab aperto mari ut urbem aggrederebantur, instructæ paratæque sunt. Et erat liberum mare, classe Panicâ, quum Philippus oppugnare Ætolos pararet, Corcyram transmissâ. In Bruttis interim Caulonis oppugnatores, sub adventum Hannibalis, ne opprimerentur, in tumultum, à præsentis impetu tutum, se recepere. Fabium, Tarentum obsidentem, leve dictu momentum ad rem ingentem potiundam adjuvit. Præsidium Bruttiorum datum ab Hannibale Tarentini habebant. ejus præsidii præfectus deperibat amore mulierculæ, cujus frater in
exerci-

exercitu Fabii consulis erat. Is, certior literis sororis factus de nova consuetudine advenæ locupletis, atque inter populares tam honorati, spem nactus per sororem quolibet impelli amantem posse, quid speraret, ad consulem detulit. quæ quum haud vana cogitatio visa esset, pro perfuga iussus Tarentum transire, ac per sororem præfecto conciliatus, primò occultè animum ejus tentando, dein, satis exploratà levitate, blanditiis muliebribus perpulit eum ad proditionem custodiæ loci, cui præpositus erat. Ubi & ratio agendæ rei, & tempus convenit, miles, nocte per intervalla stationum clam ex urbe emissus, ea, quæ acta erant, quæque ut agerentur, convenerat, ad consulem refert. Fabius vigiliâ primâ, dato signo iis, qui in arce erant, quique custodiam portûs habebant, ipse circuito portu ab regione urbis in orientem versa occultus confedit. Canere inde tubæ simul ab arce, simul à portu & ab navibus, quæ ab aperto mari appulsæ erant; clamorque undique cum ingenti tumultu, unde minimum periculi erat, de industria ortus. Consul interim silentio continebat suos. Igitur Democrates, qui præfectus antea classis fuerat, fortè illo loco præpositus, postquam quieta omnia circa se vidit, alias partes eo tumultu personare, ut captæ urbis interdum excitaretur clamor, veritus ne inter cunstationem suam consul aliquam vim faceret, signaque inferret, præsidium ad arcem, unde maximè terribilis accidebat sonus, traducit: Fabius, quum & ex temporis spatio & ex silentio ipso (quòd, ubi paulo antè strepebant excitantes vocantesque ad arma, inde nulla accidebat vox) deductas custodias sensisset; ferri scalas ad eam partem muri, quâ Bruttiorum cohortem præsidium agitare proditionis conciliator nunciaverat, jubet. Eâ primùm est captus murus, adjuvantibus recipientibusque Bruttiis: & transcensum in urbem est. inde & proxima refracta porta, ut frequenti agmine signa inferrentur. Tum,

clamore sublato, sub ortum ferme lucis, nullo obvolo armato, in forum perveniunt: omnesque undique, qui ad arcem portumque pugnabant, in se converterunt.

XVI. Prælium in aditu fori majore impetu, quam perseverantiâ, commissum est. non animo, non armis, non arte belli, non vigore aut viribus corporis, par Romano Tarentinus erat. Igitur, pilis tantum coniectis, prius penè, quam conferrent manus, terga dederunt, dilapsique per nota urbis itinera in suas amicorumque domos. Duo ex ducibus Nico & Democrates fortiter pugnantes cecidere. Philæmenus, qui proditionis ad Hannibalem auctor fuerat, quum citato equo ex prælio avectus esset; vagus paulo post equus errans per urbem cognitus; corpus nusquam inventum est. creditum vulgò est, in puteum apertum ex equo præcipitasse. Karthalonem autem, præfectum præsidii Punici, cum commemoratione paterni hospitii, positis armis, venientem ad consulem, miles obvi-
us obtruncat. Alii alios passim sine discrimine armatos, inermes, cadunt, Karthaginieneses Tarentinosque pariter. Bruttii quoque multi interfecti, seu per errorem, seu vetere in eos insito odio, seu ad proditionis famam (ut vi potius atque armis captum Tarentum videretur) extinguendam. Tum ab cæde ad diripiendam urbem discursum. millia triginta servilium capitum dicuntur capti: argenti vis ingens facti signati-
que: auri octoginta tria millia pondo: signa tabulæque, propè ut Syracusarum ornamenta æquaverint. Sed majore animo generis ejus prædâ abstinuit Fabius, quàm Marcellus; qui interroganti scribæ, quid fieri signis vellet, (ingentis magnitudinis Dii sunt, suo quisque habitu in modum pugnantium formati) *Deos iratos Tarentinis relinqui* jussit. Murus inde, qui urbem ab arce dirimebat, dirutus est ac disiectus. Dum hæc Tarenti aguntur, Hannibal iis, qui Cauloniam obsidebant, in deditionem acceptis, auditâ oppugnatione
Taren-

Tarenti, dies noctesque cursim agmine aëto, quum, festinans ad opem ferendam, captam urbem audisset; *Et Romani, inquit, suum Hannibalem habent. eadem, quæ ceperamus, arte Tarentum amisimus.* Ne tamen fugientis modo convertisse agmen videretur, quo constituerat loco, quinque millia ferme ab urbe posuit castra. ibi paucos moratus dies, Metapontum sese recepit. inde duos Metapontinos cum literis principum ejus civitatis ad Fabium Tarentum mittit, fidem ab consule accepturos, impunita iis priora fore, si Metapontum ei cum præsidio Punico prodidissent. Fabius, veræ, quæ afferrent, esse ratus, diem, quæ accessurus esset Metapontum, constituit: literasque ad principes dedit, quæ ad Hannibalem delatæ sunt. Enimvero lætus successu fraudis, si ne Fabius quidem dolo invictus fuisset, haud procul Metaponto insidias ponit. Fabio auspicanti prius, quàm egrederetur ab Tarento, aves semel atque iterum non addixerunt. hostiâ quoque cæsâ consulenti Deos aruspex, cavendum à fraude hostili & ab insidiis, prædixit. Metapontini, postquam ad constitutam non venerat diem, remissi, ut cunctantem hortarentur, repente comprehensi, metu gravioris quæstionis, detegunt insidias.

XVII. Æstatis ejus principio, quæ hæc agebantur, P. Scipio in Hispania quum hiemem totam reconciliandis barbarorum animis, partim donis, partim remissione obsidum captivorumque, absumpsisset; Edesco ad eum, clarus inter duces Hispanos, venit. Erant conjux liberique ejus apud Romanos. sed præter eam causam etiam velut fortuita inclinatio animorum, quæ Hispaniam omnem averterat ad Romanum à Punico imperio, traxit eum. Eadem causâ Indibili Mandonioque fuit, haud dubiè omnis Hispaniæ principibus, cum omni popularium manu, relicto Hasdrubale, secedendi in imminentes castris ejus tumulos, unde per continentia juga tutus receptus ad Romanos esset. Has-

drubal, quum hostium res tantis augescere incrementis cerneret, suas imminui, ac fore, ut, nisi audendo aliquid moveret, quâ cœpissent, fluere, dimicare quàm primùm statuit. Scipio avidior etiam certaminis erat, quum à spe, quam successus rerum augebat; tum quòd priùs, quàm jungerentur hostium exercitus, cum uno dimicare duce exercituque, quàm simul cum universis, malebat. Ceterum, etiam, si cum pluribus pariter dimicandum foret, arte quâdam copias auxerat. nam quum videret, nullum esse navium usum, quia vacua omnis Hispaniæ ora classibus Punicis erat, subductis navibus Tarracone, navales socios terrestribus copiis addidit. & armorum affatim erat captorum Karthagine, & quæ post captam eam fecerat, tanto opificum numero incluso. Cum iis copiis Scipio, veris principio ab Tarracone egressus, (jam enim & Lælius redierat ab Roma, sine quo nihil majoris rei motum volebat) ducere ad hostem pergit. Per omnia pacata eunti, ut cujusque populi fines transiret, prosequentibus excipientibusque sociis, Indibilis & Mandonius cum suis copiis occurrerunt. Indibilis pro utroque locutus, haudquaquam ut barbarus stolidè incautéque, sed potius cum verecunda gravitate: propiorque excusanti transitionem ut necessariam, quàm glorianti eam velut primam occasionem raptam. *Scire enim se, transfugæ nomen execrabile veteribus sociis, novis suspectum esse. neque eum se reprehendere morem hominum, si tamen anceps odium causa, non nomen, faciat. Merita inde sua in duces Karthaginenses commemoravit, avaritiam contra eorum, superbiamque, & omnis generis injurias in se atque populares. Itaque corpus duntaxat suum ad id tempus apud eos fuisse: animum jam pridem ibi esse, ubi jus ac fas crederent coli. ad Deos quoque confugere supplices, qui nequeant hominum vim atque injurias pati. Se id Scipionem orare, ut transitio sibi nec fraudi apud eum, nec honori sit. quales ex hac die experiundo cognovit,*

rit, perinde operæ eorum pretium faceret. Ita prorsus respondet facturum Romanus: nec pro transfugis habiturum, qui non duxerint societatem ratam, ubi nec divini quicquam, nec humani sanctum esset. Productæ deinde in conspectum iis conjuges liberique lacrimantibus gaudio redduntur, atque eo die in hospitium abducti. Postero die fœdere accepta fides; dimissique ad copias adducendas. Iisdem deinde castris tendebant, donec ducibus iis ad hostem perventum est.

XVIII. Proximus Karthaginiensium exercitus Hasdrubalis prope urbem Bæculam erat. pro castris equitum stationes habebat. In eas velites antesignanique, & qui primi agminis erant, advenientes ex itinere, priusquam castris locum caperent, adeo contemptim impetum fecerunt, ut facile appareret, quid utrique parti animorum esset. In castra trepidâ fugâ compulsi equites sunt: signaque Romana portis propè ipsis illata. Atque illo quidem die, irritatis tantum ad certamen animis, castra Romani posuerunt. Nocte Hasdrubal in tumultum copias recipis, plano campo in summo patentem: fluvius ab tergo; antè circâque velut ripa præceps oram ejus omnem cingebat. Suberat & altera inferior submissa fastigio planities. eam quoque altera crepido haud facilior in ascensum ambibat. In hunc inferiorem campum postero die Hasdrubal, postquam stantem pro castris hostium aciem vidit, equites Numidas, leviumque armorum Baliares, & Afros demisit. Scipio, circumvectus ordines signaque, ostendebat, hostem, *predamnata spe equo dimicandi campo, captantem tumulos, loci fiduciâ, non virtutis armorumque, stare in conspectu. sed altiora mœnia habuisse Karthaginem, que transcendisset miles Romanus. Nec tumulos, nec arcem, ne maxime quidem armis obstitisse suis. ad id fore altitudines, quas cepissent hostes, ut per præcipitia & prærupta salientes fugerent. eam quoque se illis fugam clausurum. Cohortesque duas, alteram tenere fauces vallis, per quam deferretur*

tur annis, jubet; alteram, viam insidere, quæ ab urbe per tumuli obliqua in agros ferret. ipse expeditos, qui pridie stationes hostium pepulerant, ad levem armaturam, infimo stantem supercilio, ducit. Per aspreta primò, nihil aliud quàm viâ impediti, iere. deinde, ut sub ictum venerunt, telorum primò omnis generis vis ingens effusa est in eos: ipsi contrà, saxa, quæ locus strata passim, omnia ferme missilia, præbet, ingerere, non milites solum, sed etiam turba calonum immixta armatis. Ceterum, quanquam ascensus difficilis erat, & propè obruebantur telis saxisque, assuetudine tamen succedendi muros, & pertinaciâ animi, subierunt primi. Qui, simul cepere aliquid æqui loci, ubi firmo consisterent gradu, levem & concursatorem hostem, atque intervallo tutum, quum procul missilibus pugna eluditur, instabilem eundem ad comminus conferendas manus, expulerunt loco, & cum cæde magna in aciem altiori superstantem tumulo impingere. Inde Scipio, jussis adversus mediam evadere aciem victoribus, ceteras copias cum Lælio dividit; atque cum parte dextrâ tumuli circumire, donec mollioris ascensus viam inveniret, jubet. ipse ab læva, circuitu haud magno, in transversos hostes incurrit. Inde primò turbata acies est, dum ad circumsonantem undique clamorem flectere cornua & obvertere ordines volunt. Hoc tumultu & Lælius subiit; &, dum pedem referunt, ne ab tergo vulnerarentur, laxata prima acies, locusque ad evadendum & mediis datus est; qui per tam iniquum locum, stantibus integris ordinibus, elephantisque ante signa locatis, nunquam evasisent. Quum ab omni parte cædes fieret, Scipio, qui lævo cornu in dextrum incucurrerat, maximè in nuda hostium latera pugnabat. Et jam ne fugæ quidem patebat locus. nam & stationes utrinque Romanæ dextrâ lævâque insederant vias: & portam castrorum ducis principumque fuga clauferat; additâ trepidatione elephan-

phantorum, quos territos æquè atque hostes timebant. Cæsa igitur ad octo millia hominum.

XIX. Hasdrubal jam antè, quàm dimicaret, pecuniâ raptâ, elephantisque præmissis, quàm plurimos poterat, de fuga excipiens, præter Tagum flumen ad Pyrenæum tendit. Scipio; castris hostium potitus, quum præter libera capita omnem prædam militibus concessisset, in recensendis captivis decem millia peditum, duo millia equitum invenit. ex iis Hispanos sine pretio omnes domum dimisit: Afros vendere quæstorem iussit. Circumfusa inde multitudo Hispanorum, & antè deditorum, & pridie captorum, regem eum ingenti consensu appellavit. Tum Scipio, silentio per præconem facto, *sibi maximum nomen imperatoris esse, dixit, quo se milites sui appellassent. regium nomen alibi magnam, Romæ intolerabile esse. Regalem animum in se esse, si id in hominis ingenio amplissimum ducerent, tacitè judicarent; vocis usurpatione abstinere.* Sensere etiam barbari magnitudinem animi; cujus miraculo nominis alii mortales stupebant, id ex tam alto fastigio aspernantis. Dona inde regulis principibusque Hispanorum divisa, & ex magna copia captorum equorum trecentos, quos vellet, eligere Indibilem iussit. Quum Afros venderet iussu imperatoris quæstor, puerum adultum inter eos formâ insigni, quum audisset regii generis esse, ad Scipionem misit. quem quum percunctaretur Scipio, *quas, & cujas, & cur id ætatis in castris fuisset?* Numidam esse, ait, *Massivam populares vocare. orbem à patre relictum, apud maternum avum Galam; regem Numidarum, eductum, cum avunculo Masinissa, qui nuper cum equitatu subsidio Karthaginensibus venisset, in Hispaniam trajecisse. Prohibitum propter ætatem à Masinissa, nunquam antè prælium iniisse. Eo die, quo pugnatum cum Romanis esset, in seio avunculo, clam armis equoque sumpto, in aciem exisse: ibi, prolapsus equo effusum in præceps, captam ab Romanis esse.* Scipio, quum asservari Numidam iussisset, quæ pro tribunali

agenda erant, peragit. inde, quum se in prætorium recepisset, vocatum eum interrogat, *velletne ad Mastiſſam reverti?* Quum, effuſis gaudio lacrimis, *caspere verò*, diceret; tum puero annulum aureum, tunicam lato clavo, cum Hispano ſagulo & aurea fibula, equumque ornatum donat, juffisque proſequi, quoad vellet, equitibus dimiſit.

XX. De bello inde conſilium habitum. &, auctori-
bus quibuſdam, ut conſeſtim Haſdrubalem conſeque-
retur, anceps id ratus, ne Mago atque Haſdrubal cum
eo jungerent copias, præſidio tantum ad inſidendum
Pyrenæum miſſo, ipſe reliquum æſtatis recipiendis in
fidem Hiſpaniæ populis abſumpſit. Paucis poſt præ-
lium factum ad Bæculam diebus, quum Scipio, redi-
ens jam Tarraconem, ſaltu Caſtulonenſi exceſſiſſet,
Haſdrubal Giſgonis filius & Mago imperatores ex ul-
teriore Hiſpania ad Haſdrubalem venire, ſerum poſt
malè geſtam rem auxilium; conſilio in cetera exſe-
quenda belli haud parum opportuni. Ibi conferenti-
bus, quid in cujuſque provinciæ regione animorum
Hiſpanis eſſet, unus Haſdrubal Giſgonis, ultimam Hi-
ſpaniæ oram, quæ ad Oceanum & Gades vergit, igna-
ram adhuc Romanorum eſſe, eoque Karthaginiensibus
fatis fidam; cenſebat. Inter Haſdrubalem alterum &
Magonem conſtabat, *beneficiis Scipionis occupatos omnium
animos publicè privatimque eſſe: nec transitionibus finem ante
fore, quàm omnes Hiſpani milites aut in ultima Hiſpania a-
moti, aut traduſti in Galliam forent. Itaque, etiamſi ſena-
tus Karthaginiensium non cenſuiſſet, eundem tamen Haſdru-
bali fuiſſe in Italiam, ubi belli caput rerumque ſumma eſſet;
ſimul, ut Hiſpanos omnes procul ab nomine Scipionis ex Hiſpa-
nia abduceret. exercitum ejus, cum transitionibus, tum adver-
ſo prælio imminutum, Hiſpanis repleti militibus. Et Ma-
gonem, Haſdrubali Giſgonis filio tradito exercitu, ipſum cum
grandi pecunia ad conducenda mercede auxilia in Bæſiæres tra-
jicere. Haſdrubalem Giſgonis cum exercitu penitus in Luſi-
taniam*

Spaniam abire, nec cum Romanis manus conferere. Masinissa ex omni equitatu, quod roboris esset, tria millia equitum expleri; eumque vagum per citeriorem Hispaniam sociis opem ferre, hostium oppida atque agros populari. his decretis, ad exsequenda, quæ statuerant, duces digressi. Hæc eo anno in Hispania acta. Romæ fama Scipionis indies crescere. Fabio Tarentum captum astu magis, quàm virtute; gloriæ tamen esse. Fulvii senescere fama. Marcellus etiam adverso rumore esse, super quàm quòd primò malè pugnaverat, quia, vagante per Italiam Hannibale, mediâ æstate Venusiam in testâ milites abduxisset. Inimicus erat ei C. Publicius Bibulus tribunus plebis. Is jam à prima pugna, quæ adversa fuerat, assiduis concionibus infamem invisumque plebei Claudium fecerat, & jam de imperio abrogando ejus agebat: quum tamen necessarii Claudii obtinuerunt, ut, relicto Venusiæ legato, Marcellus Romam rediret ad purganda ea, quæ inimici decernerent: nec de imperio ejus abrogando, absente ipso, ageretur. Fortè sub idem tempus & Marcellus ad deprecandam ignominiam, & Q. Fulvius consul comitiorum causâ Romam venit.

XXI. Actum de imperio Marcelli in circo Flaminio est, ingenti concursu plebisque & omnium ordinum. Accusavitque tribunus plebis, non Marcellum modò, sed omnem nobilitatem. *Fraude eorum & cunctatione fieri, ut Hannibal decimum jam annum Italiam provinciam habeat: diutius ibi, quàm Karthagine, vixerit. Habere fructum imperii prorogati Marcello populum Romanum: bis casum exercitum ejus æstiva Venusiæ sub testis agere.* Hanc tribuni orationem ita obruit Marcellus commemoratione rerum suarum, ut non rogatio solùm de imperio ejus abrogando antiquaretur, sed postero die consulem eum ingenti consensu centuriæ omnes crearent. Additur collega T. Quinctius Crispinus, qui tum prætor erat. Postero die prætores creati P. Licinius Crassus

Dives, pontifex maximus, P. Licinius Varus, Sex. Julius Cæsar, Q. Claudius Flamen. Comitiorum ipsorum diebus sollicita civitas de Etruriæ defectione fuit. Principium ejus rei ab Arretinis fieri, C. Calpurnius scripserat, qui eam provinciam pro prætore obtinebat. Itaque confestim eò missus Marcellus, consul designatus, qui rem inspiceret, ac, si digna videretur, exercitu accito, bellum ex Apulia in Etruriam transferret. Eo metu compressi Etrusci quieverunt. Tarentinorum legatis pacem petentibus cum libertate ac legibus suis responsum ab senatu est, ut redirent, quum Fabius consul Romam venisset. Ludi & Romani & plebei eo anno in singulos dies instaurati. Ædiles curules fuere L. Cornelius Caudinus & Ser. Sulpicius Galba: plebei C. Servilius & Q. Cæcilius Metellus. Servilium negabant jure aut tribunum plebis fuisse, aut ædilem esse; quod patrem ejus, quem triumvirum agrarium occisum à Bojis circa Mutinam esse opinio per decem annos fuerat, vivere, atque in hostium potestate esse, satis constabat.

XXII. Undecimo anno Punici belli consulatum inierunt M. Marcellus quintum (ut numeretur consulatus, quem vitio creatus non gessit) & T. Quinctius Crispinus. Utrisque consulibus Italia decreta provincia est, & duo consulares prioris anni exercitus: tertius tum erat Venusæ, cui M. Marcellus præfuerat. ita ut ex tribus eligerent duo, quos vellent; tertius ei traderetur, cui Tarentum & Sallentini provincia evenisset. Ceteræ provinciæ ita divisæ prætoribus. P. Licinio Varo urbana, P. Licinio Crasso pontifici maximo peregrina, & quod senatus censuisset: Sex. Julio Cæsari Sicilia, Q. Claudio Flamini Tarentum. Prorogatum imperium in annum est Q. Fulvio Flacco, ut provinciam Capuam, quæ T. Quinctii prætoris fuerat, cum una legione obtineret. prorogatum & C. Hostilio Tubulo est, ut pro prætore in Etruriam ad duas legiones.

legiones succederet C. Calpurnio: prorogatum & L. Veturio Philoni est, ut pro prætore Galliam eandem provinciam cum iisdem duabus legionibus obtineret, quibus prætor obtinuisset. Quod in L. Veturio, idem in C. Aurunculeio decretum ab senatu, latumque de prorogando imperio ad populum est, qui prætor Sardiniam provinciam cum duabus legionibus obtinuerat. additæ ei ad præsidium provinciæ quinquaginta naves, quas P. Scipio ex Hispania misisset. Et P. Scipioni, & M. Silano suæ Hispaniæ, sui que exercitus in annum decreti. Scipio ex octoginta navibus, quas aut secum ex Italia adductas aut captas Karthagine habebat, quinquaginta in Sardiniam transmittere iussus: quia fama erat, magnum navalem apparatus eo anno Karthagine esse; ducētis navibus omnem oram Italiæ, Siciliæque, ac Sardinia impleturos. Et in Sicilia ita divisa res est. Sex. Cæsari exercitus Cannensis est datus. M. Valerius Lævinus (ei quoque enim prorogatum imperium est) classem, quæ ad Siciliam erat, navium septuaginta obtineret. Adderet eò triginta naves, quæ ad Tarentum priore anno fuerant. cum ea centum navium classe, si videretur ei, prædatum in Africam trajiceret. Et P. Sulpicio, ut eadem classe Macedoniam Græciamque provinciam haberet, prorogatum in annum imperium est. De duabus, quæ ad urbem Romam fuerant, legionibus nihil mutatum. Supplementum, quo opus esset scriberent consules, permissum. Unâ & viginti legionibus eo anno defensum imperium Romanum est. Et P. Licinio Varo prætori urbis negotium datum, *ut naves longas triginta veteres reficeret, quæ Ostia erant, & viginti novas naves sociis navalibus impleret: ut quinquaginta navium classe oram maris vicinam urbi Romana tueri posset.* C. Calpurnius vetitus ab Arretio movere exercitum, nisi quum successor venisset. Idem & Tubulo imperatum, ut inde præcipuè caveret, ne qua nova consilia caperentur.

XXIII. Præ-

XXIII. Prætores in provincias profecti. Consules religio tenebat, quodd, prodigiis aliquot nunciatis, non facile litabant. Et ex Campania nunciata erant, Capuæ duas ædes, Fortunæ & Martis, & sepulchra aliquot de cælo tacta. Cumis (adeo minimis etiam rebus prava religio inserit Deos) mures in æde Jovis aurum rosisse. Casini examen apium ingens in foro confedissee. Et Ostiæ murum portamque de cælo tactam. Cære vulturium volasse in ædem Jovis. Volsiniis sanguine lacum manasse. Horum prodigiorum causâ diem unum supplicatio fuit. Per dies aliquot hostiæ majores sine litatione cæsæ, diuque non impetrata pax Deum. In capita consulum, republicâ incolûmi, exitibilis prodigiorum eventus vertit. Ludi Apollinares, Q. Fulvio, Ap. Claudio consulibus, à P. Cornelio Sulla prætore urbis primûm facti erant. inde omnes deinceps prætores urbani fecerant: sed in unum annum vovebant, dieque intercîtâ faciebant. Eo anno pestilentia gravis incidit in urbem agrosque: quæ tamen magis in longos morbos, quàm in perniciales, evasit. Ejus pestilentie causâ & supplicatum per compita totâ urbe est, & P. Licinius Varus prætor urbis legem ferre ad populum jussus, ut hi ludi in perpetuum in statam diem voverentur. Ipse primus ita vovit, fecitque ante diem tertium Nonas Quintiles. Is dies deinde solennis servatus.

XXIV. De Arretinis & fama in dies gravior, & cura crescere Patribus. Itaque C. Hostilio scriptum est, ne differret obsides ab Arretinis accipere: &, cui traderet Romam deducendos, C. Terentius Varro cum imperio missus. qui ut advenit, extemplo Hostilius legionem unam, quæ ante urbem castra habebat, signa in urbem ferre jussit, præsidiaque locis idoneis disposuit, tum in foro citatis senatoribus obsides imperavit. Quum senatus biduum ad considerandum peteret tempus, aut ipsos extemplo dare, aut se postero die senatorum omnes

omnes liberos sumpturum, edixit. inde portas custodire jussi tribuni militum, præfectique socium, & centuriones, ne quis nocte urbe exiret. Id segnius negligentiusque factum. septem principes senatus, priusquam custodiæ in portis locarentur, ante noctem cum liberis evaserunt. Postero die luce primâ, quum senatus in forum citari coeptus esset, desiderati, bonaque eorum venierunt. à ceteris senatoribus centum viginti obsides, liberi ipsorum, accepti, traditique C. Terentio Romam deducendi. Is omnia suspectiora, quàm antè fuerant, in senatu fecit. Itaque, tanquam imminente Etrusco tumultu, legionem alteram ex urbanis Arretium ducere jussus ipse C. Terentius, eamque habere in præsidio urbis. C. Hostilium cum cetero exercitu placet totam provinciam peragrarè, & cavere, ne qua occasio novare cupientibus res daretur. C. Terentius, ut Arretium cum legione venit, claves portarum quum magistratus poposcisset, negantibus illis comparere, fraude amotas magis ratus, quàm negligentia intercidisse, ipse alias claves omnibus portis imposuit: cavitque cum cura, ut omnia in potestate sua essent. Hostilium intentius monuit, ut in eo spem, non moturos quicquam Etruscos, poneret, si, ne quid moveri posset, cavisset.

XXV. De Tarentinis inde magnâ contentione in senatu actum coram Fabio, defendente ipso, quos ceperat armis, aliis insens, & plerisque æquantibus eos Campanorum noxæ pœnæque. Senatusconsultum in sententiam M. Acilii factum est, ut oppidum præsidio custodiretur: Tarentinique omnes intra mœnia continerentur. res integra postea referretur, quum tranquillior status Italiæ esset. Et de M. Livio, præfecto arcis Tarentinæ, haud minore certamine actum est, aliis senatusconsulto notantibus præfectum, quod ejus socordia Tarentum proditum hosti esset; aliis præmia decernentibus, quod per quinquennium arcem tutatus esset,

esset, maximèque unius ejus operà receptum Tarentum foret; mediis ad censores, non ad senatum, notationem de eo pertinere dicentibus. cujus sententiæ & Fabius fuit. adjecit tamen, *fateri se, operà Livii Tarentum receptum, quod amici ejus vulgò in senatu jactassent; neque enim recipiundum fuisse, nisi amissum foret.* Consulum alter T. Quintius Crispinus ad exercitum, quem Q. Fulvius Flaccus habuerat, cum supplemento in Lucanos est profectus. Marcellum aliæ atque aliæ objectæ animo religiones tenebant. in quibus, quòd, quum bello Gallico ad Clastidium ædem Honori & Virtuti vovisset, dedicatio ejus à pontificibus impediatur: quòd negabant, unam cellam duobus rectè dedicari: quia, si de cœlo tacta, aut prodigii aliquid in ea factum esset, difficilis procuratio foret: quòd, utri Deo res divina fieret, sciri non posset. neque enim duobus, nisi certis, Deis ritè unâ hostiâ fieri. ita addita Virtutis ædes approperato opere: neque tamen ab ipso ædæ dedicatæ sunt. Tum demum ad exercitum, quem priore anno Venusiæ reliquerat, cum supplemento proficiscitur. Locros in Brutiis Crispinus oppugnare conatus, quia magnam famam attulisse Fabio Tarentum rebus, omne genus tormentorum machinarumque ex Sicilia arcessierat: & naves indidem accitæ erant, quæ vergentem ad mare partem urbis oppugnarent. Ea ommissa oppugnatio est, quia Lacinium Hannibal admovebat copias: & collegam eduxisse jam ab Venusia exercitum fama erat, cui conjungi volebat. Itaque in Apuliam ex Brutiis reditum, & inter Venusiam Bantiamque, minùs trium millium passuum intervallo, consules binis castris confederant. In eandem regionem & Hannibal rediit, averso ab Locris bello. Ibi ambo consules, ingenio feroces, propè quotidie in aciem exire; haud dubiâ spe, si duobus exercitibus consularibus junctis commisisset sese hostis, debellari posse.

XXVI. Hannibal quia cum Marcello bis priore an-

no.

no congressus vicerat, victusque erat, ut, cum eodem si dimicandum foret, nec spem, nec metum ex vano haberet; ita duobus consulibus haudquaquam sese parem futurum credebatur. itaque, totus in suas artes versus, insidiis locum quærebat. Levia tamen prælia inter bina castra vario eventu fiebant: quibus quum extrahi æstatem posse consules crederent, nihilominus oppugnari Locros posse rati, L. Cincio, ut ex Sicilia Locros cum classe trajiceret, scribunt. Et, ut ab terra quoque oppugnari mœnia possent, ab Tarento partem exercitus, qui in præsidio erat, duci eò jusserunt. Ea ita futura per quosdam Thurinos compertum Hannibali quum esset, mittit ad insidendam ab Tarento viam. ibi sub tumultu Peteliæ tria millia equitum, peditum duo in occulto locata: in quæ inexplorato euntes Romani quum incidissent, ad duo millia armatorum cæsa, & mille ducenti ferme vivi capti. alii dissipati fugâ per agros saltusque Tarentum rediere. Tumulus erat silvestris inter Punica & Romana castra, ab neutris primò occupatus: quia Romani, qualis pars ejus, quæ vergeret ad hostium castra, esset, ignorabant; Hannibal insidiis, quàm castris, aptiorem eum crediderat. itaque nocte ad id missas aliquot Numidarum turmas medio in saltu condiderat, quorum interdum nemo ab statione movebatur, ne aut arma, aut ipsi procul conspicerentur. Fremebant vulgò in castris Romanis, occupandum eum tumulum esse, & castello firmandum: ne, si occupatus ab Hannibale foret, velut in cervicibus haberent hostem. Movit ea res Marcellum, & collegæ, *quin imus, inquit, ipsi cum equitibus paucis exploratum? Subiecta res oculis nostris certius dabit consilium.* Consentiente Crispino, cum equitibus ducentis & viginti, ex quibus quadraginta Fregellani, ceteri Etrusci erant, proficiscuntur. Secuti M. Marcellus consulis filius, & A. Manlius, tribuni militum: simul & duo præfecti socium, L. Arcennius, & M. Aulius. Immo-

lase

Ille eo die quidam memoriae prodidere consulem Marcellum, & primâ hostiâ cersâ, jecur sine capite inventum; in secunda omnia comparuisse, quæ assolent. Austum etiam visum in capite: nec id sanè aruspici placuisse, quodd, secundum trunca & turpia exta, nimis læta apparuissent.

XXVII. Ceterum consulem Marcellum tanta cupiditas tenebat dimicandi cum Hannibale, ut nunquam satis castra castris collata crederet. tum quoque vallo egrediens signum dedit, ut ad locum miles esset paratus: ut, si collis, in quem speculatum irent, placuisset, vasa colligerent, ac sequerentur. Exiguum campi ante castra erat: inde in collem aperta undique & conspecta ferebat via. Numidis speculator, nequaquam in spem tantæ rei positus, sed si quos vagos, pabuli aut lignorum causâ longius à castris progressos, possent excipere, signum dat, ut pariter ab suis quisque latèbris exorirentur. Non antè apparuere, quibus obviis ab jugo ipso consurgendum erat, quàm circumiere, qui à tergo includerent viam. Tum undique omnes exorti, & clamore sublato impetum fecere. Quum in ea valle consules essent, ut neque evadere possent in jugum occupatum ab hoste, nec receptum ab tergo circumventi haberent; extrahi tamen diutius certamen potuisset, ni cœpta ab Etruscis fuga pavorem ceteris injecisset. Non tamen omisere pugnam deserti ab Etruscis Fregellani, donec integri consules hortando, ipsique ex parte pugnando rem sustinebant. Sed, postquam vulneratos ambo consules, Marcellum etiam transfixum lanceâ prolabentem ex equo moribundum vidère, tum & ipsi (perpauci autem supererant) cum Crispino consule duobus jaculis isto, & Marcello adolescente, faucio & ipso, effugerunt. Interfectus A. Manlius tribunus militum, & ex duobus præfectis socium M. Aulius occisus, L. Arennius captus. & lictores consulum quinque vivi in hostium potestatem venerunt:

nerunt: ceteri aut interfecti, aut cum consule effugerunt. equites tres & quadraginta, aut in prælio, aut in fuga, ceciderunt, duodeviginti vivi capti. Tumultuatum & in castris fuerat, ut consulibus irent subsidio; quum consulem & filium alterius consulis faucibus, exiguasque infelicis expeditionis reliquias, ad castra venientes cernunt. Mors Marcelli quum alioquæ miserabilis fuit, tum quòd nec pro ætate, (major jam enim sexaginta annis erat) neque pro veteris prudentiæ ducis, tam improvidè se, collegamque, & propè totam rempublicam, in præceptis dederat. Multos circa unam rem ambitus fecerim, si, quæ de Marcelli morte variant auctores, omnia exsequi velim. Ut omittam alios, L. Cælius triplicem rei gestæ ordinem edit: unam traditam famam; alteram scriptam laudatione filii, qui rei gestæ interfuerit; tertiam, quam ipse pro inquisita ac sibi comperta affert. Ceterum ita fama variat, ut tamen plerique loci speculandi causâ castris egressum; omnes insidiis circumventum tradant.

XXVIII. Hannibal, magnum terrorem hostibus, morte consulis unius, vulnere alterius, injectum esse ratus, ne cui deesset occasione, castra in tumulum, in quo pugnatum erat, extemplo transfert. ibi inventum Marcelli corpus sepelit. Crispinus, & morte collegæ, & suo vulnere territus, silentio insequentis noctis profectus, quos proximos nactus est montes, in iis loco alto & tuto undique castra posuit. Ibi duo duces sagaciter moti sunt, alter ad inferendam, alter ad cavendam fraudem. Annulo Marcelli simul cum corpore Hannibal potitus erat. ejus signi errore ne cui dolus necteretur à Pœno, metuens Crispinus, circa civitates proximas miserat nuncios: occisum collegam esse, annuloque ejus hostem potitum: ne quibus literis crederent nomine Marcelli compositis. Paulo antè hic nuncius consulis Salâpiam venerat, quum literæ ab Hannibale allatæ sunt, Marcelli nomine compositæ:

se nocte, quæ diem illum secutura esset, Salapiam venturum. parati milites essent, qui in præsidio erant, si quò opera eorum opus esset. Sensere Salapitani fraudem: & ab ira, non defectionis modò, sed etiam equitum interfectionum, rati occasionem supplicii peti, remisso retro nuncio, (perfuga autem Romanus erat) ut sine arbitro milites, quæ vellent, agerent, oppidanos per muros urbisque opportuna loca in stationibus disponunt: custodias vigiliasque in eam noctem intentius instrunt. circa portam, quâ venturum hostem rebantur, quod roboris in præsidio erat, opponunt. Hannibal quartâ vigiliâ ferme ad urbem accessit. Primî agminis erant perfugæ Romanorum, & arma Romana habebant. ii, ubi ad portam est ventum, Latine omnes loquentes excitant vigiles, aperiri que portam jubent: consulem adesse. Vigiles, velut ad vocem eorum excitati, tumultuari, trepidare, moliri portam. cataractâ dejectâ clausa erat. eam partim vestibus levant: partim funibus subducunt in tantum altitudinis, ut subire recti possent. Vixdum satis patebat iter, quum perfugæ certatim ruunt per portam: & quum sexcenti ferme intrassent, remisso fune, quo suspensa erat, cataracta magno sonitu cecidit. Salapitani, alii perfugas negligenter ex itinere suspensa humeris, ut inter pacatos, gerentes arma, invadunt: alii è turri ejus portæ murisque saxi, sudibus, pilis, absterrent hostem. Ita inde Hannibal suâmet ipse fraude captus abiit: profectusque ad Locrorum solvendam obsidionem, quam Cincius summâ vi, operibus tormentorumque omni genere ex Sicilia advecto, oppugnabat. Magoni, jam haud ferme fidenti retenturum defensurumque se urbem, prima spes, morte nunciata Marcelli, affulsit. Secutus inde nuncius, Hannibalem, Numidarum equitatu præmisso, ipsum, quantum accelerare posset, cum peditum agmine sequi. Itaque ubi primum Numidas edito è speculis signo adventare sensit,

sensit, & ipse, patefactâ repentinè portâ, ferox in hostes erumpit. Et primò, magis quia improvisò id fecerat, quàm quòd par viribus esset, anceps certamen erat. deinde, ut supervenere Numidæ, tantus pavor Romanis est injectus, ut passim ad mare ac naves fugerent; relictis operibus machinisque, quibus muros quatiebant. Ita adventu Hannibalis soluta Locrorum obsidio est.

XXIX. Crispinus, postquam in Bruttios profectum Hannibalem sensit, exercitum, cui collega præfuerat, M. Marcellum tribunum militum Venusiam abducere iussit. ipse, cum legionibus suis Capuam profectus, vix læticæ agitationem præ gravitate vulnery patiens, Romam literas de morte collegæ scripsit, quantoque ipse in discrimine esset. *Se comitiorum causâ non posse Romam venire: quia nec via laborem passurus videretur, & de Tarento sollicitus esset, ne ex Brutiis Hannibal eò converteret agmen. Legatos opus esse ad se mitti, viros prudentes: cum quibus, quæ vellet, de republica loqueretur.* Hæ literæ recitatæ magnum & luctum morte alterius consulis, & metum de altero fecerunt. Itaque & Q. Fabium filium ad exercitum Venusiam miserunt: & ad consulem tres legati missi, Sext. Julius Cæsar, L. Licinius Pollio, L. Cincius Alimentus, quum paucis antè diebus ex Sicilia redisset. Hi nunciare consuli iussi, ut, si ad comitia ipse Romam venire non posset, dictatorem in agro Romano diceret comitiorum causâ. Si consul Tarentum profectus esset, Q. Claudium prætorem placere in eam regionem inde abducere legiones, in qua plurimas sociorum urbes tueri posset. Eadem æstate M. Valerius cum classe centum navium ex Sicilia in Africam transmisit: &, ad Clupeam urbem exscensione factâ, agrum latè, nullo ferme obvio armato, vastabat. inde ad naves raptim prædatores recepti, quia repentinè fama accidit, classem Punicam adventare. octoginta erant & tres naves. Cum iis haud
procul

procul Clupea prospere pugnat Romanus. decem & octo navibus captis, fugatis aliis, cum magna terrestri navalique præda, Lilybæum rediit. Eâdem æstate & Philippus implorantibus Achæis auxilium tulit. quos & Machanidas tyrannus Lacedæmoniorum finitimo bello urebat; & Ætoli, navibus per fretum, quod Naupactum & Patras interfluit, (Rhion incolæ vocant) exercitu trajecto, depopulati erant. Attalum quoque regem Asiæ, quia Ætoli summum gentis suæ magistratum ad eum proximo concilio detulerant, fama erat in Europam trajecturum.

XXX. Ob hæc Philippo in Græciam descendenti ad Lamiam urbem Ætoli, duce Pyrrhiâ, qui prætor in eum annum cum absente Attalo creatus erat, occurrerunt. Habebant & ab Attalo auxilia secum: & mille ferme ex Romana classe, à P. Sulpicio missos. Adversus hunc ducem atque has copias Philippus bis prospero eventu pugnavit: mille admodum hostium utrâque pugna occidit. Inde quum Ætoli metu compulsi Lamiæ urbis moenibus tenerent sese, Philippus ad Phalara exercitum reduxit. in Maliaco sinu is locus est, quondam frequenter habitatus propter egregium portum, tutasque circa stationes, & aliam opportunitatem maritimam terrestremque. Eò legati ab rege Ægypti Ptolemæo, Rhodiisque, & Atheniensibus, & Chiis venerunt, ad dirimendum inter Philippum atque Ætolos bellum. Adhibitus ab Ætolis & ex finitimis pacificator Amynder, rex Athamanum. Omnium autem non tanta pro Ætolis cura erat, ferocioribus quàm pro ingeniis Græcorum gentis: quàm ne Philippus regnumque ejus, grave libertati futurum, rebus Græciæ immisceretur. De pace dilata consultatio est in concilium Achæorum; concilioque ei & locus & dies certa indicta. interim triginta dierum induciæ impetratæ. Profectus inde rex per Thessaliam Bœotiamque, Chalcidem Eubææ venit, ut Attalum, quem clas-

Te Eubœam petiturum audierat, portubus & littorum appulsu arceret. Inde, præsidio relicto adversus Attalum, si fortè interim trajecisset, profectus ipse cum paucis equitum levisque armaturæ, Argos venit. Ibi curatione Heræorum Nemeorumque suffragiis populi ad eum delatâ, quia se Macedonum reges ex ea civitate oriundos referunt, Heræis peractis, ab ipso ludicro extemplo Rhium profectus est, ad indictum multo antè sociorum concilium. Ibi de Ætolico finiendo bello actum, ne causa aut Romanis, aut Attalo intrandi Græciam esset. Sed ea omnia, vixdum induciarum tempore circumacto, Ætoli turbavere, postquam & Attalum Æginam venisse, & Romanam classem stare ad Naupactum audivere. Vocati enim in concilium Achæorum, in quo eadem legationes erant, quæ ad Phalara egerant de pace, primum quæsi sunt quædam parva contra fidem conventionis tempore induciarum facta: postremò negârunt dirimi bellum posse, nisi Messeniis Achæi Pylum redderent, Romanis restitueretur Atintania, Scerdilædo & Pleurato Ardyæi. Enimvero indignum ratus Philippus, victos victori sibi ultro condiciones ferre: *ne antea quidem se aut de pace audisse, aut inducias pepigisse, dixit, spem ullam habentem quieturos Ætolos; sed ut omnes socios testes haberet, se pacis, illos belli causam quæsisse.* ita infectâ pace concilium dimisit, quatuor millibus armatorum relictis ad præsidium Achæorum, & quinque longis navibus acceptis. quas si adjecisset missæ nuper ad se classi Karthaginensium, & ex Bithynia ab rege Prusia venientibus navibus, statuerat navali prælio laceßere Romanos, jam diu in ea regione potentes maris. ipse ab eo concilio Argos regressus: jam enim Nemeorum appetebat tempus, quæ celebrari volebat præsentia suâ.

XXXI. Occupato rege apparatu ludorum, & per dies festos licentiùs, quàm inter belli tempora, remittentè animum, P. Sulpicius, ab Naupacto profectus, classem

classem appulit inter Sicyonem & Corinthum, agrumque nobilissimæ fertilitatis effusè vastavit. Fama ejus rei Philippum ab ludis excivit: raptimque cum equitatu profectus, jussis subsequi peditibus, palatos passim per agros gravesque prædâ (ut qui nihil tale metuerent) adortus Romanos, compulit in naves. Classis Romana, haudquaquam læta prædâ, Naupactum rediit. Philippo quoque ludorum, qui reliqui erant, celebritatem quantæcunque, de Romanis tamen, victoriæ partæ fama auxerat; lætitiæque ingenti celebrati festi dies: eo magis etiam, quòd, populariter dempto capitis insigni, purpuræque, atque alio regio habitu, æquaverat ceteris se in speciem: quo nihil gratius est civitatibus liberis. Præbuissetque haud dubiam eo facto spem libertatis, nisi omnia intolerandâ libidine sæda ac deformia effecisset. vagabatur enim cum uno aut altero comite per maritas domos dies noctesque: &, submittendo in privatum fastigiū, quo minùs conspectus, eo solutior erat: & libertatem quum aliis vanam ostendisset, totam in suam licentiam verterat. Neque enim omnia emebat aut eblandiebatur, sed vim etiam flagitiis adhibebat: periculosumque & viris & parentibus erat, moram incommodâ severitate libidini regiæ fecisse. uni etiam principi Achæorum Arato adempta uxor nomine Polycratia, ac spe regiarum nuptiarum in Macedoniam asportata fuerat. Per hæc flagitia solenni Nemeorum peractō, paucisque additis diebus, Dymas est profectus, ad præsidium Ætolorum, quod ab Eleis accitum acceptumque in urbem erat, ejiciendum. Cycliadas (penes eum summa imperii erat) Achæique ad Dymas regi occurrere: & Eleorum accensi odio, quòd à ceteris Achæis dissentirent: & infensi Ætolis, quos Romanum quoque adversus se movisse bellum credebant. Profecti ab Dymis, conjuncto exercitu transeunt Larisum amnem, qui Eleum agrum ab Dymæo dirimit.

XXXII. Primum diem, quo fines hostium ingressi sunt, populando absumpserunt. Postero die acie instructa ad urbem accesserunt, præmissis equitibus; qui, obequitando portis, promptum ad excursiones genus lacefferent Ætolorum. Ignorabant, Sulpicium cum quindecim navibus ab Naupacto Cyllenen trajecisse, & expositis in terram quatuor millibus armatorum, silentio noctis, ne conspici agmen posset, intrasse Elim. Itaque improvisa res ingentem iniecit terrorem, postquam inter Ætolos Eleosque Romana signa atque arma cognovere. Et primo recipere suos voluerat rex: dein, contracto jam inter Ætolos & Trallos (Illyriorum id est genus) certamine, quum urgeri videret suos, & ipse rex cum equitatu in cohortem Romanam incurrit. Ibi equus pilo trajectus quum prolapsum per caput regem effudisset, atrox pugna utrinque accensa est, & ab Romanis impetu in regem facto, & protegentibus regiis. Insignis & ipsius pugna fuit, quum pedes inter equites coactus esset prælium inire. dein, quum jam impar certamen esset, caderentque circa eum multi, & vulnerarentur, raptus ab suis, atque alteri equo injectus, fugit. Eo die castra quinque millia passuum ab urbe Eleorum posuit. postero ad castellum (Pyrgum vocant) copias omnes eduxit: quò agrestium multitudinem cum pecoribus metu populationum compulsam audierat. eam inconditam inermemque multitudinem primo statim terrore adveniens cepit: compensaveratque eà prædâ, quod ignominie ad Elim acceptum fuerat. Dividenti prædam captivosque (fuerant autem quatuor millia hominum, pecoris omnis generis ad millia viginti) nuncius ex Macedonia venit, Eropum quemdam, corrupto arcis præsidii præfecto, Lychnidum cepisse: tenere & Darsaretiorum quosdam vicos, & Dardanos etiam concire. Omisso igitur Achaico bello, relictis tamen duobus millibus & quingentis omnis generis armatorum cum

Menippo & Polyphanta ducibus ad præsidium sociorum, profectus ab Dymis, per Achaïam Bœotiamque & Eubœam, decimis castris Demetriadem in Thessaliâ pervenit.

XXXIII. Ibi alii, majorem afferentes tumultum, nuncii occurrunt: Dardanos, in Macedoniam effusos, Orestidem jam tenere, ac descendisse in Argestæum campum: famamque inter barbaros celebrem esse, Philippum occisum. Expeditione eâ, quâ cum populatouribus agri ad Sicyonem pugnavit, in arborem illatus impetu equi, ad eminentem ramum cornu alterum galeæ præfregit. id inventum ab Ætolo quodam, perlatumque in Ætoliam ad Scerdilædum, cui notum erat insigne galeæ, famam interfecti regis vulgavit. Post profectiorem ex Achaia regis, Sulpicius, Æginam classe profectus, cum Attalo sese conjunxit. Achæi cum Ætolis Eleisque haud procul Messene prosperam pugnam fecerunt. Attalus rex & P. Sulpicius Æginæ hibernârunt. Exitu hujus anni T. Quinctius Crispinus consul, dictatore comitiorum ludorumque faciendorum causâ dicto T. Manlio Torquato, ex vulnere moritur. alii Tarenti, alii in Campania mortuum tradunt. Id quod nullo antè bello acciderat, duo consules, sine memorando prælio interfecti, velut orbam rempublicam reliquerant. Dictator Manlius magistrum equitum, C. Servilium (tum ædilis curulis erat) dixit. Senatus, quo die primûm est habitus, ludos magnos facere dictatorem jussit, quos M. Æmilius prætor urbis, C. Flaminio, Cn. Servilio consulibus, fecerat, & in quinquennium voverat. Tum dictator & ludos fecit, & in insequens lustrum vovit. Ceterum, quum duo consulares exercitus tam prope hostem sine ducibus essent, omnibus aliis omissis, una præcipua cura Patres populumque incessit, consules primo quoque tempore creandi; & ut eos potissimum crearent, quorum virtus satis tuta à fraude Punica esset; *quum toto eo bello damno-*

damnosa præpropera ac fervida ingenia imperatorum fuissent, tum eo ipso anno consules, nimia cupiditate conferendi cum hoste manum, in necopinatam fraudem lapsos esse. ceterum Deos immortales, miseritos nominis Romani, pepercisse innoxiiis exercitibus: temeritatem consulum ipsorum capitibus damnaſſe.

XXXIV. Quum circumſpicerent Patres, quosnam consules facerent, longè ante alios eminebat C. Claudius Nero. Ei collega quærebat, & virum quidem eum egregium ducebant, sed promptiorem acrioremque, quàm tempora belli postularent, aut hostis Hannibal: temperandum acre ejus ingenium moderato & prudenti viro adjuncto collegâ censebant. M. Livius erat, multis antè annis ex consulatu populi judicio damnatus. quam ignominiam adeo ægre tulerat, ut & rus migraret, & per multos annos & urbe & omni cœtu careret hominum. octavo ferme post damnationem anno M. Claudius Marcellus & M. Valerius Lævinus consules reducerant eum in urbem: sed erat veste obſoletâ, capilloque & barbâ promissâ, præferens in vultu habituque insignem memoriam ignominiaæ acceptæ. L. Veturius & P. Licinius censores eum tonderi, & squalorem deponere, & in senatum venire, fungique aliis publicis muneribus coëgerunt. sed tum quoque aut verbo assentiebatur, aut pedibus in sententiam ibat, donec cognati hominis eum causa M. Livii Macati, quum fama ejus ageretur, stantem coëgit, in senatu sententiam dicere. Tum ex tanto intervallo auditus convertit ora hominum in se, causamque sermonibus præbuit, indigno injuriam à populo factam, magnoque id damno fuisse, quòd tam gravi bello nec operâ, nec consilio talis viri usa respublica esset. C. Neroni neque Q. Fabium, neque M. Valerium Lævinum dari collegas posse, quia duos patricios creari non liceret. eandem causam in T. Manlio esse, præterquam quòd recusasset delatum consulatum, recusaturusque esset. Egregium par consulum fore, si M. Li-

vium C. Claudio collegam adjunxissent. Nec populus mentionem ejus rei ortam à Patribus est aspernatus. Unus eam rem in civitate is, cui deferebatur honos, abnuebat, levitatem civitatis accusans. Sordidati rei non miseritos, candidam togam invito offerre: eodem honores pœnasque congeri. Si bonum virum ducerent, quid ita pro malo ac noxio damnaissent? si noxium comperissent, quid ita, male credito priore consulatu, alterum crederent? Hæc taliaque arguentem & querentem castigabant Patres, & M. Furium, memorantes, revocatum de exilio, patriam pulsam sede sua restituisse. Ut parentum sevitiâ, sic patriæ, patiundo ac ferendo leniendam esse. adnisi omnes, cum C. Claudio M. Livium consulem fecerunt.

XXXV. Post diem tertium ejus diei prætorum comitia habita. Prætores creati L. Porcius Licinus, C. Mamilius, A. & C. Hostilii Catones. Comitibus perfectis, ludisque factis, dictator & magister equitum magistratu abierunt. C. Terentius Varro in Etruriam proprætor missus, ut ex ea provincia C. Hostilius Tarentum ad eum exercitum iret, quem T. Quintius consul habuerat. & L. Manlius trans mare legatus iret, viseretque, quæ res ibi gererentur: simul, quòd Olympiæ ludicrum eâ æstate futurum erat, quod maximo cœtu Græciæ celebraretur, ut, si tutò per hostem posset, adiret id concilium: ut, qui Siculi bello ibi profugi, aut Tarentini cives relegati ab Hannibale essent, domos redirent, scirentque, sua omnia, quæ ante bellum habuissent, reddere populum Romanum. Quia periculosissimus annus imminere videbatur, neque consules in republica erant, in consules designatos omnes versi, quàm primùm eos sortiri provincias, & præsciscere, quam quisque eorum provinciam, quem hostem haberet, volebant. De reconciliatione etiam gratiæ eorum in senatu actum est, principio facto à Q. Fabio Maximo. Inimicitia autem nobiles inter eos erant, & acerbiores eas indignioresque Livio sua calamitas

mitas fecerat, quòd spretum se in ea fortuna credebatur. itaque is magis implacabilis erat: & *nihil opus esse reconciliatione*, aiebat. *acrius & intentius omnia gesturos, timentes ne crescendo ex se inimico collega potestas fieret.* Vicit tamen auctoritas senatùs, ut, positis simultatibus, communi animo consilioque administrarent rempublicam. Provinciæ iis non permixtæ regionibus, sicut superioribus annis, sed diversæ extremis Italiæ finibus, alteri adversus Hannibalem Bruttii, Lucani; alteri Gallia adversus Hasdrubalem (quem jam Alpibus appropinquare fama erat) decreta. Exercitum ex duobus, qui in Gallia, quique in Etruria essent, addito urbano, eligeret, quem mallet, qui Galliam esset sortitus. Cui Bruttii provincia evenisset, novis legionibus urbanis scriptis, utrius mallet consulum prioris anni, exercitum sumeret. Relictum à consule exercitum Q. Fulvius proconsul acciperet; eique in annum imperium esset. & C. Hostilio, cui pro Etruria Tarentum mutaverant provinciam, pro Tarento Capuam mutaverunt. legio una data, cui Fulvius proximo anno præfuerat.

XXXVI. De Hasdrubalis adventu in Italiam cura in dies crescebat. Massiliensium primùm legati nunciaverant, cum in Galliam transgressum: erectosque adventu ejus, quia magnum pondus auri attulisse diceretur ad mercede auxilia conducenda, Gallorum animos. missi deinde cum iis legati ab Roma Sex. Antistius & M. Rætius ad rem inspiciendam retulerant, misisse se cum Massiliensibus ducibus, qui per hospites eorum, principes Gallorum, omnia explorata referrent. Pro comperto habere, Hasdrubalem ingenti jam coacto exercitu proximo vere Alpes trajecturum: nec tum eum quicquam aliud morari, nisi quòd clausæ hieme Alpes essent. In locum M. Marcelli P. Ælius Patrus augur creatus inauguratusque: & Cn. Cornelius Dolabella rex sacrorum inauguratus est in locum M.

Marcii, qui biennio antè mortuus erat. Hoc eodem anno & lustrum conditum est à censoribus P. Sempromio Tuditano & M. Cornelio Cethego. Censu civium capita centum triginta septem millia, centum & octo. minor aliquanto numerus, quàm qui ante bellum fuerat. Eo anno primum, ex quo Hannibal in Italiam venisset, comitium testum esse, memoriæ proditum est, & ludos Romanos semel instauratos ab ædilibus curulibus Q. Metello & C. Servilio. & plebeiis ludis biduum instauratum ab Q. Mamilio & M. Cæcilio Metello ædilibus plebis. & tria signa ad Cereris iidem dederunt: & Jovis epulum fuit ludorum causâ. Consulatum inde ineunt C. Claudius Nero & M. Livius iterum. qui, quia jam designati provincias sortiti erant, prætores sortiri jusserunt. C. Hostilio urbana evenit: additâ & peregrina, ut tres in provincias exire possent. A. Hostilio Sardinia, C. Mamilio Sicilia, L. Porcio Gallia evenit. Summa legionum trium & viginti ita per provincias divisa, ut binæ consulum essent; quatuor Hispania haberet; tres prætores binas, in Sicilia, in Sardinia, & Gallia; duas C. Terentius in Etruria; duas Q. Fulvius in Brutiis; duas Q. Claudius circa Tarentum & Salentinos; unam C. Hostilius Tubulus Capuæ: duæ urbanæ ut scriberentur. primis quatuor legionibus populus tribunos creavit: in ceteras consules miserunt.

XXXVII. Priusquam consules proficiscerentur, novemdiale sacrum fuit, quia Vejis de cælo lapidaverat. Sub unius prodigii (ut fit) mentionem alia quoque nunciata; Minturnis ædem Jovis & lucum Maricæ; item Atellæ murum & portam de cælo tacta. Minturnenses, terribilius quod esset, adjiciebant, sanguinis rivum in porta fluxisse. & Capuæ lupus, nocte portam ingressus, vigilem laniaverat. Hæc procurata hostiis majoribus prodigia, & supplicatio diem unum fuit ex decreto pontificum. inde iterum novemdiale instauratum

tum, quòd in Armilustro lapidibus visum pluere. Liberatas religione mentes turbavit rursus nunciatum, Frusinone infantem natum esse quadrimo parem: nec magnitudine tam mirandum, quàm quòd is quoque, ut Sinuessæ biennio antè, incertus, mas an femina esset, natus erat. Id verò aruspices, ex Etruria accitâ, fœdum ac turpe prodigium dicere. extorrem agro Romano, procul terræ contactu, alto mergendum. Vivum in arcam condidere, provectumque in mare projecerunt. Decrevere item pontifices, ut virgines ter novenæ, per urbem euntes, carmen canerent. Id quum in Jovis Statoris æde discerent, conditum ab Livio poëta, carmen, tacta de cœlo ædes in Aventino Junonis Reginæ, prodigiumque id ad matronas pertinere, aruspices quum respondissent, donoque Divam placandam esse; ædiliū curulium edicto in Capitolium convocatæ, quibus in urbe Romana, intraque decimum lapidem ab urbe, domicilia essent, ipsæ inter se quinque & viginti delegerunt, ad quas ex dotibus stipem conferrent. Inde donum pelvis aurea facta, lataque in Aventinum, puræque & castè à matronis sacrificatum. Confestim ad aliud sacrificium eidem Divæ ab decemviris edicta dies, cujus ordo talis fuit: ab æde Apollinis boves feminae albæ duæ portâ Carmentali in urbem ductæ. post eas duo signa cupresseæ Junonis Reginæ portabantur. tum septem & viginti virgines, longam indutæ vestem, carmen in Junonem Reginam canentes ibant; illâ tempestate forsitan laudabile rudibus ingeniis, nunc abhorrens & inconditum, si referatur. Virginum ordinem sequebantur decemviri coronati laureâ, prætextatique. A porta Jugario vico in forum venerunt. in foro pompa constitit; & per manus recte datâ, virgines sonum vocis pulsu pedum modulantes incesse runt. inde vico Tusco Velabroque, per Boarium forum, in clivum Publicium atque ædem Junonis Reginæ perrectum. ibi duæ hostiæ ab decem-

viris immolatæ, & simulacra cupressæ in ædem illata.

XXXVIII. Diis ritè placatis, delectum consules habebant acriùs intentiùsque, quàm prioribus annis quiscquam meminerat habitum. nam & belli terror duplicatus novi hostis in Italiam adventu: & minus juventutis erat, unde scriberent milites. Itaque colonos etiam maritimos, qui sacrosanctam vacationem dicebantur habere, dare milites cogeant. quibus recusantibus, edixere in diem certam, ut, quo quisque jure vacationem haberet, ad senatum deferret. Eà die hi populi ad senatum venerunt: Ostiensis, Alsiensis, Antias, Anxuras, Minturnensis, Sinuessanus, & ab supero mari Senensis. Quum vacationes suas quisque populus recitaret; nullius, quum in Italia hostis esset, præter Antiatem Ostiensemque, vacatio observata est: & earum coloniarum juniores jurejurando adacti, supra dies triginta non pernoctaturos se esse extra moenia coloniarum suarum, donec hostis in Italia esset. Quum omnes censerent, primo quoque tempore consulibus eundem ad bellum, (nam & Hasdrubali occurrendum esse descendentem ab Alpibus, ne Gallos Cisalpinos, neve Etruriam, erectam in spem rerum novarum, sollicitaret: & Hannibalem suo proprio occupandum bello, ne emergere ex Brutiis atque obviam fratri ire posset) Livius cunctabatur, parum fidens suarum provinciarum exercitibus: collegam ex duobus consularibus egregiis exercitibus; & tertio, cui Q. Claudius Tarenti præesset, electionem habere. intuleratque mentionem de volonibus revocandis ad signa. Senatus liberam potestatem consulibus fecit, & supplendi unde vellent, & eligendi de omnibus exercitibus, quos vellent, permutandique, & ex provinciis, quos à republica censerent esse, traducendi. Ea omnia cum summa concordia consulum acta. Volones in undevicesimam & vicesimam legiones scripti. Magni roboris auxilia ex Hispania quoque à P. Scipione M. Livio missa quidam ad id bellum auctores

auctores sunt: octo millia Hispanorum Gallorumque, & duo millia de legione militum, equitum mille, mixtos Numidas Hispanosque. M. Lucretium has copias navibus adduxisse: & sagittariorum funditorumque ad quatuor millia ex Sicilia C. Mamilium misisse.

XXXIX. Auxerunt Romæ tumultum literæ ex Gallia allatæ ab L. Porcio prætore: *Hædrubalem movisse ex hibernis, & jam Alpes transire: octo millia Ligurum conscripta armataque, conjunctura se transgresso in Italiam esse, nisi mitteretur in Ligures, qui eos bello occuparet. se cum invalido exercitu, quoad tutum putaret, progressurum.* Hæ literæ consules, raptim confecto delectu, maturius, quàm constituerant, exire in provincias coegerunt, eâ mente, ut uterque hostem in sua provincia contineret, neque conjungi, aut conferre in unum vires pateretur. Plurimum in eam rem adjuvit opinio Hannibalis: quod, etsi eâ ætate transiturum in Italiam fratrem crediderat, recordando quæ ipse in transitu nunc Rhodani, nunc Alpium, cum hominibus locisque pugnando per quinque menses exhausisset, haudquaquam tam facilem maturumque transitum expectabat. ea tardius movendi ex hibernis causa fuit. Ceterum Hædrubali & suâ & aliorum spe omnia celeriora atque expeditiora fuere. non enim receperunt modò Arverni cum, deincepsque aliæ Gallicæ atque Alpine gentes; sed etiam secutæ sunt ad bellum. & quum per munita pleraque transitu fratris, quæ antea invia fuerant, ducebat; tum etiam, duodecim annorum assuetudine perviis Alpibus factis, inter mitiora jam hominum transibat ingenia. Invisitati namque antea alienigenis, nec videre ipsi advenam in sua terra assueti, omni generi humano infociabiles erant. & primò ignari, quò Pœnus pergeret, suas rupes suæque castella, & pecorum hominumque prædam petere crediderant: fama deinde Punici belli, quò duodecimum annum Italia urebatur, satis edocuerat, viam tantum Alpes esse: duas prævalidas urbes, magno in-

ter se maris terrarumque spatio discretas, de imperio & opibus certare. hæ causæ aperuerant Alpes Hasdrubali. Ceterum quod celeritate itineris profectum erat, id morâ ad Placentiam, dum frustra obsidet magis, quàm oppugnat, corrumpit. Crediderat campestris oppidi facilem expugnationem esse: & nobilitas coloniae induxerat eum, magnum se excidio ejus urbis terrorem ceteris ratum injecturum. Non ipsum solum ea oppugnatione impediit; sed Hannibalem post famam transitus ejus, tanto spe suâ celeriores, jam moventem ex hibernis, continuerat. quippe reputantem, non solum quàm lenta urbium oppugnatione esset, sed etiam quàm ipse frustra eandem illam coloniam, ab Trebia victor regressus, tentasset.

XL. Consules, diversis itineribus profecti ab urbe; velut in duo pariter bella distenderant curas hominum, simul recordantium, quas primus adventus Hannibalis intulisset Italiae clades; simul, quum illa angeret cura, quos tam propitios urbi atque imperio fore Deos, ut eodem tempore utrobique respublica prospere gereretur? adhuc adversa secundis pensando rem ad id tempus extractam esse. quum in Italia ad Trasimenum & Cannas precipitasset Romana res, prospera bella in Hispania prolapsam eam crexisse. postea, quum in Hispania alia super aliam clades, duobus egregiis ducibus amissis, duos exercitus ex parte delisset multa, secunda in Italia Siciliaque gesta quassatam rempublicam excepisse: & ipsum intervallum loci, quod in ultimis terrarum oris alterum bellum gereretur, spatium dedisse ad respirandum. Nunc duo bella in Italiam accepta, duos celeberrimi nominis duces circumstare urbem Romanam, & unum in locum totam periculi molem, omne onus incubuisse. qui eorum prior vicisset, intra paucos dies castra cum altero iungiturum. terrebat & proximus annus lugubris duorum consulum funeribus. His anxii curis homines digredientes in provincias consules prosecuti sunt. Memoriae proditum est, plenum adhuc iræ in cives M. Livium,

um, ad bellum proficiscentem, monenti Q. Fabio, *ne, priusquam genus hostium cognosset, temere manum confereret.* respondisse: *Ubi primum hostium agmen conspexisset, pugnaturum.* Quum quæreretur, quæ causa festinandi esset? *aut ex hoste egregiam gloriam, inquit, aut ex civibus victis gaudium, meritum certe, etsi non honestum, capiam.* Priusquam Claudius consul in provinciam perveniret, per extremum finem agri Larinatis ducentem in Sallentinos exercitum Hannibalem cum expeditis cohortibus adortus, C. Hostilius Tubulus incompósito agmini terribilem tumultum intulit. ad quatuor millia hominum occidit, novem signa militaria cepit. Moverat ex hibernis ad famam hostis Q. Claudius, qui per urbes agri Sallentini castra disposita habebat. Itaque, ne cum duobus exercitibus simul conficeret, Hannibal nocte castra ex agro Tarentino movit, atque in Bruttios concessit. Claudius in Sallentinos agmen convertit. Hostilius, Capuam petens, obvius ad Venusiam fit consuli Claudio. Ibi ex utroque exercitu electa peditum quadraginta millia, duo millia & quingenti equites, quibus consul adversus Hannibalem rem gereret: reliquas copias Hostilius Capuam ducere jussus, ut Q. Fulvio proconsuli traderet.

XLI. Hannibal, undique contracto exercitu, quem in hibernis, aut in præsidiis agri Bruttii habuerat, in Lucanos ad Grumentum venit, spe recipiendi oppida, quæ per metum ad Romanos defecissent. eodem à Venusia consul Romanus exploratis itineribus contendit, & mille ferè & quingentos passus castra ab hoste locat. Grumentum mœnibus propè injectum videbatur Pœnorum vallum. quingenti passus intererant. Castra Punica ac Romana inter jacebat campus, colles imminebant nudi sinistro lateri Karthaginienſium, dextro Romanorum, neutris suspecti, quòd nihil silvæ neque ad insidias latebrarum habebant. In medio campo ab stationibus procursantes certamina, haud satis digna di-

ctu, ferebant. Id modò Romanum quærere apparebat, ne abire hostem pateretur. Hannibal, inde evadere cupiens, totis viribus in aciem descendebat. Tum consul, ingenio hostis usus, quo minùs in tam apertis collibus tueri insidiæ poterant, quinque cohortes, additis quinque manipulis, nocte jugum superare, & in averfis vallibus confidere jubet. tempus exsurgendi ex insidiis, & aggrediendi hostem, Ti. Claudium Afellum tribunum militum & P. Claudium præfectum sociùm edocet, quos cum iis mittebat. Ipse luce primâ copias omnes peditum equitumque in aciem eduxit. Paulo post & ab Hannibale signum pugnae propositum est, clamorque in castris ad arma discurrentium est sublatus. inde eques pedesque certatim portis ruere, ac palati per campum properare ad hostes. Quos ubi effusos consul videt, tribuno militum tertiae legionis C. Aurunculeio imperat, ut equites legionis, quanto maximo impetu possit, in hostem emittat. ita pecorum modo incompósitos toto passim campo se fudisse, ut sterni obterique, priusquam instruantur, possint.

XLII. Nondum Hannibal è castris exierat, quum pugnantium clamorem audivit. itaque, excitus tumultu, raptim ad hostem copias agit. Jam primos occupaverat equester terror. peditum etiam prima legio & dextra ala prælium inibant. incompósitos hostes, ut quemque aut pediti, aut equiti casus obtulit, ita conferunt manus. crescit pugna subsidiis, & procurrentium ad certamen numero augetur: pugnantisque (quod nisi in vetere exercitû, & duci veteri haud facile est) inter tumultum ac terrorem instruxisset Hannibal, nî cohortium ac manipulorum decurrentium per colles clamor, ab tergo auditus, metum, ne intercluderentur à castris, injecisset. Inde pavor incussus, & fuga passim fieri cœpta est. minorque cædes fuit, quia propinquitas castrorum brevior fugam percussis fecit. Equites enim tergo inhærebant: in transversa latera inva-

invaferant cohortes, secundis collibus viâ nudâ ac facili decurrentes. tamen supra octo millia hominum occisa: supra septingentos capti: signa militaria novem adempta: elephanti etiam, quorum nullus usus in repentina ac tumultuaria pugna fuerat, quatuor occisi, duo capti. Circa quingentos Romanorum sociorumque victores ceciderunt. postero die Pœnus quievit. Romanus, in aciem copiis eductis, postquam neminem signa contrâ efferre vidit, spolia legi cæsorum hostium, & suorum corpora collata in unum sepeliri iussit. inde insequentibus continuis diebus aliquot ita institit portis, ut prope inferre signa videretur: donec Hannibal tertiâ vigiliâ, crebris ignibus tabernaculisque, quæ pars castrorum ad hostes vergebat, & Numidis paucis, qui in vallo portisque se ostenderent, relictis, profectus Apuliam petere intendit. Ubi illuxit, successit vallo Romana acies. & Numidæ ex composito paulisper in portis se valloque ostentavere: frustra tique aliquandiu hostes, citatis equis agmen suorum assequuntur. Consul, ubi silentium in castris, & ne paucos quidem, qui primâ luce obambulaverant, parte ullâ cernebat, duobus equitibus speculatum in castra præmissis, postquam satis tuta omnia esse exploratum est, inferri signa iussit. tantumque ibi moratus, dum milites ad prædam discurrunt, receptui deinde cecinit, multoque ante noctem copias reduxit. Postero die primâ luce profectus, magnis itineribus famam & vestigia agminis sequens, haud procul Venusia hostem assequitur. Ibi quoque tumultuaria pugna fuit. supra duo millia Pœnorum cæsa. Inde nocturnis montanisque itineribus Pœnus, ne locum pugnandi daret, Metapontum petiit. Hanno inde (is enim præsidio ejus loci præfuerat) in Bruttios cum paucis ad exercitum novum comparandum missus. Hannibal, copiis ejus ad suas additis, Venusiam retro, quibus venerat itineribus, repetit, atque inde Canusium procedit. Nunquam

quam Nero vestigiis hostis abstiterat : & Q. Fulvium, quum Metapontum ipse proficisceretur, in Lucanos, ne regio ea sine præsidio esset, arcessierat.

XLIII. Inter hæc ab Hasdrubale, postquam à Placentiæ obsidione abscessit, quatuor Galli equites, duo Numidæ, cum literis ad Hannibalem missi, quum per medios hostes totam ferme longitudinem Italiæ crenati essent, dum Metapontum cedentem Hannibalem sequuntur, incertis itineribus Tarentum delati, à vagis per agros pabulatoribus Romanis ad Q. Claudium prætorem deducuntur. Eum primò incertis impli-
cantes responsis, ut metus tormentorum admotus fateri vera coëgit, edocuerunt, literas se ab Hasdrubale ad Hannibalem ferre. Cum iis literis, sicut erant, signatis, L. Virginio tribuno militum ducendi ad Claudium consulem traduntur. duæ simul turmæ Samnitium præsidii causâ missæ. qui ubi ad consulem per-
venerunt, literæque lectæ per interpretem sunt, & ex captivis percunctatio facta ; tum Claudius, non id tempus esse reipublicæ ratus, quo consiliis ordinariis provinciæ suæ quisque finibus per exercitus suos cum hoste destinato ab senatu bellum gereret, audendum aliquid improvisum, inopinatum, quod cœptum non minorem apud cives, quàm hostes, terrorem faceret, perpetratum in magnam lætitiâ ex magno metu verteret ; literis Hasdrubalis Romam ad senatum missis, simul & ipse Patres conscriptos, quid pararet, edocet, ut, quum in Umbria se occursum Hasdrubal fratri scribat, legionem à Capua Romam arcessant ; delectum Romæ habeant ; exercitum urbanum ad Narniam hosti opponant. Hæc senatui scripta. Præmissi item per agrum Larinatem, Marrucinum, Frentanum, Prætutianum, quâ exercitum ducturus erat, ut omnes ex agris urbibusque commeatus paratos militi ad vescendum in viam deferrent, equos jumenta que alia producerent, ut vehiculorum fessis copia esset. Ipse de toto exercitu
civium.

civium sociorumque, quod roboris erat, delegit, sex millia peditum, mille equites: pronunciat, occupare se in Lucanis proximam urbem Punicumque in ea præsidium velle; ut ad iter parati omnes essent. Profectus nocte flexit in Picenum. Et consul quidem, quantis maximis itineribus poterat, ad collegam ducebat, relicto Q. Catio legato, qui castris præesset.

XLIV. Romæ haud minus terroris ac tumultus erat, quàm fuerat biennio antè, quum castra Punica obiecta Romanis mœnibus portisque fuerant. neque satis constabat animis, tam audax iter consulis laudarent vituperarentne. Apparebat (quo nihil iniquius est) ex eventu famam habiturum. *Castra prope Hannibalem hostem relicta sine duce cum exercitu, cui detractum foret omne, quod roboris, quod floris fuerit; & consulem in Lucanas ostendisse iter, quum Picenum & Galliam peteret, castra relinquentem nullâ aliâ re tutiora, quàm errore hostis, qui ducem inde atque exercitus partem abesse ignoraret. Quid futurum, si id palam fiat? & aut insequi Neronem, cum sex millibus armatorum profectum, Hannibal toto exercitu velit; aut castra invadere, prædæ relicta, sine viribus, sine imperio, sine auspicio? Veteres ejus belli clades, duo consules proximo anno interfecti terrebant. Et ea omnia accidisse, quum unus imperator, unus exercitus hostium in Italia esset: nunc duo bella Punica facta, duos ingentes exercitus, duos propè Hannibales in Italia esse. quippe & Hasdrubalem, patre eodem Hamilcare genitum, æquè impigrum ducem, per tot in Hispania annos Romano exercitatum bello, geminâ victoriâ insignem, duobus exercitibus cum clarissimis ducibus deletis. Nam itineris quidem celeritate ex Hispania & concitatis ad arma Gallicis gentibus multo magis, quàm Hannibalem ipsum, gloriari posse. quippe in iis locis hunc cœgisse exercitum, quibus ille majorem partem militum fame ac frigore, quæ miserrima mortis genera sunt, amisisset. Adiciebant etiam periti rerum Hispaniæ, haud cum ignoto duce C. Nerone congressurum: sed quem in saltu impedito de-*
prehen-

prehensus fortè, haud secus quàm puerum, conscribendis fallacibus conditionibus pacis frustratus elusisset. Omnia majora etiam vero præsidia hostium, minora sua, metu interprete, semper in deteriora inclinato, ducebant.

XLV. Nero postquam jam tantum intervalli ab hoste fecerat, ut detegi consilium satis tutum esset, paucis milites alloquitur. *Negat ullius consilium imperatoris in speciem audacius, re ipsâ tutius fuisse, quàm suum. Ad certam eos se victoriam ducere. quippe ad quod bellum collega non antè, quàm ad satietatem ipsius peditum atque equitum data ab senatu copia fuissent majores instructioresque, quàm si adversus ipsum Hannibalem iret, profectus sit, eò ipsos, quantumcunque virium momentum addiderint, rem omnem inclinatueros. Audium modò in acie (nam, ne antè audiretur, daturum operam) alterum consulem & alterum exercitum advenisse, haud dubiam victoriam facturum. Famam bellum conficere, & parva momenta in spem metumque impellere animos. Glorie quidem ex re bene gesta partem fructum propè omnem ipsos laturos. Semper, quod postremum adjectum sit, id rem totam videri traxisse. Cernere ipsos, quo concursu, quâ admiratione, quo favore hominum iter suum celebretur. Et, Hercule, per instructa omnia ordinibus virorum mulierumque, undique ex agris effusorum, inter vota & preces & laudes ibant: illos præsidia reipublicæ, vindices urbis Romæ imperiique appellabant: in illorum armis dextrisque suam, liberumque suorum salutem ac libertatem repositam esse. Deos omnes Deasque precabantur, ut illis faustum iter, felixque pugna, matura ex hostibus victoria esset: damnarenturque ipsi votorum, quæ pro iis suscepissent. Ut, quemadmodum nunc solliciti prosequerentur eos, ita paucos post dies lati ovantibus victoriâ obviâ irent. Invitare inde pro se quisque, & offerre, & fatigare precibus, ut, quæ ipsis jumentisque usui essent, ab se potissimum sumerent. benignè omnia cumulata dare. Modestiâ certare milites, ne quid ultra*

tra usum necessarium sumerent: nihil morari, nec ab signis abstinere cibum capientes: diem ac noctem ire: vix, quod satis ad naturale desiderium corporum esset, quieti dare. Et ad collegam præmissi erant, qui nunciarent adventum, percunctarenturque, clam an palam, interdiu an noctu, venire sese vellet, iisdem an aliis confidere castris. Nocte clam ingredi melius visum est.

XLVI. Tessera per castra ab Livio consule data erat, ut tribunum tribunus, centurio centurionem, eques equitem, pedes peditem acciperet. neque enim dilatari castra opus esse, ne hostis adventum alterius consulis sentiret: & coartatio plurium in angusto tendentium facilior futura erat, quod Claudianus exercitus nihil ferme, præter arma, secum in expeditionem tulerat. Ceterum in ipso itinere auctum voluntariis agmen erat; offerentibus sese ultro & veteribus militibus perfunctis jam militiâ, & juvenibus, quos certatim nomina dantes, si quorum corporis species roburque virium aptum militiæ videbatur, conscripserat. Ad Senam castra alterius consulis erant: & quingentos inde ferme passus Hasdrubal aberat. Itaque quum jam appropinquaret, tectus montibus substitit Nero, ne ante noctem castra ingrederetur. Silentio ingressi, ab sui quisque ordinis hominibus in tentoria abducti, cum summa omnium lætitia hospitaliter excipiuntur. Postero die concillum habitum, cui & L. Porcius Licinus prætor adfuit. Castra juncta consulum castris habebat: & ante adventum eorum, per loca alta duccendo exercitum, quum modò insideret angustos saltus, ut transitum clauderet, modò ab latere aut ab tergo carperet agmen, ludificatus hostem omnibus artibus belli fuerat. is tum in concilio aderat. Multorum eò inclinant sententiæ, ut, dum fessum viâ ac vigiliis reficeret militem Nero, simul & ad noscendum hostem paucos sibi sumeret dies, tempus pugnæ differretur.

Ne-

Nero non suadere modò, sed summâ ope orare institit, ne consilium suum, quod tutum celeritas fecisset, temerarium morando facerent. *Errore (qui non diuturnus futurus esset) velut torpentem Hannibalem, nec castra sua sine duce relicta aggredi, nec ad sequendum se iter intendisse. antequam se moveat, deleri exercitum Hasdrubalis posse, redireque in Apuliam. Qui prolatando spatium hosti det, cum & illa castra prodere Hannibali, & aperire in Galliam iter, ut per otium, ubi velit, Hasdrubali jungatur. Extemplo signum dandum, & exeundum in aciem: abutendumque errore hostium absentium presentiumque; dum neque illi sciant cum paucioribus, nec hi cum pluribus & validioribus rem esse. Concilio dimisso; signum pugnae proponitur, confestimque in aciem procedunt.*

XLVII. Jam hostes ante castra instructi stabant; moram pugnae attulit, quòd Hasdrubal, proventus ante signa cum paucis equitibus, scuta vetera hostium notavit, quæ antè non viderat, & strigosiores equos: multitudo quoque major solitâ visa est. Suspensus enim id quod erat, receptui propere cecinit, ac misit ad flumen, unde aquabantur: ubi & excipi aliqui possent, & notari oculis, si qui fortè adustioris coloris, ut ex recenti via, essent; simul circumvehi procul castra jubet specularique, num auctum aliquâ parte sit vallum: & ut attendant, semel bisne signum canat in castris. Ea quum ordine omnia relata essent, castra nihil aucta errorem faciebant. Bina erant, sicut ante adventum consulis alterius fuerant: una M. Livii, altera L. Porcii: neutris quicquam, quo latius tenderetur, ad munimenta adjectum. Illud veterem ducem assuetumque Romano hosti movit; quòd semel in prætoriiis castris signum, bis in consularibus referebant cecinisse. duos profectò consules esse, & quonam modo alter ab Hannibale abscessisset, cura agebat. Minimè id, quod erat, suspicari poterat, tantæ rei frustratione Hannibalem elusum, ut, ubi dux, ubi exercitus esset, cum quo castra

castra collata haberet, ignoraret. Profectò haud mediocri clade absteritum insequi non ausum. magno-pere vereri, ne perditis rebus serum ipse auxilium venisset: Romanisque eadem jam fortuna in Italia, quæ in Hispania, esset. interdum, literas suas ad eum non pervenisse, credere: interceptisque iis, consulem ad sese opprimendum accelerasse. His anxius curis, extinctis ignibus, vigiliâ primâ dato signo, ut taciti vasa colligerent, signa ferri iussit. In trepidatione & nocturno tumultu duces parum intentè asservati, alter in destinatis jam antè animo latebris subsedit, alter per vada nota Metaurum flumen tranavit. ita desertum à ducibus agmen primò per agros palatur; fessique aliquot somno ac vigiliis sternunt corpora passim, atque infrequentia relinquunt signa. Hasdrubal, dum lux viam ostenderet, ripâ fluminis signa ferri jubet: & per tortuosi amnis sinus flexusque errorem volvens haud multum processit, ubi prima lux transitum opportunum ostendisset, transiturus. sed quum; quantum mare abscedebat, tanto altioribus coërcentibus amnem ripis, non inveniret vada, diem terendo spatium dedit ad insequendum sese hosti.

XLVIII. Nero primùm cum omni equitatu advenit. Porcius deinde affecutus cum levi armatura. Qui quum fessum agmen carperent ab omni parte incurserentque; & jam, omisso itinere, quod fugæ simile erat, castra metari Pœnus in tumulto super fluminis ripam vellet; advenit Livius peditum omnibus copiis, non itineris modo, sed ad conferendum extemplo prælium instructis armatisque. Sed ubi omnes copias conjunxerunt, directaque acies est, Claudius dextro in cornu, Livius ab sinistro pugnam instruit: media acies prætori tuenda datur. Hasdrubal, omisâ munitione castrorum, postquam pugnandum vidit, in prima acie ante signa elephantos collocat. circa eos lævo in cornu adversus Claudium Gallos opponit, haud tantum

tum eis fidens, quantum ab hoste timeri eos credebat. ipse dextrum cornu adversus M. Livium sibi atque Hispanis (& ibi maximè in veteri milite spem habebat) sumpsit. Ligures in medio post elephantos positi; sed longior, quàm latior, acies erat. Gallos prominens collis tegebat. Ea frons, quam Hispani tenebant, cum sinistro Romanorum cornu concurrat. dextra omnis acies extra prælium eminens cessabat. collis oppositus arcebat, ne aut à fronte, aut ab latere aggrederentur. Inter Livium Hasdrubalemque ingens contractum certamen erat, atroxque cædes utrinque edebatur. ibi duces ambo, ibi pars major peditum equitumque Romanorum: ibi Hispani, vetus miles peritusque Romanæ pugnae, & Ligures, durum in armis genus. eodem versu elephantis, qui primo impetu turbaverant antesignanos, & jam signa moverant loco: deinde, crescente certamine & clamore, impotentius jam regi, & inter duas acies versari, velut incerti quorum essent: haud dissimiliter navibus sine gubernaculo vagis. Claudius, *Quid ergo præcipiti cursu tam longum iter emensi sumus?* clamitans militibus, quum in adversum collem frustra signa erigere conatus esset, postquam eâ regione penetrari ad hostem non videbat posse; cohortes aliquot subductas è dextro cornu, ubi stationem magis segnem, quàm pugnam, futuram cernebat, post aciem circumducit. & non hostibus modò, sed etiam suis inopinantibus, in sinistram hostium latus incurrit: tantaque celeritas fuit, ut, quum ostendissent se ab latere, mox in terga jam pugnarent. Ita ex omnibus partibus, ab fronte, ab latere, ab tergo, trucidantur Hispani Liguresque: & ad Gallos jam cædes pervenerat. Ibi minimum certaminis fuit. nam & pars magna ab signis aberant, nocte dilapsi, stratique somno passim per agros: & qui aderant, itinere ac vigiliis fessi, intolerantissima laboris corpora, vix arma humeris gestabant. Et jam diei medium erat, sitisque &

& calor hiantes cædendos capiendosque affatim præbebat.

XLIX. Elephanti plures ab ipsis rectoribus, quàm ab hoste, interfecti. fabrilè scalprum cum malleo habebant: id, ubi sævire belluæ ac ruere in suos cœperant, magister inter aures positum, ipso in articulo, quo jungitur capiti cervix, quanto maximo poterat ictu, adigebat. Ea celerrima via mortis in tantæ molis bellua inventa erat, ubi regendi spem vicissent. primusque id Hasdrubal instituerat, dux quum sæpe aliàs memorabilis, tum illà præcipuè pugnâ. Ille pugnantem hortando, pariterque obeundo pericula, sustinuit: ille fessos abnuentesque tædio & labore, nunc præcandendo, nunc castigando, accendit: ille fugientes revocavit, omissamque pugnam aliquot locis restituit. postremò, quum haud dubiè fortuna hostium esset, ne superesset tanto exercitui suum nomen secuto, concitato equo se in cohortem Romanam immisit. Ibi, ut patre Hamilcare & Hannibale fratre dignum erat, pugnans cecidit. Nunquam eo bello unâ acie tantum hostium interfectum est, redditaque æqua Cannensî clades, vel ducis, vel exercitus interitu, videbatur. Quinquaginta sex millia hostium occisa: capta quinque millia & quadringenti: præda alia magna tum omnis generis, tum auri etiam argentique. Civium etiam Romanorum, qui capti apud hostes erant, supra quatuor millia capitum recepta. id solatii fuit pro amissis eo prælio militibus. Nam haudquaquam incruenta victoria fuit: octo ferme millia Romanorum sociorumque occisa. Adeoque etiam victores sanguinis cædisque ceperat satietas, ut postero die, quum esset nunciatum Livio consuli, Gallos Cisalpinos Liguresque, qui aut prælio non adfuissent, aut inter cædem effugissent, uno agmine abire sine certo duce, sine signis, sine ordine ullo, aut imperio; posse, si una equitum ala mittatur, omnes

omnes deleri; *Super sint*, inquit, *aliqui nuncii, & hostium cladis & nostræ virtutis.*

L. Nero eâ nocte, quæ secuta est pugnam, citatiore, quàm inde venerat, agmine, die sexto ad stativa sua, atque ad hostem pervenit. Iter ejus frequentiam minore, quia nemo præcesserat nuncius, lætitiâ verò tantâ, vix ut compotes mentium præ gaudio essent, celebratum est. Nam Romæ neuter animi habitus satis dici enarrarique potest; nec quo incerta expectatione eventus civitas fuerit, nec quo victoriæ famam accepit. Nunquam per omnes dies, ex quo Claudium consulem profectum fama attulit, ab orto sole ad occidentem, aut senator quisquam à curia atque à magistratibus abcessit, aut populus è foro. Matronæ, quia nihil in ipsis opis erat, in preces obtestationesque versæ, per omnia delubra vagæ suppliciis votisque fatigare Deos. tam sollicitæ ac suspensæ civitati fama incerta primò accidit, duos Narnienses equites in castra, quæ in faucibus Umbriæ opposita erant, venisse ex prælio, nuntiantes cæsos hostes. Et primò magis auribus, quàm animis, id acceptum erat, ut majus lætiusque, quàm quod mente capere, aut satis credere possent: & ipsa celeritas fidem impediabat, quòd biduo antè pugnatum dicebatur. Literæ deinde ab L. Manlio Acidino missæ ex castris afferuntur de Narniensium equitum adventu. Eæ literæ, per forum ad tribunal prætoris lætæ, senatum curiâ exciverunt: tantoque certamine ac tumultu populi ad fores curiæ concursus est, ut adire nuncius non posset, trahereturque à percunctantibus vociferantibusque, ut in Rostris prius, quàm in senatu, literæ recitarentur. tandem summoti & coërciti à magistratibus: dispensarique lætitia inter impotentes ejus animos potuit. In senatu primùm, deinde in concione, literæ recitatæ sunt: & pro cujusque ingenio, aliis jam certum gaudium, aliis nulla antè futura fides erat, quàm legatos consulumve literas audissent.

LI. Ipsos

LI. Ipsos deinde appropinquare legatos allatum est. tum enim vero omnis ætas currere obvii, primus quisque oculis auribusque haurire tantum gaudium cupientes. ad Mulvium usque pontem continens agmen pervenit. Legati (erant L. Veturius Philo, P. Licinius Varus, Q. Cæcilius Metellus) circumfusi omnis generis hominum frequentia in forum pervenerunt; quum alii ipsos, alii comites eorum, quæ acta essent, percunctarentur, & ut quisque audierat, exercitum hostium imperatoremque occisum, legiones Romanas incolumes, salvos consules esse, extemplo aliis porro impertiebant gaudium suum. Quum ægre in curiam perventum esset, multo ægrius summotâ turba, ne Patribus misceretur, literæ in senatu recitatæ sunt. inde producti in concionem legati. L. Veturius, literis recitatis, ipse planius omnia, quæ acta erant, exposuit cum ingenti assensu, postremò etiam clamore universæ concionis, quum vix gaudium animis caperent. Discursum inde ab aliis circa templa Deum, ut grates agerent; ab aliis domos, ut conjugibus liberisque tam lætum nuncium impertirent. Senatus, quòd M. Livius & C. Claudius consules, incolumi exercitu, ducem hostium legionesque occidissent, supplicationem in triduum decrevit. eam supplicationem C. Hostilius prætor pro concione edixit, celebrataque à viris feminisque est. Omnia templa per totum triduum æqualem turbam habuere: quum matronæ amplissimâ veste cum liberis, perinde ac si debellatum foret, omni solutæ metu, Deis immortalibus grates agerent. Statum quoque civitatis ea victoria movit: ut jam inde, haud secus quàm in pace, res inter se contrahere, vendendo, emendo, mutuum dando, argentum creditum solvendo, auderent. C. Claudius consul quum in castra redisset, caput Hasdrubalis, quod servatum cum cura attulerat, projici ante hostium stationes, captivosque Afros viâctos, ut erant, ostendi, duos etiam ex iis solutos

tos ire ad Hannibalem; & expromere, quæ acta essent, iussit. Hannibal, tanto simul publico familiarique iustus luctu, *agnoscere se fortunam Karthaginis*, fertur dixisse: castrisque inde motis, ut omnia auxilia, quæ diffusa latius tueri non poterat, in extremum Italiz angulum Bruttios contraheret, & Metapontinos, civitatem universam, excitos sedibus suis, & Lucanorum qui suæ ditionis erant, in Bruttium agrum traduxit.

Finis tomi secundi.

he said it was not time
for deliberation

he gets in between
them & the Affidavits
and cut off all their com-
munication with the Press

are thinking to put out
to see in shapes

the camp of the enemy
is not more true any
more.

Blef

China & America

... most interesting comes
as it is one of the
very last fled

... An equal number of
Diamonds & Gallies & 2
sails to be slain

*where you
ag. I talk to*

NEDL TRANSFER



HN 765D S

*asked him fighting then
will say*

*you go in
shall not
you away if easy here*



